

# 是咁的，我同女神做咗鄰居

作者: 萬言

Powered by [紙言](#)

# 前言

呢篇文係小弟人生第一次寫既故仔

寫得唔好請多多包涵 歡迎大家討論劇情

希望大家會鍾意呢個故事

最後想請問有無人可以幫我放上連登，小弟冇連登AC，唔該晒

# 粵語殘片

「啊仔，快啲執埋啲嘢去啦，唔好再睇電話啦。」我媽大聲地叫。

「得得得，我咪執緊囉，煩！」跟大部份年青人一樣，我都覺得我媽好煩。

「煩你個頭啊，你過到去英國我都冇得再煩你啦。」

「係係係，唔煩唔煩，我媽最好。」於是我便繼續將我的日常用品放進噏行李箱中。

我叫萬浩言，剛考完DSE，打算到外國升學，我讀書不好，讀文科，外表自問不差，算係中上，平時喜歡打籃球及羽毛球，是羽毛球校隊。

回到正題，因為我今晚就要上飛機，所以我現在要把握每一分每一秒，將需要用的東西放進行李箱中。

我是個典型的Deadline fighter，每一次都只會在最後的那一秒才把應該做的事做完，我十分討厭自己這種性格。

經過慢長的奮鬥後，我差不多把所有的東西都執拾好了，我的房間中只剩下最後一個箱子，箱內放有數十張珍貴的相片。

每回看見這個箱子，我都會回想起跟她相識至相戀，那段美好的回憶。一齊都要由那個夏天說起...

## 2.

還記得當年，就在Form 2升Form 3的那個暑假，

我一如以往，躲在自己的房間打機，跟我打機的還有我在中學最好的朋友，啊正

我跟他兩年都同班，於是便成為了朋友，大家的興趣都差不多，打波打機，因此常常都一起遊玩。

「屌你老母你真係唔L係扮嘍，你係真係On9嘍。」啊正對著我說。

「Sor Sor Sor，眼殘睇唔到條友，大佬唔好嬲。」我跟啊正打的機是一款射擊遊戲，叫Rainbow six。我玩得很差，反應跟槍法也不及啊正，所以我常常也比他責罵，我亦已經習慣了。

「叮噹」，我家的門鐘響起「邊個係呢個時候揸鐘啊，阻住晒，喂正哥我去開門先。」

「快啲返啊，就輸啦我哋。」啊正大叫。

「嚟啦等陣！」我朝著門口叫 我隨即便打開我家大門，迎面以來的是一個和藹可親的男人，以及一個屬於女神級別的女生，

她有一把長頭髮，綁了馬尾，兩隻水汪汪的大眼，最重要的是，她擁有一雙大長腿，身上更傳來陣陣花香。我想應該沒有男生能抗拒她

我看見後呆了一呆，心想「點解會有個咁靚既女仔企係我屋企門口到？」

「你好啊，我哋係新搬嚟既，住你隔離，諗住同你打聲招呼。我姓周既，呢個係我個女。」那個男人說。

「童童，同人介紹下自己啦。」周叔叔跟在他旁邊的女生說。

「你好啊，我叫周樂童。」那個女生笑著說。

看見如此漂亮的女生我當然不會放棄任何跟她交流的機會 (我不是狗公)

「哈囉，我叫萬浩言。」我親切地說，我盡量表現得開朗，希望可以吸引到女神的注意。

「你屋企得你一個啊？屋企人返咗工？」周叔叔問

「係啊，成個暑假都係得我一個係屋企到，屋企人又返晒工，終日無所事事，做緊廢青啊！」我打趣地說。

「咁你得閒可以過嚟同童童玩下嘍，反正我之後返咗工都係得返童童一個，起碼多個人無咁悶，又有個照應。」

此時我內心已經十分興奮，我女神的父親竟然邀請我過去女神屋企，一個可遇不可求的絕佳機會，我是不是在發夢。

雖然心中很興奮，但我卻沒有表露出來。我微微一笑「好呀！」

「咁我都唔阻你太耐啦，bye bye。」周叔叔說「bye bye。」我揮揮手，隨後便把大門關上。

我嘆了口氣，恨不得跟他說，「唔阻，我好多時間添，可以慢慢傾。」

不過來日方長，怎怕沒有機會，我安慰自己。

「喂大佬我返嚟啦。」

「屌你，你唔好再遲啲，輸L咗啦仆街，我地打緊排名嘍，冇啦啦走咗去，谷9氣。」啊正不斷責罵我。

「Sor sor sor，頭先去咗開門，跟住呢... 就係咁，你話係咪好神奇先。」

我告訴他則剛才所發生的事。「你條友唔好講得就講啲，講大話都唔好講得咁離譜，相都冇張想呢我？你當我好呃㗎？下次講句對唔住咪原諒你囉。」

「唔係啊我有...」

「收皮啦你，快快趣開過鋪新既好過啦。」

「唔信咪算囉.....宜家開。」

### 3.

踏入八月，我的生活依舊是十分沉悶，

唯一值得我期待之處就是住在我隔壁的周樂童。

雖然自從上次她介紹自己後我便沒有再見過她，

但是我有時卻會在廚房中聽見她那動聽的說話聲。(她的廚房在我家廚房旁邊，很容易就會聽到她們家的對話聲。)

而我仍然很掛念她，那燦爛的笑容令我難以忘懷，不能忘記。

我只奢望能再看見她一眼，就算只是一眼也好，

可惜自從上次見面後，就再也沒有見過她了，原因是我足不出戶，終日留在家中跟啊正打機，

試問我留在家中又怎會有機會再見到她呢？於是我便暗自決定，要多一點出街。

於是我每天都會出街，為的，是希望再次見到周樂童。

這天，我的媽媽剛回來，拿著兩大袋的餸菜，我身為一個乖孩子，自然從房間走了出去，幫母親大人拿那兩大袋餸菜，並且將它們放進廚房。

「哎呀，我好似唔記得咗買水果添。」

我當然會好好把握機會，「媽啊，你平時都辛苦啦，我幫你落去買啦。」

「又會突然咁乖既，好啦唔該你落去買啦。」

於是我便立即更衣，拿起電話及環保袋便出去了。

剛出門口，正在等待那緩慢的升降機時，我突然聞到一陣花香味，難道是...

「咦，萬浩言你都係到既？你去邊啊？」這時我朝思暮想的周樂童戲劇性地出現了。

皇天果然不負有心人，竟然真的給我遇上了她，我的女神。

我看了看她，笑著對她說「我去百佳幫啊媽買水果啊，你呢？」

「原來你咁乖㗎，咁啱我宜家都係去百佳，不如一齊行丫？」我有沒有聽錯，我女神竟然邀請我跟她一齊行!?

但是我冇將內心既感受表露出來，我的嘴角上揚了一下，「咳，好啊。」

我嘗試強行掩飾自己內心的興奮。沿途我當然會抓緊機會跟她談天，希望能多了解她。

「其實你幾多歲㗎?讀緊中幾?」我問。

「喂你識唔識規矩㗎? 比啲誠意，你講咗自己幾多歲先。」此刻的她就像個小女孩，比平時多了一份可愛。

「唉算，我今年十四歲，嚟緊升上中三。我講完啦，到你。」

「等等，比我問多樣嘢先，你讀邊間中學㗎?」

我模仿她剛才的語氣及表情，對著她說「喂你識唔識規矩㗎? 比啲誠意，你講咗自己讀邊間中學先。」

「係咪未死過啊你，串我!？」她扮作生氣地說。

「Sorry喎，我真係未死過，會點㗎?」我笑著跟她說。

她突然目露凶光，然後一拳打在我身上。

「講!」

「Sorry 大佬，我讀XX中學。哇好痛啊，小姐你下次細力啲得唔得。」

我雖然口中裝作很痛，但實際上我卻很开心，比你喜歡的人打，你根本不會感到任何痛楚，相反你的內心會感到很溫暖。

「男人老狗咁鬼廢㗎，比我打一拳都咁大反應。」她以鄙視我的眼神看著我說。

「咁你真係大力啊嘛，我講完啦到你講啦。」

「哼，乜你冇聽過年齡係女人最大既秘密咩。我係唔會同你講我幾多歲㗎。」她笑著跟我說

「你...你好野，做人做到你咁賤。」

「你講多次!」她怒視著我。

「冇野冇野，話...話你靚啫。」我們一路上就這樣打打鬥鬥，終於去到了百佳。

「係呢，你嚟百佳買咩啊?」我問周樂童。

「買雪糕囉。」說完她便自顧自地走了去雪糕櫃。

我也沒理會她，走去隨便拿幾個水果放進袋中。

「啊言! 你食咩味啊。」周樂童不知何時走到我背後問我。

「你問我啊?」我嚇了一跳。「緊係問你啦，唔係問你問邊個。」

我心中大喜，女神竟然邀請我跟她食雪糕。

「朱古力味！」我興奮地回答。

於是我們便去了付款，之後便在百佳外開始吃雪糕。

「係呢，點解你鍾意食雪糕既？」我問她。

「因為好食囉，係咁熱既天氣食杯雪糕即刻舒服晒。」

「唔驚肥咩你，好似個個女仔都怕肥。」

「咁好味啊嘛，肥...肥咪之後再減囉。」我越來越喜歡眼前這個女生了。

我抬頭一望，看見她的嘴角髒了，於是便情不自禁地把手伸出，幫她抹走，

我們兩個都呆了一呆，我隨即便反應過來，

「我究竟係到做緊咩？」我心中有把聲音問。

「對...對唔住，我有心嘍。」我立即跟她道歉。

她頓時變得滿面通紅，並說「唔緊要。」

我們草草吃完雪糕，便開始回家，

歸家路上，我們都一言不發，大概都在回想剛才所發生的事。

「會唔會周樂童就咁髒咗我嘍，應該唔會掛，頭先都玩得咁開心，萬浩言啊萬浩言，你今次真係比自己害死。」我心裏想。

為了結束如此尷尬的氣氛，我決定主動開口。

「咳，周樂童啊，我頭先真係冇心嘍，只係見你個嘴污糟咗，所以先幫你抹咗，對唔住啊，唔好髒啦。」

此時周樂童撲哧一笑，「哈哈哈哈哈，你以為我髒你啊？我係到諗緊下次食咩味咋。」

我頓時放下了心頭大石，鬆了一口氣。

若能當我女朋友便好了，換轉是其他女生，大概一早已經罵我變態再告我非禮。

出了升降機後，我便跟她道別。「Bye Bye啦周樂童。」

我揮了揮手。

「喂」她說。我回過頭來看著他。

「你呢，唔好再周樂童周樂童咁叫我啦，叫我啊童咪得囉。仲有你聽日得唔得閒，不如我地再去食雪糕。」她問。

真的嗎？我是不是在發夢，女神邀請我跟她食雪糕？

「得閒啊，啊童。」我刻意拉長那個童字。

「不如你比你電話我，方便聯絡。」啊童問我

女神竟然主動向我擺電話？「記住啦，我電話係XXXX XXXX。」

「OK 聽日見，bye。」啊童說 我揮了揮手便進入家中。

「死仔搞咩搞咁耐。」一回家我媽就問。

「行得慢啫。」然後我便走進房中。

我難掩我心中興奮之情，心裏時時刻刻都在回想剛才所發生的事，

坐在床上細細回味，傻傻地看著電話，期待著啊童Whatsapp我。

「叮」我馬上拿起我的電話，果然不出我所料，

「Hello! 我係啊童，記住你應承過我聽日會陪我出去食雪糕㗎，唔準放我飛機，如果唔係我打死你，唔好忘記我住你隔離㗎咋，隨時都可以過嚟打你。」

我先回覆了她，「知啦大小姐，聽日一定同你出去食雪糕，反正我全日都得閒。」

然後我便把她的名字設定成「童」。想到跟她的關係突飛猛進，我不自覺地笑了起來。

「啊仔做咩啊你，無端端自己係到傻笑。係咪有病啊你。」老媽一臉擔心地說。

我想起因為幫老媽買水果，才能遇上啊童，再跟她一起吃雪糕。於是便沖口而出，對著老媽興奮地說，

「啊媽多謝你啊！」

「陰公囉，真係痴咗線。」老媽搖了搖頭後離去。

## 4.

這晚，我吃過飯後便躲進自己房間中，跟啊正打機。

「屌你，我講L咗幾多次，唔好，係唔好咁樣走位啊！你咁樣做緊係被人射死啦。屌你又輸啦我地，排位嚟㗎，我由黃金跌到落黃銅啦，你認真啲得唔得啫。」

我又被啊正責罵。

「得得得，對唔住，我錯我錯。喂同你講樣野丫，我上次咪話隔離屋有個女神既，

我今日出街既時候撞到佢啦，真係講都唔信，佢邀請我同佢一齊食雪糕，跟住我仲抄咗佢牌添，仲約咗佢聽日一齊去街，勁唔勁先。」我囂張地說。

當然，以上我所說的有誇大了的成份，

將她問我拿電話，變成我問她拿電話。

「你又作故仔啊？你點會約到女出街啊，你仲要話係女神。同埋如果佢真係你所講咁靚，佢一定已經有仔啦，點會輪到你同佢出街啊。」啊正恥笑我。

「喂話晒我個樣都唔差丫，又風趣幽默，約到女有幾出奇啫。同埋佢真係好靚女㗎，你點先肯信我啫。」我問他。

「被相嚟睇下囉，有圖有真相，有相我咪知佢係咪真係好似你講得咁靚。」

「得，我聽日同佢出街既時候影張相被你睇。」

打完機後我便上床睡覺，但卻在床上輾轉難眠，啊童的樣子，身上獨有的花香味，

她的笑聲，她的背影，全部都在我的腦中揮之不去。

一想起明天我就能跟她再一次出街食雪糕，我心中就十分興奮，恨不得立即睡著，快點到明天。

可惜事如願違，我在床上遲遲未能睡著。

好不容易到了第二天，我一早便起了床，只比平時上學起床的時間遲了十分鐘。

「嘩啊仔，你最近搞咩啊，奇奇怪怪咁，琴日咁主動幫我落去買水果，

跟住買咗成四十分鐘，明明百佳係屋企附近啫，返嚟又無端端自己係到笑，

今日仲恐怖，平時打羅打鼓叫你，你都唔起身，成個暑假我都無試過返工之前會見到你，

今日晨咁早就自己彈咗起身。我最近睇啲報導話宜家中學生好大壓力，

啊仔你係咪壓力大得滯，患咗個啲咩精神病啊。」啊媽一臉擔心地問我。

「啊媽你唔好玩啦，你個仔我宜家想建立一個早睡早起既習慣得唔得啊，

我宜家發奮上進，早起溫書啊，同埋我幫輕下你唔得既，

咁我見你平時返工咁辛苦，於是咪幫你落家買水果囉。

咁要揀啲靚既水果㗎嘛，於是咪去咗咁耐囉。」我說。

「係咩~，咁點解琴晚我食個個橙係爛既~」媽刻拉長尾音問我。

「哦，係咩，哈...哈，可能我買到返嚟之後難咗掛。咦啊媽你唔係要出門口啦咩，快啲出啦，如果唔係遲到就唔好啦。」

「丫係嗰，掛住同你講野唔記得咗添。Bye bye 啦。」說完便出了門口。

我跟她揮了揮手，然後便去廁所沖涼，希望以最好最乾淨的一面來跟啊童出街。

家中沒有人，相信是每一個青少年都想發生的事，因為可以在家中更自由，無拘無束地做自己喜歡的事，

而我所喜歡的事，當然是打機了，甚麼早起溫習簡直是廢話，

我在電腦桌前坐下來，好好享受打機的時光。

為甚麼要打機？

因為打機能令時間過得快一些，好讓我能盡快跟啊童出街。

## 5.

轉眼便到了中午，因為我沒有留飯，又懶得落街買午餐，於是我便打算自己煮飯。

我走進廚房，打開雪櫃，打算看看家裏有甚麼可以煮來食。

「唔，有咩好食呢，有蛋，有雞，咦可以整滑蛋雞排飯啫。好，開工。」

正如我先前所說，家裏沒有人其中一個好處是可以無拘無束地做自己喜歡的事，

而除了打機而外，另外一樣我喜歡做的事情就是唱歌。

因為我覺得自己唱得很難聽，所以我從來都不敢在別人面前唱歌，

所以每當我家沒有人時，我都會抓緊機會放聲高歌。

於是我便唱著K歌之王去煮滑蛋雞排飯。

當我唱剛唱完第一段時，突然窗外傳來拍掌聲。

我瞬間反應過來，即時想到如果我平時能在廚房中聽見她啊童的說話聲，

那我現在在廚房中高歌，她應該也會聽得到啊。

我頓時責怪自己為何如此大意，待會一定會被啊童恥笑。

我苦笑了一下，不敢聯想啊童現在的反應。

突然，一把甜美的聲音從窗外傳來

「估你唔到啫，原來你唱歌咁好聽。」她說。

「吓！我唱歌好聽？」我驚訝地問她。

「係啊，做咩咁大反應既你，你唔知你自己唱歌好聽㗎嘛？音準又有感情，又想到高音啫，最重要係把聲好聽嘛。」她說。

「真係㗎？我一直都覺得自己唱歌好難聽㗎。」我笑著說。

「咦你煮緊野食啊？點解咁香既？」她問。

「哦，係啊，咁屋企冇人，又懶得落街買野食，琴晚又冇留飯，咁咪唯有自己煮囉。」

「你識煮野食㗎？煮緊咩啊？」

「煮緊滑蛋雞排飯囉。」我回應。

「好似好好食咁咯，咁...咁我又要食，反正我都有留飯，我諗你唔會介意㗎可~」她刻意拉長尾音地說。

咩話!? 女神主動話要過嚟食我煮既飯? 緊係好啦。

「咳，好啊，你過嚟食囉，不過我唔包好食㗎啦，我講明先。」

我開始慶幸自己剛才在廚房中高歌，否則我都不會有跟女神共進午餐的機會。

「叮噹」，說時遲那時快，啊童已經在我家門口。

「嚟啦。」我說。

打開門，隨即聞到啊童那獨有的花香味，

再看到啊童綁著馬尾，上身穿了件鬆身白色T-shirt，下身穿了條短得無可再短的熱褲，把她那條長腿完全展露了出來。

我定睛看著她的那雙美腿。

「喂，你...你望咩啊。」她紅著臉說。

我立即回過神來，我於是便亂編一個藉口。

「哦，我望緊塊地毯啫。」我抬起頭望著她說。

「都唔知係咪㗎，你知你地男.人.㗎啦。」她狡猾一笑。

說罷，她無視我，自己走了進來，毫不客氣地坐了下來，

剩下我留在門前，還在思考她剛才所說的話。

## 6.

「喂食得未啊。」啊童的一句話打斷了我的思路。

「Shit! 我煮緊啲蛋啊。」

我衝進廚房，立即把火關了。可惜蛋已燻了。

「哇啲蛋燻晒既。」啊童不知在何時走到我的背後。

「你行路冇聲既? 啲蛋都係燻咗少少啫，仲食得既。」我苦笑著說。

「萬!浩!然!點解啲蛋會燻㗎，你冇控制好時間㗎咩？」

「咪因為你囉。」我小聲地說。

「你講咩話！」

「冇冇冇，係小人唔啱，對唔住。」

「如果你唔係開門既時候顧住我，啲蛋會燻？」啊童怒氣沖沖地問我。

此時我已心知不妙，可惜已經太遲。

我的背部已比啊童重重地打了一下。

「我啊喺，我啊喺，死咸濕仔。」她一邊打我一邊說。

「對唔住啊大佬，我無心㗎。」我扮可憐地說。

原本我以為啊童知道我偷看她，她會以為我是一個變態佬而怕了我。

現在她還在跟我打罵就證明她沒有把剛才的事放在心上。

我兩碗飯放在桌上，把剛才燻了的蛋倒上去。

「大功告成！食得。」

「喂啊，啲蛋咁燻點食啊。」啊童扁了扁嘴說。

「你識咩啫，啲蛋就係要燻燻地先好食㗎嘛。」我欺騙她說。

「係咪㗎，唔好呃我㗎。」啊童半信半疑地說。

「係啊，點會呃你啫。」說完我將一口飯放進口中。

不到一秒，我立即把飯吐在紙巾上，因為那飯實在是太難食了。

因為飯上的蛋爛了，令到整個飯變得極苦，十分難食。

我這個舉動把啊童嚇倒，

「做咩啊你？」啊童不知是真傻還是假傻，一臉天真地問我。

「啲飯...啲飯好苦！」我辛苦地把每個字吐出，

並且拿起身旁的水杯，把杯內所有水灌下進口中，希望把口內那苦澀的味道沖走。

「哈哈哈哈，係咪頭先仲話咩啲蛋就係要爛爛地先好食，想呃我啲，抵死啦，掛住我搞到啲蛋爛咗，跟住仲要扮無事想呃我啲，哈哈，今次真係抵你死。」我比啊童不斷恥笑。

「算啦，唔好食啦，唉。」說完我便拿那兩碗飯，打算把它們倒了去。

「喂！」我回過頭去，看著啊童，

「做咩？」我問。

「難得你都煮好咗啦，比我試下幾難食都好丫。」

「唔好後悔啲。」

「唔後悔。」啊童肯定地說。

她隨即拿起她那碗飯，吃了一口。

結果跟我一樣，她把那口飯全部吐了出來。

「講咗㗎啦，你又唔聽。」

我把那碗飯拿起，並倒進垃圾桶中。

「咁宜家點啊好肚餓啊。最衰都係你啊，顧住我，搞到啲蛋爛晒。」說罷她又打了我一下。

「Sor囉，我都係望多咗一眼啫，一係落街食囉。」我無奈地說。

「唉好啦，食咩啊咁。」

「唔，食拉麵，我請？」我回應她。

看在這次算是我跟她第一次出街食飯，所以我便打算帶她吃拉麵。

「好啲，我好鍾意食拉麵㗎，行未啊！快啲啦。」她催促我。

「得啦得啦，比我擺埋部電話先。」

我刻然慢慢地走，希望能惹她生氣，因為她生氣的樣子實在是太可愛了。

「喂啊萬浩然，得未啊，我就快餓死啦。」她又著腰，兩眼瞪著我說。

「有冇咁肚餓啊，行啦。」說罷我便開門。

## 7.

在前往拉麵店的途中。

「喂啊，我好肚餓啊，你行快啲得唔得啫。」啊童此時像個小孩子地向我抱怨。

「小姐啊，其實我地已經行得好快啲啦，你忍一陣啦，我冇力啦。」

我刻意放慢腳步，臉上擺出一副很累的樣子。

「妖，乜你咁廢㗎。」啊童擺出一副嫌棄我的樣子。

接下來她的舉動完全把我嚇倒，她竟然抓著我的手，然後拉著我一起向前跑。

被她拉著的我先是呆了一呆，因為我根本沒想過會被女神拉著自己的手。

「我！好！肚！餓！啊！」啊童邊跑邊對著我說。

「我！好！叻！啊！」我模仿她的語氣跟她說。

她聽到這句話後並沒有停下來，相反地她跑得更快。

接著她把頭轉向我，奸笑了一下，我心知不妙，

下一秒我的手腕傳來劇痛，啊童用抓住我的那隻手，

狠狠地捏了我一下，想不到她一個看似弱不禁風的女子，竟是如此大力。

「啊...」因為我突然被她捏了一下，所以我忍不住叫了出來。

「哈，扮我啊嗱，抵你死。」啊童恥笑我說。

跑了一段路後，我們終於抵達拉麵店，啊童急不及待走了進去。

啊童立即找了個位置坐下，拿起餐牌，秒速就選擇了一個拉麵。

「唔該，我要一個激辣拉麵。」啊童對著侍應說。

「嘩啊童你唔怕辣啊？個拉麵張相望落去好似好辣咁㗎。」我問啊童。

「嘩，有幾辣啫，咦，你咁講唔通你驚啊？男人老狗連小小辣都頂唔順？」

我怎可以被啊童輕視，如果我連小許辣也捱不住，我萬浩然顏面何存？

「緊...緊係唔驚啦，你覺得我會怕辣？唔該，我都要一個激辣拉麵。」

不久後，我們叫的兩碗拉麵到了，我看著麵上的那堆辣椒，吞了吞口水。

「做咩唔食啊你。」啊童似笑非笑地問我。

「哦，食啦而家。」既然事已至此，我亦只能硬著頭皮吃那碗麵。

正當我打算進食的時候，

坐在我前方的啊童突然說了句「嘩好好食啊。」

我抬起頭，看到她把麵上的辣椒一口一口地吃掉。

啊童究竟是甚麼構造的，為甚麼她那如此輕鬆地把辣椒吃掉。

我突然想起啊正叫我影一張相給他看。

於是我便趁著啊童食得忘我時，偷偷拿起電話跟她自拍了一張。

這張照片就是箱內的其中一張相片。

## 8.

「喂你影乜野啊！」啊童怒視著我。

「冇冇冇，快啲食啦，凍啦。」

「哼！」

經過我長達十五分鐘的奮鬥，我終於吃完整碗麵了。

我辛苦地喘氣，大口大口把冰水灌進口中，

希望令到舌頭不再感到赤痛。

「喂！乜好辣咩？點解你好似好辛苦咁既。」啊童不知是真傻還是故意這樣問。

「咳，唔係啊，幾好食啫。」我裝作無事。

「唔好死頂啫你，係好食點解唔飲埋啲湯去呀？」啊童笑著問我。

我不能被她輕看！

於是我拿起湯碗，把湯秒速喝了，

那火辣的感覺再次向我的舌頭襲來。

「飲...飲完啦，走得未啊。」我現在只想盡快逃離這個鬼地方。

「行啦。」啊童起身說。

這一餐自然是由我來付款。

出了那間拉麵店後，

「你覺唔覺得好似差緊啲野咁。」啊童笑著問我。

我心裏一驚，害怕啊童又想出甚麼鬼點子。

「咩...咩啊又？」我害怕得聲音也震了。

「做咩啫，你好驚我啊？把聲震晒咁既。」

「唔係啊，你頭先想講咩啊？」

「哦，我覺得好似差緊個甜品啫。」

原來只是想吃甜品...

「好呀，去附近間甜品鋪到食囉，反正你原本都約咗我今日食雪糕。」

對唔住啊咁多位，由於小弟下個星期就開始考試，仲要考成三個星期，所以出文既速度可能會慢啲，我會盡力打既。照舊一日會有一更，只不過字數小啲咁解。

P.s.

我係絕對唔會爛尾，請大家放心，亦都希望大家唔好放棄呢個故，大家既支持係我出文既最大動力，望住個點擊率持續上升真係好開心，係到多謝大家。

最後希望大家可以Follow一下小弟既IG: MaanYin05

## 9.

我們很快就到了甜品鋪，啊童一如既往，  
奔奔跳跳地走進甜品鋪，自己找了個位置坐下。

「你食咩啊？」啊童問我。

「我食心太軟！」

「咁啊...我跟你！」我舉手叫了個啊姨過來。

「係靚仔靚女想食咩啊。」啊姨很好笑容地問我們。

「兩個心太軟丫唔該。」

「好，等一陣好快有。」

她去了下單後，走了過來跟我們閒聊。

「你地郎才女貌好襯喎。」啊姨跟我們說。

「我地唔係情侶嚟㗎。」啊童立即否認。

我心中暗自嘆了一口氣，雖然我也想跟啊童變成情侶，可惜她又怎會喜歡我。

啊姨她看了我一眼，好像明白了一些事，然後向我打個眼色。

她就回到廚房，我很疑惑究竟她想做甚麼。

不久後，她走回來，然後裝作可惜地跟我們說，

「唔好意思啊靚仔靚女，我地原來得返一個心太軟咋。」然後她再向我打個眼色。

「下，我好想食心太軟喎。」啊童失望地說，

她再用一個楚楚可憐的眼神看著我。

「唔好望住我啊喎，我揀心太軟先㗎，唔好諗住同我爭啊。」我回應她。

「唔得啊，我好想食啊。」啊童此時就像個小女孩。

「唉，你地兩個Share咪得囉。」啊姨笑著對我們說。

「唔要啊，我唔要同佢Share啊。」啊童大叫。

「咁你有咩解決方法？」我問她。

「冇...」

「咁咪係囉，得呢個方法咋。」

「好啦。」啊童失望地說。

多得這個啊姨，我現在有機會跟啊童分享一個甜品，更可能可以吃到她的口水。

不得不說，這個啊姨很識做，想必她也常有這招幫過不少男生溝女。

不久後，我們的心太軟終於到了。

啊姨笑著地放下那碟心太軟，再把兩隻叉分給我們。

正當我們打算進食時，

「喂！心太軟唔可以咁食㗎，你地咁樣一人坐一邊係食唔到㗎。喺啊仔，你坐過去。」她指著我地說。

我又要再次多謝這位啊姨，她令到我跟啊童可以近距離一起食心太軟，

而且如果大家都坐在同一邊，那吃到對方口水的機會又大大增加了。

我遵從啊姨的指示，起身走過去啊童那邊坐下。

「唔得唔得，你地咁樣隔咁遠咪好難食囉，坐埋啲啦。」啊姨繼續發功。

於是我便尷尬地再坐近一點，然後我們便開始進食。

我跟她現在身體已經會觸碰到對方，進食時甚至聞到她頭髮傳來的洗頭水香味。

我根本不在意心太軟的味道如何，因為每一啖我都只吃到滿滿的甜味，

當你正在跟心上人一起吃甜品，還是坐得如此近，

我相信你們的反應都會跟我一樣。

跪求大家Follow我既IG: MaanYin05

## 10.

不久後，碟上就只剩下最後一啖。

我把它"筆"起，準備放入口中。

「喂！」

「咩啊，你想食啊？」我問她。

「唔！」她點了點頭。

「噏，擘大口啦。」說罷我把叉中的那一口遞過去。

她很乖地把口張開，等待我把心太軟放進她口中。

「你眯埋眼先，咁樣先可以享受到心太軟既味。」

「係咪㗎。」她半信半疑地把眼合上。

我先把叉遞到她鼻前。

「香唔香？」我問。

「香啊，快啲啦。」她催促我說。

我偷偷地把叉中那口心太軟吃了，然後再把叉遞到她嘴前。

「擘大口啦，食啦。」她很配合地張開口。

我把充滿我口水的叉子放進她口中。

她把口合上，她頓時察覺到不妥，同時間我亦感到一股殺氣。

「萬！浩！然！」她大聲地叫。

幸好整間店鋪只有我們兩人以及啊姨，

而啊姨一直都在後面看著我們「食花生」，所以她也沒被啊童突如其來的大叫嚇倒。

我感覺到殺氣後拔腿就跑，

「啊姨我一陣先比錢！」說罷我沖出店外。

啊童也不甘示弱，緊隨我的腳步走出店外。

「仆街！唔好走啊！」啊童大叫。

「你都痴L線㗎，走啊！！！！！」我奮力跑走。

過不了多久。

「對唔住啊大佬，我無心㗎。」

我被啊童扭著一邊耳朵，拉著我回去甜品鋪。

此時的我們在外人眼內就如一對正在打情罵俏的小情侶。

跪求大家Follow我既IG: MaanYin05

# 11.

很快我們便回到甜品鋪，

迎接我們的是正在拍照的啊姨，她把這個情境永久收藏在她的手機中。

「咦，你地兩個耍完花槍返嚟啦？」啊姨笑嘻嘻地說。

啊童臉上一紅，隨即放開我。

「嘩你駛唔駛咁大力啊，好痛啊。」我摸著我的耳朵說。

「邊個叫你玩我啫。」

「係呢，你地叫咩名啊。」啊姨問。

「我叫啊言。」

「我叫啊童。」

「哦，你地可以叫我做文姨。過嚟埋單啦。」

我走去埋單時，啊童走了出去。

「喂，你係咪鍾意佢啫。」啊姨問我。

「係呀。」我細聲地說。

「唔洗怕羞啫，你下次再嚟，我再幫你。」

「咁我先多謝你。」我笑著說。

「嘩其實佢肯同你出嚟你都成功咗三成啦，我睇好你啊，加油啊後生仔。」

「我呢頭先影低咗你地打情罵俏既相，你要唔要返？」文姨問。

「緊係要啦。」

「呢個係我電話，我一陣間Whatsapp比返啲相你。」

「多謝文姨。」

「喂得未啊，快啲啦。」啊童在店外催我。

「出去啦，女朋友仔叫你啊。」文姨笑嘻嘻地說。

「Bye bye.」我揮了揮手。

出了甜品鋪之後。

「呼！好飽啊。」我滿足地說。

「食屎啦你！食咗最後一啖心太軟，仲要整估我，搞到我食咗你啲口水尾。」啊童怒視著我。

「哈！最好笑係我被你聞咗下個心太軟香唔香先。」

「你真係好賤囉。」

我們一路上就這樣打打罵罵回家了。

跪求大家Follow我既IG: MaanYin05

## 12.

回到家後，我立即打開電話並在Whatsapp中加了文姨。

我: Hello文姨！我係啊言。你係咪有相要比我。

文姨:係啊！你等一等我。

我:Ok, 我唔急。過不了多久，文姨便傳來了一張相。

我興奮地打開，心裏期待著究竟她影了甚麼相。

一打開，看到相中的一名女子正在扭另一名男子的耳朵，兩人就像情侶一樣打罵。

那女子當然是啊童，男子就是我。

這張照片，就是箱裏十張中第二張照片。

我嘴角微微揚起，回想剛才所發生的事，

我把這張相片轉寄給啊童。

我:嘩，你睇下宜家啲港女，咁惡既，係條街到公然打人，好恐怖啊！！！！

把訊息發出不久後，啊童的狀態隨即轉為「在線上」，

我的兩個訊息也由灰剔變成藍剔。

童: 一定係個男既做咗啲好過份既事，所以個女仔先會打佢。

我: 我覺得無論佢做咗幾過份既事都好，都唔應該打人。

童: 唔想理你。食咗我既心太軟仲咁樣蝦我。

我: 對唔住啊，我知錯啦，你大人有大量原諒我啦好冇。

可惜，這個訊息發出後，變成了雙藍剔，

但啊童並沒有回覆我。於是我便打了句，

我:唔好咁啦。

但她依然只是已讀我，並沒有任何回覆。

「唔會真係撚咗掛，佢應該冇咁小氣，都係同我玩下嘍啫。」我安慰自己。

唉聽日先算。

眼見啊童不理我，我於是便去找啊正打機。

「死仔，成個中午去咗邊啊，等咗你好耐啦。」我一開Rainbow six 就被他罵。

「都話約咗女神出街...」

「又係到FF啊？」

「唔係啊，我同佢食咗午餐再去食甜品啊今日。」

「你唔係話影相被我睇下㗎咩？相呢？」

「我今日真係影咗，你等陣。」

「唔好諗住Google啲靚女相啊，我唔會被你呃到㗎。」

「得啦，準備Send比你啦。」

「睇過，有幾...」

「仲咩唔講埋落去啊。」我笑著問他。

「啊言，你點識到佢㗎！！！佢真係好！L！靚！啊！」啊正崩潰地說。

「駛唔駛咁誇張啊，咪講咗囉，我鄰居啊嘛。」

「啊言！我地好兄弟嚟㗎可？知唔知好兄弟要點㗎？」

「點丫？」

「要有福同享。你幾時介紹佢比我識啫？」

「你唔駛諗啦，佢係屬於我㗎，介紹再比你識咪等於多個敵人？我係唔會咁做㗎。」

「屌你，你都唔係好兄弟嚟既。」

「打機啦，咁多野講。」

跪求大家Follow我既IG: MaanYin05

## 13.

自啊童說了句「唔想理你」之後我已經四日沒跟她見過面，傳過訊息了。

我這四天以來，每三至四個小時就傳一次訊息給她，

每一個訊息也被她已讀，完全沒有任何回應，

我無時無刻都在期待著啊童傳訊息過來，

電話每響一次就好像燃點起我一絲希望，

但當我看見傳訊息的不是啊童後，

那被燃點起的小火苗就又被撥熄。

「究竟我做錯咗啲咩啊，都係玩下啫，應該唔會咁都黐掛，啊童又唔似係咁小氣，但係又唔似係玩緊我丫，冇理由咁耐都唔覆我。」我自言自語地說。

「叮」我的電話響起。

我立即拿起電話，看看是否啊童找我。

可惜傳送訊息的並非啊童，而是文姨。

文姨: 你地兩個幾時再嚟啊？冇生意啊！

我: 我都想再同佢嚟啊，但係佢好似因為上次我玩佢，所以宜家黐咗我啊。佢宜家唔理我呀，Whats app都唔覆。

文姨: 唔怪得知你溝唔到人啦，你咁被動。

我: 下，我已經日日Whatsapp佢㗎啦。

文姨: 傻仔，咁樣係唔夠㗎。你要再主動啲。

我: 即係點啊？

文姨: 你賠罪都要比啲誠意㗎，自己諗下啦。

究竟甚麼叫做「比啲誠意」？

我想了一整個上午也不明白。

吃過午飯後，我繼續坐在電腦前想。

「叮」

我秒速拿起電話，又是文姨。

文姨: 道咗歉未啊？

我: 未啊，仲未諗到要點做。

文姨: 你諗下佢鍾意啲咩啦。

我: Ok

過了五分鐘後，我突然靈機一動，想到要送甚麼給啊童了。

我: 文姨，我諗到要送咩啦，但係要你幫手。

文姨: 你諗咗成朝終於諗到啦？我可以幫你手啊，反正我都冇生意。

我: 咁我過嚟啦。

我馬上更衣出門口，可幸在那間甜品鋪離我家只是十分鐘路程，

而我根本上是跑過去的，所以六分鐘後我便到達了甜品鋪。

「咁快嚟到既？我準備好晒啲野㗎啦。」文姨笑著說。

「你知我想做咩？」我疑惑地問。

「心太軟丫嘛，估都估到啦，入嚟廚房啦。」

於是我便跟了她進去廚房，果然看到她已將材料預備好。

「喺，我做一個，你做一個，你跟住我做。」

經過個半小時的奮鬥，兩個心太軟終於完成。

文姨拿起一個盒子，把兩個心太軟放進去。

「咁就整好㗎啦，你快啲趁熱擺去被啊童食啦。啲手尾我執埋佢就得㗎啦。」文姨催促我說。

「Ehh...幾多錢啊。」我拿出錢包問。

「唉呀，文姨請你地食啊，走啦走啦，祝你成功。」

「咁好啦，多謝文姨。」我拿起那個盒子，離開甜品鋪，

急步就回去，希望能讓啊童好好品嚐還熱的心太軟。

跪求大家Follow我既IG: MaanYin05

## 14.

「呼，終於返到嚟，個心太軟應該仲係冇穿冇爛。」我鬆了一口氣。

回來的路程看似沒有甚麼阻礙，

實際上我沿途要不斷避開亂衝亂撞的路人，

包括那些「好動的」臭小孩，

差點被他們撞飛我那珍貴的心太軟。

我看著啊童家的門鐘，卻久久未能按下去。

此時我想起文姨所說的話，

「你要主動啲。」文姨的聲音在我心中響起。

我在門前模擬了一遍待會看見啊童後要說我話。

「死就死啦。」

我鼓起勇氣，伸出手來，碰到門鐘，

我閉起雙眼，

按！下！去！

「叮噹」，

我的心開始狂跳，

手心也出汗了，

擔心著啊童會有甚麼反應，不知會否不喜歡我這份禮物。

「喀嚟」門打開了。

「做咩啊你？」啊童疑惑地問。

啊童穿著一件小背心，再加一條真理褲。

我的眼睛又再次不爭氣地定睛看著她，

她這樣穿，再加上她美若天仙的外貌，

應該沒有男人能抵受得住誘惑，任誰都會不斷看她。

「你...你又我！」啊童發現了我正在色迷迷地看著她。

我立時回過神來，

「冇...冇啊，我睇緊塊地毯咋。」

啊童反了一下白眼，

「你做咩揸鐘啊咁。」

「我...我嚟賠罪㗎。」糟了，我剛才練習了要說的話現在一句也說不出來。

「賠罪？你呢幾日係Whatsapp到都講咗好多次啦，當面講係冇分別㗎。」啊童說。

我深呼吸一口氣，然後說。

「係，我知，所以我帶咗啲野嚟賠罪。」

「咩嚟㗎，我要視乎係咩嚟再去決定原唔原諒你㗎。」

「你比我入嚟先啦。」

「唉好啦，入嚟啦。」

跪求大家Follow我既IG: MaanYin05

## 15.

於是我便厚著面皮走了進去啊童家中。

只見啊童家四處都放滿了盆栽，

難怪啊童身上總是帶有一陣花香味。

我把收在身後的心太軟拿出來，放在桌上。

「咩嚟㗎？」啊童好奇地問。

「你打開佢咪知囉。」我笑著跟她說。

她迅速把盒打開。

「嘩，係心太軟啊。」她興奮地說。

「係我自己整既心太軟啊。」我自豪地說。

「估你唔到㗎。我講個秘密比你聽丫，

其實呢我一直都有嬲過你既，只係諗住扮嬲，

跟住屈你請我食餐飯，先唔理你，嘻嘻。

不過我估唔到你會為咗賠罪而自己整個心太軟比我食，

所以我宜家決定原！諒！你！」啊童笑嘻嘻地說。

「你...你知唔知呢幾日以嚟，我每一日都係到擔心你嬲咗我，

唔理我，不斷諗我要點做你先肯原諒我，

我白頭髮都多咗幾條啊！你宜家同我講你係扮嬲！？」我怒氣沖沖地說。

「唉呀，唔好嬲啦，對唔住啊。」啊童扁了扁嘴，裝作可憐地說。

我看到她這個可愛的樣子，心頓時軟了下來。

啊童這個眼神，應該沒有男人能忍得住。

「唉算啦，食心太軟啦，凍咗唔好食。」

「好耶，我去擺餐具。」說罷她便進了去廚房。

不久後，她便拿著兩隻叉子走了出來。

「噏，呢個我就係我整既，你食呢個啦。」然後我便拿起文姨整的那個心太軟開始品嚐起來。

「好冇食啊？」我問啊童。

「唔，麻麻地。」啊童搖了搖頭說。

「吓，係啊？我明明已經跟住文姨整㗎啦喎。」

「講笑咋，個心太軟好好食丫，你睇下你個樣，

一聽到我話唔好食，即刻成個人Down晒，哈哈。」啊童笑著說。

「你又玩我！」

「唔好嬲，唔好嬲。」啊童急忙說。

跪求大家Follow我既IG: MaanYin05

## 16.

轉眼間我便吃完我的心太軟了，

而啊童我那個就只剩最後一口。

「喂啊言，你想唔想試下自己整既心太軟係咩味。」

「都想既。」

「咁你謎埋眼丫。」

「係咪真係㗎，我驚你報仇㗎。」我半信半疑地合上眼。

她把叉遞到我鼻前。

「香唔香？」她問。

我聞了一聞，

「香。」

「擘大口，準備食啦。」

「係咪㗎，唔好又玩...」我話未說完，

她便已經把心太軟送進我的口中。

我細細品嚐，自己造的果然是特別好吃，

再加上是啊童餵我吃，所以我只感受到滿滿的甜味。

「好冇食啊？」啊童問我。

「緊係好食啦，有你餵我食咩都好食。」我厚著臉皮說。

「妖！收皮啦。」

「乜你咁惡㗎，讚下你都唔得。」

「惡你個死人頭咩，係咪食完啦，食完就走啦，一陣我老豆返嚟見到就死啦。」

「嘩，佢又唔係唔識我，況且佢上次都叫我過嚟玩啦。」

口裏雖然這麼說，但竟然啊童都已經下了逐客令，

於是我便準備起身回去。

「喂，你去邊啊？」啊童問。

「你唔係叫我走咩？」

「你唔係話唔驚咩？」

「係啫...」

嘖嘖，女人果然是一種善變的生物，上一秒還想趕我走，下一秒就叫我留下來。

「我好悶啊。」啊童扁著嘴說。

哼，又用扁嘴這一招，但這招偏偏每次都會成功令我屈服。

「咁你想點丫？」

「陪我玩！」

「玩咩啊咁？」

「唔，等我搵下有咩玩先。」說罷她便走向一個箱子並打開它，

跪求大家Follow我既IG: MaanYin05

## 17.

她把一盒又一盒的Board game拿出來，

「嘩你屋企有咁多Board game既？」我好奇地問。

「係啊，我鍾意玩啊嘛。我搵到啦，玩大富翁丫好冇啊。」

「好好好，你鍾意啦，反正都係陪你咋嘛。」

「喂你唔講到好難為你咁嘞，宜家我有冇揸住支槍對住你個頭迫你陪我玩丫？

你唔滿意咪返過去隔離囉，你返去咪又係打機。」啊童怒視我。

「係係係，小人知錯，小人係自願陪你玩既，小人亦都好真心咁想玩大富翁既。」

「算你啦。」

她把那盒大富翁拿過來，打開並把內裏所有東西倒出來。

「你識玩㗎啦。」

「緊係識啦，我玩大富翁好叻㗎，你小心啲啊。」我囂張地說。

「睇下點～」啊童不屑地回應。

遊戲就這樣開始了，

「哎呀，又要坐監。」啊童說。

「呵，平時成日打我，宜家咪要坐監囉。」我笑她。

「食屎啦你！」說罷她打了我一拳。

「仲打我？我祝你呢一世都要繼續留係監獄到！」

「收皮啦你。」

「哈，我行到太平山啦，等我買先。」

「好買完啦我，到你啦監犯。我去個廁所先，你慢慢。」說罷我便起身。

「監你個頭啊。去廁所都咁多嘢講。」

當我走進廁所時，我突然想起一件事，

於是我便偷偷地走回去。

果然不出我所料，

啊童正從銀行中，小心翼翼地拿了幾張錢，放進自己的那一疊錢中，

我從褲袋中，拿出自己的電話，

把啊童偷錢這一幕拍下來。

成為了箱中第三張照片。

然後她又把自己的棋子從「監獄」中移至「淺水灣」。

看到這一幕後我搖了搖頭，然後走進廁所如廁。

出來後，我若無其事地走回去並坐下。

「喂，你有冇趁我去廁所既時候出Cheat啊。」我笑著問她。

「冇...冇啊，既係冇啦。」她好像被我說穿了一樣，眼神閃縮地回應。

「係咪㗎？」

「係㗎啦，我唔會呃你既，人無信而不立。」

「唉好啦，我信你。我去斟杯水飲先。」說罷我便走到廚房。

「喂水杯係邊啊？」我問啊童。

「麻鬼煩。」然後她便進來廚房拿了個水杯給我。

「喂過門都係客丫，你比下面好喝。」

「咁駛唔駛姐姐幫你斟水啊？」她反了反白眼，走了出去。

「收皮啦，我自己識斟。」

跪求大家Follow我既IG: MaanYin05

## 18.

突然我的電話響起，竟然是老媽打來。

「喂？」

「你去咗邊啊。」

「同朋友出咗街囉。」

「咁點解我係屋企廚房會聽到你把聲既，咁奇怪，唔通我聽錯？」

人類總要犯同樣的錯誤，我今天竟然犯了兩次同樣的錯，真失敗。

「哦，係咩，哈哈，可能你聽錯啦咁。」

「萬浩然！你得未啊，斟杯水都斟咁耐，你係咪真係要我幫啊？」

啊童突然大叫，殺了我個措手不及。

「唔係喎，我聽到廚房真係聽到有把女仔聲大叫萬浩然喎。」老媽疑惑地說。

我跟啊童打手勢告訴她我正在講電話以及叫她安靜。

「你係咪有幻聽啊？」我回應我媽。

「啊~萬浩然你個賤人，你做咩唔要我啦。」啊童七情上面地說。

我作勢要打她，再叫她收聲。

此時啊童正笑得開懷。

「啊仔唔係喎，我係廚房聽到個女仔話你唔要佢喎。」

「哎呀你真係聽錯啦。」我回應。

「你點解要打我啊，唔好再打啦，萬浩然！」

啊童繼續她的表演，還特登大聲地叫出我的名字。

我一邊衝上前捂著啊童的口，防止她再說話，

一邊對著電話說

「我唔得閒啦 bye bye。」然後便火速Cut線。

我鬆了一口氣。

「唔...唔」啊童發出聲音，

我才發現自己還捂著啊童的嘴。

我立即把手鬆開。

「哈哈哈哈哈！笑死我。」啊童笑著說。

「食屎啦你，我啊媽頭先問我點解係廚房會聽到有人叫我個名啊，然後你仲不斷叫，被你玩死。」

「哼，仲唔比我報返仇，抵死啦你。」

「鈴鈴鈴」

「又邊個打比我？」

我拿出電話，又是老媽。

我示意啊童不要再吵。

「喂啊媽，點啊？」

「死仔，咁快Cut線，我打嚟係問你幾時返啊。」

「哦。」

我看一看手錶，原來已經五點。

「就快返嚟啦。」

「哦，好啦Bye bye。」然後她便Cut了線。

## 19.

「啊童，我有個壞消息同埋個好消息，你想聽邊個先？」我問。

「好消息先。」

「唔好意思，一定要聽壞消息先。」

「妖！咁你又問？」啊童又打了我一下。

「咁正常人都係揀壞消息先㗎嘛，點知你咁特別啫。」

「你講得未啊咁？」

「得得得，壞消息就係——我宜家要走。」

「咁好消息呢？」啊童不耐煩地問。

「好消息就係我住係你隔離，隨時都可以過嚟同你玩。」我笑著說。

「咁你聽日要過嚟同我繼續玩㗎，我唔執嘢㗎啦。」

「好啊。」

女神叫我跟她玩，我又怎會拒絕她？

「咁我走㗎啦。」我裝作依依不捨地說。

「走你就走啦，扮乜嘢依依不捨啫？」

「唔好掛住我啊！」說罷我便開門。

「收皮啦你。」十秒後，我便回到自己的家。

「你突然返咗嚟既？頭先仲係街到㗎。」我媽問。

「咁我行得快啊嘛。」我求其回應她說。

「奇奇怪怪咁，呢排搞咩啊？」我媽問。

「都話冇特別野，你有錯覺啫。」我回答。

「係咪㗎，唔好呃我㗎。」

「得啦，我係你個仔㗎嘛，唔呃你。」然後我便走了進房。

這一星期中，我跟啊童的關係突飛猛進，  
她七日前仍是我心中只可遠觀的女神，  
之後碰巧撞到對方，然後一起吃雪糕，  
再到四日前一起去吃拉麵，食心太軟，  
去到今天，我為了賠罪甚至親手整了心太軟，  
吃完後一起玩大富翁，  
不知不覺間，我倆已成為了好朋友，  
我亦在這段時日中，漸漸地由喜歡她的外表，變成喜歡她整個人，包括她的性格。  
我默默地許下一個願望，希望可以成為啊童的男朋友！  
雖然這個願望看似遙不可及，但如果我還未試過便放棄，  
那我又怎會知道自己會不會成功呢？  
的確，要令啊童堂堂一個女神級的人，去接受我有難度，  
但世上有樣東西叫奇蹟，而我正正相信會有奇蹟發生在我身上，  
正所謂博盡無悔，若我有試過，  
有盡過自己最大的努力去追她，  
那至少不會為我美好的青春留下遺憾，  
日後長大了，  
也會記得自己曾經努力過去追一個女孩。  
不要令自己留下遺憾，  
不要失去了才後悔，  
不要未試過便放棄。

跪求大家Follow我既IG: MaanYin05

## 20.

「食飯啦。」

我媽突如其來的大叫，打斷了我的思路。

我看一看時間，原來已經六點了。

「哦，嚟啦。」我邊說邊走出去。

我每逢星期一及星期三都要洗碗，

幸好我家只有三人，

沒有太多的碗碟，所以很快就洗完。

而這天是星期三，

所以我要洗碗，我草草吃過晚飯，然後便走進廚房洗碗了。

「飲湯啊！」

啊媽每晚也會提醒我，這晚也不例外。

「好飽啊，唔飲啦。」我回應。

「肯定係晏晝食埋啲垃圾食物啦，所以宜家先咁飽。」

「心太軟唔係垃圾食物喎。」我出於自然反應回應了她。

大鑊，唔小心同佢講我晏晝食咗心太軟。

「點解會有心太軟食？」我媽問。

「Erm，我...我晏晝咪同朋友出街既，咁咪食咗心太軟囉。唔講住啦，我去洗碗先。」

說罷我便走了進去廚房，帶上圍裙及手套，開始洗碗。

其實我很喜歡洗碗這項工作，

因為這段時間是一日中難得可以遠離電話，

自己靜靜地放鬆，有時會利用這段時間來思考一下。

這裏先解釋一下我這棟大廈的設計，

我在廚房的窗中看出去，是能夠看到啊童家中的其中一間房。

而由於私隱的問題，通常啊童家都會把那間房的窗關了(窗用了磨砂玻璃)，

所以我平時是不會看到房中發生的事。

回到正題，今天我洗碗時發現那隻窗並沒有關上，

於是我出於好奇，我便探頭去張望。

那間房間應該是雜物房，放滿了一個又一個的箱子，

我繼續張望那個雜物房，突然看到啊童從走廊經過，

她此時將頭髮放了下來，不再是綁著馬尾，

我心中只想到一個形容詞去形容她，

美若天仙，

正當我看得入神，

我才發現原來她並不只是「走過」，

而是「走進」我正在凝視的那房間。

當我意識到她是要走進雜物房時，一切已經太遲了。

我倆對望了一眼，我尷尬地把頭縮回。

「見到你啦傻仔，唔洗縮喎。」啊童的聲音從窗外傳來。

「我...我有縮啊，我條頸劫咋嘛，嗱我宜家咪伸返個頭出嚟囉。」

「肯定係咁啦。」她忍著笑說。

「根本就係咁。」

我倆相視一笑。

跪求大家Follow我既IG: MaanYin05

## 21.

「啊仔，你又做咩係廚房到自言自語啊。」我媽問。

我反了反白眼，

「自言自語咪自言自語囉，學校啲老師話咁做可以令思維更清晰㗎。」我求其回應她。

「為咗令我可以更專注咁諗野，我宜家要關門，你亦都唔好再同我交談，直至我出嚟。」

「你個死仔丫...」老媽的話還未說完，

我便把門關上。

我走回窗前，

看見目睹一切的啊童正在偷笑。

「笑咩啫？」我問在對面窗前的啊童。

「冇野啊，見到你咁樣關門覺得好笑啫。」

我點了點頭。

「你做緊咩啊？」啊童問我。

「洗碗囉。」我回應她。

「悶唔悶㗎。」

「緊係悶啦，你試下對住一大堆碗碟成個鐘丫，悶到飛起啊。」

「一係...一係我係到陪你傾計丫！」啊童提議。

「好啱，童童真係好好人啊。」

糟了，我剛才不小心叫了她做「童童」。

「喂，邊個被你咁叫㗎，我係叫『啊童』㗎。」她紅著臉說。

竟然都叫了她做童童了，那我便厚著面皮繼續這樣叫吧。

「我係鍾意咁叫你啊，唔得咩，童童。」我刻意啦長尾音地說。

「衰人，我唔同你傾計㗎啦。」

「喂喂喂，咁又唔好。」

「話時話，你都仲未同我講你讀邊間中學。」

「哼，你之後會知㗎啦。」

「唔好啦，我宜家想知啊，你就當係滿足我既好奇心啦。」我苦苦哀求她。

「唔講！」她決絕地說。

「講啦，我想知啊。」

「到時你咪知囉。」

「到時？」我疑惑地問。

「係啊，你比啲耐性啦。好快你就知㗎啦。」

「咁好啦。」我無奈地回應。

有著啊童的陪伴，

時光過得特別快，

過不多久，我便把所有碗都洗完了。

「呼！終於洗完！」我伸了伸懶腰說。

「洗完啦嘛？咁我走㗎啦。」

「好啦，Bye bye。」

「bye bye。」啊童揮了揮手說。

正當啊童準備離去之際。

「啊童啊！」我叫住了她。

啊童轉身看著我。

「做咩啊？」她問。

「多謝你陪我。」我微笑著說。

「Chew，仲以為你有咩講，Friend嚟㗎嘛，講呢啲。」

說罷她便真的轉身離去了。

我呆在原地，心裏不停重播著啊童的說話。

「Friend嚟㗎嘛！Friend嚟㗎嘛！Friend嚟㗎嘛！」

果然一切都只是我痴心妄想，

她終究也只是把我當成朋友，

她請我食雪糕，

跟我出街，

一起食心太軟，

一起玩大富翁，

陪我洗碗。

所有行為，

其實也只是把我當成朋友，

不過其實我們也只是認識了一個星期，

來日方長，

我必定要把她變成我的

女！朋！友！

跪求大家Follow我既IG: MaanYin05

## 22.

之後的幾十天，我每一天也會跟啊童出街食午餐，

然後再去食心太軟，

去她家玩大富翁，

我洗碗時她也定必會陪我。

以上的所有活動已成為了我的習慣。

距離開學還有十天，

這個暑假大概是我人生中過得最開心的暑假，

原因無他，

因為有一個叫啊童的女生走進了我的生活中，

然而，

我倆也很清楚開了學之後就不會再有機會一起去吃心太軟，

因為大家已經沒有時間，

大家都將會忙於學業，

可能跟彼此的交集就只會剩下在中跟對方打招呼。

於是有一天我跟啊童正在玩大富翁時我便把我的擔憂說出來。

「喂，其實你有冇諗過我地開咗學之後會冇咁熟啊？」

「哦，你擔心呢件事啊，你點解會咁諗呢？」啊童笑著問我

「吓咁好正常啫，開咗學，咁大家朝早又要返學啦，跟住返嚟又要做功課啊，溫書啦，大家可能連見面既機會都冇，咁自然就會冇咁熟啦，係咪先。」

「呵，呢層你同我定，我可以好肯定咁答你唔會。」啊童充滿自信地說。

「係咪㗎，唔好呃我㗎。」我半信半疑地說。

「我話係就係啦。」

那晚，我百思不得其解，

究竟啊童為何會說出一番如此耐人尋味的說話？

為什麼她能這麼肯定我們會不會變得不熟絡呢？

想著想著，我便沉沉睡去了。

轉眼間，便來到開學前的最後一天，

我如常地跟啊童出街，玩大富翁，

「啊童啊。」

「做咩啊。」她抬起頭來看著我。

「開咗學之後唔好唔記得咗我，要多啲搵我玩。」

「你信我，開咗學之後我地都會日日見面。」啊童笑著說。

「我信你㗎，唔好呃我。」

「得啦。哎呀又要坐監啦。」啊童說。

「哈，真係唔知點解你成日都要坐監。」我笑著說。

「最...最衰都係你啦。」說罷她打了我一拳。

「吓，又關我事？」

「唔關㗎，純粹想打你。」啊童奸笑著說。

「你鍾意既話，我比你打一世又有咩所謂㗎。」我細聲地說。

「你話咩啊？」

「冇野啊，繼續玩啦。」

跪求大家Follow我既IG: MaanYin05

## 23.

回到家後，我便開始執拾上學要用的物品。

「叮」

我看一看電話。

正:得唔得閒？吹陣水。

我:OK

過不多久，我的電腦變響起Discord的聲音。

(For唔知咩係Discord既讀者: Discord係樣類似Skype既程式，可以比用家通話，我同啊正平時無論打機定吹水都會用Discord。)

「喂？」啊正的聲音從另一邊傳來。

「做咩啊？聽日要開學太緊張所以打嚟啊？」我問他。

「收皮啦你，我係打嚟問你入咗咩班啊？」

「出咗分班通知咗咩？」

「係啊，你上網睇下。」

「等我搵下先...有啦，我係3B班。你呢？」

「正啱，我都係3B班，咁即係我地又同班啦。」

「我地已經係第三年同班，真係咁好彩次次都同你同班既。」

「唔知仲有邊個同我地同班呢？」

「聽日咪知囉。」

「喂！我呢聽聞。」啊正刻意說到一半不說。

「聽聞咩啊仆街，講到一半唔講。」

「諗住有啲神秘感啊嘛。」

「快啲講啦。」我催促他。

「我地班好似會有個插班生。」

「嘅正啲，唔知係咪靚女呢。」我興奮地說。

「你收啦，你都有你個『啊童』啦，唔好同我爭。」

「你唔比個插班生係男仔嚟㗎？又或者係豬排呢？」

「睬過你把口啊，我感應到呢個插班生會係女嚟，仲要係好靚個隻。」

「你係咪恨出Pool恨到痴咗線。」

「食屎啦你，你估個個都好似你咁好彩咩，無端端識咗個女神。」

「唔同你講啦，我去瞓覺先。」

「喂我地講咗兩分鐘咗啲，咁快Cut線？」

我沒有理會他，Cut了線，

然後就上床睡覺。

老實說，

其實我也幾期待那個插班生的來臨，

因為我們男性總是會對插班生有莫名其妙的遐想...

## 24.

「又要返學啦，唉，點解個暑假咁短㗎。」

我一邊預起書包一邊說。

我家距離學校並不遠，

如果步行的話二十分鐘就到達了，

前十五分鐘我路段都是平路，但最後五分鐘的路段就要行斜路。

而從平路上那段斜路是需要乘坐一部升降機的。

我出了那部升降機後，便要開始走那條斜得離譜的斜路。

「嘩頂你個肺丫，點解間學校要起係山上面，痴L線好L辛苦啊。」我自言自語地說。

突然，我的後腦被人打了一下。

我轉身一望，是我的死黨，魚蛋。

「你入咗邊班啊？」他問。

「我係3B班，你呢？」

「咦咁啱既，我都係入咗3B㗎，仲有邊個係3B啊？」

「啊正都係，其他就唔知啦。」

「我知肥強都係3B既。」

「正㗎，我哋成班兄弟都係3B。」

「係呀。」

說時遲那時快，我們已經抵達學校。

「終於都要返學啦。」

我看著學校正門，嘆了一口氣。

「做咩啫，你家陣好唔想返學咩？」

「又唔係既，只不過鍾意暑假個段日子多啲囉。」

「有邊個唔鍾意暑假丫，入去啦屌。」說罷他便把我推了進去。

開學日是要先在操場排隊，

接著上禮堂，最後才回到自己班房。

因為開學禮在九時才開始，

而現在只是八點八，時間尚早，

於是我便跟魚蛋過去一張已經被我兄弟們「佔領」了的枱檯中坐下。

「喂你班仆街仔入咗邊班啊？」我問。

「我係3B。」啊正說。

「屌駛L你講咩，我知啦，其他人呢？」我問。

「我都係3B。」魚蛋說。

「屌你地兩個可唔可以唔好再講廢話。」

「我都係3B喎。」肥強。

「屌我知啊，魚蛋同咗我講啦，我意思係，除咗你三件契弟之外，仲有邊個3B。」

「我係！」此時一個叫Marcus的人說。

「喂正啊喂，有人可以比我地玩Luu。」我開心地對著其他三人說。

大家不要誤會，我們並不是欺凌，

只是「吱」下佢，最多都只是玩Happy Corner。

「食屎啦你地，又搞9我。」Marcus說。

「唔搞你搞邊個？」我奸笑著。

「仲有冇3B班既同志，唔洗怕羞㗎。」我再問。

「冇啦，應該係得我地五個咋。」啊正說。

「鈴」學校的鐘聲響起。

「去排隊啦，上禮堂馴覺啦喂。」魚蛋高呼。

「唉，又要聽班友廢喻。」我說。

「都唔知係邊條搵樣發明開學禮㗎，根本就係得啲老師係到自High。」Marcus說。

「排隊啦，咁多廢話。」我搭著他膊頭說。

跪求大家Follow我既IG: MaanYin05

## 25.

理所當然地，在開學禮的途中，

我的四位兄弟全部陣亡，睡著了。

我看一看坐在我身旁，正在深眠的Marcus，

腦中想到了個好主意。

我伸出兩隻手指，往他腰間用力一插，

「啊！」他大聲高呼，

吸引了全禮堂的主意。

我強行忍著笑，裝作若無其事地聆聽著校長激昂不過被打斷了的演講。

他突然大叫的後果當然是引來老師的主意，

最後老師狠狠地責罵了他一遍，

他被責罵的時候還用著一個充滿怨氣的眼神看著我。

好不容易，歷時個半小時的開學禮終於完結，

而整段演講中，我有留心聽的，只有一句，

「我地今年既Form 3B將會有一位女插班生。」

我們四五兄弟聽到這一句當然是十分興奮，

一出禮堂在上課室的途中不斷討論，

亦十分期待這位女插班生。

開學日有兩三件事會令我緊張，

一是我班我甚麼同學，

二是我班的班主任是誰。

三是選班會。

「喂你估有冇女神係我地呢班丫嚟？」啊正問。

「我感應到，有！」肥強說。

「希望係啦。」魚蛋說。

我跟他們一起走到班房門前，

「各位，就由小弟為大家打開通往新年的大門啦。」

說罷，我便伸出手來，

鼓起勇氣，打開了班房的大門。

「我屌。」我快速掃視班房一遍後得出這句說話，

「唔L係掛！」啊正崩潰地說。

「係咪未到齊咋。」魚蛋問。

為何我們會這樣說？

因為！班房中！

連一個！係一個！稍為正常既女仔都冇！！！！

全部都係啲唔靚，

又或極肥，

又或係啲有公主病，

又或性格係古靈精怪的女生。

放下女仔不談，但就連男仔都唔正常。

一係唔出聲既怕羞仔，

一係就極MK，唔會想同佢地有任何接觸，

一係就係忸，同樣地都係唔會想同佢地有任何接觸。

全班最正常的，就只有我們五兄弟。

我們自己找了個位坐下，

但正如我所說，我們是五兄弟，

所以總會有一個人要獨自坐，

而那個人，就是我！

「喂點解要我係自己坐啊！」我不滿地抗議。

「我地係你前面咋嘛，無所謂啦。」Marcus說。

「喂肥強你又話我地班會有女神既。」啊正問。

「可能個插班生係呢。」他回應。

「我要求唔高㗎，正常樣就得㗎啦。」魚蛋說。

「又唔好咁絕望，可能係女神呢？」我安慰他。

「老師嚟啦，你估今年係邊個啊嚟。」

「希望係好老師啦。」

跪求大家Follow我既IG: MaanYin05

## 26.

一說曹操，曹操就到，

課室的大門被打開，

走進來的是一個幾靚仔的後生啊Sir。

「嘩正啊，係Mr Wong。」我叫。

他是在這間學校最熟絡的老師，

亦都頗受同學歡迎。他對著我笑了笑，

「各位同學早晨。」他循例地向我們打招呼。

「黃Sir早晨。」我們亦循例回應。

他很快地便自我介紹了一遍，

讓那些未比他教過的同學對他有個簡單的認識。

「相信大家都知道，我地今年會有個插班生，我宜家就先向大家介紹咗佢先。」

他向門外招一招手，大門隨即被打開。

一股熟悉的花香味隨即撲鼻而來，

那個是我一世都不會忘記的身影。

「嘩係女神啊。」坐在最前的魚蛋興奮地說。

我再看清楚一點，確定自己沒有看錯。

「吓！！！」我大聲一叫。

對，你沒有猜錯，

她是啊童。

「唔係掛！咁似啲膠劇嘅劇情既？」我驚訝地說。

「喂啊言，你見到佢太靚所以癲咗啊？」Marcus問。

此時此刻，只有三個人知道為何我會如此驚訝。

一是我自己，

二是啊童，

三是看過啊童樣子亦知道我們關係的啊正。

「Hello大家好啊，我叫周樂童，希望未來可以同到大家做朋友。」她自我介紹說。

「你搵個位坐住先。」Mr Chan說。

班上的男生當然不斷向她招手，叫她坐在他們的旁邊。

但她並沒有加以理會，她毫不猶豫就走了過來我那邊。

「嘩佢係咪想坐我隔離，死開啦肥強。」Marcus興奮地說。

「你唔比佢係想坐我隔離既，你死開啦。」肥強不甘示弱地反駁Marcus。

「你地全部都可以收皮啦，佢會坐我隔離。」我自豪地說。

果然，她把我旁邊的椅子拉開並坐了下來。

「啊言！你點做到㗎。你點吸引到女神主動坐你隔離㗎。」他們驚訝地問。

「佢地識㗎。」啊正嘆了一口氣說。

「屌，咁我地冇機會啦。」

我向他們展示出勝利者的笑容。

「童童啊~點解你係到既？」我問啊童。

「童你個頭啊，你試下咁叫多次丫？」啊童瞪著我說。

「童童，童童，童童。」

「食屎啊你。」她用隻手扭著我耳朵說。

「痛...好痛。」

「知驚未？」

「知啦知啦，講返正題，點解你會係到既？」我問。

「我一早咪話咗我地開咗學之後會日日見面囉，你自己唔明我意思咋。」我童做了個鬼臉說。

「講清楚啲啊嘛，唔怪得知之前問你讀邊間學校你又唔講啦。」

「咁你無啦啦點解要轉校呢？」

「因為之前間學校唔好囉。」

「咳，啊萬浩然，我知你識到新同學好開心，但係宜家就唔好傾計住啦。」 Mr Wong說。

「對唔住，唔傾唔傾。」

Mr Wong就處理一下班務，說一下自己課堂的規矩。

跪求大家Follow我既IG: MaanYin05

## 27.

終於...終於到本日最後一個重要環節了，

選班會成員。

我作為一個做了兩年電腦大使的人，

今年的目標同樣是電腦大使。

你可能會問我為什麼想做電腦大使，

原因無他，我每朝回到班房時，

能借用自己的權力，用班房的電腦上網，

我由小學開始已經這樣做，

因為通常上課前是沒有老師會經過我們班房的，

所以十分安全。

「各位兄弟，我想做電腦大使，大家識做㗎啦。」我對著前方的四人說。

「得啦，我地幫你。」

「好，宜家選電腦大使。有冇人想自薦或者想推薦人？」Mr Wong問。

「我想做。」我立即舉手自薦。

其實這個位基本上是沒有人會想做，

而且我有一推兄弟支持我，

以我可謂勝卷在握。

「我想做。」突然有一把聲音說。

我看向聲音的來源，竟是前方的魚蛋，

他正對著我奸笑著。

「魚蛋你玩野啊？」我怒說。

「我突然間都想做電腦大使㗎。唔得㗎？」他囂張地說。

「你啊媽個仔丫。」

「好投票啦，投萬浩然的請舉手。」Mr Wong說。

我看一看周圍，

連一隻手也沒有，

我此刻面如土色，

「啊童！幫下手丫，舉高隻手投我一票丫。」我哀求啊童。

但啊童完全不理我，捂著嘴在笑。

「喂啊，幫下我啦，好慘㗎我。」

「識做啦～」啊童說。

「放學去搵文姨。」我說。

話剛說完，她便立即舉起了手。

「果然係好童童。」我讚賞她。

她白了我一眼。

「好，萬浩然有一票。投魚蛋既請舉手。」

坐在我前面的三人馬上舉手，

其他人見有人舉手於是便跟著舉。

結果，魚蛋得27票，而我得1票。

「點解㗎！前面個四個人，你地良心過意得去咩，咁樣出賣自己既兄弟。」我崩潰地說。

肥強看了眼啊童，然後對著我說，

「抵你死啦，自私鬼。」

跪求大家Follow我既IG: MaanYin05

## 28.

「好，跟住選男班長。有冇人想自薦或者想推薦人？」Mr Wong問。

基本上這個吃力不討好的位置是不會有人想做的。

過了十秒後仍然冇人舉手，

「喂，想唔想做？」啊童奸笑著問我。

「你...你想點啊，唔好啊喎，冷靜啲。」我害怕地說。

「哼，冇得你揀。」說罷她便舉起了手並說，

「我推薦萬浩然做班長。」

我的那些所謂兄弟見到啊童舉起了手，

於是又便跟著舉起了手。

「喂，你地想點啊？」

「支持你做班長啊。」Marcus興奮地說。

「好，五票，恭喜萬浩然當選男班長。宜家選女班長，有冇人想自...」Mr Wong還未說完，

我便已經舉起了手，

「你想推薦邊個？」Mr Wong問。

「我要推薦周！樂！童！」我看著啊童說。

「喂，你唔可以咁樣啲喎。」啊童著急地說。

「哼，比你體驗下我頭先既心情。兄弟們，幫我投佢，佢做到既話每人一碗撈麵。」

他們聽到有撈麵吃後，全部舉手。

「多謝言哥。」

「言哥好耶。」

「言哥英明。」

「言哥萬歲。」

「喂你唔可以咁奸矛㗎！」啊童驚慌地說。

「好，周樂童當選女班長。」Mr Wong說。

她狠狠地打了我一下，

「嘩駛唔駛咁大力啊。」我摸著被她打的手臂說。

「頂你，我唔想做班長啊。」

「我夠係啦，咪一樣比你推咗出嚟做。己所不欲，勿施於人啊。」我嘆了一口氣說。

「有請男女班長出嚟講下自己對呢班既期望。」Mr Wong說。

「起身出去啦。」

我對著仍未接受到成為了女班長這個事實的啊童說。

「唔要啊！唔要啊！我唔想做女班長啊！」啊童像個小孩子一樣在哭鬧著。

「嚟啦，冇得你揀啊。」我向她伸出一隻手。

她狠狠地打了我的手一下，然後自顧自的走了出去。

「Woo！耍花槍！」魚蛋說。

「收皮啦，再嘈我記你缺點。」我瞪著他說。

「好大既官威啊男班長，不過好可惜班長係冇得記缺點㗎。」肥強忍著笑說。

「你...得，我認輸。」我放棄跟他們繼續爭論下去。

「唔好顧著吹水啦男班長，出嚟啦。」Mr Wong催促我說。

「嚟緊，嚟緊。」說罷我便走了出去。

跪求大家Follow我既IG: MaanYin05

## 29.

「好啦，你地可以開始講啦。」

「咳，我就係無啦啦被人推咗出嚟㗎啫，Ehh，希望我地班可以快啲由Rare變做Cooked啦，哈哈。」

但全班聽到我的爛GAG後都靜了下來，

唯獨我的兄弟全都在笑，

我看向啊童，

看到她的嘴角上揚，正在忍笑。

「好男班長講完就到女班長講啦。」Mr Wong示意啊童可以開始說。

「我呢就初嚟報到，就唔知點解會被人推咗出去做女班長。」她瞪著我說。

「咁我就希望可以快啲識到大家。多謝。」她繼續說。

「唔該晒兩位班長，你地可以返去先。」Mr Wong說。

於是我們便走回去自己坐位，

「屌你個On9仔，乜L嘢叫rare變cooked啊，笑死我！」肥強大笑著說。

「你笑點都幾低啲。」啊童說。

「小姐好似你都有笑啲頭先。」我對她說。

「冇囉好冇。」

「我地信你。」啊正對著啊童說。

「識做！話說你哋叫咩名啊，同你地講咗咁耐我都唔知你地叫咩名，淨係知你地係啊言既朋友。」啊童問。

「佢哋四個分別叫豬、朋、狗、友。」我搶著說。

「屌你收皮啦。我叫魚蛋啊。」魚蛋秒速換上笑臉說。

之後他們各自介紹了自己。

跪求大家Follow我既IG: MaanYin05

## 30.

因為今天是開學日，所以十二點半就放學了。

「叮噓」

「走得啦yeah。」Marcus興奮地說。

「周樂童你留一留低，我有啲嘢想同你講。」Mr Wong說。

「知道。」她回應。

我們沒有理會她，自顧自的走出了班房。

「嘩前面搞咩咁多人啊？大特賣啊？」啊正驚訝地問。

「惠康。」我冷冷地說了句。

「你up乜春啊，無端端惠咩康啫。」啊正問。

「聖誕。」魚蛋說。

我看向魚蛋，我倆相視一眼然後一齊笑了起來。

「啊屌，屌你啦on9仔。」啊正說。

「你地講咩惠康又咩特賣啊？」不知何時走到我們身後的啊童問。

「嘩你幾時係到㗎，你行路冇聲㗎。」我被她突如其來的一句話嚇倒。

「吓我企咗係到好耐㗎啦㗎，你快啲答咗我你地頭先講咩先啦。」啊童催促我說。

「明就明，唔明就唔明。」魚蛋冷冷地說。

「冇錯，如果你聽完唔明咁我地都無謂解釋啦。」我說。

「你又蝦我！」

啊童扁了扁嘴，

又用她那殺得死人的眼神對著我說。

「佢地唔解釋，我嚟解釋比你聽。」啊正說。

果然自古以來，英雄難過美人關，

我們最終還是有人屈服於美色底下。

「都係正哥最好人㗎啫。」

「有冇聽過一句野叫惠康聖誕大特賣啊。」

啊正對啊童的語氣跟對我們的完全不同。

「冇啱。」啊童天真的回應。

「算啦啊正，唔好教壞人地啦。」一直沉默的Marcus突然說。

「唔得唔得，啊正你快啲講埋落去，我想知啊。」啊童白了Marcus一眼說。

「唔好後悔啫，你真係要聽？」啊正再三確認。

「講啦。」

「你試下將句句調轉讀一次！」

「等我諗下先，賣特大誕聖康...」

她還未說完那句句，她的臉就已經紅了起來。

「同學做咩唔讀埋落去呀，你仲爭一隻字啫，試下大聲啲讀佢出嚟。」我一本正經地說。

「食屎啦萬浩然！你地玩我！」她鼓起腮幫子地說。

「痴線你自己話要聽㗎啫。」我沒好氣地說。

「我唔理！我唔理！」

「一唔一齊食野啊？哈...哈哈！」肥強見狀，幫我們轉移話題。

「食野？好啫！」啊童第一個興奮地回應。

「真係冇你符，想食咩啊？」我問。

「我都唔熟呢度，你地係到讀咗兩年，你地揀間好食既帶我去食啦。」

跪求大家Follow我既IG: MaanYin05

# 31.

於是我們便為了吃甚麼而展開了一場激烈的辯論，

經過歷時三十分鐘的辯論，

我們最終因為太肚餓而達成了共識，

結果我們便去了一間幾好食的港式快餐店吃了個午餐。

「嘩！原來呢個世界上仲有啲咁傳統既港色快餐店㗎。唔...食咩好呢？」啊童就像發現了新大陸一樣。

「你地都係食個啲㗎啦。我幫你地叫埋。」我說。

「唔該，要五個A餐。啊童你食咩啊？」我轉過頭來問她。

「我要炸雞腩飯！唔該。」

我幫他們付過錢後，便找了個位置坐下。

「喂每人三十，即刻還。」我說。

「咩啊，你頭先話請我地食飯㗎。」啊正說。

「我頭先只係話請你地食一個價值十五個大洋既撈麵咋，並冇話請你地食飯，況且你班仆街搶咗我電腦大使個位我都未同你地計。」

「呵，你唔Gur啊？好公平㗎嘛，我係比人一人一票咁投出嚟㗎，好民主，咩搶聲咁難聽，個位你㗎？你Book咗㗎？再加上又唔係得佢地幾個投我，全班都有份投我㗎。」魚蛋囂張地說。

「你...呢件事唔講，你地肯比返錢小弟未啊！我都有話請你地食飯。」

「下，你係話請我地食飯㗎，我地幾個人都聽到。」肥強加把口說。

「啊童！你講句公道說話丫。」我向啊童求救。

「你係話請佢地食飯㗎。」啊童一本正經地說。

「嘩你睇，連周樂童都咁講啦。即刻你頭先係話請我地食飯。」肥強說。

「強搶啊！！你地夾埋蝦我既，連啊童你都唔幫我！簡直係欺凌啊！」我不憤地說。

「咦有啦㗎，出去擺野食先。」Marcus邊起身邊說。

「去擺野食Luu。」他們說。

「你班仆街....」我無奈地說。

於是我們便各自取餐，

「啊童你真係唔識食啊，呢度最出名既係佢既A餐，亦即係漢堡包加薯條，但係你竟然走咗去叫炸雞腩飯。唉，走寶啦。」我對她說。

「你頭先唔早講？你宜家先講有鬼用咩！」啊童怒視著我。

「吓，咁我以為你知丫嘛，你見我地個個都係叫呢個餐，你就知呢個餐有幾好食啦。」我邊坐下邊說。

「食屎啦你！」

我不再理會啊童，打算安靜地享受一下神聖的A餐。

我細心觀賞著漢堡包，

看著兩塊麵包中，比夾著的那堆厚厚的配料，

我合上雙眼，用手拿起漢堡包，

準備放進口中。

咦！我找了個空。

我張開雙眼，

看見啊童笑嘻嘻地拿著我的漢堡包。

「喂，你你你想點啊？冷靜啊，我要食㗎！」我不滿地抗議著。

她迅速地咬了一口，然後裝作無辜地看著我。

「哎呀！唔好意思啊，我唔小心咬咗淡，我諗你都唔會想食我口水㗎啦~唉，咁我唯有勉為其難咁幫你食咗佢啦。你食我呢個飯啦，都好味㗎。」

「你咁諗就大錯特錯，我係唔怕食你既口水，反正我之前都食過，所以你可以比返個包我，你自己慢慢食你個炸雞腩飯。」我囂張地看著她說。

「Woooo！連口水都食過Luuu。」魚蛋在旁說了句。

我白了他一眼。

「唔得！我要食！你食我呢個飯，講完。」

她一手保護著那個包，一手把那碟飯拿給我。

「算，我大人有大量唔同你計。」我又再次屈服於強權之下。

我看著啊童吃得津津有味的樣子，再看一看在我眼前的那一碟飯，

我無奈地拿起那隻雞脾開始進食。

一咬下去，

咦，

原來還不錯，

又脆又多肉汁，

再試碟上的飯，充滿炸雞的味道，

再加上廚師在飯上淋上豉油，

使得一碟普通的白飯變得超級好吃。

如此美味的炸雞脾飯已經很難再吃到了，

慶幸啊童今天強迫我跟她交換食物，

我才有機會一嘗此等美食。

跪求大家Follow我既IG: MaanYin05

## 32.

過不了多久，

大家都吃得七七八八了，

於是啊正便提議玩真心話大冒險。

「又玩？上次同你地玩完我差啲上新聞啊，呢班仆街痴線嘍啊童，千祈唔好同佢地玩呢個遊戲啊！」我說。

「好嘞，反正我都係痴線嘍啦，玩囉，驚你地啊？」啊童做個鬼臉對著我說。

「唉呀啊言，你係咪咁唔玩得啊，連周樂童都敢玩，你唔敢玩？你係咪男人嚟嘍？況且上次我地都係叫你係條街到唱浮誇啫。」肥強說。

「仲唔夠啊？你知唔知成條街嘍人都係到望住我啊！」我大聲地說。

「冷靜啲先，宜家都真係成間鋪頭既人都望住我地啦，我地今次唔玩咁大，得未？」啊正說。

「唉玩啦玩啦，都唔知點解我會識到呢班損友嘍？」我說。

「就算係損友，我地都係你既最佳損友！」Marcus舉起他的大拇指說。

「喂搵人擺支筆出嚟轉丫。」魚蛋說。

「得啦搵緊啦我。」啊正說。

「嚟啦喎，我轉啦。」他把筆輕輕一轉，大家都定睛看著那支筆，擔心著自己被抽中。

結果，當筆尖轉到啊童時便停了下來。

「第一位幸運兒係周樂童小姐，請問閣上係揀真心話定大冒險呢？」啊正問。

「唔...就大冒險啦，刺激啲先好玩嘍嘛。」啊童面無懼色地說。

「既然你咁勇敢，選擇大冒險，我地係唔會令你失望既。」啊正奸笑著看了我一眼。

我有預感，這次的大冒險將會是跟我有關，

但求他們不會玩得太大。

「快啲講啦！」啊童一臉期待的看著啊正。

「好，見唔見到呢到有條薯條。」啊正拿起了一條比我尾指還要短我薯條。

糟了，我已經知道他打算叫啊童做甚麼了。

「見到，咁你想點丫。」啊童毫不畏懼地說。

不得不佩服啊童到此時此刻都還能保持鎮定。

「好！我要你做既事十分簡單，你含咬住條薯條既一邊，然後比啊言食另一邊。你地頭先都話你地有食過對方既口水，咁我諗你地都唔會介意要食多次㗎啦。」啊正說。

「輕鬆啦。」啊童充滿自信地說。

跪求大家Follow我既IG: MaanYin05

## 33.

在他身旁，

我一眾的兄弟已經準備好看好戲，

Marcus亦不知從那裏弄來了一包花生，

而魚蛋甚至拿了自己的電話出來。

「喂！唔準影！你班死仔，明明係佢揀大冒險點解要拉埋我落水。」我不忿地說。

魚蛋並沒有理會我的說話，

依舊拿著自己的電話，

一副你奈我何的樣子。

「你冇得揀，好周樂童你準備好就可以隨時開始。」啊正說。

「嚟啦喎啊言，速戰速決。」啊童對我說。

「唉，嚟啦嚟啦。」我說。

她拿起那條薯條，

將薯條我一邊尖端用口輕輕咬住，

然後用眼神示意我可以開始。

我把頭伸過去，

視線因為不知要放哪，

於是只能尷尬地看著啊童，

我跟她的頭靠得越來越近，

甚至連她的呼吸聲也聽得一清二楚，

直到我們的鼻子碰到對方，我才停下來，

我們現在只相距不到四厘米。

我緊張地吞了一下口水，看著她的雙眼，

「我食啦。」

她害羞得迴避我的目光，臉頰也紅了起來。

「唔。」

我張開嘴巴，一口咬了下去，

突然我後腦被人推了一下，

我不由自主地向前傾，

嘴唇碰上了她的嘴唇，

我腦中一片空白，完全反應不來。

隨即我左方有白光一閃，

我才反應過來立即把頭移後。

我呆了呆，還在想剛才所發生的事。

「喂魚蛋冇冇影低頭先個一幕，簡直係完美啊。」啊正興奮地問。

我看向身後的啊正，

他笑嘻嘻地看著我，

我再看向啊童那方，

她好像還未知道發生了甚麼事。

「啊！！！我個初吻啊！！！萬浩然你係咪痴線㗎？你傻咗啊？」啊童怒氣沖沖地問我。

「唔係啊，你聽我解...」

我還未說完，啊童便已奪門而去，

連自己的書包也忘記了拿。

我看著啊童的背影，腦中一片空白。

「你做乜L野啊！你係咪有病啊？人地女仔嚟㗎，你咁樣推我埋去。」我將滿腔怒火發洩在啊正身上。

「我諗住幫下你咋嘛。點知會搞到咁大啫。」啊正解釋說。

「諗諗諗，諗呢啲你就最L叻，你有冇用下你個死人腦諗下後果啊On9，傻既都知咁樣唔Work啦，同埋你有冇諗過我想唔想丫，淨係顧住自己開心。」

「對唔住囉，你宜家快啲擺埋佢個書包去追返佢先啦。」啊正臉帶歉意地說。

「你真係OnL79㗎！」說完我便預起她的書包追了出去。

「喂，我Send返條片比你，咁你易啲解釋。」魚蛋說。

我點了點頭。

可惜我出到去後，啊童已經消失於人群之中。

跪求大家Follow我既IG: MaanYin05

## 34.

由於我學校的一個智障政策，

不容許學生帶手機回校，

所以學生們通常都沒有手機。

而我們就是另類，

我跟我的兄弟全都有帶手機，

基本上老師並不會查，

所以兩年來我都沒被人發現過我偷帶手機。

我拿出自己的電話，嘗試撥打啊童的電話號碼，

「你所打既電話暫時未能接通，請係必一聲之後留低你既口訊丫。」

「嘖，宜家啲人咁乖唔帶電話返學㗎。啊童啊！你係邊啊？」我自言自語地說。

「唔...啊童黐會去邊呢？返屋企？去咗佢屋企先啦咁就。」我思考著說。

於是我便從那間快餐店，

以能媲美保特的速度，直奔回家中。

「呼...呼，終於返到嚟。」我放下啊童的書包，

看著她家的大門說。

我急不及待地伸出手去按下門鐘。

十秒，

二十秒，

三十秒過去，

還是沒有人開門。

於是我便按多次門鐘。

「快啲啦，快啲開門啦，求下你啦啊童，對唔住啊，你開門啦。」我在大門外說。

可惜，一分鐘過去了，

但是依然沒有任何回應。

為了測試一去屋內是不是真的沒人，

於是我便嘗試將耳朵貼緊大門，

打算聽聽屋內有沒有聲音。

「你係到做乜野啊！」有一把女聲大喝。

我急忙向後站直並轉過頭去，看看是誰叫我。

原來只是一位清潔工。

我嘆了一口氣，拿起兩個書包，

打算無視那個清潔工人，

繼續我的「旅程」。

「喂！你唔好走啊！我要報警啊，呢期經濟唔好，咁細個就要做賊，真係慘，不過我唔會可憐你㗎，我宜家報警啊，你同我企定定係到啊。」她說。

「啊姨，你係咪有病啊，我呢到住客嚟㗎，死開呢屌你，趕時間啊。」

碰巧我心情不好，正好可以用她來出氣。

「你話係就係啊，我唔會驚你㗎，你估你大聲就嚇到我啊，啊姐我唔惹少㗎，你唔好諗住走啊。」她攔著我。

「嘖，你真係On9㗎，死L開啦，咪L阻9住晒。」

我輕力推開她，然後撤。

「嘩，你打我，你死啦你，我實叫啲差人拉你，你等坐監啦。」她說。

「屌你老味收嘍啦，我已經好L多野煩㗎啦，你仲要嘈9住晒。」我怒吼說。

那個啊姨比我嚇得不敢再出聲，我亦順利進入了升降機。

「如果唔係屋企佢會去邊呢？佢又冇帶電話。啊！唔通去咗文姨到？」我疑惑地問。

於是我便由自己屋企又再次飛奔到去甜品鋪，

幸好我是羽毛球校隊，

平時亦有打籃球。

所以體能不差。

否則我跑到一半應該已經暴斃身亡。

跪求大家Follow我既IG: MaanYin05

## 35.

過了五分鐘後，

我終於到了甜品鋪，

我不加思索便衝了進去，

把裏頭的文姨嚇個半死。

「哇，你做咩野啊？預住兩個袋然後衝入嚟。」文姨說。

「我...呼...呼。」我冇力地說。

「唉你坐低先啦，我去擺杯水比你，你等陣。」說罷她便進了廚房。

「欸。」文姨把水遞給還在喘氣的我。

「做咩事啊。」文姨問我。

於是我便把整件事的來龍去脈都告訴文姨，

「所以呢，我宜家就四周圍搵緊啊童囉。」我說。

「跟住你以為啊童會嚟咗我度，於是頭先就衝咗入嚟啦。」她說。

「係啊。唔知佢宜家係邊到呢？」我問。

「呢層你就要自己諗下啦，不過我奉勸你快啲出去搵，越遲佢會越嬲」文姨說。

「得，我宜家出發啦，唔該你啊文姨。」我拿起書包說。

「唔...下個地方去邊好呢，佢唔係自己屋企，又唔係甜品鋪，仲可以係邊到呢。」

突然間，一段回憶從我腦海中浮現出來：

那時，我們正在玩大富翁，

啊童碰巧又要坐監，

於是她自己一個一信不發地在生悶氣。

「喂，坐監啫，駛唔駛咁唔開心啊。」我安慰她說。

「哼，都唔知點解有人會發明個遊戲係會叫個玩家坐監啱啫，我都係想玩啫，宜家要坐監又唔玩得。好嬲啊！！！」啊童不滿地說。

「好快就放監啦，等一陣咪得囉。」

「唔得啊！我宜家好唔開心啊，嗚。」她扮哭地說。

「救命啊，點解我會識咗個咁弱智既人㗎！」我無奈地說。

「你話邊個弱智啊？你快啲安慰我啦。」啊童大力搖著我說。

「唔好再搖啦，我暈啦。」

「仲唔安慰我！」

「小姐請問你平時唔開心會做啲咩呢。」我靈機一動。

「你問嚟做咩啫。」

「你答咗我先啦。」

「聽歌囉，食甜品囉，去海旁坐下。」

「你鍾意聽咩歌。」

「Rubberband囉。」

「咦，你都係橡膠迷嚟㗎，識野唔。」

「哼，駛乜講。」

「咁我唱首Rubberband既歌嚟安慰你，得未？」

「快啦！」啊童興奮地說。

於是我便唱了首Easy給她聽。

回到現實，

「聽歌，食甜品，同...去海旁！」

我頓時想起她說過她若不開心便會去海旁。

想到這裏我立即起行，

由甜品鋪直奔去海旁。

跪求大家Follow我既IG: MaanYin05

## 36.

十分鐘過後，

我喘著起地抵達海旁，

我沿著海旁一路走，

終於讓我見到一個少女的身影，

她獨自坐在長椅上。

我心中大喜，立即跑過去，

「啊童！」我叫了一聲，

可惜她仍然不為所動。

我再走近些，好像有點奇怪，但我又說不出奇怪之處是甚麼。

但心急如焚的我沒有理會太多，

我輕輕拍了她的膊頭一下，

她轉過頭來，

竟是一位樣子清秀，與我差不多大的一個女子，

我頓時明白為何我會感到奇怪了，

因為我聞不到啊童身上獨有的花香味，

而且她並不是穿著校服的，

我心中暗自責怪自己為何如此大意。

「做咩？」她疑惑地問我。

知道自己認錯人後我當然立即道歉。

「唔好意思我認錯人啊。阻到你好對唔住啊！」我說。

「唔緊要，搵緊個女仔啊？」她問。

「係...係啊，你點知㗎？」我問。

她噗哧一笑，

「你認錯我係你個朋友啫！咁我係女仔嚟㗎嘛，咁好明顯你要搵既人都係一個女仔啦。」

我笑了笑，原本認錯人已經夠柒，

宜家仲問埋呢啲咁既白痴問題。

「你激黐咗人啊？」她問。

「你又知？」我不解地問。

「見你咁心急，仲要預住兩個書包，其中一個擺明係女仔既書包嚟啦，而你又著住校服...」

她看一看手錶繼續說，

「我估你地一齊食野？跟住你唔知做咗啲咩跟住激黐咗佢，搞到佢書包都唔擺就走咗去。」

聽完她的推論後我呆在原地，因為她全對！

「世事都比你看透了，在下佩服。」我苦笑著說。

「你個Friend個樣點㗎，我宜家都有啲時間可以幫你搵下佢既。」她說。

「唔該你啊！」

我想也不想便答應了她的好意，

多個人可以分頭搵，快點找到她。

我大概跟她描述了啊童我衣著及特徵。

「係呢，你叫咩名啊。」她問我。

「啊言。」

「Candy。」

「咁Candy你去個邊搵，我去呢邊。唔該晒。」我說。

「得，你比你電話我，我一搵到我就打比你。」她說。

於是在告知她我的電話號碼後便開始在一條很長的海旁尋找啊童。

過不多久，我的電話便響起了，

我看一看來電顯示，

果然是Candy。

「喂。」我說。

「喂，啊言，我好似搵到個符合晒你頭先所講既特徵既女仔啊。你快啲過嚟丫。」她興奮地說。

我聽到這個好消息，

當然急不及待地跑了過去。

轉眼間，我便看到了Candy，

我向她揮揮手，

她看到我後便舉起手指著不遠處的一個女生。

我看過去，

果然是啊童，

她穿著校服，把馬尾放下來了，

雖然她背對著我們，但我這次真的肯定她是啊童。

我經過Candy時，

輕聲跟她說了句唔該，

「快啲去氹返人啦。」她說。

「得啦。」我回應。

跪求大家Follow我既IG: MaanYin05

## 37.

我走近那個女子，

為確保我不會再柒多次，

所以我特意用力聞了一下，

有沒有啊童獨有的花香味，

真是啊童！

我在她我旁邊坐下，

聽到聲音的啊童轉過頭來，

眼淚在她的眼眶內打轉，實在是我見猶憐。

「點啊，黹完未啊？」我溫柔地問。

「嗚...」她強忍著淚水，搖了搖頭。

「做咩唔聽我解釋就走咗去啊？」

「你...你知唔知...初吻對...嗚...一個女仔嚟講係幾咁重要？」她的臉上多了兩行眼淚。

「我知我知，對唔住，我唔應該比佢地同你玩呢個遊戲既。」我輕撫著她的手臂說。

「關...關佢地咩事，明明係你...」

「我比條片你睇下你就知發生咗咩事㗎啦。」

說罷我拿出電話，打算播放魚蛋所錄影的那段影片。

「欸。」我把電話放在她的手中，讓她自己拿著去觀看那段不堪入目的影片。

「睇到啦？係啊正推我，所以我先至會錫咗落你到。」我解釋說。

「唔...但係你仍然擺咗我個初吻㗎。」啊童此時已經停止了哭泣。

「咁我都唔想㗎嘛，喂咁成件事其實我都係受害者㗎㗎，我仲要預住兩個書包四周圍咁搵你，又熱㗎宜家，我又擔心你㗎，無端端自己走咗去。」我說。

「但係你仍然係擺咗我個初吻㗎，我原本諗住個初吻要係一個好浪漫既情境底下，比我自己鍾意既人擺走㗎嘛，宜家竟然係係一間快餐店比你搶走咗。」啊童扁著嘴說。

「咁你駛唔駛我以身相許啊？」我笑說。

「嘩，變態佬啊！」啊童聽到我這樣說後立即破涕為笑。

「笑返咪好囉。」我說。

「話說你係咪一直揸住兩個書包去搵我啊！」她問。

「係啊！」

「你痴線㗎？咁重，仲要你搵咗我咁耐。」她驚訝地說。

「係㗎，我出晒汗啦，為咗搵你，你睇下我幾慘。」

「哼，比你錫到我，你賺咗啦！宜家都係揸住個書包行幾步路啫。」

「痴線你知唔知我今日為咗你，行咗幾多路啊？我啊，由快餐店跑去你屋企，跟住我仲比個清潔啊姨當係賊，然後我再由屋企跑去文姨到，最後先由文姨到跑過嚟海旁，最好笑係，我認錯咗個女仔做你，好彩佢好好人冇鬧我，仲同我一齊搵你添。」我一口氣把我剛才一個小時的經歷講出來。

「咁個女仔呢？」啊童問。

「嘍係啲，仲未好好多謝佢添。」

我經啊童提醒後才記起。

我抬頭一望，卻見不到Candy的蹤影，

只剩下一堆在享受海風的老人家。

「唔見咗既？不過唔緊要啦，可能佢幫完我之後就走咗，反正我有佢電話，遲啲先多謝佢都未遲。」我說。

「點啊，走未啊，定你想坐多陣先？」我問她。

「覺唔覺得個海好靚？」她問我。

「吓，唔，Ok啦。」我被她這個突如其來的問題嚇倒。

「嘍，唔識欣賞。」她一臉嫌棄地說。

「敢問小姐大海靚在何處？」我問。

「我覺得大海靚既原因，並非其本身，而係佢能夠襯托出其他事物既美。就好似宜家咁，你睇下，係夕陽既影射之下，成個大海幾靚，一片橙色咁，但係如果缺少咗大海既襯托，就咁單睇一個夕陽，就會顯得單調，相反地，缺少咗夕陽既顏色，大海亦會變得普通。唯有兩者相輔相成，先至能夠創出如此美境。」啊童解釋說。

「你創造這太空~浮游失重。」我不自覺地唱起Supper Moment既橙海。

啊童看著我笑了笑，然後說。

「唱得幾好聽丫，首歌幾配合宜家呢個情境丫。」

我點了點頭，然後繼續唱，直至把整首歌唱完。

跪求大家Follow我既IG: MaanYin05

## 38.

「走啦！」啊童說。

「好啊，係咪返屋企？」我問。

「你好似應承咗我一啲野㗎，警告你唔好諗住走數啊，如果唔係...」

「如果唔係點丫？」

「打獲你囉，仲可以點啫！」啊童說。

「咁你打囉，隻揪啊笨！」我做個鬼臉說。

「咁串！？我宜家就嚟打獲你！」我童說。

「捉到我咪比你打囉！」

我話未說完就開始跑了，

啊童發現我正在逃走後亦不甘示弱，緊追在我身後。

「仆街！咪走啊你，比我捉到你就知死！」

「嘎...你捉到我先算啦。」我上氣不接下氣地說。

失策了，

第一，

我忘記了自己不久前才狂奔完，體力已經接近零了，

第二，上次在甜品鋪時，我體力充足也敗給了啊童，如今更加不可能跑得贏她。

果然，跑了一少段後，

啊童跟我的距離明顯地被越拉越近，

相信被她捉到也只是時間問題而已。

迫於無奈的我唯有使用大腦，

想出方法去解決眼前的劣勢。

「唉呀！」

我趴在地上，假裝跌倒，雙手捂著膝頭。

「喂！你有冇事啊？」身後的啊童立即上前來關心我。

「痛！」我臉容扭曲地說。

「唉！係咪衰呢，又唔係跑得，又要係到玩，乖乖地唔好反抗咪冇事囉。」啊童嘆了一口氣說。

「痛唔痛啊？」

「痛...好痛。」我七情上面地說。

「邊到痛啊？」啊童繼續問，眼中展示出擔憂。

「呢到。」我手指著膝頭。

「咁你宜家行唔行到啊？」

看見她如此關心我，我雖然不忍心繼續欺騙她，

但我知道若我告訴她事情的真相，我會死得很慘。

「行...行到。」

「咁我扶你返去先啦。」

「唔該。」於是我的手便搭著她的膊頭上，一拐一拐地走回去。

「係呢，今日Mr Wong做咩叫你留低既？」我問。

「哦冇啊，佢話我地學校規定每個學生都一定要參加一樣課外活動，叫我睇下對邊樣有興趣之嘛。」

「咁你揀咗咩丫？」

「唔...未諗啊。你呢，你參加咗咩課外活動啊？」

「我就係羽毛球校隊既。」我自豪地說。

「咁啊...咁我都入羽毛球隊啦。」啊童想了想後說。

「你得唔得㗎？睇你好似弱不禁風咁，因住比個羽毛球打中然後入醫院啊！」我打趣說。

「收皮啦你，唔知邊個宜家跑幾步就跌親仲要我扶呢下~」啊童囂張地說。

「得啦得啦，知你勁啦。但係認真你打唔打到㗎，我驚你打兩打就無力㗎。」

「食屎啦你，你等住比我虐殺啦。」

「哼~睇下點？唔好話我唔提你啊，我話晒都係打A Grade㗎，實力唔差㗎。」

我沒有誇張，

我的確是以十四歲之齡越級打A grade，

不過原因是我校男羽不夠人，

於是唯有把我以及一個跟我同齡的人升上校隊A grade去湊人數，

所以我們只是後備而已，

主力是四個中五師兄。

「咁咪好犀利？」啊童語帶諷刺地說。

「到時你咪知囉。如果你入到羽毛球隊既話。」

「你宜家係咪睇少我，覺得我入唔到丫？」她作勢打我。

「小人不敢。」我恭敬地說。

跪求大家Follow我既IG: MaanYin05

## 39.

說著說著，

我們就已經出了升降機，

抵達我家樓層了，

啊童很好心地扶著我到我家門口，並協助我把鑰匙拿出來。

我把大門打開後，便自行走了進去，

「啊童啊！」我轉身跟她說。

「咩啊？唔捨得我啊？」

「我同你講樣野丫。」

「講啦。」

「我頭先係扮跌親，我其實冇受傷。」

說完我便秒速把門關掉，

留下還未反應過來的啊童呆呆的站在門外。

下一秒，我聽到門外傳來啊童的咆哮聲，

「死！賤！人！萬！浩！然！」

原本我打算無視她就此離去，回到自己房間，

但她竟開始狂拍我家的鐵閘，

我開姑後悔告訴她我假裝受傷這件事了...

我迫於無奈，

重生打開大門，隔著鐵閘跟她對話。

「唔好拍啦！」我說。

「哼，邊個叫你欺騙我既感情。」

「嘩，咁你上次暑假扮癩夠係欺騙我既感情啦，仲搞到我要整個心太軟比你食。」我反擊說。

「咁...咁上次係你玩我先既！你...你唔好扯開話題啊你。」啊童著急地說。

「呵，你玩我又得，我玩你又唔得。」

「一單還一單啊，你唔好再提上次啊！」她警告我說。

「玩晒啦你！」我賭氣地說。

「明明係你呃我，宜家仲咁惡。」她像個小孩子一樣翹著手擰轉頭。

「玩下啫，駛唔駛咁大反應啊。」我厭煩地說。

「你係咪覺得扮受傷好好玩？你知唔知我幾擔心你啊？」啊童老媽一樣向我訓話。

「哎呀好煩啊你，冇人叫你理我㗎嘛，你唔好理咪得囉。」我狠狠地說。

「好丫，我唔再理你啦。」她轉身就走。

「喂喂喂，返嚟啦，講下咋我。」我探頭出去說。

可惜啊童依然是頭也不回地進了自己家。

我立即拿起桌上的電話，並打給她，

可惜她秒速Cut了線，別無他法的我唯有用Whatsapp找她。

我：對唔住啊！我唔係咁既意思啊。

我看著她狀態是「在線上」，

但我已發出去的訊息卻仍是雙灰剔。

於是我便放棄了，

打算明天上學再處理，反正她坐在我的旁邊。

跪求大家Follow我既IG: MaanYin05

## 40.

當天晚上，

我求其吃過晚飯便走了進去洗碗，

一想到我又把啊童惹怒了，

就連進食的動力也沒有，

於是我只是吃了幾口飯，便放下了碗筷。

要洗的碗依舊很多，

不同的是窗外再看不到啊童的身影，

沒有了她的笑聲，

讓一早習慣了洗碗時跟她對話的我感到苦悶。

「嘿，原來有咁多碗洗㗎，點解以前唔覺既。」我苦笑著說。

沒有了啊童，才驚覺她的重要性，

既然現在沒人跟我聊天，那我也再不用關掉廚房大門自閉了，

於是我便把廚房大門重生打開。

「啊仔，你又做咩啊，無端端又打開返道門既？平時唔係話要專心啲咁諗野所以關門㗎咩，宜家又唔諗啦？」煩人的母親問我。

「唉呀，我諗諗下又覺得關門唔好㗎，空氣唔夠流通，咁於是我咪開返道門囉。」我說。

「真係奇怪。」老媽搖著頭說。

沒有了她的陪伴，

時間過得慢了許多許多，

以前有她在，洗碗的時間過得很快，

自己不知不覺間就已經洗完，

但現在沒有了啊童，

那些碗碟好像洗不完一樣，

一堆又一堆，

我就永無止境地去洗，

重複著一模一樣的動作。

好不容易洗完了，我習慣性地對著窗口說了句，

「我洗完啦。」

但卻得不到任何回應，

我抬頭一望，才記起啊童不在對面，

我苦笑著，搖了搖頭，恨自己剛才為何口不擇言，

明明自己才是欺騙她的人，但卻厚顏無恥地說出這此話。

我走回房間靜靜坐下，看著跟啊童的對話紀錄暗自發呆。

過了不知多久後，

我的電話突然傳來「叮」一聲，把我從懊悔中拉回現實。

「邊L個啊。」

我打開電話，發現原來是我跟那群兄弟的Whatsapp group傳來訊息。

正：啊言，你氹返啊童未啊？

魚蛋：係囉係囉，你向佢解釋返未啊？我Send比你條片有冇用啊？

我已讀了他們，因為我根本沒有心情回覆他們，

我現在只是在不斷地自責中，

後悔著自己為了一時之氣而令到啊童不開心。

正：@啊言，咪L已讀我好啱，得定唔得都答一句啊屌你。

我沒有理會他，

直接把電話轉做靜音模式，

然後上床便睡，

唯有在床上睡著了，

我才不會再陷於自責當中。

跪求大家Follow我既IG: MaanYin05

# 41.

第二天，我五點半便起了床，

希望能在早上回校出門口時，碰到啊童並跟她道歉。

我快速地進行梳洗工作，草草吃過早餐便預起書包出門了。

「喂啊仔，你咁早出門口做咩啊？學校都未開。」煩人的老媽此時又再度登場。

「哎呀你理...」

我說到一半後想起，我昨天也是因為說了差不多的話而導致啊童現在黷了我，

於是我便硬生生把剩下的幾隻字吞下肚，

「我早啲出去晨運啊。」我臨時說了句自己也不相信的大話。

「晨運？你又哂我啊？你真係當我傻㗎。」她說。

「總知我唔係去殺人打劫就得啦。」說罷我便出了門口。

我關好門後便走了過去啊童家門前坐下，

並拿出課本出來解悶，

靜心等待啊童的出現。

看著看著那本沉悶的課本，再加上我今朝實在是太早起床，

我竟然不知不覺間在走廊中睡著了，

還發了個夢，

在夢中，我在一個沙灘上，拿著一枝結他，向啊童唱了一首情歌並表白，

而啊童在眾人的見證下亦接受了我，

成為了我的女朋友，

但是，好景不常，當晚我便因一些鎖碎事情，

而跟啊童吵了大架，最後啊童更離我而去，

著急的我不斷叫著啊童的全名，

但啊童卻全不理會，越走越遠。

「喂！」一把女聲突然大喝。

「啊童！」我驚醒後下意識說。

我勉強地張開眼，眼前的卻又是那位煩得要死的清潔工。

「今次仲唔比我捉到你！想點啊你，一大朝早就馴係人哋屋企出面。我記得啦！你上次仲貼隻耳仔埋去人哋道門到。哼，遇著我算你唔好彩啦，我身為呢到既清潔工，我係有責任去保護住客既人生以及財產既安全，你仲唔係想當爆呢家人既格？你唔好走啊你，我今次真係會報警㗎。」她在短短幾秒的時間內把話說完。

「啊姐，我咪講過囉，我住呢度㗎，你唔好再煩我啦，你去做你自己野啦。」

「你想呃邊個啊？啊姐唔係咁易呃㗎，個保安又係既，咁唔盡責，亂咁放人入嚟都有既。」

「你係咪痴線㗎，你唔好去做柯南？邊L到會有人著住校服入嚟踩線㗎？」我盡量抑制自己的怒氣說。

「咩柯咩南啊，改埋晒啲奇奇怪怪既名，我唔理啊，你一係擺證據，一係就等差人嚟。」

「你要證據丫嘛，得！我擺條鎖匙出嚟開隔離到門比你睇，以後咪L再煩9住晒。」

我拿出自己的銀包，並從中拿出自己的鎖... 咦... 冇既？

「屌，唔記得帶鎖匙添。」我拍一拍大腿。

「呵，仲諗住呃我，唔駛扮野啦，我宜家就報警。」她拿出手機說。

「等等！」我叫停她。

「又點啊，我唔係唔會比你賄賂㗎，你死心啦。」

「我唔L係諗住賄賂你啊On9，我擺鎖匙啊。」

幸好我突然記起我家地毯下長期放著一條鎖匙，以防不時之需。

我伸手到地毯下摸一摸，

果然找到那條鎖匙，

我拿出那條鎖匙，並把它插進門鎖中。

「嘩，插得入㗎，冇呃你。咁你走得啦。」

我胸有成竹說，只是我實在是太低估了她的難纏程度。

「你咁樣係證明唔到你住係到㗎。」

「喂大佬，我知個到有條鎖匙㗎。」

「你好彩啫。」

「喂啊姐啊，你放過我啦好冇。」我崩潰地說。

「哼，你唔...」

「哇。」我期待已久，啊童家的大門終於打開了...

跪求大家Follow我既IG: MaanYin05

## 42.

大門一打開，內裏立即走出兩人，

在前的是啊童的父親，在後的則是啊童。

那個清潔工看到他們立即變臉，

由原本對著我的一副臭嘴臉，迅速轉為恭恭敬敬。

「啱啦，你出嚟就啱啦先生，呢個人好可疑啊，佢頭先係你單位出面訓覺啊，之前仲係你門口出門鬼鬼鼠鼠咁唔知做咩啊。」

「你知啦，宜家經濟唔好呢，多咗好多賊啊，你要小心啲啊。」

她又再俯身向前壓低聲音，斜眼看著我說。

「我聽到㗎！同埋我再講多次，我住係隔離，我唔係賊啊！」我說。

「哦，你係萬...萬咩呢？」周叔叔說。

「咳，萬浩然。」

「係啦，萬浩然，我識佢㗎，我諗係一場誤會嚟㗎啫。」他笑著說。

「欸，睇到未啊，我都話我哋係識㗎啦。」我向那個啊姨展現出勝利者的笑容。

啊姨臉如土色，並迅速敗走。

「唔該晒你地。嘩！佢真係煩到一個點。」我說。

「哈，唔緊要，我都係有個句講個句啫。」他說。

「咦，原本你都係讀呢間學校㗎？啊童都係喎，咁你哋可以一齊返學喎。」他看到我的校服後說。

我看一看在他身後啊童，

但她卻擰轉頭不看我。

駛你講咩，我夠知佢同我同一間學校啦，

你個女仲坐我隔離添。我當然沒有說出這一句。

「哦，係咩，哈哈？」我裝作不知情地說。

「真係好，起碼係學校到有個照應啊嘛，唉，其實我都好擔心個女係學校到會比人蝦，不過宜家有你

睇住，我都冇咁驚。」

蝦你個女個人咪我囉，

琴日擺咗佢個初吻仲整喊佢，

返嚟又再激嬲佢一次。

「放心啦，我會睇住佢，唔會比佢比人蝦㗎啦。」我說。

「咁我就放心啦。」他說。

跟在他身後的啊童依舊一言不及，連看也不看我。

「啊童，你做咩唔同人打招呼啊。」他轉頭對啊童說。

啊童反了反白眼，

然後冷冷地的道：「早晨。」

「早晨啊。」我熱情地說。

「嘖。」她繼續擰轉頭。

「啊童！做咩咁冇禮貌啊！」周叔叔語帶威嚴說。

「算啦算啦，佢可能未瞓醒啫。」我解圍說。

說著說著，我們已經到達大堂。

「好啦，我行呢邊，你哋一齊行返學啦，小心啲。」周叔叔說。

「好丫，Bye Bye。」我揮了揮手說。

啊童由此至終都不發一言。周叔叔走後我便轉頭面對啊童。

「喂啊童。」她斜眼看著我。

「對唔住啊！我琴日唔係有心咁樣講㗎，我只係一時之氣，唔小心講錯野咋，你原諒我啦。」

但她依然不為所動，聽完後只是自顧自的繼續走。

「係我唔好，我唔應該講呢啲說話，我諗住玩下，講下笑㗎咋。」

我不甘心，死纏爛打地說。

「對唔住啊！你原諒我啦好冇。」

「你出句聲啦，鬧我又好，打我又好，比啲反應丫，唔好唔理我啦。」

「你叫我唔好理你丫嘛！咁我宜家咪唔理你囉，滿意未？」她向我怒吼。

「我都話我唔係呢個意思咯，我只係唔小心講錯咗咋。」

「你心入面唔係咁諗又點會唔小心講錯？你扮跌親又係唔小心啊？」說罷她自己加快腳步走了去。

我衝上前捉著她的手，

「喂，唔好走啦，你聽我解釋先啦。」

「你講嚟講去咪又係個幾句！放手啊！」她甩開我的手說。

無奈的我只好眼白白看著她從我面前走過。

跪求大家Follow我既IG: MaanYin05

## 43.

啊童越走越快，最終她消失於我的視線中。

眼看著已經沒有機會再跟她說話，

於是我便放慢腳步，慢慢行返學。

突然，我的後腦被人打了一下，

想也不用想就知道是我那群兄弟的其中一人，

「邊個啊。」我不耐煩地問。

「氹返你個啊童未啊？」魚蛋問。

「唉！氹係氹返啊，不過唔夠半個鐘又黐返咁解囉。」我沒精打采地說。

「你又搞咩激黐佢啊。」

「冇，只係唔小心講咗啲唔應該講既野啫。」

「例如？」

「例如係好惡咁叫佢唔好理我囉。」我一口氣說出整旬句子。

「嘩，乜你咁唔小心啊，今次唔抵幫咯。」

「我都知...駛你講咩，我一講出口既時候都已經知衰啦。於是我今朝咪係佢屋企門口到等佢出嚟，同佢道歉囉，不過好似冇乜用咁，佢聽完同冇聽都係冇分別，佢一樣都係唔理我，之後仲自己走咗去添。」

「你今鋪真係大鑊啦，神仙難救。」

他看著我搖了搖頭，然後繼續說，

「不過你都算傳奇啦，一日激黐個女仔兩次，一次就自己黐到走咗去，一次呢，就唔理你，仲要你認晒衰仔都唔原諒你。」

「你唔好講到第一次唔關你地事咁咯，不過算，我冇心情同你嘈。」

「Sor囉，你返到去學校諗住點面對佢啊，話晒佢都係坐你隔離位。」

「冇啊，諗住返去同佢Say sorry咋。」

「嘩，你頭先都試過講對唔住啦，佢咪一樣唔收貨。」

「如果唔係可以點啫？」我苦笑著問他。

「計我話呢，買啲野比佢囉。」

「買咩啊咁。」

「屌你我點知啫，我又同佢唔熟，又唔係我激鬻佢，我幫你溝埋佢好冇？」

「問下啫，駛唔駛咁大反應啊。」我不滿地說。

「你諗下買咩比佢好過啦。」

「啊！！！！好難諗啊！點解女人呢種生物咁煩㗎。」我苦惱地說。

「關人咩事啫，明明就係你講咗啲咁過份既說話，比我都鬻啦，人地咁關心你，我都好想有人咁擔心我啊，你真係身在福中不知福。」

「都係既，唉，好後悔啊！」

「宜家後悔有鬼用咩，下次既得三思而後行啊。」魚蛋突然對我說教起上來。

「屌你咁認真㗎咩，唔似你㗎。」

「呵，我只係比啲勸告你啫，廢事你過多兩三日又喊晒口咁走嚟同我講激鬻咗人，點算好。」

「唔好再講呢啲衰野，今日係咪要返全日啦？」我問。

「你覺得要返全日就唔係衰野咩？」

「冇咁衰囉，你答咗我問題先啦。」

「係啊。」

「咁咪即係要上堂囉。」

「係啊。」

「咁咪會知道係邊個老師教我地囉。」

「係啊！你可唔可以唔好再問廢問題。」魚蛋不耐煩地說。

「唉，唔知今年又會比邊個教呢？希望係好老師啦。」

「你入去咪知囉。」說罷他把我推進眼前的大門中。

「你等我一陣先，我去小食部睇下有冇野可以買比啊童食先。」我邊走向小食部邊說。

「唔...買咩好呢？啊童鍾意食咩㗎呢。」我看著小食部那令人眼花撩亂的餐牌說。

「同學，諗住買咩啊。」

小食部的啊姨笑容滿面，親切地問。

「有冇啲甜既野啊？」我問。

「有有有，最甜既有糖啦，雪糕啦，雪條啦，仲...」

「得，我要糖。」沒有耐性的我打斷了她的介紹。

「好，要幾多？」

「一包，唔該。」我取出錢包說。

「多謝四十蚊。」

「咩話！一包糖要成四十蚊？有冇第二啲啊？」

「冇啦，糖既話就只係得呢一隻，你要唔要丫。」

唉，為了博得啊童的原諒，

我只好屈服於資本主義制度之下，

我忍痛地後銀包取出四十元，並乖乖交給她。

「多謝晒。」

看著我前方無良奸商的笑容，我再也不覺得她親切了。

我走回去魚蛋站著的位置，

「行啦。」我說。

「你買咗咩啊？睇過~擘！你落咁重本啊？成四十蚊㗎呢包糖。」

「冇辦法啦，冇得揀啊嘛。」我苦笑著說。

「你真有米！」他舉起大拇指對著我說。

「講呢啲。」

跪求大家Follow我既IG: MaanYin05

## 44.

一上到班房，

我就看到啊童已經坐了在自己的位置上，

我若無其事地走回自己的坐位坐下，

暗地裏看看啊童看到我回來後有何反應，

結果，不出我所料，

沒有任何反應，

連一眼也沒有看過來，

自顧自的在整理課本，

將書本排得整整齊齊再放進櫃桶中。

在我前方的Marcus看到我回來後，

連忙回頭問我有關昨天我跟啊童之事。

「喂，你氹返人未啊？」他問。

有鑑於啊童就坐在我旁邊，

我不好意思解釋，

於是我便搖了搖頭，

再打個眼色，

示意Marcus不要再問下去。

Marcus看到我的眼神後，

雖然感到疑惑，

但亦很識做，

沒有再問下去。

我拿出一張白紙，

在上面寫上「請你食XD」五隻字。

然後從筆袋中拿出膠紙，再將那張白紙貼在剛剛買的那包糖上。

貼完後我把那包糖放在啊童的桌上，

原本在整理課本的啊童看到我放了包糖在她的桌上後呆了一呆，

然後面無表情地看了我一眼，

「呢包糖好好味㗎，試下食啦。」我笑意盈盈地看著她說。

雖然我從來未食過這款糖，

但我想一包價值四十元的糖味道應該不會太差...掛。

「我唔要。」她冷冷道出三隻字，

然後把糖放在我的桌上。

我就好像被人淋了一盆冷水一樣，

尷尬地拿起那包糖，

「你真係唔食？好味㗎。」永不放棄的我厚著面皮問多一次。

可惜在我身旁的啊童就好像聽不到一樣，繼續執拾課本。

我失落地把頭擰回前方，

卻給我看到正在偷看兼食花生的Marcus跟肥強正在努力忍笑，

他們立即裝作無事，把頭擰回去，

但身體卻因為忍笑而在震。

「笑乜L野啊。」

心情不佳的我向前怒吼，嚇得全班也靜了下來。

感覺到比全班注視著的我立即開口說，

「冇事冇...」

這時，班房的大門打開，

「嘩做乜L野啊，你地咁安靜既，老師又未到，咁乖既。」走進來的啊正說。

「啊言你做乜有櫟唔坐企左起身既？」他繼續問。

「冇野冇野，大家繼續。」

我無視啊正，把剛才說到一半被他打斷了的話說完。

聽到我這一句後，

班房才再次熱鬧起上來。

不久後，Mr Wong抵達了班房並開始了每朝的班主任時間。

經過長達十分鐘的早會後(我學校的早會多數是用校園電視在課室中進行，間唔中會係操場舉行。)

我們終於要上第一堂了，是History堂。

「屌，點解第一堂就係History啊，編時間表條友係咪想啲學生第一堂就瞓晒覺啊！」魚蛋不滿地抱怨著。

「睇下邊個教囉，如果遇著Mr Lee咪好囉，但係如果係個條八婆禮咪唔好囉。」Marcus回應。

「嘩，有咩分別啫，咪又係悶。」

「吓，西史一啲都唔悶啫。」我回應。

「你係另類囉好冇。」肥強說。

「周樂童啊，你鍾唔鍾意History㗎。」肥強問。

「唔...都鍾意既。」她回答肥強。

「你點解鍾意既？」

我見啊童難得開口說話，我當然捉緊機會問。

「我同佢講野唔代表我會理你。」她用她那毫無高低起伏的語調對我說。

前方迅速迎來一陣爆笑，

我怒瞪著他們，他們才懂得靜下來。

跪求大家Follow我既IG: MaanYin05

## 45.

「喂，嚟啦嚟啦，係邊個呢？」肥強開腔打破這安靜的環境。

我看向大門，

既緊張又期待地等它比打開，

片刻後，

大門比人推開，

一股難聞的香水味撲鼻而來，

我腦中一片空白，

因為我聞到的這股香水味，

全校只有一個老師會用，

八婆禮。

亦化表未來一年，

我最喜歡的科門，

將會由全校最差的老師任教。

關於這個邪惡的老女人，

先不說她長年使用那劣質的香水，

我甚至有懷疑過我的嗅覺因為長期聞到這股臭味而受損，

她那種八九十年代的教學方式，

我敢說全校沒有一個學生能頂得順，

她每堂課都會叫我們手持螢光筆，

誰若忘記帶螢光筆就得罰企，

然後她每說一句她所謂的「重點」，

我們就要把書中的那一句文字「間」低，

你可能會問為甚麼我會這麼清楚她的教學方式，

因為我中一那年，

就是比這個女人教History，

那一年，我基本上整本History書，

每一頁，每一段，都比我用螢光筆間下來了，

因為她口中的「重點」，

就是書中的每一頁，每一隻字。

屌你老味你話痴線唔痴線？

每一堂完結後，她就會隨機抽一位同學出來，

讓她檢查一下有沒有把重點間下來，

若果沒有，那你就要放學後在她面前把重點問一次。

基本上，若你比她教你History的話，那你就得有心理準備，

未來一年你的History考試分數會變得奇低，

可謂全校學生的惡夢。

「仆街啦仆街啦，點解會係佢㗎。」肥強喃喃自語。

「肥強啊，你知唔知高登有邊兩大神獸啊？」Marcus問。

「金翅仆街鳥。」

「錯，係玩撚猿，哈哈。」Marcus笑著說。

「點解你仲笑得出㗎。」啊正轉頭問。

「右邊個幾個人，你地傾咩計啊！」八婆禮怒吼。

「Sorry，八...Miss Hui。」Marcus說。

「你地都識我㗎啦！今年，我唔要見到有人History成績唔合格，明未？攞本書出嚟，我地開始教書。」

於是仍未能接受這個現實的我便比迫開始了上堂，

「For this year le, we will learn about le the cause of the First World War, Second World War and the cold war ge, any problem ar? If no problem le, then I start now ga la.」

她另外一個可怕之處，就是她所說的英文是不符合文法，以及會加廣東話的尾音。

聽著聽著她那惡頂的Chinglish，

以及沉滿的內容，

縱使我有一顆熱愛History的心，

但我也漸漸不敵睡魔，

雙眼眼皮變得沉重，

無力再把它們撐起。

為了不讓自己敗結睡魔，

於是我便隨手拿起那包比人啊童棄置在我桌子上的糖。

我偷偷地從抽屜中打開包糖，

免得比八婆禮發現，

從中拿出一粒再放進自己口中，

不愧為價值四十元的糖，很好食，

正當我低頭打算那出第二粒吃時，

我的頭突然比人拍了一下，

我心裏大驚，以為比老師發了我上堂吃糖之事，

怎料我一抬頭看到的，

並非那老女人的面孔，而是肥強的臉。

「有糖食唔預我？整粒嚟丫。」他伸出手說。

看著他那長滿肉的手，我也沒有拒絕他的權利了，

反正這包我糖我自己一個是不可能吃得完的，

而我又懶得幫他拿，

於是我便整包糖遞給他，讓他自己拿。

「呢包糖正啊，如果佢唔係賣成四十蚊，我諗我會日日食，今次有得食真係多謝你。」肥強興奮地說。

「得啦得啦，你快啲擺嚟食然後比返我啊，一陣間比條八婆見到就死。」我不耐煩地說。

「多謝言哥！」肥強說。

他接過我那包糖後便從中拿出一顆糖果，

然後把糖遞給在他旁邊的Marcus，

「喂，食唔食啊？」他問Marcus。

「咦，有糖既，好啱，反正咁悶，食啲野都好啱。」於是他又從中拿出一顆糖。

「喂，比返我啦，一陣被人發現又唔知要罰啲咩㗎啦。」我不滿地說。

「嘩驚咩啫。」肥強充滿自信地說。

「喂前面個兩個，食唔食啊？」他怕一怕前方的魚蛋及啊正。

「咩嚟㗎？糖啊？好啱。」

「嚟接住。」肥強把兩顆糖果拋出說。

「喂唔好啊，小心....」我話未說完，

其中一顆糖果便落在了老師桌上，並發出了「啪」一聲。

「仆街啦，都叫你地小心啲㗎啦。」絕望的我說。

不出數秒，聽到聲音的八婆禮便走了過去老師桌，

「Why there have noise ga? No sound is allow in my classroom wor.」她繼續用她那奇怪的英文說。

「佢係咪唔識英文㗎。」我反了反白眼說。

結果，我們被人發現了上堂吃糖果，

除了比那條白婆在堂上當著全班的面直接屌9我們外，

我們放學後還要在訓導處外罰站，直到六點。

「所以都話你地On9㗎啦，用下你個死人腦啦，係人都諗到咁樣拋出去會被人發現啦，你當自己Ste

phen Curry啊？求9其三分線亂扔都入啊？你Denny

Green咋！屌，點解我宜家要係到陪你班On9係到罰企啊！我仲要氹返啊童㗎！！！」我在罰企時埋怨他們。

「你仲未氹返人咩？」啊正問。

「佢係就係氹返啊，不過唔夠半個鐘就激嬲返人。」知情的魚蛋不待我回應便自己搶著答。

「嘩，乜你咁㗎，都唔好好珍惜人既，你唔要不如比我啦。」啊正聽完後說。

「你收皮啦，如果唔係因為你幾件垃圾，搞到我比條八婆罰，我宜家話唔定已經氹返好啊童啦。」

「你唔好以為我今朝聽唔到你地既對話先得㗎，我唔覺得佢會咁易原諒你囉。」

「哼，睇下點。」我不忿地說。

當天，我們差不多到了六點才能離校，

走前還比那條八婆狠狠地責罵了一頓。

可惡，明明我原本應該是要跟啊童一起放學回家，

然後順便向她道歉，

我的大好計劃就這樣比肥強一手破壞了。

結果回到家時已經是六時半了。

跪求大家Follow我既IG: MaanYin05

## 46.

時間一轉，

來到了三天後的星期五，

過去兩天，

我一樣每朝在啊童家門口等啊童，抓緊機會跟啊童道歉，

希望她會比我的誠意打動而原諒我，可惜她依然是不為所動。

今天，是羽毛球隊的訓練兼選拔日，

但由於我們羽毛球隊一直以來都很缺人，

所以基本上只要你肯來選拔，我們就鐵定會讓你進入。

我一大朝早就背起羽毛球拍出去，

依舊在啊童家門口等啊童。

經過連一來等候的經驗，

我大概知道啊童在幾時會出門口，

所以我不用再好像第一天，

在她門外傻傻的坐著等很久。

果然，

剛出去兩分鐘後，

我又再次聞到熟識的味道，

啊童的花香味，

我看向大門的方向，

跟在周叔叔背後的啊童穿著體育服，

身後隨了頂著書包外，還拿著，咦...羽毛球拍！？

我即時想起啊童星期一聽到我是羽毛球隊後，便說自己想入羽毛球隊，

難不成她所說的是真的？她真的要入羽毛球隊？

為免猜錯的我，在跟周叔叔打招呼便走過去問啊童。

「咦，你做咩揀住個羽毛球拍既？」

我裝作驚訝，

指著她的羽毛球拍問。

「今日係羽毛球隊選拔。」她冷冷地說。

「啊言，你都打羽毛球㗎？」在我身後的周叔叔看到我的羽毛球拍後問我。

「哦，係啊，我係羽毛球校隊啊嘛，今日有練習所以咪帶球拍囉。」我回過頭來回應他。

「咁就啱啦，啊童今日都諗住去選拔啊，你記得幫我手睇實佢啎。」

「冇問題，我會好好睇實佢㗎啦，放心。」我拍心口保證。

「啊童，唔好咁博啊知唔知，小心啲。」周叔叔對著啊童說。

「得啦，我會㗎啦。」她的語氣跟剛才對我的簡直是判若兩人。

出了大堂後，周叔叔便離去，留下我跟啊童。

「點解你會揀入羽毛球隊既？」我問。

「關你咩事？」她反問一句。

「同埋唔該請你唔好再煩住我。」她補上句。

「問下啫，駛唔駛咁惡啊？」我細聲地嘀咕。

「第一，你唔好忘記係邊個當時好惡咁叫我唔好理你。第二，我當時都係關心你，問多你一句啫，結果係比你好大聲咁鬧，所以你冇資格係到話我惡啊！」她說完便急步走了。

再一次留下我呆在原地，思考著自己的過錯。

回到學校後，我安靜地回到自己的坐位上，

啊童看見我回來後，

跟前幾天一樣，沒有任何反應，

只是繼續默默地做自己原本正在做的事。

這幾天以來，我每一天到了午飯時間時，

我都有邀請啊童跟我們一起吃，

可惜她每次都拒絕了我的邀請，

自己坐在坐位上拿出飯盒吃。

今天也不例外，我雖然早上才比她責罵完，

但我依舊邀請她跟我們出去食午飯，可她卻拒絕了，

於是我便跟啊正他們出去食。

「話時話，啊言，你氹返周樂童未啊，都三四日㗎啦喎。」肥強問。

「仲駛問既，睇佢個死人樣就知未啦，你返學既時候有冇見到佢地講野丫，冇丫嘛，咁咪即係仲嬲緊囉。」Marcus搶著說。

「咁搞落去都唔掂㗎喎，你諗住點做啊？」啊正問。

「冇啊，可以點啫，順其自然囉。」我苦笑著說。

「喂你咁唔得㗎喎，唔通你一世都唔氹返佢啊？主動啲啦。」Marcus說。

「唉，我已經朝朝都同佢道歉㗎啦，但係佢唔理我囉，今朝仲鬧咗我一鑊。」我說。

「真係麻煩！」肥強搖頭說。

「唉，又唔好咁講，又真係我做錯先既，同埋我講個句野係真係令到佢好傷心既，佢唔原諒我都正常既。」

「又唔好咁灰，你係爭緊個機會啫。」Marcus說。

「爭咩丫，佢...」我話未說完，

「溝埋做瀨尿牛丸丫笨。」魚蛋突然說了句。

「屌你收嚟啦。我係話啊，佢短時間內未必會原諒我啊，等佢下咗淡氣，我再認認真真咁同佢道歉，唉，到時先算。」我說。

「我又唔咁覺得喎，都四日啦，差唔多㗎啦，你只要比佢感受到你有幾著緊佢，佢可能就會原諒你呢？」

「希望係咁啦。」

跪求大家Follow我既IG: MaanYin05

## 48.

「鈴鈴鈴！」聽到鐘聲的我看一看手錶。

「嘩，終於放學啦，正啊！可以去打波啦。」我大聲地說。

「都唔明羽毛球有咩好玩，籃球先好玩㗎嘛，兄弟們，我地去打籃球。」肥強說。

「嘩，平時我都同你地打籃球㗎啦，係今日先去打羽毛球啫。」我說。

「咁你慢慢去打啦下，Bye bye。」Marcus拍一拍我膊頭說。

「唉你地走啦，去打你既籃球啦，星期一見。」我拿起球拍說。

「喂啊童，一唔一齊過去羽毛球場啊？」我轉過頭來問啊童。

「唔洗。」她連看也不看我。

「你識唔識去㗎？」我擔心地問。

「唔關你事。」

「咁我走㗎啦。」說罷我便著我的羽毛球拍起身離去。

我去到學校大門，

看見我的隊友，

他叫毛毛，

由中一開始便跟我一起參加羽毛球隊，

他平時亦有跟啊正他們去打籃球，

所以大家都很熟，

雖然他叫毛毛，

但千萬不要以為他是那些文弱書生，

他十分強壯，

體能亦很好，

聽聞他每朝都會去跑步，

而且他學術成績亦優異，

可謂十項全能。

基本上每次去打羽毛球，

我們都會相約在學校門口一起過去。

「喂毛毛，行啦。」我伸出手跟他擊拳。

「成兩個月無打羽毛球有冇生疏到先。」他問我。

「冇打咁耐，我波都唔識開啊。」我打趣說。

「一陣去到打返場比賽先啦！」他做出開波動作說。

「緊係啦，咁耐冇贏你。」

「屌你收皮啦，你上次輸㗎。」

「個次我一時失手啫。」

羽毛球隊租用的球場離學校不遠，

但是卻要走上山。

走了大概十五分鐘後，

我倆就到達了羽毛球場。

我們球隊有一個不成文的規定，

誰最先到達球場就可以霸著其中一個場，

自由打波，

直到教練來到，

而我們學校通常會租用四個球場，

通常都會有位供我們在教練到前打一陣波。

而我和毛毛一放學就會盡快過去球場，希望能有位打波。

「正啊喂，今日得三個隊長到咗，即係話我地冇場用啊！」毛毛說。

「快啲過去啦，一陣有其他人嚟就弊啦！」我推著他出去。

「除咗個Donald之外，仲有邊個會就嚟搶我地個場啫，就算我地宜家用咗呢個場，佢地都仲有兩個場用㗎。」

他口中的Donald，

乃是我們羽毛球隊的毒瘤，他球技不佳，

但他卻自以為自己的球技鹿媲美林丹，

而且態度惡劣，常常欺負低年級的隊員。

「砰！」羽毛球場的大門比人大力推開。

「一講曹操，曹操就到。」我連看也不用看就知道如此大力推門的，就是Donald。

「嘖，都唔明點解佢仲可以係球隊到生存㗎。」毛毛不滿地說。

「你地走開！我要用呢個場！」Donald走過來我們旁邊說。

「個度咪有場囉，唔好係到煩住晒。」毛毛對他說。

「我係鍾意用呢個場啊，唔得啊？個場你㗎？大家一齊用㗎嘛。」

「哼，都唔知你要個場嚟做咩，都有人同你打。」我加把口說。

「撲！哈哈哈！」毛毛聽到我串他後笑了出聲。

「不過算啦，見你自己一個咁慘，你慢慢係到自己同自己玩啦，我地讓個場出嚟比你。」我招手叫毛毛過去第二個場繼續玩。

「唔阻你啦，加油唔好輸啊...丫，唔係，都有人同你打，唔記得咗添，嘻嘻。」毛毛走前串多他一句。

於是我便跟毛毛走到另一個場繼續我們的比賽，

留下Donald自己一個呆呆的站在場中。

十分鐘過後，

「砰。」我奮力打出一記殺球，完結了這場比賽。

「哈，睇嚟冇生疏到，仲贏到你。」

「嘩，我未熱身啫。」他不屑地說。

跪求大家Follow我既IG: MaanYin05

## 49.

過不了多久，教練就已經來了，而球隊其他成員亦陸續抵達，

包括那些來參加選拔的新人，

我們比教練召集，坐成一圈聽他說話，

而我和毛毛就坐在後排，方便聊天，

反正教練所說的話我們已經在上年及前年聽過了。

「喂，點解年年都係得咁少人既？」我看著那幾個來選拔的新人問。

「係咁㗎啦，睇下先，有四個男仔，加兩個女仔...嘩嘩嘩，你睇下，原來我地學校有條咁正既女㗎？我一直都有發現既。」毛毛指著坐在不遠處的啊童說。

「啊童丫嘛，佢係我個班，新嚟既插班生，所以你未見過都係正常既。」我說。

「你咁講啫係你同佢好熟㗎。喂，介紹佢比我識丫。」他笑著說。

「遲啲啦，遲啲介紹。」我說。

「點解唔宜家介紹啫？」

「佢呢排心情唔好丫嘛，我宜家介紹佢比你識，分分鐘會憎咗你，遲啲先啦。」

「你咁講...唔通佢心情唔好係關你事？」

「世事都比你看透了。」我苦笑著說。

「發生咩事啫？」

於是我便由我如何認識啊童，說到我如何惹怒了她，把整件事的起始都告訴毛毛。

「哦，原來係咁。Easy啦，一陣會分組㗎嘛，你同佢一組咪得囉。」

「同佢一組之後呢？」

「死蠢，咁你咪有機會同佢講野囉，順便道個靚歉。」

「有你講得咁輕鬆我就唔會到宜家到未返返佢啦。」我嘆了一口氣說。

「唉呀，咪試下呢個方法囉，可能得呢。」他說。

「好，宜家分組。」教練終於說完廢話。

「嚟選拔個啲，我會安排你地跟兩個師兄或者師姐一組，男跟男，女跟女，你地同師兄或者師姐打一陣，熱下身先，我地半個鐘後開始選拔，叫到你名既就自動走出去啲師兄或者師姐到。」

「係啲，一時唔記得男女唔可以同組添！」毛毛聽完後想起。

「冇所謂啦。」我說。

「好，到啊言同毛毛啦，你地都係想入同一組㗎啦，咁以下讀到名既就走過去呢兩位師兄到啦。」

他求其叫了幾個中一的男仔進來我們那一組。

於是我們便帶著那群新人去到一個場求其嗟波，

「師兄，一陣選拔有咩貼士啊？」其中一個新生恭敬地問我。

「哦，冇㗎，你只要識開波就入到㗎啦，所以唔洗擔心，我從來未見過有人比個教練Foul走，唔洗驚。」我輕描淡寫地說。

「係咪㗎...」他仍然擔心地問。

「你真係可以放心，見唔見到個到個個肥仔，佢屎波過你都係到生存咗兩年，比啲信心自己，你一定入到，加油，師兄支持你。」毛毛指著在遠處的Donald說。

「好，我得既我得既。」他自我打氣說。

雖則我這樣安慰他，

但其實我心底裏也擔心啊童會否比人Foul走，

不能加入羽毛球隊，

希望啊童真的有她之前口中所說的實力吧。

半小時後，終於到了選拔的環節，

教練跟著名單上的名字一個又一個的把人叫出去，

我們這些老鬼便在旁邊自己嗟波，

等待選拔結束。

不久後，輪到啊童比叫出去了，

我聽到教練叫她的名字後立即放下球拍，

走過去觀看。

評核的方式很簡單，

首先教練會叫你開五球長球，開五球短，測試你的發球能力，

之後教練就會隨機發球，

只要你能接到教練開出的球然後把球打回去就通過測試。

最後，教練會安排一個人跟你比賽，從中觀察你的實力。

「加油啊呢位靚女，我支持你㗎！」一直在球場旁邊觀察選拔的Donald看到啊童後說，

幸好啊童沒有理會他，

但為防Donald會以行動騷擾啊童，

所以我默默地走到他的旁邊，監視著他，

「好，呢位同學，宜家先開短波，清唔清楚？」教練問已經走到場中的啊童。

「明白！」啊童點了點頭說。

跪求大家Follow我既IG: MaanYin05

## 50.

「你隨時可以開始。」

於是啊童便拿起在她身旁的羽毛球，

擺好姿勢，

站在發球線之後，握著球拍，

一個又一個地把羽毛球輕輕擊出，

只見它們在網上高幾厘米之處飛過，

並且不偏不倚地，剛剛好在對面發球線上落下，

若非長期練習，恐怕不能做到一個如此漂亮的發球，

因為若然對力度的控制不好，

那羽毛球就會落網，又或不過界，

所以開短球這個測試看似簡單，實則能輕易看到你的實力，

枉我剛才還擔心啊童不能通過這個考驗，

看來我的擔憂是多餘的。

「靚波啊！勁啊靚女！」Donald又再趁機讚啊童。

啊童聽到後轉頭看過去聲音的來源之處，

卻在看到Donald之前，先跟我對上了眼，

看到我的她立即把頭轉走，繼續專注於選拔之中，

「唔錯唔錯，宜家開長波，你可以開始。」

教練難得臉上出現笑容說。

啊童聽到後點一點頭，然後便拿起旁邊剩下的拿五個羽毛球，

調整好姿勢後便再次把它們逐個逐個打出去，

這次，五個羽毛球都落在死角位。

「非常好，宜家我會開五球比你，你打返過嚟就OK。」教練說。

「明白。」說罷她便握好球拍，等待教練打球過來。

「啪。」教練先開了個高遠球，

啊童看到後雙腳以交叉步後退到後場，

然後揮拍把球打到教練前，

教練看到球落在他的前方，

於是便繼續用那顆羽毛球，

他打出一個放網，只見羽毛球貼著球網落下，

啊童也不弱，她就像看穿了教練會放網，

所以她在打完上一球後就已經走到網前等待，

所以當教練打出放網後，她立即上前趕在球落地之先把球擊回，

如是者，他們來回了十數球，

比起原定的五球多出了很多，

連那些一直在其他球場自由活動的師兄師姐都過了來看啊童跟教練對打，

不出一會，啊童就漸落下風，

反觀在另一面的教練仍然游刃有餘，神色自若地揮出球拍。

「睇嚟你個Friend就快輸嚟咯。」不知何時走到了我旁邊的毛毛說。

「嘩，比你嚇死。算係咁啦，我係到兩年，都未見過有女仔可以同教練嗌到咁耐，而教練又會肯同佢嗌。我諗宜家教練一定好開心，佢等咗三年嚟，終於有個打得勁既女仔加入咗我地。」我驚嘆地說。

話音未落，教練就已一記殺球結束了這場突如其來的比試。

「打得唔錯丫。」教練說。

「多謝。」啊童禮貌地回應。

比試完後，原本在旁觀看的師兄師姐都散去，

留下一眾新生跟我和毛毛。

「嘩，佢好勁啊！」

「佢竟然可以同到教練對到咁多球。」

讚美的聲音在一眾新生口中傳來。

「勁啊靚女。」當然不少得Donald的讚美。

「好啦，其實你都入硬㗎啦，但係都要循例安排個人同你打返場比賽。唔，見你咁勁，比你挑戰下我地啲男仔啦，咁啦，啊言，你同佢打。」教練突然點名要我跟啊童打。

「嘩教練，好侮辱㗎，叫我同個女仔打。」我不滿地抗議著。

「做咩啊，你岐視啊？況且人地同你既實力差唔多，趁呢次機會我順便睇下你有冇生疏到。」

「有人同女仔實力差唔多。」毛毛在旁邊串我。

「收皮啦。」我對他說。

「仲吹水？你地過去個個空場到打。」教練說。

「係。」我說。

「知道。」啊童說完便開始行過去。

我都知，我都知個故開始拖，

講一日既野用咗成萬字去講，

呢個係小弟既問題，我先向大家道個歉先。

可能因為我寫既時候太忘我，所以越寫越長，

到我寫完先發現節奏好慢。

所以，我係到同大家保證，

未來既六日，我會以一日千五字到既速度，

出晒呢日既野，

之後既劇情就會快返同埋多返啲啊言同啊童既互動。

請大家耐心等待，再一次講多聲對唔住。

我之後會好好留意返，係度多謝各位既不離不棄。

最後係到講一聲，我DLLM垃圾政權，參加初選都拉9人，

各位手足頂L住。

**煲底見。**

跪求大家Follow我既IG: MaanYin05

# 51.

Donald看見啊童離開球場後立即上前，

「Hi 靚女，我叫Donald啊，頭先見你打得唔錯啫，哈哈。」

「唔該借借。」啊童直接無視他。

「好柒啊。」目睹這一幕的毛毛說。

我快步就到啊童旁邊。

「喂啊童。」我叫住她。

她轉過頭來，示意我繼續說。

「如果呢場比賽我贏咗你可唔可以原諒我。」

啊童聽完後走到場邊拿起其中一顆羽毛球，

並把它拋給我，示意我先發球。

「我當你應承㗎啦。」

我接著那顆羽毛球，走到場中後說。

「開始啦。」我說。

啊童聞言立即擺好姿勢。

「睇波。」我開出一記短球，

打網前是我的強項，

因為這場比賽，

我非勝不可，

所以我第一球就不留手，盡全力打。

啊童上前挑波，把球打到後場，

我不敢怠慢，立即向後退，

朝左方死角處打出一球高遠球，

啊童見狀向左後移，  
順利把球接到並且把球打至網前，  
一早就走回場中心等待的我上前放網，  
球完美地過了網，啊童急忘上前，  
但卻遲了一步，在揮拍之前球已經碰到了地。  
也化表我好不容易取得了第一分。  
之後幾球，我們雙方有來有往，互有領先，  
一時之間可謂鬥得難分難解，  
去到最後，戰果是我20分比啊童19分，  
只要我取下這分，我就能勝出，  
我撿起在地上的羽毛球，  
緊張地吸了一口氣，  
「呼，贏埋佢。」我對自己說。  
「加油啊靚女。」為了啊童而一直在旁觀看這場比賽的Donald這時說。  
可惜啊童依然是不為所動，  
好像到目前為止都沒有正眼看過Donald一眼，  
我做出一個反手開波的姿勢，  
用力一打，打出一個長球，  
以為我是開短球的啊童，並沒有料到我這一著，  
唯有急忙後退，可惜已經太遲了，  
我已經勝...  
唛，  
她竟然把手拉後，  
在球剛落地時打出一個挑球，

正常來說，你的身體一定在羽毛球之後或之下才能揮拍打球，  
而啊童現在就因為趕不及在球落地之前退到球後，  
於是只把身體向後傾，並且伸長手臂在球差不多到地下之時把球擊回，  
所以她的身體其實是在羽毛球之前，  
但靠著自己手臂以及球拍的長度，  
她竟然順利把球打到我這邊，  
可惜她的力度不足，  
未能打出一個高遠球，  
結果球飛的不高，恰好是對我來說，  
殺波的最佳高度，  
相信啊童亦料到這一點，  
所以當她打完後立即調整好姿勢，  
我看著球直飛過來，  
於是我輕輕跳高，  
眼看著啊童的右方，  
啊童見到我注視著她的右邊，  
以為我要把球打到那裏，  
於是便以橫位步移到右方，  
我看到啊童已經上當後嘴角上揚，  
用力一殺！把球打到啊童原本身處的位置，亦即其左方，  
啊童在看到球是比擊向左方後立即急停並轉為移向左方，  
奈何當她起步時已經太遲，  
這一下殺球可謂神仙都難救，

若啊童連這球都救到的話，我真是甘拜下風。

「啊！」只見啊童突然倒在地上，

面容扭曲地悟著自己的腳踝...

「靚女！」Donald一邊高呼一邊跑過去啊童身處的位置。

「啊童！」我幾乎是跟Donald在同一秒說，

在看到啊童受傷後，

我立即拋下球拍，

衝過去啊童那邊，

我在球網下跌過去，

此刻的我心急如焚，

擔心啊童出了甚麼事，

自責著自己令到啊童受傷，

我終於明白當時啊童看見我受傷後的心情了。

由於Donald一直都在啊童的旁邊，所以他比我先到，

「點呀靚女，你有冇事啊？」Donald一反常態，溫柔地問。

啊童沒有說話，只是指著自己的腳踝，

過到來的我立即走上前，

「啊童！你邊到痛，整親邊到？」擔心的我問。

啊童看到我後卻擰轉面不看我，

「你黐我我明，但係你比我扶你過去休息先啦，我扶完你過去你咪繼續黐我囉。」我無視在旁的Donald繼續說。

但啊童卻依然不為所動，

「周樂童！」

心急的我一時忘記要控制聲量，大聲地說，

令到全場人都把目光移過來。

「我知，我之前係講過啲好過份既說話，傷害到你，

係我唔啱，

你嬲我都係正常，

但係我會咁講係因為我唔明白你當時既感受，

我唔明白你當時有幾咁擔心我！

我個時仲覺得我都係玩下啫，

冇諗過其實你係會咁緊張我，

冇諗過你會因為我跌親而感到唔開心，

我只係覺得你好煩。

但係係你頭先跌親之後我先明白，

我先明白你當時既心情，

我了解你當時既感受，

我知道你當時有幾擔心，

我睇到你跌親既時候，

我好驚你會有啲咩事！

知唔知點解？因為你對我嚟講係一個好好好重要既人，

我都係去到呢刻望到你跌親我先知你係我心入面既位置係有幾高！

我唔所以比你冇事，

所以，就當我求下你，

你比我扶你去休息先，

之後你繼續嬲我我冇所謂，

因為我係抵死既，

但係我唔想見到你咁辛苦咁坐係地下到。」

我一口氣，大聲地把我心裏所有話說出。

說完後我看看周圍，才發現自己成為了眾人的焦點，

我的這番說話好像比全個球場的人都聽到了，

但我現在關心的，就只有啊童的回應。

啊童聽完後思考了一會，

然後點了點頭。

我心裏大喜，立即走過去扶起啊童，

「嚟嚟嚟，小心啲啊下，唔好又整親。」

我小心翼翼地扶起啊童，

生怕她會一個不小心，又再次受傷。

「唔該。」啊童小聲地說，並用手抓著我的膊頭借力站起來，

「講呢啲，上次我扮整親你咪一樣係咁。」我一邊扶著她走過去椅子一邊說。

「Wuuuuu！」在一旁食花生的眾人看到這一幕後起鬨。

「小心啲坐低，慢慢嚟。」可是我卻沒空理會他們，只專注於啊童的傷勢之上。

「你邊到痛啊？」在啊童坐低後，我立即詢問她的傷勢。

「你去打波啦。」啊童她強忍著痛楚說。

「你覺得打波比你更重要咩？乜我頭先講得唔夠清楚咩？你講啦，你邊到痛。」

「呢度。」她伸手指了指腳踝。

「係咪扭親？」她點了點頭。

我於是將她扭傷了的那邊腳的鞋除了，發現腳踝的位置腫起了。

「你等等我。」

看到她的傷勢後，

我想起了之前教練教我們應對扭傷的方法。

我拿起銀包，走到了在球場門外的飲品自動售賣機。

我買了兩支水動樂，

然後跑回啊童所在的椅子，

跪在地上，把其中一支水動樂貼到她的腳踝上，

以止痛及消腫，另外一支則遞給啊童喝。

啊童看到了我的舉動後呆了一呆，

「做咩啊？仲唔飲？」

手握著水動樂為啊童的腳踝冷敷中的我看著她問。

「係喎，唔記得咗添。」她打開水動樂喝了一口說。

跪求大家Follow我既IG: MaanYin05

## 52.

「冇冇好啲呀？」我擔心地問。

「唔...好似冇咁痛。」

「原來呢個方法真係Work，之前教練講過要點樣應付扭傷，但係一直都冇機會試，宜家終於有個人比我試下，真係好。」

「啱係你宜家當我係白老鼠啦啫？」

「咦，識講笑啦啫，唔黐我啦？」

我聽到她這樣說後頓時放下了心頭大石，

因為她終於不是以毫無高低起伏的語調來跟我說話。

「黐㗎，唔理你囉好冇？」她裝作生氣地說。

「唔好唔好唔好，我講下啫。」我急忙說。

這時，教練終於過來，觀察啊童的情況。

「唔，啊言你竟然記得我講過既野，算你啦，做得好好。」教練說。

「我過嚟係想同啊周...周...」

「周樂童。」我提醒他。

「係係，我過嚟係想同周樂童講，恭喜你入選我地羽毛球隊。」

「多謝教練。」啊童連忙向教練道謝。

「唔洗多謝我，係你自己既實力令到你入到我地既羽毛球隊，唔怕同你講，你係我見過咁多個女仔嚟講，打得最好既一個。你之前係咪有出去學過羽毛球㗎？」教練問。

「係啊，我由小二開始就學打羽毛球㗎啦，應該都差唔多打咗六年。」

「唔怪得知咁勁啦，嘿嘿，不過都係輸咗比我。」我插嘴說。

「咩輸比你啊？如果唔係我扭親，個球我救到㗎！」

她激動得差點站了起來，幸好我及時按住她。

「得得得，你贏晒。」

「咳咳。」在旁看著我們打罵的教練這時提醒一下我們他的存在。

「對唔住對唔住，教練你繼續講。」我說。

「咁周樂童你將會成為我地女仔既後備球員，因為我地女仔同男仔情況一樣，都係唔夠人，所以你要去同啲Form 5師姐一齊打A Grade。」

「冇問題。」啊童說。

「好啦，咁唔阻你兩個啦，你休息下。」教練笑著說。

「喂唔係呀教練，你誤會咗啦，我同佢冇野嘍。」啊童急忙澄清。

「冇話你兩個有野呀，唔阻你地傾計咋嘛。」

「不過可能係襄王有夢，神女無心啦哈哈。」教練臨走前說多句。

我聽到後，內心就像被人看穿了一樣，

我不自在地低下頭，

而啊童就一直坐著，一言不發，

大概是正在想教練那番說話的意思。

過了差不多十分鐘後，我把水動樂拿走，

不再為她冷敷，轉為幫她按摩。

「喂唔洗啦，我冇咁痛啦。」啊童看到我打算幫她按摩後說。

「冇所謂啦，幫你按下會快啲好丫嘛，同埋我應承過你啊爸要照顧你嘍。」

「真係唔洗你幫我按啲。」

「你怕我辛苦啊？」

「唔。」她點了點頭。

「唔辛苦啲，我好Enjoy啲，幫你按下又順便抽下水。」我看著她的美腿奸笑著說。

(利申小弟絕對係正人君子，如果唔係同啊童咁熟我係唔會咁講野既。)

「望...望咩啊你！死變態啊！！！」

她想縮開自己的一雙腿，但卻比我死死地按著。

「嘿嘿嘿，你就算叫破喉嚨也沒人理你㗎啦。」我說。

「放開我啊！！！」她開始掙扎。

「你乖乖地唔好郁咪得囉。」我說。

「啊！好痛。」她突然面容扭曲地說。

擔心會令她傷勢加重的我立即縮手。

看見我縮了手，

自己奸計得逞的啊童立即伸起沒有受傷的右腿，

並一腳踢向我的心口，力度大得令我整個人向後跌。

「哈哈，仲唔比我踢死你個死咸濕佬？想蝦我，冇咁易。」

「喂啊童，我都係玩下啫，駛唔駛咁大力啊？」我瞓在地上，捂着心口問。

「哼！邊個叫你係咁望我隻腳，又捉住我丫？」

「唉，我好心幫你，仲比你踢。唔玩啦唔玩啦，真係幫你按摩啦。」我坐起身說。

「你識咩？」

「抽水咋嘛，有咩唔識？」

「妖！認真呀，你得唔得㗎？」

「得㗎啦，信我！」我胸有成竹地說。

啊童聽到後也不再反對我幫她按摩，

於是我便開始了。

「痛唔痛啊？」我溫柔地問。

「痛痛痛...細力啲。」啊童回應我。

「好好好，幫緊你幫緊你。」於是我便調整力度。

「宜家呢？」

「好啲啦。呢個力度啱啦。」她滿意地說。

跪求大家Follow我既IG: MaanYin05

## 53.

我就這樣一直幫她按，直至到毛毛過來。

「喂啊言...噢，都係唔阻你地啦，你地繼續啦，當我冇嚟過得㗎啦。」他看到我正在幫啊童按摩後不好意思地說。

「做咩啊？你講啦。」我說。

「冇，原本諗住問下你一唔一齊打返場，比我報仇，不過你宜家好似唔係好得閒咁，所以就算啦。」他說。

「你去打啦，你都幫我按咗咁耐啦，得㗎啦。」

「咁我去㗎啦。」

「去啦，我睇你打。」啊童甜笑著說。

「好丫，你睇住我點樣打贏呢件柒頭。」我自信地說。

「係喎，講咗耐都未知你個Friend叫咩名添。」啊童說。

「哦，呢條柒頭叫毛毛啊。」我對著啊童說。

「呢個打波打到殘廢咗既女仔叫周樂童。」我轉過頭向毛毛介紹啊童。

「你就殘廢啊。」啊童大力拍打我的手臂說。

「哎呀我隻眼盲啦，你地唔好再放閃啦。」

「邊...邊個同佢放閃啊？你地唔係去打波咩，去啦。」啊童紅著臉說。

「喺咁你自己休息下啦。」我邊起身邊對啊童說。

「得啦得啦，長氣。」

「行啦毛毛。」

於是我便跟毛毛打多一場比賽，

而啊童則在一旁觀看。

經過一輪激烈的鬥爭，比賽來到最後一分，

「加油啊！贏埋佢啊，爭一分咋。」啊童在場邊為我打氣說。

我回頭向啊童點一點頭，

然後便發球，結果我以放網打走了勝利。

「Yeah！！！」坐在椅上的啊童看到我贏了後，

被我還興奮。我回頭對著啊童一笑。

「好，今日差唔多啦，你地可以返屋企啦。」教練這時候說。

「啱啱好打完就走得，真係好。」我看著正在對面走過來的毛毛說。

「唉，又輸比你。」毛毛搭著我的膊頭說。

「咩又啫，預咗輸㗎啦你。」我說。

「收皮啦。睇我下次仲會唔會輸比你。」毛毛跟我邊行邊說。

「睇嚟你氹返人啦喎。」

他看向啊童，突然話鋒一轉。

「我都估唔到原來咁易就氹得返佢，仲等我之前又買糖比佢食，又一朝早起身等佢出門口，原來我要做既，就只係幫佢按下摩，佢就會原諒我。」

我笑著說，卻忘記了啊童就在我們前方不遠處。

「我！聽！到！㗎！我都有話原諒你，我同返你講野唔代表我唔嬲你㗎。」

啊童聽到後立即說，

我相信若非她的腳扭傷了，她一定會走過來打我。

「咩啊，唔係話頭先我同你場比賽，如果我贏咗你就原諒我咩？」

「哼，我都有應承你，況且如果唔係我跌親，個一球我一定接得到。」啊童耍賴地說。

「係係係，你贏你贏，你最勁。」我恭敬地說。

「哼，算你啦。」啊童說。

「唔阻你兩個二人世界啦唉，我呢啲單身狗就走先啦，你地自便啦。」

說罷，毛毛頭也不會地走了。

「喂，都話唔係囉，你...」啊童著急地說。

「算啦，佢都走咗咯。走未啊我地。」我問。

「走囉，都成六點啦，要返屋企。」

「但係你行唔行到啊？」我擔心地問。

「應該得既...」啊童嘗試站起來說。

「唔好格硬嚟啊你。」

「得㗎我，行啦。」她強忍著痛楚，一拐一拐地行。

「扶住我啦。」我抓著她的手，放在自己的肩膀上。

好不容易，我們終於走出了羽毛球場，

「終於出到嚟。」啊童說。

「但係你咁樣都唔係辦法㗎，你行得咁慢，十點都未返到屋企啦，前面仲要落山，先至到我地大廈附近個條街。」我說。

「你即係嫌我行得慢啦！咁人地隻腳好痛丫嘛，你嫌我慢你咪走先囉。」啊童扁著嘴說。

「我都話咯，我係唔會掠低你一個㗎。唔...不如咁啦，我預你。」我停下來認真地說。

「吓...唔洗啦，我得㗎。」啊童似乎比我這個提議嚇倒。

「上嚟啦。你睇下你，個樣咁辛苦，仲死撐話自己冇野。」

我把書包預在前方，走到她身前蹲下，

好讓她能騎上來。

過了片刻後，我見啊童遲遲未動，於是便開腔說。

「快啲上嚟啦大佬，維持呢個姿勢好㗎㗎。」

「你得唔得㗎。」啊童擔心地問。

「你再唔想嚟我就真係唔得㗎啦。」我說。

「小心啲㗎你。」她說完後便跳了上來。

沒有預料到她會突然跳上來的我，

一時之間失了平衡，幸好我平衡力一向不差，

才不至雙雙倒地。

「喂小姐，你可唔可以唔好突然跳上嚟，你可以慢少少㗎。」站好的我說。

「對唔住囉。」啊童伸一伸舌頭說。

跪求大家Follow我既IG: MaanYin05

## 54.

她趴在我的背上，

頭則貼著我的頭，

近得連她的呼吸聲我都聽得一清二楚，

雙手「橋」著我的頸，

我則用雙手提著她的兩隻腳，

然後便開始起行，踏上歸家之路。

「你係咪真係得㗎？我唔輕㗎㗎。」啊童害怕得雙臂緊緊箍著我的頸。

「鬆...鬆開啲隻手，我就嚟窒息啦。」我困難地說。

「唔好意思。」啊童尷尬地道歉。

「你信我啦，話晒我假假地都係羽毛球隊既成員，平時又打開籃球，體能同力氣都有返咁上下既。」我自信滿滿地說。

「你辛唔辛苦啊？你辛苦可以放返我落嚟㗎㗎。」過了一會後，她又再在我耳邊問。

「辛咩苦啫，又有得抽水啦我，不知幾開心。」我回頭奸笑著對她說。

「仲識講笑啫係唔辛苦啦。」啊童打了我頭一下。

「喂...痛...我好心預你返去仲要比你打。」我抱怨。

「邊個叫你成日我又借啲意抽我水啫，死變態。」

「我會你即係證明你夠靚夠索囉，我平時都唔女仔既，淨係你一個。」我說。

「即係你認你成日我啦。哼，我宜家要去報警，話有個咸濕仔一日到黑都係到我。」

「你咪報囉，唔好唔記得你宜家就係趴緊係你口中既咸濕仔身上面，仲要係佢耳邊同佢講緊野添，我就睇下你點樣去報警。」我得戚地說。

「哼，我落嚟自己行過去咪得囉。」

「小姐，請你唔好忘記，由你上咗嚟我背脊個一刻起，你就已經失去咗你既行動自由，所以我都係勸你乖乖地唔好亂郁，如果唔係，嘿...」

我緊緊地抓著正在掙扎的啊童的雙腿，不讓她下來。

「放我落嚟啊，放我落嚟啊死變態！」啊童笑著說。

「我死都唔放開你㗎啦，你死心啦。」我說。

「我就唔信你呢一世都咁樣預住我唔放我落嚟。到時你一放低我我即刻跑去報警。」

「如果你肯既話，我預你一世又有咩所謂㗎。」我很自然地說出。

「...」啊童聽到後愣住了，一言不發，

大概在思考著我剛才所說的話，

我繼續背著啊童向前行，

而啊童則輕輕地的把頭靠著我的頭，

偶爾，微風輕輕掠過，

把啊童的秀髮吹起，碰到我的臉頰。

我多麼的，

多麼的想把時間暫停，

讓我們永遠停留在此刻，

時間可否不要再向前走，

就讓我們留在這裏，永不離去。

但，

在旁駛過的車輛，

在側走過的行人，

就像在笑我這個想法，

提醒著我，時間永遠，

都只會向前走，

不會停下來，

亦不能後退。

此刻的我，能做的，就只有珍惜。

過了良久，啊童深吸了一口氣，開腔問我，

「其實...你係咪鍾意我。」

我比這條突如其來的問題嚇倒，身體一震，

在路上停了下來，腦中一片空白，

回頭看著啊童，在這短短幾秒之間，

心裏反覆思索著應該如何回應她的問題，

究竟我應該賭上這段關係，

向她如實相告，自己由看到她第一眼時便喜歡她了，

抑或是，為了保住我們這段珍貴的關係，

而說謊跟她說自己只視她如密友，好兄弟。

不知道啊童如果得知我暗戀了她很久後，

會有甚麼反應，

究竟是會如我所希望的一樣，接受我，

還是會因為怕尷尬而自此慢慢疏遠我，

令我們的關係從此破裂，

再也不能完全修補好，

在我們之間，多了一層隔膜。

我，沒有勇氣去回答這條問題，

因為我怕，我很怕會失去啊童。

於是，我便選擇用另一條問題，

去回答這一條問題。

「點解你會咁問呢。」我裝作沒事地說。

「講下笑咋！你睇下你吔，塊面青晒，仲停咗落嚟，聲都震埋，做咩啊？你驚呀？定係...」

聽到她這樣說後，我鬆了一口氣，重新起步向前行。

「定係咩呀。」驚魂未定的我問。

「定係...」啊童停了一停，然後把嘴伸到我耳邊，

「你.比.我.講.中.咗.呀？」

「緊...緊係唔係啦。」缺乏勇氣的我立即否認。

「嘻嘻，都唔知係咪真㗎，不過如果你係真係鍾意我呢，就要努力啲啦。」啊童繼續說。

慢著，啊童這樣說，是不是代表她叫我追求她...

跪求大家Follow我既IG: MaanYin05

## 55.

「痴線，做咩無啦啦講呢啲。你都係乖乖地唔好再講野啦，我冇咁多氣嚟應你啊。」早已汗流浹背的我辛苦的說。

「仲有幾耐先返到屋企啊，快啲啦。」啊童說。

「就...就快啦，你比人預，緊係覺得輕鬆啦，我就慘啦，預住個咁重既人。」

「嘩，你乜咪放返我落嚟囉，唔使死頂啲。」

「你頭先痛到路都行唔到啊，我點可以放返你落嚟啫？我一定要預你返到屋企為止。」

「你睇下你咁緊張我，仲唔係鍾意我？」啊童又把話題轉回我是否喜歡她這個問題上。

「咁上次我扮跌親既時候你咪一樣係咁緊張我，咁唔通你又鍾意我啦啲？」我反擊說。

「咩呀，我...我上次邊有咁緊張你呀，我上次只係...只係。」啊童一時語塞。

「你講咩，你上次只係咩呀？」我不讓她有思考的時間。

「哼，你又蝦我。」

「哈，駁唔到啦，啫係你都緊張我啦。喂，老老實實，你係咪鍾意我啫。」

我緊咬著她不放，以其人之道，還治其人之身。

「咩...咩呀。我...我緊係唔鍾意你啦。」

「鍾意我咪講囉，我可能都會考慮下既。」

「你收皮啦。你唔好又開個話題啊，明明係我問緊你，做咩會變咗做你問我啲？你講，你係咪鍾意我。」啊童嘗試取回主導權。

「我係唔同你講呀，你吹咩！」

實情是我沒有足夠勇氣，

要說出自己對她的感覺，真的很困難，

硬是開不了口，

有一刻，我有想過要一口氣，

不理後果，

對她說我愛你，

但我很快就打消了這個念頭，

懦弱的我最終選擇不答她的問題。

「我比多次機會你答，你宜家唔答你之後唔好後悔。你係咪鍾意我？」她問多一次。

「我...」我心裏再次交戰起來，

猶豫不決的我，

吐出了一隻字後便靜了下來。

「得，我唔迫你，你唔講就算。」啊童看見我久久未能回答後說。

「我都未見過啲男仔咁廢，講句野都唔敢。」過了良久，在我背上趴著的啊童細聲說。

「...」

我們再次陷入冷場，互不說話。

十分鐘過後，我們終於回到家了。

我背著啊童在大堂等待升降機，

卻恰好撞見從升降機剛走出來的那個清潔工。

我沒有理會她，

自顧自走進去升降機入面，

由於我雙手要勾著啊童的雙腳，

所以我便讓啊童為我按下樓層按鍵。

「頭先個清潔姐姐係咪個朝係咁煩住你個個？」啊童率先打開話匣子。

「係呀，個陣我激鬻咗你吓嘛，咪諗住係你屋企門口出面等你然後同你道歉囉，跟住我就比佢煩啦，又話咩我唔係呢到既住客，仲話我係小偷添啊，好彩你地及時出現，佢先冇咗煩我。」我回應她說。

「講開又講，你好似仲爭我啲野嘢。」啊童說。

「咩野啊？」

「道歉囉，你激鬻咗我唔洗道歉㗎？我未話原諒你㗎。」

「吓，之前個幾日我都唔知自己講咗幾多次對唔住啦喎，你仲要聽？」我問。

「之前個啲唔算數，你都冇誠意既，宜家見你咁辛苦，又幫我按摩，又預我返嚟我先比個機會你講啲咋，你再唔講就冇啲啦，我呢世都唔原諒你啲啦。」啊童說。

「講講講，周樂童小姐，我宜家就之前我扮跌親，然後鬧你一事向你致歉，希望你能夠原諒我。」我一本正經地說。

「哼，睇咗你今日為我做咗咁多事既份上，我就勉為其難咁原諒你啦。」

「謝主隆恩。」我恭敬地說。

跪求大家Follow我既IG: MaanYin05

## 56.

這時，剛好升降機門打開，

到達了我們家所在的樓層，

我背著她走到她家門前，

她按下門鐘，等待她的家人打開大門，

幾秒後，周叔叔打開了大門，

他看到趴在我背上的啊童先呆了一呆，

然後立即反應過來，

「做咩野啊你？」他問。

「我打波既時候扭親隻腳，行唔到，所以就比佢預我返嚟囉。」啊童回應。

「入嚟先入嚟先。」他聽到後急忙說。

於是我便背著啊童走進她的家裏，並把她放在梳發化上。

終於放下了她的我如釋重負，

連站也站不穩，我不顧儀態，

直接坐在地上大口大口地喘氣。

周叔叔見狀立即走進廚房，為我拿來一杯水，

他把水遞給我，示意我喝下，

「唔該。」

我接過那杯水，

他見我大汗淋漓，特意在杯中加了冰塊，

好讓我可以降溫，我一口氣把冰水喝掉，

「都叫你唔好格硬嚟㗎，你睇下你宜家幾辛苦！」一滴汗也沒有出過的啊童坐在梳化上說。

「啊童！唔準咁冇禮貌。」周叔叔大喝。

「咁啲，平時我地都係咁相處㗎啦。」啊童撇一撇嘴看著我說。

「哦，算啦算啦，我都唔介意，我習慣咗㗎啦。」我打完場。

「今日真係麻煩晒你啊，係咁遠俾啊童返嚟。」周叔叔說。

「客咩氣吖，好小事啫，都唔辛苦。」我回應。

然後我轉頭看向啊童，

做口形說：有得抽水。

啊童看見後輕輕用腳踢了我一下。

「佢又係既，成日都咁唔小心，以後就要繼續麻煩你幫我睇住佢啦。」周叔叔無視我們之間的互動繼續說。

「你放心啦，我會幫你係學校到睇住佢㗎啦。」

「時間都唔早啦，我要過返去隔離食飯啦，多謝你杯水。」我起身把空杯遞給他說。

「我多謝你就真，我嚟幫你開門吖。」他走向大門並打開它說。

「唔該晒。」我走出去穿起鞋子說。

「以後如果你屋企人唔得閒既話隨時歡迎你過嚟食飯㗎。」他對著門外的我說。

「多謝你既好意先。Bye Bye啦。」

我對著周叔叔以及啊童揮手。

回到家後，我的手機「叮」一聲響起。

我打開電話一看，

原來是毛毛傳來了一張相片，

我按入去一看，竟是毛毛不知何時，

趁我在俾啊童回家的時候，

拍了一張我背著啊童的相片，

理所當然地，這張照片成為了箱中的第四張照片。

我：做咩偷影我？

毛毛：咁啱行行下見到你預住佢係到行緊，咪幫你影低佢囉。

我：咁好心啊？我係咪要多謝你？

毛毛：點止多謝啊，直頭要請我食餐飯添啦，我難得幫你記錄低咗重要既一刻。

我：又屈我請食飯，你死心啦。

他之後便已讀了我。

跪求大家Follow我既IG: MaanYin05

## 57.

第二天，我依舊提早在啊童家的門前等待啊童，  
不同的是啊童終於有主動跟我說話，  
雖然她走路時仍是會一拐一拐，  
但是已經沒有昨天剛受傷時那麼疼痛，  
只要我扶著她的話，  
她的走路速度不比平常人慢太多。  
回到學校後，我們如常上課，  
不同的是我們多了交流，  
上課時偶然會聊天，  
甚至公然打罵嬉戲，  
我的兄弟們看見我們之間的互動，  
都已經猜到我們已經和好，  
不斷問我我究竟如何令啊童原諒我，  
而我則隻字不提昨天所發生之事，吊他們的胃口。  
之後的每一天，當小息我落去操場打波時，  
啊童都會在場邊看著我打，  
小息完後我便回扶著她上班房，  
午飯時她多數會跟我們一起出去吃，  
放學後我們便回一起結伴回家，  
有時就會在放學後去甜品鋪吃個心太軟才回家。  
基本上，我們在外人眼中就如糖痴豆般，  
我去那啊童就跟著我去那。

當然，啊童在學校亦交到朋友，

她好像是叫Suki，算是我們班中比較正常的女生，

因為坐在啊童旁邊，

所以自然就跟她熟絡了，

有時啊童都會跟她一起吃午餐。

日子一天一天過去了，

時間一轉便來到了UT前的一個星期，

由於今年我們是Form 3，

為了下年讀到自己想讀的科，

所以大家都會用功讀書，

希望能考取到好成績，

每天也拼命溫習，

為下星期的UT做準備，除了我之外。

這天，我們終於上完一整天的堂了，

「呼，終於放學，可以返屋企打機Luu。」我興奮地說。

「打你個頭啊，仲打機，你返去要溫書啊，得返唔夠一個禮拜就UT啦。」啊童輕輕敲一敲我頭說。

「得啦得啦，長氣。」我向她做個鬼臉說。

「Wuuu，好Sweet啊！」Marcus在旁起哄。

我一早已經習慣了他們這種說話，也懶得去理會他們。

「走啦，仲睇，我隻眼就快盲啦。」坐他旁邊的肥強起身催他離去。

「你地慢慢啦下，我地走先啦Bye bye。」Marcus起身跟肥強一起離去。

「返去未啊溫習狂？」我問啊童。

「返囉，我同Suki講聲Bye bye先。」啊童說。

「Suki我走啦。」啊童走了過去Suki的座位跟她道別。

「重色輕友！又顧住你個男朋友唔理我。」Suki看著在她身後的我。

「又關我事！？」躺著也中槍的我說。

「咩男朋友啊！我...我先唔會要佢做我男朋友囉好冇。」啊童紅著臉急忙說。

「唉，得啦，唔使解釋㗎啦，全班都知你地咩料啦。」

「痴線，你唔好講得就講啦。」啊童說。

「唉得㗎啦得㗎啦，我識做㗎啦，你地慢慢二人世界啦，唔L洗理我㗎啦，走啦你地。」Suki嘆了一口氣說。

「咩...咩二人世界啊！我同佢無野㗎，我先唔要同佢二人世界，我同你一齊放學。」

啊童為表清白，於是對Suki提出這個建議。

Suki看到奸計得逞後笑了一笑，然後說：「係囉，咁先係好姊妹㗎嘛。」

「喂喂喂...咁我呢？」無端端比啊童拋棄了的我問。

「你啊...食自己啦。」啊童頭也不回，挽著Suki的手說。

結果，我便死死氣地跟在她們後面，

聽著她們談天說地，

直到我們出了升降機，

Suki要前往巴士站，

她們才肯分開。

跪求大家Follow我既IG: MaanYin05

## 58.

「點呀，好悶啊？」Suki走後啊童才回頭問我。

「唔悶呀，聽住你地吹水點會悶啫。」我口是心非地說。

「唉呀，小言言嬲呀？唔好嬲啦，姐姐帶你去食心太軟吖。」啊童看到我的樣子後安慰我說。

「我邊有嬲啫。」

「嘆，仲話冇嬲，你既心情已經寫晒係你塊面到啦。」

啊童伸出手來，

「搵」我兩邊面，強迫我的嘴角揚起，

「笑返，Yeah。」啊童興奮地說。

無奈的我只好配合她，微笑了一秒。

「係咪去文姨到啊？」我問。

「係呀係呀。」於是我們便去了甜品鋪，

「咦你地又嚟啊？」文姨看到我們後問。

「係啊，呢個人嬲咗我，所以咪帶佢嚟食心太軟囉。」啊童扯著我的手臂說。

「都話冇嬲咯。」我說。

「有冇嬲都唔緊要，文姨宜家入去整個心太軟比你地食。」

「唔該文姨。」

理所當然地，這一餐是由我來付錢，

啊童根本是自己想來食心太軟，

她一吃完便拿起書包走了出去，

完全沒有打算要付錢。我付完錢後便走出去，

「吖你個衰妹丫，食完就拍拍籬柚走人。」我不滿地說。

「吓，有咩？我有問過你要唔要我幫你俾錢㗎，係你唔理我咋嘛。」她說。

「幾時問我啊你？」我不解地問。

「食緊既時候囉！我係個心入面問你『駛唔駛我俾錢啊？』，但係我聽唔到任何答覆，咪以為你俾囉。」

啊童說得好像錯的是我一樣，完全不覺得自己說的話有甚麼問題。

但或許，天下間，

亦只有啊童能在我面前說出此番語論，

而不比我用粗口問候。

「你想屈我請你你都搵個好少少既籍口吖...」我苦笑著說。

「嘩，反正我點講你都會請我啲啦。」啊童說。

「邊個話啲，俾錢，宜家即刻俾錢。」我伸出手來。

「吓~男仔俾錢唔係應該啲咩？」啊童扁著嘴問。

「如果我宜家係同你拍拖就係，宜家咁樣我係唔會幫你俾錢啲。」我說。

「咁你咪當宜家係同我約拍拖囉。」啊童搖著我的手說。

「痴線，點當啫。」我說。

「點解唔得啊？你講吖。」啊童叉著腰問。

「有好大分別既...」

「有咩分別吖？你舉下例講比我聽。」

「例如啊，例如人地拍拖會錫下對方咁...」

話未說完，我的左邊臉頰就比啊童親了一下。

「咁得啦，你俾。」啊童神情自若地說。

「走Luuu！」啊童奔奔跳跳朝回家的方向離去，

留下呆若木雞的我在原地。

我整理思緒後便跑去追回啊童，

我跟啊童沿途閒話家常，大家都有默契地，

隻字不提剛才所發生的事。

不久後，我們便出了升降機，到達了我們家所在的那一層，

「聽日見啦。」我說。

「唔，記得溫書啊你。」啊童不忘提醒我說。

「得啦得啦。」我笑著打開門說。

正當我準備關門之際，

「喂啊言！」啊童叫了聲。

於是我重新把門大開，看看她為何突然叫我。

「我會溫書㗎啦，你唔駛特登過嚟提我。」我對著站在門外的啊童說。

「唔係啊，我叫住你唔係因為想提你溫書啊。」啊童反一反白眼說。

「哦，咁係咩驅使你過嚟呢？」我問。

「係我好似...好似唔記得帶鑰匙。」

「咁啊...你入嚟坐下先囉，等到你啊爸返嚟你咪過返去囉。」

「打攞晒。」啊童進來時說。

「唔駛咁客氣啦，得我一個咋嘛。」我說。

「對鞋擺邊啊？」啊童站在玄關問我。

「個度。」我指著我剛才除鞋的位置，然後去櫃中為啊童拿出一對拖鞋。

「唔該。」啊童接過拖鞋說。

「我去個廁所先。」啊童放下書包後向走廊方向走。

「喔。」

跪求大家Follow我既IG: MaanYin05

## 59.

我把我跟她的書包拿進房間後，

突然心生一計，

我走過去廁所方向，

把廁所的燈關了，

「萬浩然！快啲同我開返燈啊！」啊童在廁所內咆哮，我隔著度門也感受到她的怒氣。

「做咩啫，又唔係全黑，個窗會透光㗎㗎，就算我熄咗盞燈你都唔會睇唔到野啦。」

「透光啫，但係都係好暗㗎嘛，你快啲開返佢啦。」她說。

「你出嚟自己開返佢啦，Bye Bye。」我笑著說。

「喂...喂你幫我開啦，如果唔係...我一陣出到嚟你就知死！」

我充而不聞，站在廁所門外，

等待她走出來。過了一會，

「啊言...你幫我開返燈先啦，我開唔到門啊。」

「點會啊，你扭一扭個門鎖就開到㗎啦。」我疑惑地說。

「我睇唔到啊！你快啲放返我出嚟先啦。」她拍著門說。

「唉好啦好啦，我真係失敗，想整估你，結果比你講兩句我又心軟。」我打開門說。

誰知我剛打開門，

啊童便撲出來，不斷拍打我的手臂，

「衰人衰人衰人！成日都蝦我。」她扁著嘴說。

「我點樣蝦你啊？我熄咗盞燈咋㗎，宜家仲有太陽，個廁所就算冇咗燈都唔會黑到睇唔到野㗎。」我邊躲避著啊童的攻擊邊說。

「總之我頭先就睇唔到啦！你搞到我頭先洗洗下手突然之間乜都睇唔到啊！」啊童繼續打我。

「唉對唔住囉，我錯啦，得未啊。」

「哼，唔理你，我去溫書。」

她自行走進我的房間中，更坐在我的位置上，

從自己書包中拿出中史課本並開始溫習。

「喂喂喂，你坐咗我個位啊。」我走到她身旁不滿地說。

「嘖，男人老狗咁婆媽，你出去擺過張入嚟坐咪得囉。」她看了我一眼後說。

「明明呢到係我屋企...點解我會被人搶咗張櫈嚟坐㗎...」我邊走出去邊喃喃自語。

我很快便從大廳中來了一張櫈並折返，

我回到房後便拿出電話看IG，

正當我看得高興時，啊童卻一把搶走我的電話，

「喂，唔準睇IG啦，你睇咗好耐啦！同我溫書。」她把我的電話收在她的裙袋中。

「吓我睇咗幾秒咋喎。」我說。

「下個星期就UT啦，你仲顧住係到睇IG，唔溫書！你想唔想考好啲㗎？快啲擺本中史書出嚟一齊溫。」

啊童從我書包中左找右找，拿出我的地理書，並為我揭開。

「唉溫啦溫啦，休息都唔比。」我嘀咕著。

我就這樣，比迫跟啊童一起溫習，結果一溫就溫了一個小時。

「呼，終於溫完啦，我溫到就嚟死啦。」我趴在桌上說。

「溫一陣書就嗌晒救命咁。」啊童鄙視我著我說。

「喂咁我返完成日學，休息都有休息過就溫咁耐書，鐵人都頂唔順啦。」我沒精打采地說。

「唉比你休息十分鐘啦，抖一陣就溫西史啦。」啊童從裙袋中拿出我的電話給我。

我一看到自己的電話立即兩眼發光，

如餓狼一般從啊童手上搶走電話，盡情休息，

那邊廂的啊童在看到我的行為後無奈地搖著頭嘆了一口氣。

這時候，我突然聽到鐵閘打開的聲音，

我看一看電話上顯示的時間，五時半，

糟了，老媽回來了！

我絕不能讓老媽知道我帶了啊童回來，

其實我也不知道為何自己如此怕老媽發現啊童的存在，

反正就是不想比她煩，

所以我要趁老媽進來之前把啊童藏起來。

跪求大家Follow我既IG: MaanYin05

## 60.

「啊童，搵個位匿埋，快。」我急速地拍打她的肩膀說。

「做咩啊？」一頭霧水的啊童回過頭來問我。

「我啊媽返咗嚟，我唔想比佢見到你。」我壓低聲量說。

「點解呀？」她追問下去。

「唉呀你唔好再問啦，我唔想比佢見到你係因為我怕佢會係咁煩你呀，你快啲匿埋啦。」我說。

「咁我匿邊啊？」

我快速看了我房間一遍，然後指著衣櫃說。

「匿呢度，快啲。」

「唔得，呢度好黑。」啊童說。

「有幾黑啫？咁你瞓上我張床啦。」

我指著在我書桌上的床，

因為我的床是上格床，所以只要啊童蓋好被，

基本上我老媽是不會發覺的。

她看了看，想了一下後說，

「好啦。」

「快！」因為我已經聽到老媽關門的聲音了。

「唔準偷睇我裙底㗎！」啊童在雙手抓著梯子說。

「得啦，我最多抽下水㗎啫，未去到偷睇你裙底咁變態。」我說。

啊童反了反白眼後便開始攀爬，

我老媽的腳步聲亦越來越近。

不出五秒，啊童已經上到了我的床上，

並平躺了下來，

同時間，我老媽就已經來到了我的房間中。

「衰仔，啊媽返咗嚟你做咩冇反應㗎，又唔出嚟幫手攞野。」

「哎呀啊媽，你見唔見到我係度做緊咩呀，溫書呀！我專心到連你返咗嚟我都唔知，點出嚟幫你攞野啫。」我指著桌上的地理書說。

「又會突然之間咁乖自動自覺溫書既...」她一邊走進自己房一邊說。

待她進了去關了門更衣時，我立即爬上自己的床叫啊童。

「喂，快啲趁依家走，我啊媽換緊衫。」我說。

她聽到後立即從我張床上下來，並拿起自己書包。

「其他野我一陣過嚟比返你，你宜家快啲著鞋走咗先。」我急忙推她出去。

「咔嚓」

對，你沒猜錯，事情就如各位想像中的一樣。

老媽不知為何突然打開了門。

我聽到聲音後背脊發涼，

立即以自己的身軀嘗試擋住啊童，

可惜無補於是。

「衰仔，邊個嚟㗎，我都覺得有古怪㗎啦，點會有對女仔鞋係玄關到㗎呢。」

「唔係唔係，你聽我解釋先啦。」我急忙說。

於是我便把整件事的來龍去脈一一告訴我的老媽。

「對唔住啊Auntie，打攞晒，我宜家走㗎啦。」啊童在我身後說。

「走去邊啫你？你都有帶鎖匙，你爸爸又應該未返到，你咪繼續係到囉，我都冇所謂既。反正我一直都想搵個人幫我睇住個衰仔，督促佢溫習，宜家有個靚女幫我睇住佢，我就放心晒。」老媽對著啊童說。

「多謝Auntie。」啊童有禮地回應。

「衰仔做咩要人地匿埋。」老媽罵我。

「冇呀，佢自己走上我張床到咋嘛。」我指著啊笑著說。

眼見老媽不介意啊童留在這，於是我便開個玩笑。

「唔係呀！係佢叫我走上去匿埋㗎。」

啊童著急地為自己辯護，並且輕輕打了我背脊一下。

老媽瞪了我一眼，

「係呢講咗咁耐都未知你叫咩名添。」她問啊童。

「我叫周樂童，你可以叫我做啊童。」她回答。

結果，不出我所料，

我煩人的老媽不改她長氣的性格，

總共跟她聊了十多分鐘，

內容不外乎是她的成績，學業等等。

跪求大家Follow我既IG: MaanYin05

# 61.

「唉呀啊媽，你唔好再煩住人地啦，人地好勤力㗎，要溫書啊，你去做自己野啦。」我嘗試從老媽手中拯救啊童。

「你睇下人地幾勤力溫書㗎，學下人地啦。」老媽又指著我罵。

「咁唔該啊童幫我睇住個衰仔啦。我出返去先啦。」她的語氣迅速轉為溫柔地對啊童說。

「知道啦Auntie，我會叫佢溫習㗎啦。」啊童說。

待老媽走後，我立即鬆了一口氣。

「你明點解我會話唔想比你見到我啊媽啦，你感受得佢有幾煩未。」我邊走回我房坐下邊說。

「乜你咁衰㗎，咁樣話你啊媽，我唔覺得佢煩㗎，我覺得佢只係比較熱情啫。睇你個樣，平時你都唔會同佢傾偈㗎，好心你啦，人地都係關心你啫，你就唔好成日對你啊媽態度咁差啦。」啊童對我訓話。

「嘩，我都係為驚你覺得佢煩啫，你唔怕咪得囉。」我不忿氣地說。

「溫書啦，仲講。」啊童輕輕敲一敲我的頭說。

「我明點解你唔覺得佢煩啦！」

「點解㗎。」

「因為你仲煩過佢。」我笑著說。

「為你好咋！我唔想一陣你要揀唔到自己鍾意既科。」啊童打了我的頭一下。

「係係係，對唔住。」我說。

「係呢，你想揀咩科啊？」我問。

「唔，我啊...應該係文科啦，可能係中史或者西史？再加地理？」啊童回答我。

「咦，大家興趣差唔多㗎，我都係想揀呢啲科。」我說。

「希望我地下年可以同班啦。」我繼續說。

「你唔好因為想同我同班而揀啲自己唔鍾意既科啊。」啊童說。

「得啦得啦，我係真心鍾意呢幾科既。」

「咁你仲唔認真㗎溫書，一陣間成績太差入唔到呢班唔關我事㗎。」

「係啦係啦，宜家咪溫囉。」我說。

到了差不多六時，

啊童說她父親應該已經回家了，

於是便向我們告辭，回到自己的家中，

「聽日見。」我說。

「記得溫書啊！Bye bye。」啊童穿好鞋後對我說。

「得啦得啦，長氣。」我敷衍她說。

「為你好咋，就係知你唔會溫書，所以先咁長氣，不斷提你咋。」

「係係係，啊童最好！」

「哼，算你啦。」說罷她便關了門。

「好好珍惜人地啊，好女仔嚟㗎。唉，都唔知點解佢會眼光咁差，以佢既條件，佢大可以揀其他人，但係佢偏偏揀咗你，真係戥佢可憐。」我媽在我身後說。

「你講咗去邊啊？我地朋友嚟㗎咋，況且我都唔係真係咁差啫。」我不滿地說。

「枉佢仲咁關心你，原來你只係當人係朋友，講真，啊媽唔係傻㗎，我一眼就睇到你地既關係唔係朋友咁簡單啦。」

「總之唔係啦。」

跪求大家Follow我既IG: MaanYin05



## 62.

啊童走了後，我當然沒有按照她所說的好好溫習，

而是去了打機。

基本上整個星期，

我是完全沒有碰過那一壘厚厚的書本，

每天放學後，便在家中盡情打機。

理所當然地，

裸考的結果，

就是大部份科目都不合格，

除了西史跟數學外，

我剩下的八科全部不合格，

收到成績的我毫不意外，

反正只是個測驗，

不是考試，所佔的分也不多，

下次大考才發力認真溫習吧。

但是，坐在我旁邊的啊童，

在得知的所有成績後，卻大發雷霆，

「你肯定冇溫書啦。」啊童怒氣沖沖地看著我說。

「哎呀，測驗咋嘛。」

「你仲咩唔聽我講溫書啫，你知唔知今年成績好重要㗎，要用嚟揀科㗎。」啊童說。

「嘩，測驗佔得個小小分，下次考試高分咪得囉。」我說。

「你又知你下次考試可以攞到高分？」

「咁認真啲溫書就得㗎啦。」

「你唔係要認真咁簡單啊，你今次冇溫過書，啱係話你對課本既內容已經係冇人地咁熟㗎啦，你再唔勤力㗎，你真係追唔返㗎。」啊童說。

「唉，呢啲野遲啲先算啦。」我說。

「仲遲啲？你知唔知你得返兩個月㗎咋，好快又考試㗎啦。」

「兩個月㗎！一個月都夠啦。」我說。

「唔得，你唔係求合格啊！你係要求高分啊！」

「咁啱係咩意思啊？你想叫我宜家開始溫書啊？」我問。

「緊係啦。」她一副理所當然的樣子。

「喂大佬，啱啱先測完驗咋㗎，咁快又溫書？」我不滿抗議著。

「你呢個測驗都冇溫過書，你淨係係到打機咋嘛，唔好以為我唔知。」

「我...我有溫㗎！」

「有溫都唔荒溫得多啦，溫得熟就唔係咁多科都唔合格啦。」

「咁我都有辛苦過㗎，所以我認為我要休息下。」

「真係好辛苦㗎！溫得個一陣。對比起其他人，你簡直係輕鬆啦。」啊童說。

「唉，咁我聽日開始溫囉，咁得未。」我退一步說。

反正她也不會知道究竟我在家中在做甚麼，

就算我整天打機，

她也只會以為我是在溫書，

所以我為了擺脫她的「關照」，

便說了一個美麗的謊言。

「唔得。為咗確保你真係有溫書，同埋考試會攞到高分，我決定，由聽日開始，每一日我都會同你一齊溫書。」啊童就像看穿了我心裏的想法。

「喂唔得唔得，我覺得自己會頂唔順，起碼都過多幾個禮拜先開始啦。」

眼見我的奸計不得逞，於是我便打算使用拖延戰術。

「唔洗諗啦，就聽日開始，你屋企溫，講完。」狠心的啊童一口拒絕。

「真係好辛苦㗎。」

「我咪仲辛苦，要陪你溫。」啊童說。

「你可以選擇唔陪㗎嘛。」

「㗎，你仲多多事實係咪啊？你再講我又嬲㗎啦~你係咪唔記得你上次氹得我幾辛苦㗎？」

「唔係唔係，我唔係咁既意思，但...」

「唔係咁既意思就得啦。聽日開始。」啊童打斷我說。

跪求大家Follow我既IG: MaanYin05

## 63.

第二天一放學，啊童便強迫我要立即回家溫習，

連籃球也不讓我打，

「喂呀，比我打一陣波啦，一陣啫。」我看著籃球場說。

「唔得啊！我地要返去溫書。」啊童拉著我離去。

「十五分鐘。」

「唔得。」

「吓，比我打一陣啦！」我苦苦哀求著她。

「五分鐘。」啊童比我打動了。

「咁少...十分鐘啦。」我笑著說。

「唔好打囉。」啊童卻決斷地說。

「咁又唔好，我打我打，五分鐘咁嘛。」我立即除下書包走過去球場。

「喂，我入邊隊。」我問。

「你入啊正個隊啦。」肥強說。

「好好好，等我呢個神射手示範點樣贏波。」我充滿自信地走去開波。

「你千祈唔好射失啲。」肥蛋嘲諷我。

「睇下點！」

我將球傳給啊正。

過了好一會，我終於拿到球，

有機會起手了，

伴隨著「刷」一聲，

我為我隊射入一球三分。

正當我沾沾自喜，拿回籃球準備開波時，

啊童卻走了過來。

「喂萬浩然！五分鐘過咗啦，返去啦。」

「比我打埋呢球吖！」我玩弄著在我手上的籃球跟她說。

「唔得！你唔記得你應承過我啲咩呀？」

「一分鐘。」我舉起食指說。

「唔得。宜家即刻走。」

「唉好啦好啦。」我將球拋給啊正。

「走啦我，聽日先再打啦。」我揮揮手說。

「打得個一陣就走，你不如唔好打。」Marcus說。

「你估我想㗎？我比人迫咋。」我不忿地說。

「究竟係邊個連啊言都迫到呢？」肥強問。

「仲駛問既，咪佢條女囉。」Marcus說。

「唉唔好提啦。」我對他們說。

「走得未啊？」啊童又著腰問我。

「唉走啦走啦。」我預起書包跟啊童離去。

「去唔去食心太軟啊？」我笑著問她。

「去你個頭，返屋企溫書啊。唔好以為我唔知你諗咩，你肯定係諗住去食心太軟，然後令到我地少啲溫書既時間。」

「唔係，咁我諗住...你鍾意食咩嘛。」

比她識穿了我的詭計後，我唯有找另一個藉口。

「唔食啊！返去溫書。」

「係呢，你有冇諗過嚟緊想去邊到旅行啊？今日Mr Wong叫我地返去諗下。」

我提起了今天Mr Wong所說的話。

因為我們學校的旅行日是定在測驗之後，

所以今天在派完所有試卷後，

Mr Wong便叫我們回家好好想一想旅行日想去那裏，

而基本上中學生去的地方，不外乎是沙灘或郊野公園。

「唔...我剩係諗到長州咋，一大班人一齊去長州應該既好玩既。」啊童思考了一會後回應我說。

「我呢，就諗到去石澳，租幾個爐嚟望住個海燒野食，大家吹下水咁，幾個鐘好快過。」我說。

「你咁講完之後，我又有啲想去石澳添。唉，如果可以去兩個地方就好啦。」啊童嘆了口氣說。

「可能到最後我地兩個地方都去唔到呢，佢投票決定㗎嘛。」

「吓唔會掛，你叫埋班兄弟一齊投，應該會去到其中一個地方掛。」啊童質疑我的想法。

「都係既，最怕就係佢地唔肯幫我手投㗎啫。」我說。

「點會啊！」

「你唔記得上次投班長既時候，我比佢地出賣咩？」我問。

「我唔理啊！我今年旅行一定要去到石澳或者長州。」啊童說。

「唉，我盡量叫佢地投啦。」我嘆了一口氣後說。

跪求大家Follow我既IG: MaanYin05

## 64.

很快我們便回到我家並開始溫習了，

「擺部電話出嚟。」啊童伸出手來對我說。

「比我休息一陣先啦。」

「你頭先打波咪休息咗囉，宜家我地要珍惜時間，開始溫書。」啊童一副理所當然的樣子說。

「你真係痴線㗎，休息都唔比。」無奈的我把電話交到她的手上。

「好，我地先嚟溫你上次考得最差既科，地理先。」啊童一邊將我的電話收進裙袋中，一邊從書包中拿出地理課本。

「吓，一嚟就溫地理？」討厭地理的我說。

「係呀，快啲擺出嚟，我宜家教返識你上次錯咗既野啊！」

結果，她一教就教了一個半小時，才終於讓我明白我測驗不懂的問題。

「呼！終於講完，好感動。」我累得攤在桌上。

「照舊啦，比你休息十分鐘，然後就繼續溫。」啊童神色自若地說。

「你唔覺得劫㗎咩？」我問。

「唔覺㗎。你快啲爭取時間休息啦，仲問。」

十分鐘的休息時間一瞬即逝，

啊童一到十分鐘，就立即把我的電話收走。

「好，做數。」啊童拿出數學課本說。

已經累得面無表情的我聽罷不再反抗，

只是乖乖地接手現實，拿出數學課本。

「喂！擺出嚟。」啊童指著我正偷偷藏起的電話說。

眼見被她發現了，我只好把電話重新交到她的手上。

過了一會，我趁啊童正在專心做數時，

偷偷地，悄悄把手遞過去她的裙袋，

屏息凝神地輕輕伸進去，

不敢有太大動作的我好不容易抓住了電話的一角，

我心中大喜，打算把電話抽出來，

卻一個不小心手震了一下，

驚動了正在專心做數的啊童。

「喂！做咩啊你。死變態！又想抽我水？」啊童抓著我的手說。

「唔係唔係，我只係諗住擺返部電話啫。」我急忙解釋。

「專心做數啦你。」啊童把電話放到另一邊的裙袋中，

令我奪回電話的大計破滅。

過不多久後，老媽便回來了，

她在得知啊童正在教我以及陪我溫習後大喜，

表示十分支持啊童，

並贊成她以後每天都過來，

跟我一起溫習。

就因為老媽的贊成以及大力支持，

我之後的每一天，放學後都要在一堆沉悶的課本中度過，

不過這也是後話了。

幸好啊童每天六時就會離去，

否則我應該很快會在溫習途中猝死。

做了數之不盡的數學題後，終於到了六時，

亦代表著我終於有時間休息。

「我差唔多走啦！」啊童收拾文具及書本說。

「好啊！」聽到這個好消息後我情不自禁地大叫了出來。

「好唔想溫書咩？」啊童反了反白眼問。

「唔係唔係，想打機多啲囉。」我誠實地回應。

「嘖，唔理你啦。返過去啦我，聽日見。」啊童背起書包說。

「哦，好啦，聽日見。」我說。

跪求大家Follow我既IG: MaanYin05

## 65.

第二天，班主任課時，

「各位同學，琴日我咪叫大家返屋企諗下旅行日想去邊既，我地今日就會進行投票，選出我地下星期五會去既地方。」Mr Wong說。

他話音未落，班房內已經掀起了一場熱烈的討論，

大家都在交換著自己對於旅行地點的想法，

我的那群兄弟也不例外，

「喂喂喂，你地諗住旅行去邊？」肥強問。

「冇啊，嚟嚟去去都係個啲地方㗎，是但啦。」Marcus說。

「雖然我地十成十都係去沙灘㗎啦，但係起碼可以揀啲好少少既沙灘㗎。」我見機不可失，立即插嘴說。

「你咁講...即係你對去邊到旅行有啲諗法㗎。講啦。」Marcus說。

「咁小弟呢，就有啲想去石澳旅行既。」我趁機把自己的想法說出來。

「痴線，入去石澳個程巴士勁辛苦，左兜右兜咁。」在最前的魚蛋加入我們的討論。

「咪係囉，言哥，你揀石澳啫係玩我地啫。」啊正說。

「搭幾分鐘巴士啫...一係咁啦，去長州。」

我見自己的提議不比接納，於是便說出啊童想去的地方。

「咁咪仲衰！要坐船㗎。」魚蛋再次反對。

「周樂童，你有冇咩地方想去啊？」Marcus轉為問一直未有發言的啊童。

「我呀，唔...我想去長...都係唔好，我想去石澳。」啊童說。

「石澳好㗎！水清沙幼咁，我贊成啊！」剛才反對去石澳的魚蛋率先表示支持。

「我都覺啊！你真係有眼光㗎啫，識得揀去石澳。」啊正說。

我無奈地看著他們，

「咁係咪即係大家都贊成去石澳啊？」我問。

他們逐一點頭，於是我便繼續說，

「咁我一陣就提議去石澳㗎啦，你地記得投啊！」

「得啦。」

最後，他們並沒有如上次般臨陣轉軚。

而石澳就成為了我們下星期會去的旅行地點。

「好啦，咁我地嚟緊旅行既地點就係石澳。宜家我想你地分組先，六至七個人一組。」Mr Wong說。

結果我跟四個兄弟，啊童，以及Suki一組。

「喂，你地識佢㗎？」啊正指著Suki問。

「唔識㗎。」肥強回應。

「佢係啊童個朋友㗎既，咁冇人同佢一組，啊童咪拉埋佢入嚟囉。」我為Suki解釋。

「佢叫咩名啊？」魚蛋問。

「搞錯啊！同班在成個幾月都仲未記得人地叫咩名。Suki啊，你不如介紹下自己啦。」啊童開口說。

「唔好意思囉，咁我真係冇留意到㗎嘛。靚女你叫Suki係咪啊？」魚蛋說。

雖然我之前曾說過我這一班，

除了啊童以外，就再沒有一個漂亮的女生，

但看來我是走漏了眼，眼前的Suki，

雖然不論樣貌或身材都及不上啊童，

但細看之下，其實也不差，

若然好好打扮一下，

相信她絕對會迷倒不少男生。

若啊童屬於溫柔類型的女生，

那Suki必定是屬於比較粗魯的女生。

「係呀。」Suki簡單的回應。

「咁總之我地嚟緊旅行日就會一組啦，咁因為係各組買自己個日想食既野，我地個日係咪BBQ吖，如果係既話，咁不如我地早少少係筲箕灣買？」啊童展現出自己的領袖潛能問。

「好吖，就咁話。」啊正第一個附和。

「喺記得準時啊下。」我不忘提醒他們。

「得啦。」他們異口同聲地說。

跪求大家Follow我既IG: MaanYin05

## 66.

一星期很快便過去，

除了每天也比啊童強迫我溫習以外就沒有甚麼特別的事情發生，

終於到了旅行日，我的心情當然是十分興奮，

因為這將會是我第一次跟啊童出去玩，

再加上，我自己亦很期待能跟一大群朋友一起BBQ，

談天說地。

當天，我一早便醒了，

可能因為太興奮，所以我久久未能再次睡去，

於是我便起床執拾一下旅行要用的東西。

待我把已經整理好所有要帶的物品後，

我便打給啊童，詢問她要不要一起吃個早餐才出發。

「喂啊童，一唔一齊去食個早餐先啊？」我問。

「喔...好吖。」聽起來還未清醒的啊童回答我。

「咁十分鐘後出面等？」

「唔...」之後她便Cut了線。

我放下電話後便去了換衫，

穿上了一件T-shirt及長褲，

差不多十分鐘後我便走了出去等她。

這一等，就是廿分鐘了，

待她走出來時，我已經差不多在地上睡著了。

「喂，行啦。」

我聽到她的聲音後張開眼，

映入眼簾的卻是一雙長腿。

我看到後呆了一呆，才懂得抬起頭，

啊童發現我正色迷迷地看著她的長腿，

立即打了我一下，

「你個死變態！又望我。」穿著一條熱褲的啊童說。

「咩啫，咁我都唔想㗎嘛，一擘大隻眼就見到你隻腳，我已經即刻移開個視線㗎啦。」

「哼，行啦咸濕佬。」啊童說。

我們吃過早餐後便出發往筲箕灣了。

「快啲啦快啲啦，我地遲到啦。」啊童拉著我從地鐵站跑出去。

原因無他，快樂不知時日過，

忘記了時間的我們比原定時間遲了十分鐘才到筲箕灣。

「嘎...嘎，好叻啊！」我喘著氣說。

「乜你咁廢㗎，又話自己係羽毛球隊？」她語帶諷刺地說。

「係啫...」

不久後，我們便到了集合地點。

「咦，言哥，你終於到啦？個日唔係話咩記得...記得咩呢可~」Marcus說。

「記得準時啊！」肥強跟他一唱一和。

「唔知宜家幾多點呢？」Marcus看一看手錶。

「咦，八點八啦㗎，我地好似係話八點半係到等㗎㗎。」Marcus繼續說。

「屌得啦，對唔住囉，我遲到，得未啊？」我反了反白眼說。

「講返正經野先，我地宜家分工去買一陣BBQ要既野。唔...就我同啊言一組，你地搵幾個同Suki一組。我地就買野食，你地就去買用具。」啊童再次擔當起領袖角色。

「喂屌，我唔搵想跟佢地㗎。」Suki立即反對。

「我想你幫我睇住佢地咁嘛，乖啦，我驚佢地買漏野啊。」啊童說。

「唉好啦好啦。」Suki說。

於是我們便出發去購買食物。

雖說我跟啊童一組，但其實我只是跟在她後面，  
為她拿東西。

「係呢，點解你要Suki自己一個對住成班男仔既。」在後面無聊的我問。

「首先，你覺得Suki自己一個對住成班男仔有咩問題先？講真，佢啲粗口仲多過啲男仔啦，你唔係覺得佢係啲咩純情小綿羊下嘛，佢一定會應付得到的男仔既。同埋呢...」

「同埋咩啊？」

「同埋我想佢地趁呢個機會破冰，熟悉下大家先啊嘛，如果我係到既話，佢一定成日都剩係痴住我，唔會同佢地講野囉。」

啊童繼續向我解釋她這樣分組的原因。

「諗得咁長遠，小弟佩服。」我驚嘆地說。

待我們差不多買完後，

我們便回到了集合地點，等待他們。

跪求大家Follow我既IG: MaanYin05

## 67.

不久後，他們便到了，

「屌你班仆街！幫手拎啲野啊！」肥強提著一袋二袋東西說。

「屌你咁肥，拎少少野就嗌晒救命咁。我地唔好幫佢。」

站在最前，甚麼也沒拿的Suki說。

「支持Suki！你咪當減肥囉哈哈。」Marcus附和。

「睇嚟你既計劃成功咗啦喎。」我看到他們的互動後對啊童說。

啊童笑了笑，沒有回答我。

「喂，買齊啦嘛？」啊童問。

「係呀。」Suki回答。

「好，咁我地去集合地點，等埋我地班既其他人。」啊童說。

在我們班所有同學都到達了後，我們便乘坐巴士出發去石澳了。

經過了差不多半個多小時的車程後，

我們終於到達了石澳。

一下車，我便看見面青口唇白的魚蛋向我走過來。

「你搞咩呀？」我問。

「仆...仆你個街，呢個咪就係點解我唔想嚟石澳既原因囉，我暈車浪啊！」魚蛋辛苦地說。

「哦，好小事啫。你嘔先算...」

我話音未落，他便已經開始對著地下嘔吐。

「嘩！你慢慢啦，我走先。」我看到這個情況後立即離去。

「喂，你咁冇義氣㗎...嘔...。」魚蛋邊嘔邊罵我。

「我心靈上支持你㗎！」我走過去大隊那邊說。

「好，宜家開始自由活動，三點三係呢一度集合。」Mr Wong說。

「知道。」

「喂，我地係咪去燒野食？」我問。

「係呀，你知唔知邊度有得燒野食吖？」啊童說。

「唔知喎，我唔知邊度有得燒啊，我諗住嚟到先算咋。」我說。

「啊言，係你提議話嚟石澳，咁你應該要帶領我地啦。我宜家派你去搵下。」肥強說。

「屌，我話嚟啫，冇話熟呢度㗎嘛，一齊搵啦。」我說。

結果我們便隨便找了一間燒烤場，

原因是，貪它會提供碳，

對，你沒看錯，提供碳，

因為他們忘記了買碳！

當然，另外一個好處就是比較乾淨，

而且有瓦遮頭，不用怕猛烈的太陽。

「屌你班On9，燒野食唔記得買碳。」我一邊燒魚蛋一邊說。

「咁燒烤場不黓都有碳提供㗎啦。」魚蛋說。

「你又知我地一定係去燒烤場既？我原本係諗住去政府個啲㗎咋。」我說。

「你就真係On9啦，緊係去燒烤場啦，坐得舒舒服服唔好既？」啊正插嘴說。

「我都廢事同你地拗，我去食野先。」我離開自己的坐位走向長桌說。

「咦，你終於燒完你個幾粒魚蛋啦？」正在吃雞翼的啊童說。

「係呀，燒完啦。」我隨手拿起一隻紙碟及一隻膠叉，

並把燒烤叉上的幾粒魚蛋「吉」到碟上。

「整粒嚟吖。」啊童把自己的碟遞過來。

「痴線，想食自己去燒啦。」我把碟拉後，保護自己碟上那幾粒魚蛋。

「嚟啦，我好想食啊，但係我又唔想去燒吖嘛。」啊童又再次使出扁嘴這招。

「唔得。」已經開始對這招免疫的我決斷地說。

「唉呀，我真係好超級超級想食啊！一粒，一粒啫。」啊童哀求著我說。

「唔得！」

「豈有此理，有敬酒唔飲想飲罰酒下嘛，擺嚟呀。」她舉起自己的叉打算吉起我的魚蛋。

「我要誓死保護我既魚蛋。」我用自己的叉撥開她的叉。

「食屎啦你！」

她右腳用力一伸，踢了我一下。我立即彈開，

「嘻嘻嘻，你一早比我食咪唔駛比我踢囉。」她一邊吃我的魚蛋一邊說。

「嘶...好痛啊！」我摸著被她踢的位置說。

「燒得唔錯，好食。」啊童食完後留下評價。

「喂，我又要食雞扒。」我看著她碟上的雞扒說。

「想食啊？自己去燒囉。」啊童說。

「你食咗我一粒魚蛋，我食返一啖雞扒都好合理啫。」我不忿地說。

「你食到咪食囉。」她說完立即把整塊雞扒放進口中，弄得滿嘴是油。

「駛唔駛呀...」我無奈地說。

「緊係要啦，如果唔係咪比你食到我辛辛苦苦燒既雞扒囉。」

「...」

「走，我地出去沙灘玩。」啊童起身走過來拉著我前往沙灘。

「喂喂喂，我未食完我啲魚蛋啊！」突然被她拉走的我說。

「嘖，一陣玩完返嚟先食啦。」啊童說。

「我好肚餓啊！！！」

「去玩沙啦。」她興奮地說。

結果我便無故被她拉了出去，陪她玩堆沙遊戲。

跪求大家Follow我既IG: MaanYin05

## 68.

玩了差不多半個小時後，她終於堆砌好一個城堡了。

「你睇下，勁唔勁先，一座咁靚既城堡，就咁樣誕生㗎。」

「得啦得啦，知你勁啦，我返得去食我個幾粒魚蛋未啊？」我敷衍地回應她。

「你都冇認真睇既。」

「我真係好肚餓啊，你比我食完野之後返嚟先再慢慢睇，好冇？」

「唉去啦去啦。」

「好快快快。」

我立即跑回去，打算進食那已經涼了的魚蛋。

誰知我還未回到去，就遇到拿著沙灘球走出來的啊正。

「喂啊言你去邊啊？出去玩數字球啦我地。」啊正說。

「我返去食啲野先啊，一陣先過嚟同你地玩。」

「唔好啦，玩咗先食啦，過嚟啦。」啊正拉著我的手說。

「大佬我好肚餓啊。」我說。

「得啦得啦，我地都係玩一陣咋嘛，玩完你咪返去食囉。」Marcus說。

「唉是但啦。」我又再次被迫回到沙灘。

「咦，啊言，你咁快食完啦？」正在堆沙的啊童問我。

「唔係啊，我地諗住玩數字球啊，你一唔一齊啊？」啊正問。

「下，我唔想跑喎。」啊童聽到後說。

「唔怕啦，一齊啦，啊童。」Suki勸啊童。

「咁啊，好啦。」

「咁我開波先啦。」啊正拿著球說。

「好啊。」

「三號！」啊正把球拋起並大叫。

身為三號的我立即向前接著那顆球。

未待他們跑回來，

我便立即把球再次拋起，

並大叫五號！亦即啊童。

把球拋起後的我立即跑走，

到啊童趕到過來時，球已經碰到了地下，

我們亦各自找到了地方躲起。

「最多行三步！」啊正提示啊童。

「痴線，你地走到咁遠，行十步都唔夠啦。」拿著球不知所措的啊童說。

「人既問題，唔關我地事。」我從燈柱後探頭出去說。

「食屎啦萬浩然，我就捉你，你千祈唔好郁啊。」她向著我這邊走過來。

「你捉得中我先講啦，你捉得中，我比你地埋落啲沙到又點話吖。」大言不慚的我大聲說。

「係咪呀，唔好反悔啊嚟。」啊童說。

「得啦，你捉得中先...」

我話未說完，

那球便已經直直地向我飛過來，閃避不及的我就比它擊中了。

「Yeah！」啊童手舞足蹈地大叫。

「埋咗佢，埋咗佢！」我的兄弟紛紛走過來起鬨。

結果，我便比他們徹底地，

由頸到腳，全部用沙淹沒。

「喂，玩L完未啊，我好肚餓啊！」動彈不得的我問他們。

「我地咁辛苦先至埋到你，點可以咁快就走㗎，起碼都影返幾張相先啦。」啊童拿出電話說。

「嚟，笑！」啊童一連自拍了好張照片。

這一張照片，就成為了我箱中的第五張相片。

「快啲啦，我要去食野啊。」我催促她。

「得啦得啦，影完啦，你去食啦。」她收起電話說。

「喂，幫幫手，我起唔到身。」我向我的兄弟們求助。

「你咁廢㗎，自己起身啦，得個小小沙，我地唔好幫佢。」Suki奸笑著說。

「係囉，自己起身啦。我地走。」魚蛋附和她。

「喂喂喂，你班仆街。唔好走啊。」我看著他們越走越遠的背影說。

幸好他們沒有堆太多沙，所以我自己掙扎了一會就能站起來了。

滿身是沙的我拖著疲倦的身軀走回去，

拿起放了差不多一個小時的魚蛋進食。

跪求大家Follow我既IG: MaanYin05

## 69.

不知不覺就到了三點三，我們到了集合點集合，

「男班長，幫我睇下各位同學到齊未？」Mr Wong問。

「到齊。」我數了數後回應。

「好，咁我地就係呢度解散，想出返去筲箕灣既可以跟我去搭巴士。」Mr Wong說。

「咁我地點啊？」我問我的組員。

「你地想返去吖，定係繼續玩？」啊童問。

「痴線，山長水遠嚟到呢度，緊係係呢度玩耐啲㗎啦。」啊正說。

「其他人呢？」啊童問。

「係到繼續玩囉！」魚蛋說。

「咁我地返去繼續燒野食？我仲未食飽。」我說。

「好嘞，反正我地都未燒晒我地自己帶過嚟個啲野食。」肥強說。

「咁返去啦。」啊童說。

於是我們便又回到去那個燒烤場，

坐回同樣的位置，繼續燒烤。

我們一直燒，直到黃昏，

「出去行下先。」啊童邊站起來邊說。

「我一陣嚟搵你吖。」還忙於燒雞翼的我對她說。

「好啊！」

「喂啊言，你又知佢去邊到行？」魚蛋問。

「有電話㗎嘛天才。」Suki白了他一眼說。

「你信唔信，我唔用電話都搵到佢吖？」我問。

「我唔信，呢度咁鬼大，你唔靠電話點搵到佢？」魚蛋說。

「睇下點。」

在雞翼上掃上一層薄薄的蜜糖後，

再燒多十來秒，我便開始進食。

吃完後，我便起身準備去找啊童。

「喂，你係咪話唔用電話就可以搵到啊？」魚蛋問。

「係呀，你唔信啊？」我反問他。

「係呀，我就係唔信啊，一係你放低部電話係到囉，你帶到周樂童返嚟俾話咪信你囉。」魚蛋說。

「好啊，我就證明比你睇！」我交出電話後往沙灘方向離去。

為什麼我會如此有信心，覺得自己會找到啊童？

原因無他，因為我深信，

啊童會選擇在黃昏時出去走走，

一定是為了看夕陽，

而整個石澳中，

最好觀賞夕陽的地方，

就一定是沙灘。亦即是說，

只要我沿著沙灘行，就會找到啊童。

果不其然，向前走了不遠後，

我便看見了坐在長椅上的啊童，

正在看著那片比太陽照耀成金黃的大海發呆。

她並沒有察覺到我的存在，

於是我便走近一點，

但竟看到她正在默默地流淚。

我裝作沒有看見她流淚，

從遠處叫了一聲她的名字，

她聽到後立即擰轉頭，並用手把眼淚擦掉，

然後回頭對著我笑了笑。

我走過去她的旁邊坐下，

「點啊，又睇夕陽啊？」我問。

「趁有得睇就好好珍惜啊嘛，緊係要睇多幾次啦。」啊童說了一句耐人尋味的話。

「此話何解？」我問。

啊童笑而不語，

但我總覺得她的笑，帶著一絲悲傷，

她的眼神中，帶著一點憂鬱。

我就坐在她的旁邊，

靜靜地陪她欣賞太陽落下，

隨著太陽的落下，

天空只剩下一道晚霞，

看到如此美景，令我心中突然有股衝動，

想在此刻，跟啊童表白。

我不知從那來的勇氣，說出了個「我」字。

聽到我說話的啊童轉過頭來看著我，

事到如今，

我於是便抱著「死就死啦。」的心態，

去說完整個句子。

「我...鍾意你。」我深吸了一口氣後，

說出了這四隻一直不敢說的字。

心跳頓時加速，等待她回應的時間好像特別久，

每一秒對我來說，  
都好像過了一個小時一樣，  
很漫長， 很漫長，  
空氣好像凝住了般，世界變得寧靜...

跪求大家Follow我既IG: MaanYin05

## 70.

啊童的反應與想像中的不同，只是淡淡地說了一句，

「如果我上次問你你敢講既話，我或者會應承，但係好可惜你最後都係冇講，機會冇咗就係冇咗，下次你就記得要把握好機會。」啊童說。

此時，太陽已經從地平線上消失，

留下一片薄暮。

一時之間，我腦中一片空白，

不能運行，想不到應該如何回應啊童。

不知如何反應的我，只好對著啊童笑了一笑，

強行撐起兩邊嘴角，裝作神色自若，

但此刻的內心卻是心如刀割，

痛，痛得很，

值得慶幸的是，她並沒有明確地拒絕我，

化表著我仍然有機會，

但此刻的我，唯一的感受，

就是心痛。

我呆坐著，雙眼看著那片晚霞。

思索了良久，

我想通了，縱是心仍痛，

但是，我明白到，

我應該做的，並非呆坐在這，

而是應該更努力去追求啊童。

「走啦，返去啦好冇？」啊童見我良久未有回應，於是便主動開口問。

「唔等到個天黑晒先？宜家呢刻個天仲有少少金黃色咁，幾靚吖。」已平復好心情的我回應。

「唔啦，我都睇唔到，同埋我鍾意既，係個海，唔係個天同太陽，返去繼續燒野食啦。」啊童從椅上站起來說。

「咁好啦。」於是我們便沿路折返，

「其實，你今日係咪唔開心？」

「你睇到我頭先喊啊？」啊童問。

我點了點頭。

「唔...」之後她便再次默不作聲。

「有冇咩我可以幫到你啊？」

我見啊童不出聲，於是便主動問。

「冇嘍，你幫唔到我嘍。」啊童苦笑著說。

「咁你都可以講出嚟，話比我知吖。」

「講出嚟都幫唔到件事，無謂令身邊既人擔心我啦。」啊童說。

我見她不肯說，也不再繼續追問。

絲絲的晚風徐徐吹來，

我們沿著長灘一直前行，

不久後，我們便回到了燒烤場，

「喂屌你，堅啲，真係唔用電話可以搵得返人啲。」魚蛋看到我跟啊童回來後說。

「哼，實乜講，比返部電話我啦。」我說。

「小弟佩服。」魚蛋把我的電話交還給我。

「喂，不如搵啲野玩下啦，我地都係到燒咗咁耐。」啊正說。

「玩咩吖咁。」Marcus問。

「咁一班人，咁啱大家宜家係圍埋一齊，咁就緊係玩...」

魚蛋對啊正打個眼色，然後一起說，

「Truth or dare！」

「喂又玩？上次仲未玩夠啊？」我回想上次發生的事後，立即反對他們這個提議。

「上次發生咩事啊？」不在場的Suki問。

啊正於是把整件事情的來龍去脈都告訴Suki。

「哦，唔緊要啦，反正佢都係你男朋友啦，你個初吻由佢擺走都冇所謂啦。」Suki對著啊童說。

「都話佢唔係我男朋友咯。Suki！你唔好再亂講野啊！」啊童作勢打她說。

「可能就快係呢？」Suki若有所思地看著我說。

「痴線。」啊童反了反白眼後說。

「咁即係玩定唔玩啊？」啊正問。

「玩囉。」啊童說。

「Yeah！我地今次唔會玩咁大嘍啦。」魚蛋說。

「得啦得啦，開始啦。」啊童說。

於是魚蛋便從自己袋中拿出一支筆，

「嚟啦喎，我轉啦。」他說罷便轉動了那支筆。

結果，竟然再次轉到我，

「真心話定大冒險？」啊正問。

為防同類事件再次發生的我，這次便選擇了真心話。

正當啊正及魚蛋他們正在苦惱應該問甚麼問題時，

「你鍾意邊個？」Suki冷不防地問我。

「吓，我啊...」沒有料到一開始就比人問這些問題的我嚇了一嚇。

「係囉係囉，你鍾意邊個啫。」Marcus問。

雖然，我剛才才跟啊童表完白，

啊童亦一早知道我喜歡她，

但我就是不想比他們知道我喜歡啊童，

所以此刻的我猶豫不決，

思考著應否如實作答。

「噏，趁呢度人小小，你咪答咗去囉，最多我地應承你唔講出去。」肥強也加入戰場。

「你係咪鍾意啊童啫？」Suki補多一句。

我看向啊童，但她卻擺出一副不關她事的樣子，

我唯有硬著頭皮，深呼吸一口氣對他們說，

「係！我係鍾意啊童。」

「噏，我都話㗎啦，你地又唔信。」Suki聽到後興奮得手舞足蹈。

「喂喂喂，咁樣呢，算唔算係表白啊？」魚蛋聽到後問。

「緊係算啦！啊童...有咩回應先？」Suki奸笑著問啊童。

「咩...咩有咩回應啫，我要去廁所，Suki陪我去吖。」啊童想逃離現場。

「有人怕醜㗎，唉，陪你去啦。」Suki說完便站起身陪啊童去廁所。

待她們離去後，我的兄弟立即上前問，

「咁即係點啊？」肥強問。

「即係唔得囉on9。」Marcus說。

「啊言，唔死唔開心㗎，我地支持你。」啊正拍一拍我的膊頭說。

未待我開口澄清，魚蛋便搶先說，

「最緊要唔好灰心，繼續努力，總有一日你會成功㗎。」他又拍了拍我另一邊的膊頭。

「你地聽我講先啦，我都有野！我都有灰心，亦都有放棄既打算，你地唔洗安慰我㗎。」我撥開他們的手說。

「唔使死頂㗎，想喊就喊啦，我地唔會笑你㗎。」Marcus說。

「屌！都話有L野咯。」我說。

「唉，睇嚟我地都係比佢自己一個冷靜下先啦，唔好玩住啦。」Marcus嘆了一口氣說。

「妖！」我反了反白眼說。

過了大概三分鐘後，Suki便回來了。

「咦，啊童呢？」

我看見她孤身一人回來，於是便問她。

「哦，咁我快去完吓嘛，咁咪返嚟先囉。咦，好擔心佢嗰你，你放心啦，佢咁大個人點會唔識返嚟啫，你當佢傻啲咩。我地繼續玩啦。」Suki興高采烈地說。

但我總是有一點不祥的預感。

過了好一會，啊童仍然未回來，

於是我便開口問，

「啊童都去咗差唔多十分鐘啲啦嗰，仲未去完？」我問。

「你理得人地啫，人地可能唔想同我地玩真心話大冒險，自己去咗其他地方行下呢，難得入到嚟石澳，想四圍行下都好正常啫。」啊正說。

「我係驚佢發生咗啲咩事咋。」

「一係你打俾佢囉。」Suki建議。

我聽罷便拿出自己電話，並撥打她的電話號碼，

「鈴鈴鈴...」

「唔係掛，佢唔記得咗帶電話出去啊？」我看著前方正在響的電話說。

「唔好啦，我都係出去搵下佢先，我驚佢有事啊。」

跪求大家Follow我既IG: MaanYin05



# 71.

我拿起自己跟她的電話，起身往廁所方向走。

大約走了一分鐘後，我便到達了女廁門口，

我往裏面大喊，

「喂，啊童，你係咪到啊？你係到就講句野吖。」

過了良久，裏面都未有任何反應，於是我便再說，

「喂，啊童，你聽到我叫你就出句聲吖。」

依舊是沒有任何反應，正當我在苦惱著啊童究竟會去了那裏時，突然我被人拍了一下膊頭。

「死o靚仔，係女廁門口做咩啊？想偷窺呀？唔好走啊，我宜家報警。」有一個五十來歲的啊姨抓著我的膊頭說。

我又再次被人誤會了...

「唔係啊啊姨，你誤會咗啦，我係到搵緊一個女仔，佢頭先去完廁所之後一直都有返嚟，我擔心佢有咩事所以先出嚟搵佢咋。」我急忙解釋。

「佢有啲咩特徵㗎？你講比我聽下，我睇下有冇見過佢。」那個啊姨說。

呼，我鬆了一口氣。

原來這個啊姨是會聽人解釋的，

還以為她又是那些自作聰明的八婆。

於是我便把啊童的特徵告訴她，

「你咁講，我好似有少少形象，過嚟既時候見到一個同你差唔多大既女仔，係到行緊，最奇怪係佢行得好慢，所以我有望多咗幾眼。」那個啊姨說。

「你係邊到見到佢？」我著急地問。

「我係沿住呢條路行過嚟既，你一直行應該就會搵到佢㗎啦，佢應該唔係行咗好遠，你快啲去啦。」她指向跟燒烤場相反方向的一條路說。

「明白，唔該晒啊姨。」我道謝後便朝那條路奔跑。

我心裏十分焦急，因為我很怕她會發生甚麼意外，

向前走了沒多久後，  
啊童的背影映入了我的眼簾中，  
我頓時鬆了一口氣，  
至少，啊童沒有發生甚麼意外，  
我就放心了。

「啊童！」我直奔過去啊童身處的位置。

啊童聽到後轉了過來，

「啊言？係咪啊言啊？」她伸出手來向前摸。

她明明看到我，為何還要問這個問題？

我心中百思不得其解。

「係呀，係我呀。」我抓著她的手說。

她突然向前一撲，緊緊地抱著我，

「我好驚訝，我搵唔到路返去啊！」她在我耳邊說。

「唔駛驚啦，我咪嚟咗囉。」我一邊撫摸她的長髮一邊溫柔地安慰她。

她就這樣緊緊地抱著我，把頭靠在我的肩膀上，

「返去未呀？」我問。

「唔...」她點一點頭。

一路上，啊童都緊緊抓著我的手臂。

「你唔記得點樣返去點解唔問下人？」我疑惑地問。

「其實我唔係唔記得點樣返去...」啊童說。

「咁係？」

「係我有夜盲症。」啊童吸了一口氣說。

「啫係你夜晚睇唔到野？」我追問。

「唔止夜晚，係暗啲既地方都會睇得唔清楚。」啊童說。

「啫係你宜家其實係睇唔到野？」

「唔，所以我係夜晚既時候唔可以隨便自己一個走嚟走去，一定要有個人陪。」

「咁你燒野食既時候咪睇唔到野囉？」

「有燈就會睇到。」

「幾時開始㗎？」

「天生㗎。」她這三隻字，道出了她滿滿的無奈。

「咁你今日喊...係咪因為呢個病啊？」

「醫生話，我遲啲病情惡化，最終可能會盲。」啊童平靜地說。

「冇得醫？」

「冇，最多拖慢個病情，唔好比佢惡化得咁快。」

「唔...所以你唔開心？」

「我驚，我好驚之後睇唔到野，我好驚之後再睇唔到野，再睇唔到呢個咁靚既大海。」

「有啲野，你知道係冇可能永遠捉住既，你可以做既，就係趁你仲捉到既時候，好好珍惜。就好似頭先既個片夕陽咁，你冇可能控制住個太陽，唔比佢郁㗎嘛，你可以做既，就係趁佢仲未完全消失既時候，望多幾眼呢一片咁靚既美景，好好珍惜睇日落既時光。」

「乜你突然之間，講啲野咁有深度既。」她的臉上重現了久違的笑容。

「嘩，我不嬲講野都有深度㗎啦，係你平時唔發現咋嘛。」

「係咩？真係唔覺㗎。」

「夕陽無限好好好~」我有感而發，唱起Eason的歌。

「只是近黃昏。」啊童以吟詩的語氣說。

「錯！係天色已黃昏~」我繼續陶醉於自己的音樂世界之中。

「你個頭就錯啊，又話自己有深度，淨係識歌詞。」

「咁我真係唱緊歌㗎嘛，你無端端係到吟詩，同埋識歌詞有咩問題啊？你歧視林夕啊？佢寫啲詞不知幾有深度。」

「費時同你拗，返到去未啊？我地都行咗好耐啦㗎。」啊童問。

「就快啦就快啦。」我回應。

回到去後，

「咦，啊童你做咩翹住啊言隻手既，唔通你地兩個玩地下情？」Suki看到後奸笑著問。

啊童聽到後立即彈開，臉上一紅說，

「邊個同佢玩地下情啊？你又亂講野。」

「唉，我地呢啲單身狗，下次都係戴定副超出嚟，一陣間比人閃盲咗隻眼就唔好啦。」Marcus說。

「收皮啦咁多野講，繼續玩啦。」我說。

我們一直玩到九點，才乘坐巴士離去。

沿途上，啊童因為太累，所以倚在我的肩膀上睡著了。

看著她的睡容，我心中暗自下定決心，

要用一世時間，去保護面前這個女生。

要完成這個目標，首要做的就是好好休息，

所以我便靠在她的頭上沉沉睡去。

正所謂，休息是為了走更長遠的路嘛。

跪求大家Follow我既IG: MaanYin05



經過了昨天表白失敗後，我回家睡覺時，

好好思索了究竟如何才能讓啊童接受我，

她說我當時沒有好好把握機會，

以至機會白白流失了，

那麼，我如何才能有機會呢？

我總不可以永遠等待機會來臨，

等待啊童再次受傷吧？

我，從來都相信一個道理，

機會，是要自己親手創造的。

永遠處於被動狀態，等待機會降臨的人，

是不可能成功的，

所以，我要更主動，

去追求啊童，

我要自己創造機會！

經過我的深思熟慮，我決定，

要跟啊童去，睇電影！

但問題是，我根本不知道啊童有甚麼電影想看，

唯有星期一問問她吧。

星期一放學後，

啊童依舊來了我家跟我一起溫習，

「溫完未啊？我想休息啊！」我看著眼前的Bio課本問。

「仲爭少少咋，你溫埋佢你咪有得休息囉。」啊童說。

「係呢，你鍾唔鍾意睇戲㗎？」我問。

「都鍾意既，但係因為我有夜盲症咁嘛，所以入戲院睇既話會睇得唔清楚。」啊童說。

「哦係嗰，都唔記得咗你有夜盲症添。」

「做咩呀？想約我去睇戲啊？」啊童一眼就看穿了我這樣問她的目的。

「唔係啊，問下咋嘛。」我立即否認說。

「專心啲溫書啦。」啊童敲一敲我的頭說。

「係啦係啦，長氣~」

待啊童走後，

我便決定求助於Suki。

我:你知唔知啊童最近有咩戲想睇？

Suki:做咩啊？你想約佢去睇戲？

我:係呀，但係唔知睇邊套好。

Suki:一係我幫你問下？

我:好啊，唔該晒。

大約十分鐘後，我便收到Suki的回覆。

Suki:佢答咗我啦。

我:咁係想睇邊套戲？

Suki:佢話佢想睇個套「林鍾之戰」嗰。

我:下？兩條On9打交都好睇。

Suki:咁我都唔明點解佢會想睇既，不過人地想睇你就要陪㗎啦。

我:唔該晒你。

既然我知道了啊童想看甚麼，

那我就可以去約啊童了。

雖然我始終想不透為甚麼啊童會想看這套戲，

但她想看的話，我也只能奉陪。

此時，我心生一計。

四天後，亦即星期五，

回校時，我對著坐在我旁邊，

正在專心上課的啊童說。

「喂，放學之後得唔得閒？難得今日冇羽毛球隊訓練。」

「係咩？」

「係呀，book唔到場咩嘛，你唔知咩？」

「真係唔知喎。冇得打波，咁就繼續溫書囉，做咩咁問既？」

「冇，諗住比個驚喜你，我地今日休息一日，唔溫書，我準備咗啲野。」我故作神秘地說。

「睇戲咩嘛，我知啦。睇呢啲打鬥戲，我係戲院都睇唔清楚，你未買飛碟嘛？」

啊童頭也不回，一邊抄筆記，一邊回答我的問題。

「你信我啦，林鍾之戰咩嘛，得啱啦。我自有分數。」我說。

「神神秘秘咁。」啊童斜眼看著我說。

「得啦得啦，唔會呃你㗎。」我說。

跪求大家Follow我既IG: MaanYin05



## 73.

可惜，我的美好計劃，比那個八婆禮一手破壞了。

原因是因為，

我們(我跟啊童)在堂上未能正確回答她的問題。

結果，我們便比她送了去留堂班，

放學後要去一個課室，留堂直到五點。

「屌佢個八婆，我放學有野做㗎嘛，宜家要留堂。」我不憤地說。

「睇戲咋嘛，聽日睇都得啦，今日咪係學校溫書囉。」啊童說。

「唔係啊，你唔明㗎，總之我地今日放學一定要去個度㗎，我準備咗個驚喜比你吓嘛。」我說。

「咁可以點啫。」啊童問。

「不如...我地唔好去個個留堂班。」我說。

「吓，我地唔去又會比佢鬧㗎啦㗎，同埋分分鐘佢會記我地缺點添㗎，會唔會唔係咁好啊。」啊童擔心地問。

「唔驚啦，一次半次咋嘛。」我繼續游說她。

「唔...」她還是猶豫不決。

「嚟啦嚟啦，我準備得好辛苦㗎。」

「咁好啦。」她說。

「Yeah! 包你鍾意。」

「係至好啊。」啊童說。

於是我們放學之後便直接落樓，而不是去留堂班。

正當我們差不多踏出校門之際，後面突然傳來一把聲音，

「Hey! you two, stand right there! You two should go to the detention class instead of leaving the school. I don't know why are you here, but now, you need to return to the detention class.」八婆禮說。

「等我嚟。」我低聲對啊童說。

我說完後轉身，看著八婆禮說，

「係咩？哈哈，唔記得咗添，宜家去宜家去。」我笑著說。

「I will go with you, to ensure you really attend the detention class.」她說。

「好啊，你捉到我地咪去囉。」

我立即轉身，拉著啊童跑出學校大門，速度快得連旁邊的保安想攔也攔不住。

「Stop!!!!」八婆禮大叫。

我們當然沒有理會她，一路飛奔到遠處才停下來。

「嘎...你痴線㗎咩？」啊童喘著氣說。

「冇辦法啦，如果我地唔係咁樣跑走，我地一定要去留堂班啊！」我說。

「你個個驚喜最好係值得我咁樣做至好啊！如果唔係，我一定打死你。」啊童說。

「係啦係啦，跟住我啦。」我說。

我們一路走到了地鐵站，

「喂，我地去邊啊？」啊童問。

「一陣你咪知囉。」我說。

我們坐上了列車，去到觀塘後便下了車。

我帶著啊童走進一棟工業大廈中，

對著其中一個單位按下門鐘。

單位內走出一個男人，他為我們開門後便離去。

「你...你想點呀！你唔好諗住非禮我啊！我嗌㗎。」啊童一臉驚恐地說。

「屌你咪玩啦，你識咗我咁耐，你覺得我係啲咁既人咩。」我無言地說。

「講下笑啫。」

啊童秒速變臉，笑著對我說。

「嘩，嘩，話晒都花好多心機既，做下樣，配合一下，瞇埋眼入去啦。」我說。

「係咪㗎？我仲記得你上次叫我瞓埋眼既時候，我比你整蠱㗎。」啊童半信半疑地說。

「係㗎啦，瞓埋眼啦。」我說。

於是她便合上了眼。我拉著她的手走進去，

去到梳發後扶著她坐下，我走向DVD機，

把林鍾之戰這套電影的DVD插入，

把畫面投射至大螢幕上，再把燈光調教成微暗。

「得未呀？」啊童問。

「得啦得啦，你宜家可以擘大眼啦。」

跪求大家Follow我既IG: MaanYin05

## 74.

她聽到我的指示後便張開了眼。

「嘩！」她一睜開眼便定睛注視著那大螢幕。

「點呀，呢個驚喜得唔得先？」我問。

「全部都係你整㗎？」她四處張望。

「係呀，用咗幾日時間去預備㗎。」我說。

「咁都比你諗到可以租間Party room嚟做戲院。」啊童讚嘆地說。

「鍾唔鍾意先？我諗咗好耐先至諗到㗎。呢到可以自己調節燈光，又有大螢幕，雖然冇戲院咁大，但係都唔細咩。係到睇林鍾之戰，你又唔會受夜盲症影響而睇得唔清楚，又可以係大螢幕上面睇，我自己都好佩服自己，竟然可以諗到呢個方法。」我說。

「係啦係啦，知你好用心咁準備啦，快啲開始啦。」啊童急不及待地說。

「等陣先，睇戲，又點可以冇得食爆谷㗎呢？」我拿出一包爆谷。

「點解會有爆谷㗎？」啊童一手搶過去。

「秘密！」

我把食指放在嘴前，故作神秘地說。

「妖。」啊童打了我一下。

「我開始啦。」我說。

「快啲啦。」

於是我便走過去，拿起遙控器，

按下開始鍵。電影便開始播放了。

這一套電影是真人紀錄片，主要是記錄著兩個想成名的男人(on9)，

上擂台決戰前的訓練情景，以及比賽的畫面。

「你支持邊個？」我問。

「緊係林作啦。」啊童專注地看著螢幕上的畫面說。

「竟然係咁？」我驚訝地說。

「緊係支持較為弱個邊啲啦，鍾生之前有打過啲嘛，林作就冇啦，睇下佢點樣由零開始訓練，再上擂台打，諗起都覺得好睇。」啊童說。

「你覺得邊個會贏？」對這套紀錄片不太感興趣的我繼續追問。

「唉呀，專心睇戲啦你。問問問！」啊童說。

「係係係。」

過了大約兩個小時後，這齣電影終於完結了。

「呼，終於睇完。」我伸一伸懶腰說。

「真係好好睇啊！！！」啊童大叫著說。

「都唔明有咩咁好睇。」我小聲地嘀咕著。

「不知幾好睇，望住一個人由唔識打拳變到識得打仲要上埋擂台同人隻揪，不知幾型。」啊童說。

「有錢佬真係有錢佬，平時我地話隻揪都係講下啫，人地係真係會上擂台隻揪。」我感嘆地說。

「你係咪想隻揪咩？」啊童擺好拳擊姿勢問我。

「唔係唔係，我點夠你打呢，我都係講下啫。」我說。

「哼，算你識做，話晒我頭先睇完佢地點訓練，唔好睇少我啊。」啊童說。

「嘩，睇完人地點訓練就識打咩！係咁既話，啲拳館執晒啦。」我不屑地說。

啊童突然大力打出一拳，打到我左手的手臂上。

「嘩...嘶，你痴線㗎？」我按著比她打的位置說。

「邊個叫你睇少我啊，知驚未？我都話睇完佢地點訓練就識啲啦。」啊童說。

「得得得，我認輸，唔好再打我！」我向啊童求饒。

「哼，有敬酒唔飲飲罰酒，抵你比我打。」啊童說。

「去唔去食埋夜晚飯先返屋企？」我問。

「好啊。」啊童說。

「點呀，鍾唔鍾意呢個驚喜先？」我問。

「緊係鍾意啦。」

「咁如果我宜家同你表白，你接唔接受先？」我笑著問她。

「我考慮下。」

「我鍾意你。」

「考慮完，唔接受，去食野。」

啊童拿起自己書包走了出去。

「喂你拒絕我都唔洗自己一個行得咁快㗎，等埋我！」我連忙拿起自己的書包追了出去。

當晚，我跟啊童隨便M記吃過晚餐後便回了家，

對，你沒看錯，是M記，

我找到了一個肯陪我捱M記的女生，

只不過她還未接受我罷了。

跪求大家Follow我既IG: MaanYin05

## 75.

到了星期一，我依舊在啊童家門外等她。

「早晨！」我對著周叔叔打招呼。

「早晨啊啊言。」他對我說。

待周叔叔離去後，我便問啊童。

「你估個八婆禮會點罰我地吖噃。」

「唉，希望佢唔好罰得太重啦。」啊童嘆了一口氣後說。

「應該唔會掛，最多咪記個缺點。」我安慰她。

「好難講㗎。你知佢㗎啦，唔可以用常理測度。」啊童說。

「唔駛驚㗎，我話係我格硬拉你走咪得囉。」我說。

「咁又唔好，我都有責任既。」啊童說。

「算啦，我地宜家擔心都有用㗎啦，船到橋頭自然直，到時先算啦。」我說。

「都係既。」

由於我們今天的最後一堂是西史堂，所以無論如何，我們今天都是避不過八婆禮。

到了最後一堂，毫無疑問，我們就比她當著全班的面責罵了差不多十分鐘，

最後因為她要教書而暫時停止了對我們的責罵，

但卻要求我們在放學後到教員室找她。

「嘩，你兩個私奔啊？八婆禮叫你去留堂班你地都唔去？」啊正說。

「係囉，你地咁夠膽既。」魚蛋說。

「唉，你估我想咩。」我嘆了一口氣。

不久後，放學的鐘聲響起，我跟啊童執拾好書包後便下去教員室找那個八婆禮。

「May I see Miss Hui please.」啊童朝教員室大叫。

過了一會，八婆禮從教員室中徐徐走出來，

一股難聞的香水味隨即撲鼻而來，

「嘩屌，好L臭」我擰轉頭說。

「你兩個，知我點解叫你地放學嚟啦！前幾日我罰你地留堂，你地竟然夠膽唔去？唔去都算啦，我當你地兩個唔記得咗，但係我放學見到你地叫你地去，你地竟然係我面前咁樣跑走！」八婆禮一見到我們便立即開火。

「其實就唔關佢事既，係我拉住佢走，佢唔夠我大力，所以先至比迫離去既。」我說。

「唔關佢事？我個日見住佢跟你跑㗎喎！你諗清楚先好答我問題，唔好當我係傻。」她說。

「對唔住啊Miss，我地個一日因為有啲急事要做，所以先至跑走咋，我地下次唔會㗎啦。」啊童眼見比她識穿了，於是便主動道歉。

「有咩急事咁緊要啊？有咩緊要得過你讀書啊？下，答我啊！」八婆禮突然大聲喝罵，令到在教員室附近的人都停下手上的工作，看看到底發生甚麼事。

「冇野緊要得過讀書，我地只係一時衝動。好對唔住。」啊童恭敬地說。

「冇野緊要得過讀書你地又唔去留堂班？仲要我越叫越跑！豈有此理。」

「...」

「做咩啊？你兩個去邊嚟呀，拍拖啊？你知唔知學校唔比拍拖㗎？」她繼續說。

「知道，我地唔係去拍拖。」啊童說。

「你地呢個行為，足夠我記你地一個小過。之後，嚟緊個一個星期，每日放學後都要去留堂班。」她開始判刑。

「係。」

「未完，宜家同我去訓導處，我要帶你見訓導主任，講下關於你地拍拖既事。」

「吓！」我聽到後大叫。

「做咩啊？係咪有咩唔滿意？」

「唔係唔係。」啊童急忙代我說。

「唔係就得啦，宜家過嚟。」



## 76.

我們唯有跟著她過去訓導處，

她走了進去，叫了我們級的訓導主任出來，

關於訓導主任，他是一位大約四十歲的男人，姓何。

曾經在我Form 1 那一年教授過我中文，所以認識我。

他一出來看見我後，便驚訝地說了句，

「萬浩然？點解會係你㗎，你唔係好乖㗎咩？」

「乖咩啊乖，佢上我堂不知幾曳啊！」八婆禮聽見他讚我後立即說。

「我地不如搵間房坐低先再慢慢講？」何Sir提議。

「好啊。」八婆禮回應。

我們自然沒有發言的權利，所以便跟著他們走進了一間空房中。

在椅上坐下後，何Sir便向八婆禮詢問我做錯了甚麼事。

「咁，Miss Hui你可以開始講佢地做錯咗咩事。」何Sir說。

「佢地就犀利啦！個日啊，上個星期五，佢地上我堂答唔到我條問題，咁我就罰佢地去留堂班啦，你都知我不嬲都好嚴㗎啦。之後啊，放學既時候比我見到佢兩個鬼鬼祟祟咁想走㗎，咁我咪喝住佢地囉，我一叫佢地去留堂班，佢地啊，即刻跑走啊，我追都追唔切。」她指著我們說。

「咁你應該都唔駛搵我處理㗎啦，定係佢地有另一啲問題？」何Sir聽完後問。

「我啊，懷疑佢地拍緊拖啊，咁你知啦，我地學校唔比拍拖㗎嘛。」

「都話我地唔係拍拖咯。」我立即為自己辯解。

「你收聲。」她對我大喝一聲。

「嘖。」

「咁你帶佢地嚟我到就係想我記佢地缺點？」何Sir問。

「呢個其一，其二係我想見佢地家長。」

「吓！」我跟啊童聽到後，異口同聲地說。

「吓咩啊吓，知驚啦？」八婆禮說。

「第一，我地已經講咗好多次，我地唔係拍拖。第二，你根本就冇任何證據去證明我地係拍緊拖。第三，我唔認為呢件小事有必要驚動到我地雙方既家長。」啊童冷靜地說。

「你仲駁嘴？唔駛多講，何Sir，我地宜家即刻打比佢地家長，叫佢地過嚟。」

「其實不如過多一兩日，睇下佢地係咪真係拍拖先算啦，我地宜家無證無據，學生家長嚟到都唔可以證明到佢地真係拍拖，到時我地好難交代㗎。」何Sir建議。

「我話係就係啦，如果我地唔一早通知家長，萬一之後家長自己發現咗，佢地好可能會怪責學校，所以我地宜家應該即刻打俾佢地家長。」

痴撚線，呢個八婆禮真係有病...

「喺，我事先聲明，我啊媽嚟到聽到你地叫佢嚟個原因係因為你地「懷疑」佢個仔拍拖既話，佢一定會鬧爆你地。」我作出最後的勸告。

「你話係就係啊？你一定係咁講㗎啦！」

「算啦啊言，咪等佢地叫家長囉。」啊童胸有成竹，小聲地對我說。

「Miss Hui，不如我地大事化小算啦，唔好搞到要見家長咁大件事啦。」何Sir苦勸她。

「唔得，我宜家就去校務處打電話比佢地兩個既家長，叫佢地過嚟。」

她起身走向校務處，過不了多久，她便回來了。

「我已經打咗電話比你兩個既家長，你地唔駛諗住走啦，佢地好快會嚟。」八婆禮說。

我們就這樣坐在那間房中，等待著他們的到來。

說真的，我是毫不害怕她叫我的老媽來，因為我的老媽一直以來都不反對我拍拖，

而且她也認識啊童，所以我是幾肯定她會支持我。

但我真正擔心的，是周叔叔，雖說他也認識我，

但我卻不知道他容不容許啊童在求學時期拍拖，

而且他可能不想要我做他的女兒的男朋友，

希望他不會相信八婆禮所說的話，

不會反對啊童拍拖吧。

(雖然我地仲未係埋一齊，但我遲早都會成功溝掂啊童㗎嘛，所以趁呢個機會睇下佢係啊童拍拖呢件

事上面既立場都好。)

過了一會，老媽率先趕到，

「衰仔，你又搞咩，要啊媽親自過嚟見家長啊？」她喘著氣地走進來。

「冇㗎，我都唔知自己做錯咗啲咩㗎。」我苦笑著說。

「咦，啊童你又係到既？」她掃視了全場一片，發現了坐在我旁邊的啊童。

「你好啊Auntie。」啊童恭敬地說。

「個衰仔搞到你啊？」不知發生了甚麼事的老媽問啊童。

「唔係唔係，千祈唔好咁講。唔關佢事㗎。」啊童說。

「老師，你可以講得發生咩事未啊？」她問八婆禮。

「等埋周樂童既家長就可以開始。」她回應。

「吓，咩咁大件事啊，要請雙方家長啊？衰仔啊，你做錯咗啲咩事啊？」老媽聽到後嚇了一跳。

「唔駛擔心㗎Auntie，好小事㗎咋。」啊童安慰她說。

跪求大家Follow我既IG: MaanYin05

由於IG Followers 過50，所以今晚八點會加更。

## 77.

又過了大約十分鐘，周叔叔又趕到了。

「啊言你係到既？」他一進來就看見我。

「哦係呀，哈哈。人多熱鬧啲吖嘛。」我嘗試令到氣氛輕鬆一些。

啊童聽到後笑著打了我的大腿一下。

「你好啊周生，我係萬浩然既媽咪。」老媽伸出手想跟周叔叔握手。

「你好啊萬太。」周叔叔跟老媽握手說。

「咳，兩位家長好，我係何Sir，呢間學校既訓導主任，呢位係Miss Hui，教佢地西史既。」

咁既然兩位家長都嚟齊既話，咁我地就可以開始講啦。Miss Hui。」何Sir示意八婆禮可以開始。

「我地懷疑萬同學同周同學拍拖。」她一副沾沾自喜的樣子，像是發現了甚麼驚天大秘密一樣。

「咦，你地終於係埋一齊啦？」這是周叔叔的第一個反應。

「哦，咁咋？」這是我老媽的第一個反應。

「唔係呀，我都話唔係咯。」啊童急忙說。

「嘩，唔駛驚啫，係咪認咗佢囉，老豆又無所謂既。」周叔叔繼續說。

「唔係啊周叔叔，我地兩個真係冇野嘍。」我幫啊童澄清。

「老師啊，你叫我地嚟就係為咗呢樣野啊？」老媽問。

「係啊萬太，因為我地學校係唔俾拍拖既，如果發現有學生係度拍拖呢，係要通知家長既。」八婆禮說。

「但係佢地兩個都話佢地唔係拍緊拖啫。」周叔叔加入戰團。

「我地有合理懷疑，佢地係拍緊拖既。」

「有合理懷疑有鬼用咩，你擺證據出嚟吖嘛！」我忍不住說。

「萬浩然，你冷靜啲先。」何Sir說。

「係囉Miss，你有無證據啊？」周叔叔問。

「我地暫時就未有證據既，不過我相信佢地係拍緊拖既。」八婆禮繼續死撐。

「你無證無據，證明唔到佢地拍緊拖，又叫我地嚟？你曬晒我啲時間！」一如我所料，老媽知道八婆禮沒有任何證據後，立即發火。

「萬太你冷靜啲先，我地係諗住通知你地一聲，希望你地留意下啫。」何Sir打圓場說。

「你通知我唔可以係電話到通知既？同埋你通知我有鬼用咩，你覺得你罰完佢地，我鬧完佢地，佢地係咪真係會分手吖？唔會㗎嘛，中學生，拍下拖，唔影響成績既話又有咩所謂啊？況且，啊童宜家日日都嚟陪我個仔溫書，我不知幾開心啊，有個人可以令到個衰仔讀書。」

老媽當然不會理會何Sir的勸告，不竟她山長水遠走過來見家長，聽到的竟然是她兒子疑似正在拍拖此等小事，她生氣也是正常的。

「係囉，中學生緊係要拍下拖㗎啦，你宜家阻住我個女拍拖，諗住拆散佢地，第日佢搵唔到一個咁好既男朋友點算啊？係咪你地負責吖？」周叔叔說。

「喂呀，你講咩啊！都話唔係咯。」啊童立即說。

我聽到周叔叔這樣說後，頓時放下了心頭大石，

因為第一，他不反對啊童拍拖。

第二，他認為我是一個好男朋友。

將來有天，啊童真的成為了我的女朋友後，相信他也不會反對。

此刻，我看向整件事的始作俑者，八婆許她，面如土色，不發一言。

何Sir看到後立即補救，

「唔係唔係，唔好意思，係我地唔啱，搞錯咗啲野，曬咗兩位咁多時間。你地宜家可以走㗎啦。」他說。

「呼，終於走得啦。」我伸一伸懶腰說。

「曬晒我地啲溫書時間。」啊童說。

「你仲諗溫書，你真係溫習狂㗎㗎。」

「你個頭就溫習狂啊！」她拍了我的一下。

「我諗呢，我明白點解老師會覺得佢地係度拍緊拖。」目睹這一幕的周叔叔說。

「唉走啦走啦。」我捫起書包說。

臨走前，我對著八婆許說，

「一早話咗㗎啦，你又唔聽，真係自己擺㗎衰。」

啊童聽到後撲哧一笑，輕輕打了我的背脊一下。

跪求大家Follow我既IG: MaanYin05

## 78.

離開了學校之後，我們兩家人就一起回家，

「其實呢，你地係咪真係拍緊拖？」周叔叔問。

「係囉係囉，我頭先已經想問。」八掛的老媽問。

「都話唔係咯，我地真係唔係拍緊拖啊！」啊童即時否認。

「啊言你講，你地係咪拍緊拖？」周叔叔眼見啊童不肯說，於是便問我。

「喺衰仔，我就好開明既，唔反對你拍拖㗎，你誠實答我地。」老媽說。

「唔係...既。」我略帶猶豫地回答。

「唔係定未係啊？」周叔叔笑著問。

「吓...ehh」

正當我猶豫不決的時候，我看向啊童方向，

卻看見她正狠狠地瞪著我，

仿佛在叫我別亂說話。

「唔係。」我回答。

「係咪㗎？你有猶豫過㗎！鍾意我個女咪講囉，我又無所...」周叔叔話未說完，

「唉呀老豆啊！唔好再問啦。」

「係啦係啦，唔問啦。」周叔叔說。

很快我們便到了我們家所在的樓層，

周叔叔臨進屋前，把我拉到一旁問，

「老老實實，宜家得我地兩個，你係咪鍾意我個女啫？」他壓低聲量問。

「唔...」我點了點頭。

「鍾意就要努力啲追啦，加油啊後生仔。」

他拍一拍我膊頭，然後若有所思地對我說。

「知道。」我說。

到了第二天，我們放學後便去了留堂班。

留堂班會有一位教師助理看守著，

基本上你無論在留堂班做甚麼他也是

隻眼開，隻眼閉，

只要你做的事不太過份，他就不會理會。

你只要去到留堂班時簽到，

然後就可以隨便選個位置坐下，

一個小時過後，就可以離去。

「唉，真係慘，要比人罰去成個星期留堂班。」我說。

「如果個日，你唔係拉住我跑走嘅話，我地就唔洗全個星期都嚟留堂班啦。」啊童說。

「咁你覺得個驚喜值唔值得你去一個星期留堂班吖？」

「值既...」

「咁咪得囉。」

「不過嚟都冇壞既，咪係到溫書囉。仲好添，唔駛辛苦我收埋你部電話，你又可以專心啲咁溫書。」啊童說。

「痴線，係呢度溫都唔舒服，係屋企就唔同，可以著住屋企既衫溫。」我說。

「咁我係你屋企咪一樣係著住校服！你仲好講。」

「又好似係嗰，哈，咁冇野啦。」我說。

「快啲溫書啦，得返唔夠一個月咋。」

「仲有成個聖誕假溫，驚咩吖。」我淡定地說。

「你係咪成個聖誕假都溫書先？」啊童問。

「咁又唔係。」

一想起整個假期，由朝到晚都要我乖乖坐在書桌前溫習，我就感到害怕。

「咁你宜家仲唔認真啲溫書？」

「得得得，即刻溫。」我立即拿出課本，開始溫書。

跪求大家Follow我既IG: MaanYin05

## 79.

其實，在留堂班，根本是沒有可能可以專心溫習的，

因為實在是太吵了。

你試想想，會比送去留堂班的學生，

大部份都是一些壞學生，

當一堆壞學生身處同一個教室，

而又沒有人管住他們，

自然，整個班房都不會有一刻安寧。

學生們講粗口，

把籃球拋來拋去，

是再平常不過的事。

那位教學助理，

上一秒叫完他們安靜點，

下一秒他們就會繼續炒，

較高年級的學生根本不把老師放在眼內。

看到這裏，你大概會認為我們正在一間Band 3 學校就讀吧。

其實不然，

我們所就讀的學校，

乃是一所Band 1的區內名校。

很多人認為，Band 1 的學生，

讀書這麼好，

品行自然不會差。

這個觀念實在是大錯特錯，

就以我學校為例，

成績超好，但卻是訓導處常客的，大有人在。

上課時聊天，玩紙飛機，是最基本的事。

過份一點的，在班房玩Happy Cornor，打架，老師見到都是隻眼開隻眼閉。

喔，好像說得有點遠。

回到現在，經過了幾天在留堂班溫習的經驗後，我們明白到，

唯一可以讓我們認真溫習的地方，

是在整個班房最後排的角落位。

這天是星期五，亦即羽毛球隊練習的日子，

羽毛球隊的訓練時間是四點至六點，

無奈我們要留堂至四點半，

雖然我們曾向八婆禮反映過我們要去練習，

但她卻一口拒絕。

「唉，希望我地四點九就可以去到羽毛球場啦，我想打波啊！！！」我對著桌上堆積如山的書本說。

「你係唔想溫書啫。」埋首於課本之中的啊童說。

「咁真係好悶吖嘛。」我抱怨說。

正當我們又再開始，為著溫書這個問題展開一場辯論時，

留堂班原本正緊閉著的大門，

突然比人大力打開，

我一聽那熟識的開門聲，

就知道是Donald了。

我跟啊童同時看向門口，

果不其然，

Donald正大搖大擺地走進來。

他往全場掃視了一遍後，

目光停留在啊童身上，

他看到啊童看頓時大喜，

臉上展現出難得一見的笑容，

他把自己的手冊交給教學助理後，(這時留堂班的規矩，你可以離開時，教學助理便會把手冊交還給你。)

便朝我們所坐的位置走過來。

啊童跟我看到他正走過來時，都對他投以一個鄙視的眼神，

向他表達自己對他的厭惡，

希望他尚有一絲廉恥，

不會坐在我們旁邊。

奈何他並不是一個有羞恥之心的人，

或者我們根本不應稱他為人，

根據孟子的論四端，

無羞恥之心，非人也。

正所謂，人無恥，便無敵。

他就這樣，坐在啊童的旁邊。

幸好他跟啊童之間，隔了一行，

算是不幸中的大幸。

「Hi！我地又見面啦靚女。」Donald笑著對啊童說。

啊童連看也不看她，專心地繼續溫習。

「唔好咁Cool啦，你叫咩名啊？」他不放棄，繼續追問。

啊童依舊不回應。

「要唔要做我女朋友啊靚女？」Donald問。

這時，啊童終於忍不住，對Donald說，

「唔該唔好再煩我，我要溫習。」

「你溫緊咩科啊？一齊溫吖。」他俯身向前，幾乎觸碰到啊童。

啊童立即挨後。

眼見Donald越來越猖狂，

我便上演一個英雄救美的情節。

「啊童我同你調位吖。」

「唔。」啊童點了點頭。

於是我便跟啊童調了位置，

變成啊童坐窗邊，

我則坐在Donald的旁邊。

這樣Donald就不能再騷擾啊童。

跪求大家Follow我既IG: MaanYin05

## 80.

我和啊童换位後，Donald明顯感受到我對他的敵意，

所以再沒有如此猖狂，只是自己乖乖地坐在自己的坐位上，

久不久便會看幾眼啊童，

而我向啊童則繼續溫習，等待著四時半的來臨。

過了一會，不安份的Donald又開始騷擾啊童。

起初也只是僅限於言語上的騷擾，

後來他見啊童毫無反應，甚至起身走來走去。

「靚女你叫啊童係咪啊？」他奸笑著問。

「唔該唔好咁叫我。」啊童不帶任何音調警告他。

「唔好咁Cool啦啊童，你唔想做我女朋友，大家都可以做個朋友，互相認識下。」

Donald不理啊童的警告，越走越近說。

「我唔會同你做朋友，請你返埋自己既座位，我要溫書。」啊童說。

「一齊溫書吖，我都好鍾意溫書㗎。」他想伸手碰啊童的書。

一直在戒備著的我，立即站起來擋著啊童，並用手格擋開他的手，不讓他碰到啊童的書本。

「DLLM！我溝女關你L事啊？係咁阻住我。」Donald對著我破口大罵。

「你溝女唔關我事，但係你溝我條女就關我事。」

我抓著他的手，冷冷地說。

「鬆開我隻手啊屌你！」

他用力爭扎，但卻比我緊緊抓著。

「喂！你兩個做乜野？唔好打交！」坐在出面百無聊賴的教學助理一見到我們有肢體碰撞就立即說。

我聽到後立即鬆開手。

「啊Sir，佢打我啊！」Donald捉緊機會說。

「唔好玩野啊你！」我狠狠地瞪著他說。

「算啦啊言，你坐返低先啦，唔好理佢。」啊童強行把我按下。

Donald眼見自己的行為已經引起了教學助理的主意，唯有回到自己坐位，乖乖地坐下。

「唔該你。」啊童小聲對我說。

「講呢啲。頭先我話你係我條女你唔好介意啊。」我說。

「得啦，我知你係為咗打發佢先咁講既。」啊童說。

「雖然你都就快係。」我又補多一句。

「你個頭就係啊，我都冇話應承你。」

「話唔定你之後會呢？」

「睇下點~」

很快，時間便到了四點半，

在教學助理交還我們的手冊後，

我們便拿起書包及球拍，過去羽毛球場了。

「呼，終於可以去打波！」我一邊伸懶腰一邊說。

「好耐冇打啦。」啊童說。

因為我們測驗周前及測驗周均沒有練習，

前個星期則去了旅行，

上個星期學校又Book唔到場，

所以我們已經差不多一個月沒有練習了。

由於我們出到校門已經是四點七了，

為了有多一些時間打波，我們一路由學校，

背著沉重的書包，

飛奔到羽毛球場，只用了六分鐘，

就由學校抵達了羽毛球場。

「嘎...終於到啦。」我露出笑容說。

「嘎...乜你咁廢㗎...跑兩跑就喘晒氣咁。」啊童說。

只見豆大的汗珠不停地從啊童額頭上流下，

我從書包中拿出紙巾，遞給啊童。

「你咪一樣喘晒氣咁，仲好意思話我，擺去抹下啲汗啦。」我說。

「唔該。」啊童接過我的紙巾後說。

「入去咯？」

「行啦。」

跪求大家Follow我既IG: MaanYin05

# 81.

「你地終於嚟啦？」率先發現我們到達的毛毛說。

「我地由學校跑過嚟啊痴線。最衰都係個八婆，搞到我地要去留堂班。」我說。

「成個月冇打，冇冇生疏到先？」毛毛拿著球拍問。

「我就快揸拍都唔識揸啦。」我開玩笑說。

「打返場先啦，咁耐冇打。」毛毛說。

「嚟囉。」

正當我剛拿起球拍，準備跟毛毛比賽時，

教練卻過了來。

「啊言，你終於到啦，有啲野想同你講。」教練說。

「哦，講啦。」

他把我拉到一邊，然後開始說，

「其中一位隊長呢，佢最近整親，嚟唔到訓練同埋之後既學界比賽，所以我地就要搵個人頂替佢，咁我就諗住搵你，你O唔OK？」教練說。

我比這個突如其來的消息嚇倒，

因為我從沒想過自己要化表學校上場比賽。

「吓，搵我啊？都得既。」我說。

「咁就咁決定喇，你代表男仔出戰學界喇。」教練說。

「好，我會加緊練習喇。」我向教練保證。

他點了點頭後，就回去繼續訓練其他隊員。

「教練講咩啊？」啊童跟毛毛異口同聲地問。

「佢話，遲啲學界呢，要我上場囉，因為有個師兄受咗傷，所以就要我去頂。」我平靜地說。

「吓！」啊童聽到後驚訝地大叫了聲。

「唔係掛？搵你都唔搵我？」毛毛說。

「嘩，做咩啫，你地宜家睇唔係我啊？我好廢咩？」看到他們反應後的我問。

「冇諗過你要去比賽啫。」啊童說。

「冇理由㗎喎，點解教練搵你都唔搵我㗎？」毛毛說。

「好簡單啫，因為我勁過你囉。」我不屑一笑。

「係咪呀？宜家即刻打返場，睇下邊個勁啲。」毛毛說。

「嚟吖，頭先比教練打斷咗。」我重新拾起球拍說。

「唉我去買支野飲先，返嚟就到我同你打。」啊童對我說。

「幫我買埋吖。」我說。

「嘖，自己又唔去買。要咩呀？」啊童反一反白眼問。

「水動樂。」我說。

「以防你一陣同我打既時候又扭親。」我繼續說。

她聽到後狠狠地打了我的手臂一下，

「食屎啦你！」她轉頭走出球場。

「唔該。」我對著那百看不厭的背影說。

「快啲開波啦，我就快睇唔到野啦！」毛毛說。

我笑著點了點頭，然後便展開了一場激烈的比賽。

眨眼之間便來到了二十比十五，

我輕輕的以一個放網取走了勝利。

「屌，又比你贏咗我。」毛毛不忿地說。

「預咗㗎啦，話時話，啊童咁耐都未返既，好L口渴啊屌。」我疑惑地說。

「我地都係打咗一陣之嘛，部機又遠，佢又可能去下廁所咁，差唔多㗎啦。」毛毛說。

「可能冇帶錢？我去搵下佢先，我再冇野飲真係會死，到時你真係可以頂我做正選。」我拿起八達通走出去說。

由於那部自動售賣距離球場頗遠，所以我走了大約兩分鐘才去到。

「你買比邊個飲㗎？又係個個萬浩然啊？不如做我女朋友啦，我好有錢㗎㗎。」

我離遠便已經聽到了Donald那嘔心的聲音，

心知不秒的我立即加快腳步。

「唔好再捉住我啊！」我聽到啊童大喝。

只差一個彎位，便到達自動售賣機的我，心急如焚，

以自己沒有預計到的速度向前跑。

一轉角，就見到Donald捉住啊童的手，

而啊童則想用力爭脫，奈何不及Donald大力。

看到這裏，你一定會奇怪，為甚麼沒有其他路人來幫忙呢？

正常來說，羽毛球場應該是人來人往，

理應會有人路過然後發現有一個女生正比被另一名男生緊捉著。

奈何這個羽毛球的位置太偏僻，再加上自動售賣機的位置很「入」，

基本上除了來購買飲品的人外，

是不會有人特地走過來這裏的。

跪求大家Follow我既IG: MaanYin05

回到正題，我一看見這個情境後，勃然大怒，

「喂！你做咩呀！」我一路跑一邊大喝。

他們兩人聽到後都呆了一呆，

Donald甚至被我嚇得下意識鬆開了手。

我就趁這個機會立即把啊童拉到我的身後。

「你有冇事？」我回頭低聲問啊童。

啊童搖了搖頭，

「你頭先做咩啊！」

得知啊童沒有事後，

我便對著Donald大喝。

「冇做咩啊，見到佢咁慘自己一個係度買野飲，我咪陪下佢囉。」Donald笑嘻嘻地說。

「係咩？我頭先仲見到你捉住佢隻手喎！陪人係咁陪㗎咩？」

「我諗住替佢減輕下負擔，幫佢擺住支水動樂之嘛，有咩問題啊？」他扮作無辜地說。

「佢唔駛你幫啊！以後唔該你離啊童遠啲，唔好再比我見到同樣既事情發生，如果唔係我一定同老師講。」我說。

「咁我有自由㗎嘛，我係鍾意跟住佢啊，你吹咩？」Donald嘗試挑釁我。

我強忍著怒氣，雙手緊緊握著拳頭，

我知道自己不可以打他，

因為若我先出手，

我便會處於劣勢，

他可以以自衛作理由跟我對打，

之後老師問起，也不會怪罪於他，

會受罰的，只會是我。

「算啦啊言。」在我身後的啊童輕聲跟我說，

想必她也明白到我剛才所說的道理。

「唔好俾我見到有下次。」我指著他說。

說罷，我便跟啊童離去了。

「好彩我過嚟睇下你發生咩事咋，佢頭先有冇對你做啲咩啊。」我問。

「佢諗住搶走支水動樂囉，咁我買俾你㗎嘛，咪死都唔放手囉，結果咪俾佢捉住左隻手，好彩佢一捉我隻手，你就出現咋。」啊童心有餘悸地說。

「嘩，你快啲擺嚟先，我好口渴。」我伸手想拿走那支水動樂。

「喂，俾錢先。」啊童攤開手掌說。

「你唔係話買俾我㗎咩？」

「冇話送咩嘛。」

「頭先邊個救你㗎？」

「邊個要你救啊？我自己都走得甩啦。」

「咩，你條友咩。擺嚟啊。」我伸手打算搶走她手上的水動樂。

「嘩，搶野啊！」她甩開我的手後立即跑走。

「唔好走啊！」我從後追著她。

「如果我返到球場之前比你捉到，你就唔洗俾錢。」她一邊跑一邊說。

「咁我可以收返埋個銀包先啦。」緊隨其後的我說。

「你捉到我先講啦！」她加快速度。

漸漸地，我們之間的距離越來越近，

但同時間，啊童跟我已經進入到最後的大直路，

前方就已經是大門了。

只見啊童離大門只剩五步之遙，

為了省下那十多元，我決定出奇招！

我計算好距離，身體微微坐下，  
然後用盡力向前一撲，我成功從後抱住了她！  
沒有料到我會這樣做的啊童尖叫一聲，  
結果我倆因為力度過大而雙雙倒地，  
發出了一聲巨響，吸引了全場注意，  
幸好整個場都比我們學校Book了，  
沒有其他外人，不然我們一定會比他人恥笑。

跪求大家Follow我既IG: MaanYin05

係到我想同大家講一聲對唔住，因為我小弟真係越嚟越忙，

之後真係冇時間繼續寫故，

我知自己曾經講過自己一定唔會棄故，

但係真係好對唔住，

壓力真係好大，

我諗我應該冇能力繼續寫落去，

除咗冇時間之外，

我自己都已經可以話係江郎才盡，

已經再諗唔到點寫，

係到同支持我既野講一聲對唔住，

我諗我由今日開始就唔可以再寫落去，

呢篇將會係呢個故既最後一話。

多謝大家既支持，有機會等我有咁多野做或者冇咁大壓力既時候我或者會返嚟繼續寫，

但係我相信現階段唔會，希望大家明白。



## 83.

「哈，我贏咗，快啲俾支水動樂我。」倒在地上的我興奮地說。

「你...你快啲放開手先啦。」啊童紅著臉說。

我立即把自己的手縮開，然後重新站起來。

「擺支水動樂嚟啦，遵守承諾啊。」我伸手扶起啊童。

「痴線，你出矛招既，唔算數啊！」啊童把那支水動樂收在身後。

「你就痴線，都冇話唔可以咁樣做，你頭先淨係話入球場之前捉到你，我就可以唔洗俾錢㗎。咁宜家我捉到你，咪即係我贏咗囉。」我說。

「仲之咁樣做就係犯規啦，你想飲就俾錢！」啊童不肯讓步。

「唉怕咗你，俾錢啦我。」

為了不渴死，我最終決定犧牲銀包內的一點錢。

我順利拿到水動樂後，便大口大口地喝下。

我跟啊童回到毛毛所在的球場，打算來一場比賽。

「你兩個搞咩啊頭先？」毛毛問。

「冇野啊。」我們異口同聲地說。

「冇野？古古怪怪咁。」毛毛冷笑一聲後便走開。

「係咪打啊？」我問。

「嚟吖，我今次一定會贏你。」啊童拿起球拍說。

結果，我竟然真的比啊童贏了。

「哈，廢~柴，有人輸咗比我㗎。」啊童囂張地說。

「欸，我係費時你一陣又扭親隻腳，先冇出盡全力打咋。」不甘心的我嘗試找藉口。

「廢就廢啦你。」啊童對我做個鬼臉說。

「欸，睇嚟有人輸咗比個女仔㗎。」這時毛毛過來說。

「冇啊，邊有啫。」我立即否認。

「仲話代表學校出賽嗎，你連個女仔都不如啊，點同其他學校既男仔鬥啊。」

「你理得我啫。」

「不如咁啦，一場兄弟，我幫你頂咗佢。我地宜家去同教練講你覺得自己既能力不足以成為正選，所以想讓個位比我。」毛毛奸笑著說。

「你就想啊，我勁過你㗎。」我打破了他的美夢。

話雖如此，但其實我自己心裏也很擔心會成為隊中的負累，

始終我現在是越級挑戰A grade，

(通常A grade係Form5-6既人打，但係我學校唔夠人，所以我一定要打A grade，如果唔係就比唔到賽。)

對手的實力很大機會是在我之上，

如果我現在連啊童也打不贏的話，

那我根本不用幻想我能打得贏其他學校的人。

所以，當天訓練結束後，我便去了找教練。

「啊言？做咩事啊？」正在收拾用具的教練看到我後問。

「冇，我只係覺得，我既實力唔足以比我係做正選。」

「點解咁講？我地男仔入面，Form 3

最好打就係你㗎啦。而且，我地中五宜家傷咗一個，即係剩返兩個，中四又係得兩個，而我地要出賽，就一定要有五個人或以上，所以你係冇得揀。」教練為我分析。

在這裏先向大家說明一下羽毛球學界比賽的賽制。

每一場比賽，

都會採用五回三勝，第一，三，五場，都是單打。

(若頭三局全取則不用打第四，五局。)

而第二，四場，就會是雙打。

曾出過場的人可以再次出場，

例如A曾在第一場打單打，

他第二場仍可繼續打雙打。

回到正題。

「係啫，但係我真係覺得自己唔會夠人地打。」我說。

「你其實係同齡既人嚟講已經算係打得唔錯。」

「但係我連一個女仔都打唔贏。」

「你指周樂童？」

「唔。」我點一點頭。

「我問你，你幾時開始學打羽毛球？」

「中一。」

「咁咪係囉。佢由細就開始學，而且佢上次都輸比你啦，今次可能係你狀態唔好啫。」

「但係如果我到時都狀態唔好呢？」

「咁都無辦法㗎。唯有係比賽之前練多啲，令你既技術進步。」

「但係宜家每個星期得個一日練習，根本就好難進步。」

「你同周樂童係咪好熟？」

「係呀。」

「周樂童，你過一過嚟㗎。」教練對在椅上正坐著的啊童說。

「咩事啊？」啊童走過來問。

「你幫我訓練啊言。」

「吓！」我倆聽到後不約而同地說。

「我唔識㗎㗎。」啊童說。

「好簡單㗎咋，你諗返你之前既教練係點訓練你先，然後你再用同樣既方法去訓練啊言就得㗎啦。」

「得唔得㗎？」啊童懷疑地說。

「啊言你走一走開先。」教練說。

「喔。」我乖乖走開。

過了一會，啊童便走了過來，

我看向教練，

「加油！佢叫你做咩你就做咩。」教練對我說。

「係。」我恭敬地說。

「你地走得㗎啦。」

「Bye Bye 教練。」我對他說。

「Bye Bye。」教練對我們二人說。

我們出了門口後，好奇心重的我立即問啊童，

「喂，頭先教練同你講咗啲咩？」

「唔講，秘~密。」啊童說。

「嚟啦，我想知啊。」我哀求著啊童。

「聽日開始練波，練完就溫書。」啊童說。

「吓，咁chur？聽日星期六㗎？又練波，又溫書？」我問。

「教練話我叫你做咩你就做咩，係咪有異議？」啊童問。

「冇...」

跪求大家Follow我既IG: MaanYin05

祝各位琴日愚人節快樂。

啲壓力突然之間無晒，好得閒。

呢個故我係點都唔會棄既，我腦入面都仲有好多Idea，所以琴日所講既野，全部都係呢你地既！

哈，多謝支持。

## 84.

第二天一早，我還在床上發著我的美夢時，

我就比啊童的聲音吵醒了。

「起！身！啦！萬！浩！然！」

我比這個突如其來的大叫嚇醒，我一張開眼，

就發現啊童在我的床邊，定睛注視著我。

還未清楚發生了甚麼事的我以為我仍然在發夢，

於是便轉身合上眼，繼續睡覺，

怎料我一轉身，

我的後背就比人大大力打了一下，

我蓋著的被更加比人一下抽走了。

原本舒服地在被窩中睡覺的我，才意識到發生了甚麼事。

「快啲起身啦！我地要去練波㗎。」啊童說。

我擰轉頭看向啊童，無奈地笑了一笑，

「要練波都唔洗一朝早就走過嚟吵醒我㗎。仲有，你係點入嚟㗎？」我問。

「我搵門鐘囉，跟住你啊媽開門比我，咁我咪入到嚟囉。」啊童說。

「咁都得？」

「快啲起身啦，出去練波啦！」啊童催促我。

「起啦起啦，你出返去先啦。」我說。

「快啲起啦。」她說完便下離去了。

她一下去，根本未睡夠的我立即重新蓋好被子繼續睡。

不出數秒，我便已經重投夢鄉。

不知過了多久，見我還未起床的啊童再次回到我的睡房，

「起身啊！又瞓過！今次你唔起身我係唔會出去㗎。」啊童瞪著我說。

「唉起啦起啦，真係起啦今次。」我說。

我爭扎地從床上起來，然後便去了梳洗。

我很快便換好衣服，拿起球拍，

走出去大廳找正坐在梳發上看電話的啊童。

「行得啦。」我說。

我們出了門口後便走了去我們家附近的一個室外羽毛球場。

「好！我地先熱身。」啊童說。

「唉，唔駛做拉筋呢啲濕9野啦。」

「唔得，拉筋好重要，快啲拉。」啊童說。

「喺，跟住我做啦~一，二，三，四。」啊童一本正經地說。

「屌。」我忍不住笑了出來。

「喂，認真啲，教練話你要聽我話㗎。」啊童說。

「係啦係啦係啦，拉筋啦。」

迫於無奈的我唯有跟著她做拉筋的動作。

拉了差不多十五分鐘後，我們便正式開始了訓練。

「首先，圍住個場跑廿個圈。」啊童說。

「廿個，平時跑六個㗎咋喎。」

「你次次都跑輸比我，就係因為你唔夠氣，跑多啲就唔會咁易郁兩郁就喘氣㗎啦，去啦。」啊童以命令的語氣對我說。

於是我便開始圍著羽毛球場跑，

去到最後，我到達終點，

累得整個人直接躺在地上。

「起身，練波！」啊童完全不給我休息的時間。

「比我抖一抖先啦。」我說。

「唔得，時間好寶貴。」她伸出手來拉我起身。

跪求大家Follow我既IG: MaanYin05

## 85.

「首先，你知唔知你琴日輸既原因？」

「我廢過你囉。」

「錯，呃...都唔係既，喺一半，你的確係廢過我。」她笑一笑。

「咁錯個另一半係？」

「我會咁講，你琴日係輸比自己。」她繼續說。

「唔明。」

「你回想一下，你琴日有幾多球係自己失誤？有幾多球係因為你自己打落網而失分？」

「我諗...八至九球到啦。」我想了想後說。

「咁咪係囉，你因為自己既失誤，而令到自己冇咗八，九分，如果你將啲失誤減少，咁就可以攞返多啲分啦。」啊童為我分析。

「明白。」

「所以，我地宜家要先幫你減少你既失誤先。」啊童說。

「好啊，點練咁？」我問。

「我開廿球高波比你，你殺波，唔準落網，粒波落地既位置唔準後過我企既位，呢兩樣野有其中一樣做唔到，就重新計過。」啊童拿起兩筒羽毛球走過去對面說。

「好啊。」我拿起球拍說。

如是者，我便正式開始了訓練，

只是我總達不到啊童的要求，

羽毛球要不被我打落網，

要不落地的位置後過啊童，

有好幾次成功打到第十八球，

但就是差最後那一，兩球才夠二十球，

無止境地輪迴。

過了差不多二十五分鐘之後，

「十七...十八。」我心裏默默數著。

「頂埋佢啊！」啊童一邊把球打出一邊說。

「十九...」

「加油！」

「二十！！！」

我成功把第二十球打出後，我對著天空大叫。

「你搞咗足足廿七分鐘先至做到啊！都唔知你點去比賽，好彩教練叫我同你練下咋。」啊童說。

「係啦係啦，多謝啊童。」我向啊童鞠躬。

「練完殺波就練其他野啦。」

「好啊，練咩吖？」我問。

接下來，我們把放網，吊球，高遠球，開波等等技巧全都練習了一遍。

「呼，好叻啊！」

「唉，好彩同你練一練，原來你啲基本功咁差，除咗放網稍為好啲之外，其他都唔得。」啊童嘆了口氣後說。

「有冇咁差啊？」

「有啊，個時教練話你係成個中三人面最好打，仲以為你好勁，結果原來你連呢啲野都做唔到。」啊童說。

「嘩，你好勁咩？」

「勁過你。」

「你唔好唔記得，你第一次同我打既時候輸過比我啲喎，仲搞到自己扭親添。」我說。

「妖，你駛唔駛次次打波都提起我扭親啊？」她反了反白眼。

「個次呢，我會輸比你，係因為我未認真打，同埋我個時心情唔好吖嘛，又點會打得好呢？」啊童繼續說。

「口講無憑，要唔要打返場？」我問。

「嚟吖~我就證明俾你睇。」啊童說。

「廿一分，你開波。」我說。

啊童準備好後就開了一球長球，

我立即後移，打了一個吊球，

嘗試把優勢拉到自己身上。

(如果你地仲記得既話，我係擅長打網前既。)

啊童像是會料到我會打吊球一樣，

一早就站在網前準備，待球來到時便輕輕一撥，

只見球沿著網落下，

我立即向前跑，

可惜來不及在球落地前把球救起，

失去了第一分。

跪求大家Follow我既IG: MaanYin05

之後那幾球，我不斷被她壓制，

連一分都拿不到，

她就像能猜得透我的下一步，

永遠都能預先走位。

我終於按捺不住，開口問她，

「喂，點解呢，你好似估到我下一步想做咩咁既？」

「因為，你既攻擊模式太過單一，你有冇發現你每次進攻既時候，唔係殺波就係放網，係人都捉到你點打啦。」啊童說。

「咁點樣先可以冇咁單一？」我問。

「唔好一味殺波同放網，雖然你放網係真係幾好，但係你一用得太多，人地就知道。所以，你要做既係，唔好咁急於攞分，未有好既機會咪同人嗌下波先囉，打多啲高遠球，有時粒波係網前咪挑下波，打返去後場，令對手走多啲位，增加佢地出錯既次數。」啊童說。

「唔，估唔到你會諗咁多野。」我聽完後說。

「超！呢啲野好基本咋嘛，我好耐以前已經識啦。」啊童說。

「咁又係既，你細細個已經出去學，點同我呢。」

「所以我宜家咪做緊你既私人教練囉，喲，宜家照我頭先講既野做一次，試下有冇咩唔同。」啊童說。

「好啊，你繼續開波吖。」我說。

她發球後，我按照她的指示去做，

打多了高遠球以及挑波，

進攻模式不再單一，有多了變化後，

她果然不能再準確地預測我下一步，

我也從她手上接連取得幾分。

「喲，係咪啊，人地捉唔到你個進攻模式，你就易啲攞分啱啦。」啊童說。

「跟住只要我練返好啲基本功，咁就有機會贏學界啦。」我興奮地說。

「仲有一樣好重要既野我要同你練，我要同你練接殺(球)，冇好既防守又點樣進攻呢？」她說。

「咁今日練埋接殺就收工！返屋企打機！」我說。

「你係咪唔記得咗我地差唔多要考試啦？」啊童微笑著問我。

「呃...」

「唉，算啦，今日停一日啦。聽日繼續。」啊童竟然會放過我。

「Yes!!!我終於有得打機，快啲練埋接殺啦！」我說。

「宜家咪練...噢。」啊童將目光投向場外。

就在這時，有一個跟我差不多大的男生走了過來，

「Samuel?好耐冇見喎。」啊童對著那個叫Samuel的男生說。

「睇嚟我冇認錯人，估唔到竟然會係到撞到你。」他說。

「佢係？」他看向我。

「哦，佢係我個朋友嚟既，因為打羽毛球打得太差所以搵我幫佢特訓。」啊童說。

「點稱呼？」他問我。

「啊言。」

「我叫Samuel。以前小學既時候同周樂童一齊打羽毛球既。」他友善地對我說。

「啱啦Samuel，你嚟得啱，同呢條友打返場，幫佢擺下經驗。」啊童說。

「吓，唔駛啦，我夠啱啦，平時都成日同毛毛打比賽。」

「咪就係得毛毛一個囉，冇啦，我叫你做就做啦。」啊童對著我大喝。

「係係係。」

「Samuel你OK啱嘛，輕鬆打。」啊童說。

「Ok啊，冇問題。」他走進場中說。

「你放鬆啲打，記住我頭先同你講過既野，慢慢打，唔好急擺分。」啊童走到我身邊說。

「好！」我大叫一聲，壯一壯膽，卻把在我身邊的啊童嚇倒。

「嘩！嚇死我，下次叫之前同我講聲。」她彈開了一米後說。

跪求大家Follow我既IG: MaanYin05

## 87.

「你開波。」Samuel把球拋給我說。

「好啊。」我接過球，放在腰前，準備發球。

為了測試他的實力，我先開出一個長球。

他立即退後，前向我回以一個高遠球。

我回想著啊童所說的話，進攻模式不可單一，

不可心急，讓對手多走動。

我於是揮拍打出一個吊球，迫使他從後場走到前場，

可惜揮拍角度拿捏得不好，導致球落地的位置過後，

他輕鬆接到我的吊球，並打出一個放網，

我連忙上前，把球輕輕一挑，

只見球沿著網落下，正當我以為勝券在握時，

他卻用力揮拍，把球挑到後場，

趕不及回到後場的我，失去了第一分。

「哎呀！」我不忿地說。

接下來那二十多球，

大部分都因為我移動不及而未能在球落地之前接到，

戰果是廿一比五。我們循例走到網前握一握手，

「Samuel啊，做咩放水啫。」啊童對著Samuel說。

「嘻，比你發現咗。」他對啊童說。

「吓，佢放咗水㗎啦？」我愕然地問。

「我都冇預過你會擺到分既，呢個人啊，係打D1既學校主力嚟㗎，人地成日擺冠軍㗎。我地學校D3咋。」啊童說。

「咁堅㗎原來你，失敬失敬。」我對著Samuel說。

「你練多啲呢，就會勁啲啦，加油啦。」他拍一拍我膊頭。

「知道。」

「咁我走先啦，你慢慢培訓佢啦，有需要我都可以幫下手既。」Samuel對啊童說。

「哦，有機會就搵你幫手啦，Bye Bye。」啊童揮揮手說。

「再見。」我說。

待他走後，啊童就開始跟我訓話。

「好，你知唔知你頭先有咩位做得唔好？」

「吊波吊得唔好囉。」

「仲有？」

「跑得唔夠人快。」

「仲有？」

「冇啦。」

啊童反一反白眼，

「你有冇為意到頭先Samuel佢完全冇殺過你波啊？」

「又好似係嗰，點解既？」

「我叫佢咁做既，我想比你睇下迫人走位追波既威力。」

「然後？」

「然後想話比你知呢招好有用，叫你多啲用。」

「收到，走得未？」一心只想打機的我問。

「嘍，淨係顧住打機。唉，走啦。」啊童說。

「好耶！走Luuu。」我立即收拾物品。

到了星期一，上地理課時，

「Yes！今日終於唔駛再去個個留堂班！」我興奮地說。

「就係個個留堂班，搞到我地放學永遠都唔夠人打波啊。」肥強說。

「咪係，平時係三打三嘍嘛，呢個星期啊，變咗做三打二啊。」Marcus附和他。

「你要怪咪怪個個八婆囉，無端端罰我地去留堂班。」我說。

「原本罰一日嘍咋，就係因為你個日拉我走，搞到我要同你一齊去成個禮拜留堂班啊。」啊童這時插嘴說。

「Wuuuu！拉人走，去邊啊？」魚蛋聽到後立即回頭奸笑著問。

「係囉，去邊到拍拖啫，講嚟聽下吖。」啊正說。

「去Party Room囉。」

反正他們已經知道了我喜歡啊童的事，

所以我也不忌諱告訴他們我那天跟啊童去了那裏。

「兩個人，去Party Room啊。唉，真係羨慕死人啦。有冇做啲咩先~」Suki也加入討論。

「你...你講咩啊...Suki!!!」啊童對著Suki大喝。

「嘻嘻，冇野啊，有冇做愛...做的事咋嘛。」Suki笑嘻嘻地說。

「Hey...Shut Up.」這時我們的地理老師說，打斷了我們的對話。

跪求大家Follow我既IG: MaanYin05

## 88.

「Sorry Sorry · no next time · you continue.」我說。

地理老師瞪了我們一眼後便繼續講書。

「Sor9ry · sor9ry · no next time · fuck you · you continue.」Marcus模仿我。

「屌你！」我推了他一下。

「Hey ! What are you doing ?」地理老師看到我推Marcus後問。

「Nothing Nothing.」

「冇事？我睇到你推個同學啲。」地理老師說。

「係對唔住對唔住，我知錯啦。」我求其敷衍她。

「你有冇認真上堂？」

「有。」

「咁你講一次我啱啱講過既內容吖。」

「你話你睇到我推同學。」前方頓時傳來一陣爆笑。

「好好笑係咪啊？啫係冇聽到我啱啱講咗啲乜野啦。」

「又唔係話冇聽既，聽到少少囉。」

我一邊拖延時間，一邊努力回想她過去那五分鐘所說的內容。

「咁係咩吖？」

「啊！做Group Project 吖嘛。」經過我一輪苦苦思索後，我終於回想起她所說的話。

「專心啲上堂啊。」她見我能成功回答她的問題，於是便放我一馬。

「係。」

「Since some of us haven't paid attention , so I will repeat it once.」她對著我說。

於是她便簡單重複了一遍她剛才所說的話。

[ 話說我開始後悔Set主角間學校做英中，唔想打英文。 : ) ]

內容大概是說我們地理科未來會有一個Group project，

是關於河流的，

需要我們去到訪香港的一個瀑布，

去那個就自由選擇，去到幾個人一起拍照，

然後再描述一下瀑布的特徵就完成。

分組方面，當然又是我們幾個一組。

「去邊到啊咁我地？」我問。

「點知啫？老師一陣會介紹啲地方比我地去吓嘛，你咪聽下，之後我地先再決定囉。」啊童說。

經過那位地理老師沉悶的介紹後，

我們再次圍在一起討論。

「點？去邊。」我問。

「去大潭郊野公園個個潭崗石澗？頭先睇啲相好似唔錯。」肥強說。

「但係個個好似好難行咁咯，有冇啲易啲行㗎？」Suki說。

「咁一係去大澳個個咩水滂漕？」啊童提議。

「好咯，我咁大個女都未去過大澳。」Suki說。

「其他人呢？」啊童問。

「冇問題啊。」魚蛋說。

「你諗清楚咯，東涌入大澳個程車都好遠下㗎咯，一陣你又暈車浪就唔好啦。」我說。

「得啦，今次唔會。」魚蛋胸有成竹的說。

「你地有冇所謂？冇就去大澳㗎啦咯。」我問。

他們全都搖頭，

亦即代表我們這個Group project要去的地點是大澳了。

跪求大家Follow我既IG: MaanYin05



## 89.

由於Group Project遞交的日期是在考試之後，

所以我們便把去大澳的日子定在聖誕假期的其中一天。

「係呢...」我放學時對啊童說。

「咩呀？」啊童看著我問。

「你期唔期待去大澳啊？」我問。

「一般啦...你有冇去過大澳吖？」我笑著搖了搖頭，

「你幻想之中既大澳係點嘍？」啊童問。

「唔...幻想之中既大澳係點啊？我諗，應該係好靚啦，好有「香港味」既一條漁村囉。」我回答。

「幻想總係美好既，好可惜，宜家既大澳只係一條嘍水濁到痴線，又臭又迫又冇野睇既一條好普通既村。」啊童把我對大澳美好的幻想徹底破壞。

「你有去過？」我問。

「有，好後悔，山長水遠同老豆入到去，結果無野睇。」啊童回答。

「咁你又提議去大澳？」

「頭先老師講咁多個地點之中，呢個瀑布好似最靚。」啊童說。

「靚還靚吖？大澳鬼死咁遠，入去東涌都一個鐘，東涌入去又一個鐘，來回成四個鐘喎師姐。」

「轉地方囉咁。」

「咁又唔好，我都想去下大澳既。」

「講咁多野，最後咪又係去...」啊童說。

比她說中的我，低頭笑而不語。

突然，我的耳邊傳來一聲驚呼。

我轉頭看著啊童，奇怪著她為何突然發出驚呼聲，

「做咩呀？」我問。

「冇...冇野。」她眼看著前方說。

我順著她的視線看過去，竟然又是那個Donald。

「Donald咋嘛，有我係度佢都唔會搞你啦。」我不屑地說。

「我唔係驚Donald啊，我係驚佢係佢隔離個個。」

我再次看過去，只見他身旁站著一位跟我們差不多大的少年，

面露微笑，但他的表情卻令人心寒。

「佢係？」我問。

「我以前間中學既同學。」啊童說。

「咁點解驚佢？」

「呢個就係我轉校既原因，因為我係個間學校到，比佢地夾埋欺凌咗兩年。」啊童說。

「吓，無端端做咩欺凌你？」

「佢之前中一既時候同過我表白，跟住我拒絕咗佢，以後佢就開始講我壞話...」

「吓，咁你仲拒絕我？你唔驚我講你壞話咩？」我開個玩笑好讓啊童放鬆一些。

「人地講緊啲唔開心野，你仲講笑！」她打了我一下。

「係啦係啦，你繼續講。」

這時，我們跟Donald的距離已經越來越近，

未及啊童開口繼續說下去，就比那少年搶先說。

「周樂童，估唔到咁都比我搵到你，我地真係有緣啊可？」他臉上保持著他那虛偽的笑容說。

「無論佢講咩都唔好理佢。」啊童低聲跟我說。

於是我們便把他當作透明般，把他無視了，

「有男朋友就唔理我啦？」他見啊童不理他於是繼續挑釁我們。

CLS，這個人跟Donald一樣厚顏無恥。

到我們經過他身邊時，他卻用身體擋著我們的去路，

不讓我們離去，

「唔該借一借。」啊童說。

「我係唔借啊，你吹咩？」

「又冇話唔得既。」

這時，按奈不住的我開口說。

「不過呢...」我說到這裏便停了下來，

然後對著他的嘴，吻了下去。

(唔好意思呢個其實係BL故)

講笑。

然後我對著他的面，

大力吐了一口口水，

他立即彈開，

我亦趁機拉著啊童走。

跪求大家Follow我既IG: MaanYin05

## 90.

「呼，條友仲煩過Donald。」我說。

「唔好睇少呢個人，佢唔此煩過Donald，佢仲癲過Donald好多。」啊童說。

「係呢，你頭先都未講完佢地點樣欺凌你。」

「唉，宜家此諗返起都覺得個段時光慘啊，好彩之後我下定決心轉校，再遇上你地，我先可以有機會真真正正咁享受一下校園生活。」啊童嘆了口氣說。

「個陣時啊，佢地夾埋杯葛我，永遠冇人同我一齊玩，做咩都係自己一個。」

「但係你一開始啱啱入呢間學校既時候冇識到朋友㗎咩？」我打斷她問。

「原本有㗎，跟住佢為咗唔比人杯葛，所以就冇咩再點理我啦。」

「啫係你呢兩年嚟長期都係自己一個？」我問。

「自己一個都算啦，習慣下就得啦，最過份係佢地會一齊整蠱我，仲會係咁同老師講我壞話，搞到啲老師對我印象好差。」啊童說。

「咁你真係好彩轉到過嚟我地學校，識到我地。」我說。

「係㗎，仲多咗個人追我添。」啊童看著我說。

「你隨時都可以令個個人唔再追你㗎。」我說。

「我又唔想㗎。」啊童說。

「你要我點你先肯接受我啫。」我問。

「呢啲野，自己諗下啦，唔同你講啊！同你講咗有意思咩？」啊童說。

「小姐啊，我諗咗好耐。」

「幾耐啊？」

「由第一眼見到你開始我就係到諗緊啦。」

「咁你諗多一陣先啦。」

「我好蠢㗎咋，諗唔到啊，你話我知啦。」我說。

「哼，諗唔到就唔好追我囉。我唔想要個咁蠢既男朋友啊。」啊童說。

「人蠢係天生㗎嘛，唉，迫你真係辛苦，命都短幾年啊。」

啊童反了反白眼。

回到家後，我們便繼續痛苦的溫習旅程。

「喂，不如我地一齊打下機啦，放鬆下吖嘛。」溫了將近兩小時的我說。

「我都唔鍾意打你平時打個啲機。」啊童說。

「唔係啊，我最近呢，下載咗個幾好玩既遊戲啊，但係就要兩個人先打到既，咁唔知你有冇興趣呢？」我問。

「咩Game啊，神神秘秘咁。」

「根據Google Translate，佢中文名係煮過頭。」

「吓，咩叫煮過頭啊？冇聽過呢個遊戲啫。」啊童說。

「好玩㗎，信我啦，收埋啲書，玩一陣，之後先再溫啦。」我說。

「玩廿分鐘咋，陣間我叫停就要繼續溫㗎啦。」

啊童把書本拿開，騰出空間。

「得啦得啦。」

我聽到她肯玩時心裏大喜，

立即開電腦，然後點選Overcook。

「咦！原來係Overcook，好啊好啊，我想玩好耐㗎啦。」啊童一見到Overcook的主頁就興奮地說。

「都話你實鍾意㗎啦。」我說。

於是我便跟啊童，一人控制鍵盤的一邊，

去玩Overcook。

「快啲啦快啲啦，水滾啦。」啊童一臉認真地說。

反之我則在拿著滅火筒悠哉悠哉地，

在廚房中四處搗亂，

完全不打算理會已沸騰的番茄湯。

跪求大家Follow我既IG: MaanYin05

# 91.

「萬浩然！切野啊！」

「萬浩然！上菜啊！」

「萬浩然！比條魚我！」

「快L啲啦仆街！冇時間啊！」我竟然能令到一向小講粗口的啊童對我說粗口。

「嚟啦嚟啦。」我說。

「明明你平時煮野食咁叻，點解你嚟到呢度會廢咗咁多嘍？」啊童問我。

「打機又點同現實啫，現實都冇人會係咁催我。」我說。

「咁又係...喂！著火啦！」啊童緊張得不斷拍我的手臂。

「滅火筒嚟緊！」我控制著自己的角色走到著火的位置。

「唉呀！又要再整過煲湯啦，唔夠時間啦。」啊童手忙腳亂地說。

「比你入廚房真係死緊，整煲湯都搞到火燭。」我苦笑著說。

「所以我從來都冇煮過野食囉。」啊童一副理所當然的樣子。

「煎隻蛋都冇試過？」我好奇地問。

「咁就有既，不過煎完之後唔記得熄火，去到差唔多七個鐘之後我啊爸先發現，自個次之後我就比人禁止入廚房啦。」啊童說。

「佩服佩服，小弟甘拜下風。」我說。

「喂你唔好顧住講，停晒手腳先得嘍！我地得幾分咋。」啊童說。

「係係係，宜家切魚。」我說。

結果，由我開了這個遊戲開始，啊童就未停過，

不斷玩不斷玩，把她原本所說「只玩廿分鐘」拋諸腦後，

過了關就玩下一關，

而且我極度懷疑她是一個完美主義者，

只要那一關未夠三粒星，

她就一定要重玩，直到她得到三粒星為止。

「呼！宜家幾點啊？」我問。

「六...嘩，咁快就六點啦。」投入得忘記了時間的啊童驚訝地說。

「吓！」沒有為意時間的我說。

「咦，你啊媽仲未返既？」啊童這時間。

「係啲，正常應該返咗㗎。」我奇怪地說。

「比部電話我問下佢吖。」我說。

於是啊童便把原在她褲袋中的電話遞給我。

到我打開電話，才發現了老媽的訊息。

內容是說她臨時有事要做，叫我自己吃晚飯。

「哦，佢話佢有野做，所以返唔到嚟住啲。」我說。

「咁，一唔一齊食夜晚飯？咁啱今日我爸爸都唔得閒。」啊童說。

「你想食咩？」我問。

「滑蛋豬排飯！」啊童說。

「好啊！仲記唔記得上次整既時候，啲蛋比我整到燻晒。」我笑著提起第一次為啊童下廚的事。

「唔知點解呢可~」啊童瞪著我說。

「係囉，唔知點解會燻晒㗎呢可？真係奇怪。」我回想著當天所發生的事。

「警告你啊！唔好再掛住我啦今次，我唔想食到啲咁苦既蛋。再加上，我對我男朋友既其中一項要求，係要煮野食好味，所以，你明啦。」啊童說。

「得！今次我煮完先！」

「快啲去啦咸濕佬！我好肚餓啦。」啊童反了反白眼後說。

「等下啦，好快食得㗎啦。」我起身說。

跪求大家Follow我既IG: MaanYin05

## 92.

我走進廚房後，從雪櫃中拿出所需要用的材料，

並開始製作啊童點了的滑蛋豬排飯，這個飯我由小五小六就已經懂得整，

並不困難，(個人認為)整個飯的精華在於那塊滑蛋，不能過生不能過熟，

這個飯我已經煮了數十次，從未失手，

唯獨上次顧著跟啊童說話而一時忘記了時間，令到煎Pan上的蛋全都燻掉，

我一世英明，最終竟然敗在一個女人身上，

難怪別人常說，自古英雄難過美人關。

唉，我又講遠咗。

我純熟地完成打蛋，洗米，為豬排落調味料等等步驟。

這時，啊童神不知鬼不覺地偷偷走了進來，

「嘩！」她在我耳邊大叫一聲，

把不知道她進了來的我嚇了個半死，彈了一彈，

啊童看到我的反應後咯咯大笑。

「嚇死我啦，你知唔知我唔嚇得㗎？」我對著還在放懷大笑的啊童說。

「睇得出睇得出，有人比我嚇到成個彈起咗。」啊童奸笑著說。

「我咁好心幫你整野食，但係就比你嚇返轉頭，你有冇良心㗎？」

「冇喎。我入嚟呢，就係諗住睇下你得未既，咁既然你整咗咁耐都未整好，緊係要接受啲懲罰㗎啦。」啊童說。

「好快整好㗎啦，都要比少少時間㗎嘛，叮噏咩？」我說。

過了良久，一直在看著我煮飯的啊童突然開口，

「喂。」啊童說。

「咩呀。」正忙於調製調味料的我問。

「上次呢，你煮飯既時候咪唱K歌之王既。」

「係吖。咁點吖。」

「我宜家又悶悶地，不如你唱下歌比我聽吖。」啊童說。

「嘩，你真係當我係你啊四傑喎，又叫我煮滑蛋豬排飯比你食，又叫我唱歌比你聽。」我說。

「係咪有咩唔滿意吖？唔好追我囉~」啊童說。

「唉，睇嚟我都冇得拒絕既餘地啦，K歌之王係咪啊，聽歌啦。」我清一清嗓子後說。

「好耶！」啊童興奮地說。

於是我便開始唱K歌之王，

當我唱到「我只想跟你未來浸在愛河」時，我刻意停下來，對著啊童唱出這一句，

而啊童亦配合下一句歌詞，打了個呵欠。

我忍著笑意，唱完最後一句後，

啊童便盡了她作為聽眾的責任，熱烈鼓掌。

「好好聽啊！！！」啊童說。

「誇張，等多幾分鐘啦，冇得食喇啦。」我說。

「Encore ! Encore ! Encore !」啊童一邊拍著掌一邊興奮地叫到。

「唉，你想聽咩啊咁？」我問。

「隨你決定，總之你一日未整好，你一日都要唱歌比我聽。」啊童說。

無奈之下，我唯有開始不斷唱歌，

直到我終於煮好滑蛋豬排飯。

「今次啲蛋冇燴，應該唔會難食喇啦，你試下啦。」我說。

啊童未待我說完，便已經拿起了餐具開始進食。

「唔...實在係...好好味啊！！！」啊童合上雙眼說。

她秒速就把整碗飯吃完，

「喂...慢慢食啊。」我說。

「吓，咩啊？我食完啦喎。」剛吃完最後一口的啊童看著我說。

我看著自己那碗滿滿的飯，再看一看啊童空空如也的碗，

笑著搖了搖頭。

「夠唔夠啊咁。」我問。

「飽啦。」

「唔。」我點了點頭。

跪求大家Follow我既IG: MaanYin05

## 93.

我吃飽以後，便走了進去洗碗，啊童亦跟著走了進來。

「你入嚟做咩啊？又想叫我唱歌啊？再唱落去我驚我把聲定唔順喎。」我說。

「唔係...我係想話，我洗碗啦。」啊童說。

「你得唔得㗎？之前暑假你日日都係窗到同我傾計，你肯定平時冇洗開碗啦。」我說。

「此言差矣，我係有洗碗㗎，不過洗既次數唔得咁解。你放低啲野啦，我都唔會咁過份，要你煮野食比我食，跟住仲要你幫我洗埋碗㗎嘛，嚟啦，比我洗。」啊童說。

「得啦，我作為一個好既男朋友，又點可以要個女朋友做呢啲會傷手既工作呢？」我說。

「嘩，都話你未係我男朋友咯，唔好成日咁講，跟住講下講下當埋係真添啊。」啊童說。

「噢，未~係？」

「哼，又蝦我，你慢慢洗啦。」啊童說罷轉身就走。

「喂喂喂喂喂，咁又唔好。碗呢，就唔洗你洗啦，不過呢，你係度陪我傾下計啦，如果唔係我自己一個會好孤獨㗎。」我說。

「唉，見你咁慘，又要煮野食，又要洗碗，本小姐就大發慈悲，陪下你啦。」啊童隨便抓了將椅子坐下。

有了啊童的陪伴，洗碗這項本來十分沉滿的工作變得有趣，

甚至有一刻我想世界永遠停留在這一段時光。

快樂的時光總是過得特別快，我很快便把碗洗完。

「洗完啲碗啦嘛，去溫書啦我地。」啊童拉著我離開廚房。

「又溫？溫咗成個晏晝啦喎，同埋係比我除咗條圍裙去先啦。」

我身上還穿著印有老媽最喜愛的Hello Kitty，粉紅色的圍裙。

「咩溫咗成個晏晝啫？你掛住打機，都冇溫過書。」啊童說。

「你係咪搞錯咗啲野啊？好似唔係我掛住打機唔溫書喎。」

「緊...緊係唔係啦，我話係你就係你啦。」

比我說中了的啊童，臉上紅了一紅後說。

「唉，不如今晚唔好溫啦，聽日先繼續。」我說。

「唔得！」

「想唔想食心太軟啊？」我利用美食引誘她。

啊童一聽到我提議吃心太軟，臉上閃過一絲猶豫，

「溫...書啦。」

「我請你食好好味既心太軟啫，真係唔食？我地好耐冇食過啦啫。」

「嚟啦嚟啦，我想食啊。」我繼續說。

「好...啦，去食啦。」啊童深吸了一口氣後作出了決定。

「耶。」結果當晚，我們便去了甜品鋪吃心太軟。

「係咪兩個心太軟啊？」文姨一看到我跟啊童便問。

「係啊文姨。」我回應。

「唔該文姨。」啊童說。

不知怎的，每次一來到甜品鋪，

看到文姨親切的笑容，吃到那美味的心太軟，

心裏總是有一種很溫暖的感覺。很快我們便吃完心太軟，

然後便各自回家了。

之後的日子，基本上每一天都是啊童放學後陪我溫習，

不同的是我們偶爾會一起玩Overcook，

到了星期六，啊童訓練我打羽毛球，

除了練習以外，她更會找來她的舊隊友，

來跟我比賽，因為她覺得實戰才是令我進步得最快的方法，

到了後來，啊童能找的隊友全都跟我比過賽了，

於是啊童就找街場的人跟我比賽，

有時技癢的啊童又會落場跟我一隊打雙打，

漸漸地，我不只磨練到技術，

更加培養出意識及觀念。

我們甚至會去不同的球場找人比賽，

為的，就是能讓我在學界比賽之前準備好。

跪求大家Follow我既IG: MaanYin05

時間踏入十二月，

我們作為學生最期待的，

自然是聖誕假期。

而我除了期待以外，

更多的，是緊張，

因為第一場學界羽毛球比賽在不久之後便會開打，

亦是我人生中第一次以正選身份參加這個比賽。

這一天早會時，我卻比它的內容所吸引著。

「唔知你地鍾唔鍾意唱歌呢？機會嚟啦飛雲！一年一度既Sing Con將會係今個月既十六號同廿三號舉行初賽同決賽，有興趣既朋友可以去學生會到報名參加，希望到時見到你地啦！」學生會主席說。

以往兩年，我從來都沒有參加過Sing Con，

嚴格來說，我甚至沒有試過在他人面前唱歌，

啊童是唯一聽過我歌聲的人。

所以，今年，我決定要參加Sing Con，

為中學留下美好的回憶。

當天小息，我便去了學生會門口拿報名表，

卻比Suki看見了。

「咦，你諗住參加Sing Con啊？」Suki一離遠看到我後問。

「哦？係啊。」我回應。

「係咪諗住唱比啊童聽先？」Suki又擺出她那副招牌奸笑著的样子。

「哼，唔話你知。」我說。

「你唔話比我知我就同所有人講你為咗啊童而參加Sing con。」Suki威脅我。

「嘩你咁仆街㗎咩...我未諗會唱咩歌啊。」我乖乖就範。

「哦，咁就...唔阻你啦，你慢慢填個報名表啦，嘻嘻。」她說。

我點了點頭後便繼續埋首於報名表中。

小息完後，我回到班房，

卻看見他們正在熱烈討論。

「傾得咁開心...傾咩啊。」我走過去問。

「參加Sing Con啊你諗住？」Marcus問。

「係咪諗住唱情歌比周樂童聽先？」肥強問。

一臉茫然的我看向了Suki，

「唔係話唔話俾人知㗎咩？」我問。

「我方講過唔同人講你參加Sing Con㗎。」Suki對我做個鬼臉說。

「吓...你真係仆街㗎咩。」比她擺了一道的我說。

「喂，咁即係你真係諗住係台上面，當住全校既面，對周樂童唱情歌，跟住再順手表白啊？」魚蛋問。

「唔L係啊，你地唔好成日自己亂咁諗跟住就當係啦，屌。」我說。

「咩亂諗野啊？你地講緊咩啊？」剛剛回到班房的啊童問。

「啊言呢，佢諗住係...。」啊正話未說完，

我便已經衝了上去，按住他的嘴，

不讓他繼續說下去。

「咩啊？奇奇怪怪咁，有咩唔俾得我知啫？」啊童看到我的舉動後問我。

「係...做咩啊，冇啊，冇野唔俾得你知啊。」我立即鬆開手若無其事地說。

「咁你做咩唔俾佢講野啊？」

「冇啊，我見佢個嘴污糟咗諗住幫佢抹咗佢咋嘛。」

恰好這時老師來到，啊童才沒有繼續追問下去。

跪求大家Follow我既IG: MaanYin05

## 95.

十二月十一日就是羽毛球學界分組賽第一場，

我每一天也積極備戰，上網看職業選手比賽的片段，

可以做的我都做了。

時間很快便來到十二月十二日，亦即我出賽的日子。

由於比賽是在四點三開始，但教練則希望我們能提早半小時到達球場熱身，

所以我們需要在三點九去到球場，

而我們學校的放學時間是在三時半，

所以老師特意批准要比賽的同學可以提早離去。

其實學校去球場只需要十五分鐘，根本不需要做走，

但我因為不想上課，

所以早在三點一就舉手要求離去，

只知道我要早走的老師也沒有阻止我離去，

「走啦我~」我對著前方的兄弟們說。

「食屎啦你，唔想上堂就咁早走，垃圾！」肥強說。

「唔係啊，好~遠㗎個球場，唉，我都想上堂，好可惜我要去比賽。」我裝作失落地說。

「收皮啦你！啊童同我講過呢到去球場十五分鐘就夠啦！」Suki說。

「你一陣會唔會嚟睇我比賽啊？」我問啊童。

「吓，唔會啦，返屋企溫書啊我要。」啊童說。

聽到啊童不來的我心裏雖然感到失望，

但我卻試圖掩飾自己的失望之情，

在臉上露出一個笑容，裝作沒有所謂。

「你睇下你吖，我一話唔嚟你個樣失望到...我講笑咋，放咗學之後我就即刻過嚟。」啊童說。

比她說破了的我只好尷尬地傻笑。

我拿起書包，準備離去。

「喂...」啊童說。

「唔？」我轉頭看著啊童問。

「加油...記得我同你講過既野。」她甜甜一笑後說。

「唔。」

我點了點頭，然後便離去。

我很快便到了球場，自己預先開始熱身。

不久後，所有隊員都到齊了，

教練亦開始Briefing。

他打算把我放在第三場單打，除非頭兩場都輸掉，

否則我應該不會有太大壓力。

到了四點，我們便準時開始比賽。

頭一場單打，

師兄大炒對方，廿一比十。

第二場雙打，師兄險勝，廿三比廿一。

亦即我只要贏埋這一場，

我們就會勝出。

一早已熱好身的我拿起球拍，

準備好出戰一生第一場學界比賽。

「放鬆啲打，加油。」教練走過來拍一拍我膊頭說。

「知道。」

我環視四周，啊童還未抵達，

我嘆了口氣，然後便走出去球場。

我取得了發球權，我仔細回想啊童之前對我說過的話。

呼了口氣，用著那因為緊張而還在抖的手拾起羽毛球。

我用力一打，開出了一球長球，

對手輕鬆地向後退並對我回以一球吊球，

我踏步上前挑球，把球重新打到後場，

正在上前的對手反應不及，

雖然他能退後並把球擊回，

但力度不夠，球飛得不高，

我於是跳起用力一揮，打出一記殺球，

球飛快地對著地「前進」，

對手未能接到，他失去了第一分。

之後我一路領先，打出一個七比一的分數，

但之後卻比對手反超，

直到半場前，

分數變成了十比十一，十分緊湊。

跪求大家Follow我既IG: MaanYin05

## 96.

「啊言，你唔好咁緊張先，冷靜啲，唔好急，慢慢打，擺返個節奏。」教練在半場休息時對我說。

「嘎...知道。」

「你實力應該勁過佢㗎，唔好自亂陣腳。」

「係。」我喝了一口水後說。

回到球場，他發球，開了一記短球，

我立即上前打出一個放網，他大力一挑，

把球打到後場，

一早已經退回中場的我繼續後退到中場，

揮拍打出一球高遠球，

他退後並向我回以一記殺球，反應不及的我又再失多一分。

「嘖！」我拍一拍自己大腿，不甘心地說。

「啊言！加油啊！」

就在這時，我聽到啊童及我一眾兄弟對我說。

我看向他們，只見他們拿著一塊長五米的橫額，

上面除了印有打氣字句之外，他們更貼上了一張我的大頭，

並寫著「祝仆街仔萬浩然贏波！！！」。

不知應該好嬲定好笑的我呆看著那個橫額，

「贏埋佢！！！」啊童朝我大叫。

我向她報以微笑，重新專注於比賽之中。

有了他們打氣支持，我重新冷靜下來，沉著應戰。

對手繼續發短球，這次我不再放網，

改為挑球，

把球打到後場，  
對手後退並成功打出一個高遠球，我不敢怠慢，  
向他回以吊球，強迫他多走動，  
以我自己亦在擊球後回到中場。  
他看見我打出吊球後，立即跑上前放網，  
而我亦再次選擇挑球，令對手要從前場跑到後場，  
消耗他的體力。  
果然，不出數球，他就因為追不切球而失分。  
我於是繼續採取此戰術。  
結果，我成功反超，重奪領先地位。  
對手即使知道我的策略，卻也無計可施，  
因為一旦比我取得球權，  
我就可以得到主導權，  
而且我不只是把球打前打後，  
而是前後左右死角位，統統都打一遍，  
最重要是，出奇不意，  
對手根本猜不透我下球會打去哪，  
我完全不按常規打，  
自然對手亦難以應對。  
漸漸地，我把比分差距拉開，  
對手越大越沒有力氣及精神，  
而我則越打越開心，  
對，是開心，  
能虐殺對手，任誰也會感到很爽吧。

但我能重新找回節奏，  
亦有賴啊童跟兄弟們的打氣聲。  
最後一球，我深吸一口氣，  
用那不再顫抖的手拾起羽毛球，  
已經連續開了七球長球的我一反之前的常態，開出一記短球，  
以為我將會開長球的對手硬生生把正在後移的腳停下，  
向前飛撲，  
想趕在球落地之前把球擊回，  
可惜力度不足，未能過網。  
「Yeahhhhh！！！」我的打氣團及隊友看到我贏了後不約而同地大叫。  
作為一個有體育精神的人，  
我忍著自己興奮的心情，  
先跟對手握一握手，  
之後才衝過去兄弟那裏。

跪求大家Follow我既IG: MaanYin05

「掂喎啊言！又比你贏到人喎。」啊正說。

「哼，實乜講。」我說。

「收皮啦你，如果唔係有我地嚟同你打氣...你輸咗啦。」Marcus舉著那個橫額說。

「你地真係痴線㗎，整張咁既野出嚟，你有冇望到對面隊頭先望我地個眼神啊？」我苦笑著說。

「係咪覺得好靚呢，我提議㗎！」Suki說。

「係啊係啊，多得你地，全個球場既人都知我叫萬浩然啦。」

我掃視全場一遍，總覺得有人正為這張橫額而恥笑著我們。

「如果唔係要整呢個橫額啊，我地原本係可以好準時到㗎。」肥強說。

「吓，啫係你地係放咗學先有整橫額呢個Idea㗎？你地唔好一早就諗住嚟同我打氣㗎咩？」我問。

「緊係唔係啦，啊童話嚟同你打氣吖嘛，咁我咪跟住佢嚟囉，佢地知道我地嚟之後，又話要一齊跟埋嚟，咁跟住我就提議整個Banner幫你打氣，於是幾條友就跑落去文具鋪到買野再整囉。」Suki說。

「啫係如果唔係啊童話嚟，你地都唔會嚟啦。唉，對你班兄弟十分之失望，都係啊童對我最好。」

我看向一直笑而不語的啊童。

「冇冇用啊我教你啲野？」沉默已久的啊童開口問。

「唔。」我用力地點一點頭。

「咳，大家埋一埋嚟先。」教練這時開腔說。

「一陣先再傾。」我對他們說完後便去了集合。

教練循例Briefing，

說說剛才可取及不足之處，說完後很快便解散了。

「啊言，我地諗住一陣去慶功啊，你嚟唔嚟啊？」其中一位隊長問我。

「吓...唔啦。」我看向啊童。

「哦，同女朋友慶祝啊？唔阻你啦咁。」隊長說。

「殊！唔好俾佢聽到你咁叫佢。」我立即說。

「得啦得啦，開心啲啦，今日打得幾好，去慶祝啦。」隊長說。

「Bye Bye。」我說完便走向啊童。

「喂啊言，我地一齊去食夜晚飯慶祝下好無啊？」啊童問。

「好啊，大家一齊啱嘛？」我問。

「我得啊。」魚蛋說。

「喂！」Suki打了他的頭一下。

「做咩啊又？」魚蛋憤怒地問。

「你比個機會人地二人世界啦，咁唔識做。」Suki奸笑著說。

「乜野啊！！Suki！！你又亂講野。」啊童說。

「對唔住大佬，我突然諗起我一陣有啲野做唔得閒，嚟唔到同你慶功。」魚蛋聽到後立即說。

「我地都唔係太得閒。唔嚟啦哈哈。」Suki再補上一句。

「喂唔係啲，我冇所謂啲。」我說。

「得啱啦，兄弟既野，明啱啦，在心中。」啊正拍一拍我的心口說。

「嗶嗶嗶，我地兩個冇講過想二人世界啱，係Suki講咋，我地真係OK啱，你地可以嚟啱。」啊童急忙澄清。

「點好意思呢，阻人扑野要燒春袋啱，雖然我冇啫...嘻嘻。」Suki說。

「你又講咗去邊啊Suki，唔好再亂講野啦。」啊童鏈著Suki的頸說。

「你咁大反應...唔通你比我講中咗~」Suki無懼比啊童鏈死的風險，繼續說下去。

「收聲啊Suki！！！」

Suki聽到後不再說話，只是咯咯的笑。

跪求大家Follow我既IG: MaanYin05

## 98.

結果，我們一起去了慶功，不過是我跟啊童一枱，

而其餘人就自己一枱，理想當然地，

這個鬼點子是由Suki想出來的。

「你個Friend真係痴痴地線，冇啦啦迫我地兩個坐埋一枱。」我說。

「好委屈你咩？你好唔想同我坐埋一齊咩？」啊童板起臉問。

「唔係唔係，咁又唔係，我好樂意。」求生慾強的我立即說。

「撲...咁驚做咩啫，我問下咋嘛。」啊童忍俊不禁笑說。

「多謝你。」我收起笑臉說。

「嘩，我唔黓你你駛乜多謝我啫。」

「唔係啊，係多謝你呢幾個星期幫我訓練，又幫我搵你的舊隊友嚟同我比賽，如果唔係有你教我，我應該係你地嚟到幫我打氣之前就已經輸咗啦。」我說。

「哦，好小事啫，你之前都成日幫我啦。」啊童聽罷後說。

「你地食咩啊？」這時Suki走過來。

「吓，未睇餐牌啫，一陣同你講啦。」啊童說。

結果我便叫了一個咖哩豬排飯，而啊童則叫了一個滑蛋豬排飯。

不久後，侍應便把我們的餐點送上。

一早已餓壞的我倆急不及待地拿起餐具開始進食，

我將匙羹上的那口飯放入口中，

天那！人間美食，好L好食啊！！！！

反觀坐在我對面的啊童吃完後一言不發，

悶悶不樂地坐在椅上，放下了餐具。

「做咩啊？唔好食啊？」我問。

啊童點了點頭。

「有幾難食啊？」我問。

「難食到我食唔到第二啖。」啊童說。

「有冇咁難食啊？」我問。

「你試一啖囉。」啊童說。

「你喂我。」

「嘔，麻鬼煩。」啊童反一反白眼地說。

她拿起自己的匙羹，隨便「筆」起了一口飯，再遞進我的口中。

「咔嚓」在不遠處的另一枱傳來影相聲，成為了箱中第六張相。

「屌你條On9仔，做咩會開咗閃光燈㗎。」啊正罵魚蛋。

「Sor9ry囉。」

「影唔影到個一幕先？」Suki立即搶過魚蛋的手機。

「緊係影到啦！最Sweet個一幕就咁比我紀錄低咗。」魚蛋自豪地說。

「掂啊！」Suki興奮地說。

「Suki小姐，你放過我地啦好冇。」口裏還含著飯的我說。

話說回來，這家餐廳的滑蛋豬排飯，

是真的很難食，我吃完那一口之後，

就完全明白為何啊童會對它有如此評價，

甚至，我可以大膽說一句，

比我第一次整給啊童吃的那碗飯更難食。

「幫緊你留下美好回憶啊On9，唔係到時結婚冇相睇就唔好啦。」Suki揮動著魚蛋的電話說。

「邊個要同佢結婚啊！」輪到啊童不滿地說。

「好難講㗎~」Suki說。

「廢時同你嘈。」啊童擰轉面不理Suki。

「你碗飯，真係好難食啲。」我對啊童說。

「我宜家好嬲啊!!!我想入去鬧爆個廚師啊!」

「滑蛋豬排飯，我都整到比你食啦，駛乜出街食啫。」

「咁我諗住試下你整得好味啲定餐廳整得好味啲吖嘛...唔好提啦。」啊童苦惱地說。

「咦，你呢碗咩嚟㗎？」啊童隨即變臉，奸笑著問。

「咖喱豬排飯囉。」

「好似好好味咁啲。」

「咩好似啊...係超好味啊！」還未察覺到啊童陰謀的我天真地說。

「攞嚟試啖吖。」啊童說。

「欸。」我把我面前那碗飯推給她。

「真係好好味啲。」嚐了一口的啊童雙眼發光地說。

「我都話㗎啦。」我伸手欲取回自己碗飯。

啊童立即把整碗飯從桌上拿走，並保護著它。

「你食呢碗啦。」啊童指著那難吃得要命的滑蛋豬排飯說。

「唔...唔好玩啦，乖啦，比返碗飯我啦。」我說。

「唔！得！我要食呢碗。」啊童說。

「唔係啊，我啱啱做完運動好肚餓啊。」

「所以你咪食我個碗囉，食完就唔肚餓㗎啦。」啊童說。

「啊童啊~」

「又話鍾意我~鍾意一個人就應該比最好既野人啦。」

「次次都用呢樣野嚟蝦我。」

「咁睇嚟你都唔係好鍾意我啫，唉，原本我都想應承㗎啦，但係見你咁既行為，我又開始要重新考慮下啦，你知啦，我係想搵個錫我既人㗎嘛。」啊童裝作可惜地說。

「得得得，你食，慢慢。」我嚇得立即放棄。

「嘻嘻，多謝晒。」啊童眼見奸計得逞，立即拿起餐具開始進食。

可憐我要吃那碗滑蛋豬排飯。

戰鬥了十多分鐘，我終於把吃完了，

痛苦的我大口大地把水喝下去，

對面的啊童則津津有味地吃咖哩豬排飯。

吃完後，我們便回家了。

跪求大家Follow我既IG: MaanYin05

## 99.

下一場比賽是在考試之後，所以我整個十二月都可以休息一下，

專心溫習，為考試準備。

唉，你估我想溫書㗎咩，

比啊童迫咋，成日用我鍾意佢呢件事嚟迫我溫書，

話咩如果唔認真溫書，

就唔駛諗住再迫佢啫，

咁我邊有得揀啫...

「你唔好以為我唔知你諗咩啊！你宜家肯定係覺得啊，我迫你溫書啦，唔俾你打機啊。」她突然用手指篤我手臂說。

「痴L線你識讀心㗎？咁都比你知道。」比她看穿了心裏所想的，驚訝地說。

「哼，實乜講，專心啲溫書啊，唔好再亂諗野啊！」啊童囂張地說。

我唯有重新埋頭在書本中。

再過幾日，就是Sing Con初賽，

而由於只是初賽，所以是在午餐時間，在操場上舉行。

決賽則會在廿三號，放聖誕節假之前，

在禮堂中舉行，屆時全校都會在禮堂觀看。

經過一輪心思熟慮後，

我決定初賽要選一首能打動評判及同學的歌曲，

因為我初賽的目標是要成功晉身決賽！

在床上想了很久很久，究竟有甚麼歌，

是能打動評判，旋律又能吸引到路過的同學。

最終，我決定了，唱「有你有我」這首歌。

決定了要唱那首歌後，我便每天在啊童走後，

自己躲在房間中，拿著結他，

練習這首歌。

很快便到了十二月十六日，亦即初賽舉行的日子。

我帶著自己的結他上學，而不知道我會參加Sing Con的啊童看見我預著結他感到好奇。

「你做咩預住個結他啊？」啊童問。

「唔話你知，等你心思思~」我說。

「嚟啦，講啦講啦，我想知啊。」啊童搖著我的手臂說。

「唔講，一陣你咪知囉。」

「一陣...今日有乜野特別事啊？」

「都話一陣你咪知囉，忍耐一下。」我說。

「嘩，又蝦我。」啊童鼓起泡腮，裝作生氣地加快腳步向前走。

「喂，唔好行咁快啦。」我立即追上去。

「你快啲同我講！如果唔係我唔理你。」啊童回頭說。

「唔講。」我決定不再屈服於啊童的威脅之下。

「我唔理你㗎啦。」

「好啊。」

「我真係唔理你㗎啦。」

「唔好理啦。」

「咁我走㗎啦。」

「走啦。」

「你諗清楚...我真係唔理你㗎。」

「諗得好清楚，我唔會講。」

「你...你好野，竟然夠膽真係唔講。」她噉著嘴說。

「哈，終於比我贏返次。」我說。

「哼，唔睬你。」啊童賭氣地擰轉頭。

我們就這樣，各不出聲，卻並排而行回到學校。

「言哥，請問你今日諗住唱咩歌呢？」Marcus問。

「到時你咪知囉，Lunch time乖乖地去操場聽歌。」我說。

「哦，原來你係參加Sing Con！」啊童聽到後立即回頭大聲地說，令到全班同學也看著我。

「係呀。」我說。

「講開又講，我地識咗咁耐，好似都未聽過你唱歌喎。」肥強說。

「總之，操場見。」我對他們說。

跪求大家Follow我既IG: MaanYin05

# 100.

早上的那六節課堂，我一直都心不在焉，

人生第一次參加Sing Con，任誰也會感到緊張吧。

「萬浩然，你答。」上中文課時，老師點名叫我。

「係，諗緊。」我說。

「問題係咩？」我細聲問在旁的啊童。

「答案係孟子啊。」啊童反了反白眼，決定直接告訴我答案。

「孟子。」我回答老師的問題。

「非常好。」老師說。

「好緊張啊？」啊童問。

「梗係緊張啦大佬，要當住咁多人面唱歌嘞。」

「點解你要參加呢？」

「你諗下咪知囉。」我說。

「嘩，點諗到啫。」

「你諗真啲。」

「你唔好同我講係為咗...係因為我而參加啊。」啊童臉上一紅說。

「Bingo！恭喜冰雪聰明既周樂童成功估中我參加Sing Con既原因。」我說。

「...」啊童聽罷後，沒有任何反應，重新埋首於筆記之中。

時間來到Lunch time，

我草草吃了午餐後，便去到了預備室準備，

那間預備室是在操場的旁邊，能看到待會表演的舞台，

供參加者在預備室準備之餘，

同時能欣賞其他人的表演。

我拿下結他，自己試彈一次「有你有我」，

確保自己真的記得怎麼彈，

免得待會在台上突然忘記了下一個Chord是甚麼。

老實說，我只準備了一個星期，

我自己也沒有太大信心，只希望幸運之神會眷顧我吧。

不久後，Sing con初賽正式開始，

同學們比一個一個叫出去，有的唱得比某些歌星更動聽，

有些唱得比屯門公園的大媽更難聽。

基本上，初賽是不會有太多人乖乖坐下觀看的，

除了我的兄弟，Suki，以及啊童以外，

就只有小貓三兩隻乖乖坐著。（呢個係形容詞嚟㗎OK？慎防有人唔知咩意思，以為真係有幾隻貓坐係到聽人唱歌。）

操場的另一邊則是球場，可謂人山人海，

與這邊形成強烈對比。

漸漸地，預備室的人越來越少，一個又個地比司儀叫了出去，

去到最後，竟然只剩下我一個在預備室中等候。

「頭先既表演真係十分之精采，接住落嚟，有請我地今日最後一位參賽者出場，萬浩然有請。」司儀說。

我深吸了一口氣，拿起自己的結他，

從預備室中走了出去。

「拍拍拍拍拍！wuuu!!!」我的兄弟們拍手。

我走上台前，調整好咪高峰的高度。

「大家好啊，我係Form 3既萬浩然，今次想表演既歌係Supper Moment既有你有我，希望大家可以暫時停一停你手上做緊既野，就用Lunch Time最後呢幾分鐘，去聽我唱歌，放鬆一下，多謝。」

一個唔覺意又寫多咗啲無謂野...大家體諒下勿屌我拖故。

跪求大家Follow我既IG: MaanYin05

# 101.

嚟到呢一篇，好明顯就係講啊言唱歌啦，

作者係到希望睇既讀者，好好咁閱讀首歌既詞，

如果可以既話，我甚至鼓勵你地去Youtube聽下呢首歌，

如果唔係你唔會完全明白個故所寫既野，

話晒呢個故隨咗愛情之外，

我都希望可以勾起返大家中學既回憶，

呢首唔係一首情歌，而係一首可以令你回想起中學時期，

每個人都經歷過既野，

所以，乖啦，去聽完首歌先返嚟，

唔阻大家！

「Wu!!!」我的兄弟們歡呼。

但除了他們以外，就再沒有人有任何反應。

我也不理太多，開始自己的表演，

我彈奏著這首歌的前奏，用手按著結他的和弦，

動人的音樂從結他中傳出，

伴隨著前奏的完結，我便準備開口唱歌了。

**下午的天空正猛照著陽光**

**熱燙過的偏執**

**總再找不到明亮希望**

**Wo ho wo ho Wo ho wo ho**

我享受著這一刻，雙眼合上，把自己的情感投入到歌中，

**腦海裏泛起鐘聲響遍的禮堂**

在厚厚書本中口水流了幾多

罰企過的走廊

已寬恕了你那日輕狂

Wo ho wo ho Wo ho wo ho

我回想著這幾個月以來所發生的事，

你可會記起一首溫暖你的歌

如像往日你我

曾同行搗蛋班房

永不會哼的詩歌

為一次膚淺爭執激動流淚過

曾經跟啊童吵架，

曾經跟兄弟們上堂吃糖，

命運總會讓我們分開

確信有一天

緣份定會在某處等待

沿途能一起相擁

沿途能一起高歌

沿途能一起分擔激情和落泊

在人浪跌倒的你並不孤身走過

縱然，請比他們害慘，

但我始終很感激他們，啊正，魚蛋，肥強，Marcus，Suki，毛毛，當然還有啊童，

我睜開眼，看著他們，

唱出四隻字，

有你有我

張開了眼的我發現台下的人，變多了，  
除了兄弟們以外，  
多了幾雙陌生的眼睛看著我，  
欣賞著我的表演。

唱完第一段後，我將節奏加快，  
整個球場的氣氛有著明顯的改變，

**在校際比賽接應美妙傳波**

**為應付考試**

**把答案貼在同學背上**

**Wo ho wo ho**

羽毛球比賽險勝對手，  
跟啊童溫書的情境從我腦海中浮現，

**初戀難忘心痛**

**你可會記起害你哭崩半天的歌**

**如像往日你我**

**曾同行搗蛋班房**

**永不會哼的詩歌**

**為一次膚淺爭執激動流淚過**

**命運總會讓我們分開**

**確信有一天**

**緣份定會在某處等待**

**沿途能一起相擁**

**沿途能一起高歌**

**沿途能一起分擔激情和落泊**

**在人浪跌倒的你並不孤身走過**

因為有你們，令我的中學生涯變得有趣，

**沿途能一起相擁**

**沿途能一起高歌**

**沿途能一起分擔激情和落泊**

**命運總會讓我們分開**

很高興，有你們能為我分擔，

**確信有一天**

**緣份定會在某處等待**

**未來是一個沈重的包裹**

**合力同謀打開**

**在人浪跌倒的你並不孤身走過**

即使我們未來的路不一樣，

我們依然能夠互相扶持。

**有你有我**

整個球場突然靜了下來，

所有人都看著我，

仿佛在等待著我唱下一句。

我放下整在彈奏結他的雙手，

左手把咪高峰取下，右手伸開，唱出，

**有你有我**

「多謝。」我對著評判及台下的人鞠躬。

過了數秒，

「拍拍拍拍拍！！！」掌聲如雷，差不多整個操場的人都在鼓掌。

跪求大家Follow我既IG: MaanYin05

呢篇作者揸流灘，可恥！

## 102.

我在掌聲之中，離開了舞台，

背著結他走過去兄弟那裏。

「有冇走音啊？」我最關心的，當然是自己唱得好不好。

「唔好玩啦言哥，你唱得咁好，邊有走音啫。」啊正說。

「係咩...哈哈，唔係真係唱得咁好...」我話未說完，突然比Suki拉走。

「做咩呀，無端端做咩拉走我啊？」我不解地問Suki。

「我問你做咩就真啊！你唔係唱歌比啊童聽㗎咩？做咩唔唱情歌啊大佬，唱埋晒19Moment啲濕9歌。」Suki說。

「咩濕9歌啫，不知幾正，同埋我諗住唱首可以打動到評判既歌吖嘛。話時話，我都有話過係唱歌比啊童聽，你拉我過嚟做咩啫。」我說。

「屌你原來唔係扮㗎啫，唔怪得之你溝唔到啊童啦，唉。」

「做咩啫，講啦。」

「頭先小息既時候，啊童好開心咁走過嚟同我講話，你為咗佢參加Sing Con，跟住佢仲係咁係到幻想你會唱啲咩情歌比佢聽，又或者會係台上面同佢表白，又不斷問我知唔知你會唱咩歌，傻既都睇得出佢好鬼期待。結果呢，你走去唱有你有我。」Suki說。

「吓，唔會掛，我頭先同啊童講既時候，啊童仲好似好抗拒我為咗佢參加Sing Con咁，又冇乜反應咁。」

「所以你呢啲純情小毒L咪溝唔到女囉，啲女不嬲口講一套做一套㗎嘛，你唔係唔知啊嘛？」Suki恥笑我。

「係咁㗎咩？」

「係啊，信我啦，你唔見啊童頭先扁晒嘴咁㗎咩？」Suki看向啊童。

「吓，無啊。」我看向啊童。

「宜家緊係冇啦On9，咁易比你睇到咩！」

「咁你又望過去...」

「望緊啊童有冇懷疑我同你講啲咩啊！」

「咁講完未啊？」

「未，比我問埋最後一個問題先。」

「問啦。」

「如果你入到決賽你會唱咩歌？」

「吓，未諗過。」

「你諗住唱邊類型既歌吖。」

「情歌囉。」

「唔夠。」

「唔夠？」

「係要揀首甜到漏既情歌，記住記住。唔好再令啊童失望，如果唔係我就...」

「你就？」

「夠膽令我既好姊妹唔開心既話，我就殺！咗！你！」她用手刀勿頸的手勢。

「得得得，我保證唔會令佢失望，你放心。」我起步走回去。

「喂。」

「咩啊？」我回頭看著她。

「記得丞返啊童啊，暗示下自己決賽會唱情歌比佢聽又好，陪佢食下甜品又好。」Suki說。

「知道啦，愛情軍師。」我說。

回到去後，

「你地兩個頭先講咗啲咩呀？」啊童問。

「冇啊，冇講野啊。」

「你當我傻㗎？咁耐先返...講，你地頭先講咩？」啊童問。

「冇，Suki問我同你發展到點啫。」

「你估我咁易呃啊？我同你講，女人直覺好準㗎，你地頭先一定唔係講呢樣野。」啊童說。

「我屌~咁你都知？」

「哼，實乜講。答我！」啊童盯著我的雙眼說。

「秘密~唔講。」

「講唔講啊？」她突然伸手扭著我的耳朵。

「講...講，嘩漸...好痛啊。」我立即屈服，並向Suki投以求救的目光。

「講！啦！」

「喂啊童，我突然之間好想去廁所啊，陪我去吖。」看不過眼的Suki成功拯救了一條無辜的生命。

「算你好彩。」她臨走前不忘大力踩我一腳。

跪求大家Follow我既IG: MaanYin05

# 103.

放學時，啊童依舊不忘我比Suki拉走一事。

「究竟Suki同你講咗啲咩啊頭先？」啊童問。

「無啊，我地講個啲野唔關你事㗎。」我說。

「我唔信！頭先Suki仲一路講一路望住我㗎。」啊童狠狠地瞪著我說。

「你真係想我講比你聽？你唔好後悔㗎。」我說。

「你快啲講！」她又扭著我的耳朵說。

「痛...痛，我宜家咪講囉。」我說。

「你有三秒時間。」

「得得得，我宜家即刻講。Suki話俾我知，你呢以為我會唱情歌比你...」

「吓，佢唔係啊嘛，呢啲都講...佢冇同你講我我...我有...」啊童紅著臉害羞地說。

「你有咩啊？」佔了上風的我追問。

「冇野啦。」

「定你你想講，你想我係台上面同你表白啊？」我一語道破她心中所想的事。

「佢連呢個都同你講啊！？」啊童像是在後悔跟了Suki說這件事一樣。

「Suki仲話你頭先聽到我係唱有你有我之後，好失望咁扁晒嘴㗎，你真係好期待我唱情歌咩？」得勢不饒人的我繼續說。

「邊有扁嘴啫...」啊童急忙辯解說。

「真係冇？」

「咁真係失望㗎，又係你話為咗我而參加Sing con既，咁我咪諗住你會唱情歌比我聽囉。」啊童小聲地說。

「咁啫係你真係有因為我唔係唱情歌而扁嘴失望啦㗎？」

「嗯...」她害羞地點了點頭。

「咩話聽唔清楚？」

「係呀，我係有因為你唔係唱情歌而扁嘴失望啊，咁得未？」啊童比我迫得大聲地說，害得周遭的人紛紛看向我們。

「嘻嘻，你一早認咗去咪好囉，宜家搞到全世界都望住我地啦。」我說。

雖然我幾享受他們這種目光，就像是向所有人宣告著這個如此漂亮的女生，

因為我沒有唱情歌，而不開心。

「我憎死你啊萬浩然，成日蝦我。」她說。

「如果我入到總決賽既話，我應承你，我一定唔會令你失望。」我正色對她說。

「你係至好啊。」啊童說。

「你期待下。」我說。

第二天回學校便會宣佈能進入決賽的參加者，

你問我緊不緊張，當然，我緊張得整晚差點睡不著覺。

到了第二天，早會時，

我聽著司儀逐個逐個讀出同學的名字。

「XXX，XXX，然後係最後一個，係唱到成個操場靜晒既，萬浩然！」

「Yeah！我得咗啦。」我興奮地跳了起來，更興奮得抱住了啊童。

「我一定，會唱首你鍾意既歌，唔會令你再失望多次㗎啦。」我緊緊地抱住啊童。

「喂...喂，學校嚟㗎，你放手先啦。」啊童尷尬地說。

「係啲，Sor。」我放開手說。

「你開心都唔駛即刻攞住人㗎，記得我同你講過啲咩啦。」Suki說。

「得，我一定會照你所講既野去做。」我說。

回到家後，我立即上網找我可以Sing Con上唱的情歌。

「向孩子說愛情？阿波羅？邊首好呢...」

我一直坐在電腦前揀選歌曲，直到我遇上了----最後晚餐。

「就揀你啦。」我對著最後晚餐這首歌的歌詞呆笑。

跪求大家Follow我既IG: MaanYin05

Sing Con的總決賽在十二月廿三日舉行，

同時當天亦即聖誕聯歡會。

將會先在禮堂進行Sing Con，

之後才上班房，各班自由活動。

這一個星期以來，啊童每天也走來問我，

我Sing con 打算唱那首歌，

而我任由她如何嚴刑迫供，

我都絕口不提我的表演內容。

這一個星期，

每天，吃完晚飯後，

我都會自己一個躲在房間裏，

一遍又一遍，不斷地苦練著最後晚餐這首歌，

一邊背歌詞，一邊背著要彈奏的和弦。

一星期轉眼間便過去了，

很快便到了十二月廿三日，

我像上星期一樣，背著結他上學。

回到學校後，我便直接到了禮堂的後台準備，

途中卻給我遇上了Suki，

「喂On9仔，今日諗住表現啲咩歌啊？」Suki問。

「吓...我啊。」我心裏疑惑著應不應該告訴她。

「講啦On9，我唔似你啊，我唔會同啊童講㗎。」Suki說。

「唉好啦好啦，我今日唱最後晚餐啊。」

「屌你啊？你真係濕9 moment既忠實Fans嚟㗎，咁鍾意唱佢啲歌既。唉不過算啦，呢首都係情歌嚟既。警告你啊，唱得好聽啲啊，唔好令啊童失望。」Suki說。

「係既大人，我會㗎啦，無咩事既話，小人先行告退。」我說。

「加油。」她向我揮一揮手。

「好。」我說完後便拿著結他走到後台。

同樣地，我在後台抓緊最後機會練習。

由於這是總決賽，所以後台中只有十位能晉身總決賽的參賽者，

能在幾十人之中脫穎而出，

他們的實力也不可以忽視，

但我由始至終，目標都不是要擺獎，

而是唱歌給啊童聽，

所以不論他們唱歌有多好聽，

都不關我的事。

比賽開始，後台的人變得越來越少，

奇怪，點解...點解呢種感覺同畫面咁似曾相識㗎...唔好同我講，又係我做最後一個出場啊！！！！

去到最後，後台只剩下兩個人，

究竟會是我先，抑或他出場先呢？

「接下落嚟，我地有請XXX(作者唔想諗名)出場！！！」司儀興奮地說。

我屌！！！！我又要做最尾一個。

五分鐘過後，他也表演完畢了，

顯而易見，下一個出場的人，

將會是我。我拿著結他站起來。

「好啦！！！！最後一個壓軸出場既人，就係...萬浩然啦！大家俾啲掌聲。」

「拍拍拍拍拍。」禮堂上坐著的人在鼓掌。

我走出去，調整好咪高峰的高度，然後說，

「接下落嚟我想表演既呢首歌呢...」我一邊找尋著啊童的身影一邊說。

「係為咗一個好鍾意大海既女仔而唱既，佢上次仲差啲因為我唱「有你有我」而黐咗我，好彩無啫，哈哈。送俾你，最後晚餐！」

我看著啊童說出這番話。

跪求大家Follow我既IG: MaanYin05

# 105.

我咁樣算唔算，當著全校既面，同啊童表咗次白？

唉屌，唔L理，唱歌啦，

如果唔係到時讀者又鬧，啊童又黷我㗎啦。

同上次一樣啦，我都係希望各位讀者好好咁睇下歌詞，

最好就去Youtube聽一次呢首歌先返嚟啦繼續睇啦，

如果要聽既話，記得要揀冲天救兵個個Version。

「Wuuuu!!! 拍拍拍拍拍!!!」原本坐著的全校學生，均因為我的表白而變得興奮起來，

歡呼及拍掌聲不斷，啊童亦成為了眾人焦點，

(因為我剛才是看著她說出這番話，挺明顯的。)

**人無法走過每天**

我唱出第一句，禮堂亦瞬間安靜了下來。

**為求沒有帶著遺憾活到終點**

**就是你 讓感覺**

**從此不再簡單 平凡**

雖然我忙於彈奏結他及唱歌，但我的目光從未離開過啊童。

**到處也是彩色**

**只因歲月印有你我的足跡**

**情從未變 歷練了多少變遷**

我的兄弟跟Suki在台下帶頭舉起雙手搖動，

**還記得 當初的手臂**

**滿載了浪漫與歡喜**

**好比櫻花盛開日期**

我會替你統統儲起

願你沒有牽掛遠飛

在地平線上也有我為你打氣

去吧 我會永遠珍惜你

直到下世紀

漸漸地，台下坐著的人比他們感染了，一同高舉自己雙手擺動。

人無法走過每天

為求沒有帶著遺憾活到終點

就是你 讓感覺

從此不再簡單 平凡

到處也是彩色

只因歲月印有你我的足跡

情從未變 歷練了多少變遷

因為啊童的出現，令到我的人生不再簡單及平凡，

還記得 當初的手臂

滿載了浪漫與歡喜

好比櫻花盛開日期

我會替你統統儲起

願你沒有牽掛遠飛

在地平線上也有我為你打氣

去吧 我會永遠珍惜你

直到下世紀

我深吸一口氣，運氣丹田，用力唱出最後那幾句，

願某天分享這憶記

在遠處共你再希冀

道別重聚也有日期

你已為我寫上傳奇

願你沒有牽掛遠飛

在地平線上也有我為你打氣

去吧 我會永遠珍惜你

直到下世紀

「多謝你，周樂童。」我在台上說。

「Wuuuu!!!」台下的人聽到我這樣說自然會起鬨。

老實說，我這樣在台上表白，理應是會比記缺點，甚或小過，

所以其實我是鼓起了很大的勇氣去做這件事，

不過可能上次因為被誤會拍拖而要見家長時，兩位老師比老媽及周叔叔罵了個狗血淋頭，

他們怕再比我們的家長罵多次，所以完了Sing Con後一直沒有老師走來責備我。

回到正題，我就在一片歡呼聲之中下台，回到自己班的座位。

「嘩！頭先萬浩然同學既表演真係既精采又浪漫啊，唔知個位女同學有咩表示呢？」台上男司儀說。

「比著我係佢口中個位女仔，我一定冧爆。」女司儀一副渴望愛情的樣子說。

台下聽到他們這樣說後，自然又再起鬨。

啊童亦再次成為眾人的焦點，

比眾人所注視著，而啊童則一言不發，但嘴上的笑意卻藏也藏不住，

任誰也能感受到她有多開心。

過了大約差不多一分鐘，禮堂才再次安靜下來。

「好啦，經過我地評判既討論後，宜家我地就嚟頒獎啦。首先係季軍，恭喜XXX。」

「緊唔緊張啊啊言？」坐在我隔離的魚蛋問。

「緊張啲咩啊？」

「攞唔攞到獎囉。」

「吓，我又真係冇驚過嗰，反正我參加都唔係為咗攞獎既。」我說。

話雖如此，但好勝之心，人皆有之，

我心底裏或多或少，都希望能取得冠軍。

「到亞軍啦，佢就係，令到全場氣氛改變，利用呢個場去同自己鍾意既女仔表白既，萬浩然！！！」女司儀說。

聽到自己只得亞軍時，自然會感到失落，但我卻保持著臉上的笑容，上台領獎。

「恭喜你。」負責頒獎的校長跟我握手。

「多謝校長。」我恭敬地說。

跪求大家Follow我既IG: MaanYin05

## 106.

合照了一張後，我便重新回到自己的座位坐下，

卻給我看到坐在我前方的啊童又在扁嘴。

「做咩又扁嘴啊？仲唔滿意啊？」我壓低聲量問啊童。

「唔係啊。」

「唔係唔滿意咁你又扁嘴？」我問。

「我戥你唔抵啫，明明你應該係可以擺到冠軍㗎嘛，宜家你得個亞軍，你唱得咁好...無理由㗎！」啊童說。

聽到啊童為了這個原因而扁嘴的我忍俊不禁，輕輕一笑，

但心底裏其實窩心得很。

「笑咩啫你，人地因為你擺唔到冠軍而唔開心，你就走去笑人地。」

啊童趁老師不為意，快速轉身打了我一下。

「唔係啊，我唔係笑你啊，我係因為開心而笑咋。」我隨便說了個謊話。

「哼，你當我傻㗎咩，唔理你呀！」她說。

「吓..又唔理我。」

頒完獎後，我們便分班回到自己的班房，進行由班會設計的遊戲。

回到班房後，我們便開始玩遊戲，

我比三秒時間你地估下我地會玩咩遊戲，

三

二

一

狼人殺啊你老味，

我玩L咗兩年啦！

唉不過算，同班Frd玩，

玩咩都好玩既。

班會叫我地自己分組玩啲，

咁我地咪又係埋一組囉。

頭幾鋪都冇咩好講，

不過去到最後個鋪就精采啦，值得我係到講下。

(因為我地得七個人，所以會有兩個狼人，一個預言家，同埋守衛。)

話說我就抽中咗做狼人啦，而另一位狼人就係Suki。

第一晚。

「天黑請閉眼。」主持人說。

「狼人開眼。」我跟Suki對望著，

然後我指一指最多疑的Marcus，

Suki見到後就點一點頭。

到天光時，主持人就宣佈Marcus已死這一消息。

這時，在我身旁的啊童突然開口悄悄地對我說。

「喂啊言，我係守衛啊，你係咩啊？」她問。

「我？我係預言家囉。」我說。

「唔好呃我啊。」

「得啦，你記得之後每晚都救我啲。」我說。

「得啦。」

到了第二晚，Suki用手指了指啊童，

我卻搖了搖頭，並隨便指了指啊正。

失去了守衛保護的村民們，自然很輕易就比我們殺死了。

第二朝，真正的預言家開腔了。

「我已經搵到邊個係狼人啦。」身為預言家的魚蛋說。

「係萬浩然！」他繼續說。

「痴線點會係我啊？」我說。

「係囉，明明佢先係預言家。」深信不疑的啊童幫我。

「我好肯定，你就係狼人！」魚蛋說。

「得你一個好肯定啊？我話俾你地知，我琴晚用自己既能力Check到，我宜家百份百肯定Suki係狼人！」我說。

為求自保，我迫不得已出賣了Suki。

Suki聽到後滿面驚愕，因為她沒有想過我會出賣她。

「你好肯定係一個平民，又或者是狼人，為求自保先至走出嚟話自己係預言家！」我死咬著他不放說。

「你都痴線㗎，大家唔駛理佢，我地投死佢就啱㗎啦。」魚蛋不放棄，繼續追擊我。

「你地自己小心啲啦，投我你地就會少咗個預言家幫手㗎啦。」我說。

「噏一係咁，頭先啊言話Suki係狼人吖嘛，咁不如我地投死咗Suki先。」啊童說。

「好啊！我支持。」

看到啊童幫我，我當然不理三七二十一都要附和她。

「喂...我...我唔係狼人啊，唔好投我啊。」Suki這時開口自辯。

「你睇下你，聲都震埋，同埋啊，如果你唔係狼人既話，驚咩比我地投死啫。」我說。

結果，她便在我這個反骨仔的加持底下，比眾人投死了。

跪求大家Follow我既IG: MaanYin05  
2021DSEer 加油！

# 107.

為防大家唔記得，宜家場上面，

仲剩返我，啊童，魚蛋，同肥強。

第三晚，我殺死了肥強。

天光時，他們便比告之肥強已死這一消息。

「啊童，我琴晚已經睇咗魚蛋既身份啦，佢係狼人！」我說。

「千祈唔好信佢啊周樂童，我先係真正既預言家啊，我琴晚都睇咗你既身份，你係好人嚟㗎嘛。」魚蛋嘗試拉攏啊童。

「投死魚蛋我地就贏㗎啦。」我說。

「唔好啊，你投死我你就會輸㗎啦。」魚蛋急忙說。

「你有冇呃我？」啊童問我。

「冇啊，我都唔講大話既，我真係預言家嚟㗎，頭先都篤咗Suki出嚟啦。」我說。

「真係冇？」

「我好肯定冇。」我說。

「如果你咁呃我你就死硬。」她狠狠地瞪著我。

「喂喂喂...唔好信佢啊，我識咗條友兩年幾啦，佢講大話唔眨眼㗎，唔好信佢啊。」魚蛋嘗試作最後的勸阻。

「我要動議魚蛋。」啊童說。

聽到她這樣說後，我對著魚蛋邪惡地笑了一笑，然後說，

「我支持。」我強忍著興奮之情說。

「拍定手先。」啊童伸出手來對我說。

「Yeah！」我跟啊童拍了下手。

「好，遊戲完結，狼人勝。」主持人說。

「Yes！我地得咗啦Suki！」我興奮地走過去跟Suki慶祝，留下還未搞清楚發生了甚麼事的啊童呆坐著。

「吓，啫係點啊？」啊童問。

「啫係呢個故事教訓你唔好再比愛情沖昏頭腦，盲目咁相信你條仔。」Suki奸笑著說。

「拍定手先。」我伸出手來，對Suki模仿啊童剛才的動作。

「Yeah。」Suki配合地跟我拍了一下手。

「話咗你唔好信佢啲啦。」魚蛋向啊童抱怨。

「咁我點知佢夠膽死呢我啫。」啊童可憐地說。

「萬！浩！然！你竟然咁大膽呢我！」終於回過神來的啊童向我怒吼。

嗅到有危機的我立即奪門而去，

啊童則緊追在後。

直覺告訴我，全學校只有一個位置安全，

那就是，男廁！

於是我往男廁直奔。

「唔好走啊！」

「你捉到我咪唔走囉。」我說。

多得啊童之前跟我練體能，所以啊童未能縮短跟我的距離。

我順利走進男廁，就站在男廁門口後幾步的位置等著啊童。

幾秒過後，啊童便也到達。

「出嚟啊！」啊童雙手叉著腰說。

「我係唔出啊，你吹咩~」恃著自己在男廁範圍以內，啊童不敢進來的我囂張地說。

「你再唔出嚟，你一陣間會死得好慘㗎。」啊童說。

「驚你啊？你咪最多扭下耳仔，打下我~」連月來的「訓練」已經令我不再怕這兩種手段。

「最後機會，你一陣間唔好後悔啊嚟，宜家出嚟我唔整你。」

「唔.出.啊.」

「你係唔出咩嘛。」

她竟然，走了進來男廁！

強行把我拉出去。

「喂，你唔可以咁樣㗎。」正比她扭著耳朵拉出去的我說。

「哼，有咩問題啊，冇人見到就得啦。你死緊啦你，比我捉到，頭先仲咁串！」啊童說。

跪求大家Follow我既IG: MaanYin05

結果，我便在全班的見證下，

比啊童扭著耳朵拉進班房，全班看見後，

先是靜了一靜，

然後迅間迎來一陣爆笑，

笑得最大聲的，當然是我的兄弟們。

「嘩你兩個搞咩啊？玩SM咁刺激啊？」Suki火上加油說，令到全班笑得更大聲。

連班主任Mr Wong看到後也呆了一呆，給不出反應。

「周樂童你放開手先啦，有咩事坐低慢慢講，唔好郁手郁腳。」Mr Wong說。

啊童聽到後，不忿氣地瞪了我一眼，

然後才放開扭著我耳朵的手，

但卻伸出另一隻手來，把我拉回兄弟們那裏。

「喺啊童，大家呢就都係文明人，正所謂君子動口不動手，不如我地就，唔好打嚟打去啦，最多比你鬧幾句啦。」我說。

「唔！得！頭先你哋我都算！跟住仲要跑走，我話你知啊，我宜家好嬲啊！」啊童說。

「咁你想點吖？」我問。

「比隻右手我。」啊童命令我。

「想點啊你？」

「信我啦，唔會搞你。」啊童突然轉了語氣，變為柔聲細語地對我說，

轉變速度之快令我有點兒害怕。

「係咪㗎...」我半信半疑地把手伸出去。

怎料我還未伸直，她便牢牢捉著我的右手。

「嘩，屌你，咁L大力既。」我看著我動彈不得的右手說。

「食屎啦你！」她張口用力咬著我的手。

「嘩嘩...痛...痛，啊！！！」毫無防備的我，比迫感受著她驚人的咬合力。

過了整整五秒後，我的手才得以解脫。

你可能會覺得五秒很短，若你是這樣想的話你就錯了，

我的手在五秒後，出現了一個紅紅的牙印。

「嘩，你痴線㗎？」從未想過她會這樣做的我呆看著手說。

「哼，抵你死，呢個就當係頭先你跑走既懲罰。」啊童說。

「唉，啊言你就唔啱啦，頭先好好地做咩跑走啫。」魚蛋拍一拍我的膊頭說。

「喂你都痴線㗎，我頭先唔跑走既話啊，我死得仲快啊。」我說。

「講真，自首就係好過被人捉到既，不嬲都係自首判得輕啲㗎啦，下次自己做錯事，主動跪低同啊童叩頭認錯，大丈夫能屈能伸，咁咪可以免去皮肉之苦囉。」輪到Suki拍我膊頭。

「吓，但係我都冇做錯到。」我說。

「唉，你咁都仲唔知錯，你都係冇得救㗎啦。」肥強搖了搖頭說。

「你呀，為咗個濕9遊戲，失去咗女朋友既信任，你自己諗下值唔值。」Marcus接著說。

「會唔會啊...啊童你唔係咁小氣㗎可~你仲信我㗎嘛，係未？」我問。

「唔信你呀！以後都唔再信你。」

「吓，唔好啦，我以後唔呃你。」

「如果你宜家應承我一樣野，我就考慮下重拾返我對你既信心。」

「我應承你。」

「噏，唔準反口㗎。」

「得，唔反口。」我毫不猶豫便答應了她。

「好耶！放學去食心太軟！你應承咗我㗎啦。」啊童雀躍地說。

「成日顧住食食食...因住食肥你啊。」我苦笑著說。

「你理得我啫，人呢，就要及時行樂㗎嘛。」

「係啦係啦，請你食心太軟啦。」

跪求大家Follow我既IG: MaanYin05

「話時話，我地邊日去大澳啊？」我問。

「你地想呢？我每日都得閒。」魚蛋說。

「呵，毒L冇人約！」Suki恥笑魚蛋。

「屌，因為我最好個啲朋友係晒度吖嘛。」魚蛋說。

「好感動啊我地~」Suki裝作感動到流淚說。

「喂，講返正題，如果平安夜個日出嚟O唔Ok？」我問。

「平安夜？咪啫係聽日囉，我Ok啊。」啊正說。

「其他人呢？」

「得啊！」

「我冇問題。」

「兩位女士呢？」

「得。」

「我都得。」

「咁就聽日，係東涌到等啦。」我說。

到了第二天，我一早便起了床，

原則上今天的行程應該是跟旅行日那天一樣，

我同樣打算先跟啊童吃過早餐才出發，

但由於我不想再次遲到，

所以我六點便起了床，

然後打給啊童。

「喂啊童？起身未啊？」我問。

「做咩啊...」一聽就知啊童剛剛才睡醒。

「我地約咗今日去食早餐啊，你快啲起身啦。」我說。

「吓，不如算啦，好叻啊。」啊童說。

「咁呀...算啦，我去搵啊正同我食啦，反正佢應該都起咗身㗎啦，咁你自己去啦。」我說。

「喂喂喂...咁又唔好，宜家起身啦我。」啊童一聽到若她不陪我吃早餐就要自己去東涌，立即回心轉意。

何解？皆因她是個路痴，不懂得自己去東涌。

「門口等。」說罷我走出門口坐下等她。

轉眼間，啊童便從門內走出來，

衣著依舊是一條熱褲加件 T shirt，盡顯她那修長的身材。

作為一個稱職的男人，當然不會放棄任何一個女既機會，

結果，(經歷咗幾廿次)，我都係得到同樣既下場，

咪又係比佢鬧，喂講真，

比人鬧下就有得佢，唔係唔啊嘛，

咁抵既事，我唔做我都對唔住自己啦。

「喂啊，死變態！」

「咩啫，你唔著熱褲咪冇野囉。」

「咁熱啊嘛。」

「咁魚與熊掌不可兼得㗎嘛，唔怕熱，乖乖地著返條長褲咪無事囉。」

「我係鍾意著熱褲啊，你吹啊~」

「比人睇蝕晒。」

「咪就係比你睇蝕晒囉。」

「啫係證明你有吸引力！」

「廢時同你講，去食早餐啦。」啊童反了反白眼後說。

我們草草吃過早餐之後，便慢悠悠地，從餐廳坐車到達東涌。

「Yes！我地今日最早到！」我說。

「呵~欠，都唔知你咁早叫醒我做咩，宜家我地足足早咗成半個鐘啊，你話如果我擺呢半個鐘嚟瞓覺我仲會唔會好似宜家咁劫咩。」啊童說。

「仲未瞓夠啊你？你頭先係車上面宜家瞓咗好耐啦喎，仲搞到我成件衫都係你啲口水啊。」

「Sorry囉，我又冇心既，咁真係好劫咩嘛。」啊童說。

「係啦係啦，最多我宜家比個膊頭你挨下，等到佢地嚟啦。」我說。

話未說完，啊童便已經不客氣地將頭靠在我的肩膀上。

過不了多久，Suki便準時到達，

她看到這個畫面後，

自然又會展示出她高超的「看圖說故事」技巧，

誇張地亂吹一遍。

「玩地下情啊你地？哎哦，又浪漫又Sweet啊！」Suki說。

對於漸漸習慣了的我們，已經不會再給任何反應，

只是啊童不再挨著我，轉而走向Suki跟她聊天，

留下孤伶伶的我呆看著她們談天，

卻完全插不了話。

剩下的兄弟們一個一個抵達了，很快我們便齊人，

並正式開始了我們的平安夜大澳之旅。

跪求大家Follow我既IG: MaanYin05

## 110.

「齊人啦嘛？行啦啎。」我說。

「你識點去咩？」肥強問。

「有做資料搜集㗎嘛，好似你地咁咩。」我語帶諷刺地說。

「咁請問言哥，我地宜家去邊呢？」肥強問。

「去咗巴士站先，跟住坐11號巴士入去大澳。」我說。

「咁快啲行去巴士站啦我地。」啊童說。

「咪住先！我想問要坐幾耐㗎？」魚蛋問。

「好似係五十分鐘到。」我說。

「啫係差唔多成個鐘！？唉，今次仆街了。」他搖著頭嘆氣說。

「個日同咗你講㗎啦，又係你話唔怕要搭好耐巴士既，唔理你啦，我地宜家去搭啦。」

說罷我便往巴士站方向走過去，其他人亦緊跟在我後面。

好不容易終於等到有車，

上了車後我們便各自找了坐位，

而啊童更是一上車就立即閉目睡覺。

「你豬嚟㗎？馴咗好耐啦啎你。」我說。

「難得放假，梗係要馴耐啲啦，如果唔係有黑眼圈就唔靚女㗎啦。」啊童說。

「又唔見你之前個啲星期六比我馴晏啲，一大朝早就比你叫醒去打羽毛球。」

「咁練波好緊要㗎嘛，咁咪...唉唔講啦，馴覺！」她又再次借用我的膊頭。

大約五十分鐘後，我們便終於到達了大澳的巴士站。

「啊言，你個膊頭做咩濕咗一大片既？」Suki看到後疑惑地問。

「嘖，咪呢個人囉，擘大個口馴覺，流晒啲口水落嚟。」我厭惡地看著啊童。

「咩啫，咁咁咁...馴覺唔擘大個口點呼吸啊！」

「有...有冇膠袋...」我們的對話比魚蛋打斷。

「你又想嘔啊？」我問。

他點了點頭。

「走先啦我，你自己慢慢嘔啦，加油。」我一聽到他想嘔就速速逃離現場。

「唉，咁我地宜家去邊啊？」待魚蛋嘔完後我問。

「去咗做正經野先囉。」啊童說。

「啫係去個瀑布先啦。」我帶他們走向萬丈布。

「要行幾耐㗎？」Suki沿路走時問。

「吓，唔知㗎，應該唔會太耐掛。」我說。

「我唔想行啊！」Suki說。

「咁你不如唔好做呢份功課。」魚蛋插嘴。

「咁我冇諗過要行㗎嘛，我諗住好近㗎嘛，點估到原來嚟到之後仲要行多一大段路啫。」Suki說。

「唉呀Suki，好心你唔好咁懶啦。」啊童說。

「我點同你啫，平時做開運動，你緊係輕鬆啦。」Suki說。

「唉咁啦，我幫你預你個背囊，咁你咪會行得輕鬆啲囉。」啊童說。

「唔係幾好既，要辛苦你。」

話雖這麼說，但Suki未待啊童回應就已經把背包除下並交給啊童。

走了大約十分鐘，

啊童已經辛苦得氣喘吁吁，

相反另一邊的Suki則神情自若地走著。

看不過眼的我上前，從啊童手中一把搶走了Suki的背包，

而啊童看著我的眼神中，則流露出滿滿的感激之情。

「Wooo！好Man㗎啊言！」在後的魚蛋看到後說。

「Man條毛咩，我係比返個背囊Suki咋。」我把背囊遞回給Suki。

「喂，你係咪男人嚟㗎，竟然要個小女人自己預返。」Suki抱怨。

「我就係男人，所以我先唔忍心要自己鍾意既人辛苦！自己預返啦，你睇下你，行咗咁耐一滴汗都冇出過。」我說。

「算啦啊言，你比我幫佢預啦，佢平時又冇做開運動，仲要佢預既話，佢會好辛苦㗎。」啊童說。

「我有辦法。」我細聲跟啊童說，再跟魚蛋打個眼色，

跟我做了多年兄弟的魚蛋，當然清楚我在想甚麼

「Suki啊，你覺唔覺得你好似肥咗啊。」魚蛋說。

「吓，唔係掛？你認真㗎？」一聽到有人話自己肥，Suki立即緊張起來。

「唔，我都覺㗎，好似多咗啲脂肪咁。」我幫口說。

「冇理由㗎㗎，我不嬲都好瘦㗎㗎，點會突然肥啊。」Suki說。

「你知唔知點解你會肥吖？」我問。

她搖了搖頭。

「咁係因為你冇做運動既習慣！」看來啊童也猜得到我的想法。

「我不嬲都...」

「做人既野，唔好講以前，不咁嬲啫，我地放眼將來，想聽日瘦返？好簡單，等我教你，你預住個背囊，走完全程，最緊要出汗，順便練埋啲肌肉，包你落山既時候，身材Fit到爆。」我說。

「哈，你班on9，當我咁好㗎㗎，你地既詭計已經比我識穿咗啦，實在係太天真啦你地。」Suki說。

「喺唔係既，你望下啊童，你知唔知點解佢身材可以咁好啊？就係因為佢冇做運動囉。你想唔想冇仔溝你？想你就做返多啲運動，宜家就係個好機會啦。」我說。

「唉，自己預返啦我！」Suki聽到後也不好意思再將背包交給啊童。

「嚟，我同你一齊行！加油！」啊童上前翹著Suki的手說。

跪求大家Follow我既IG: MaanYin05

# 111.

沿路一直走了大約五十分鐘後，我們便抵達了目的地，萬丈布！

「嘩！！！好靚啊！」啊童一看到瀑布後便甩開了Suki的手，自己衝上次打卡。

不得不說，景色的確是幾漂亮的，

聽著流水聲，令人很放鬆。

作為一名標準的港女，

Suki當然也不會呆站在瀑布前面。

她拿出手機打開IG，

再仔細挑選一個靚靚Filter，

拍下瀑布，上載到Story。

「過嚟一齊影張相吖。」啊童拉著我的手走到瀑布前自拍。

讀者們，你地係咪覺得呢張相會成為箱入面第七張相呢，

嘻嘻，少年你地實在係太年輕啦，

由於我一開始好On9咁Set死咗個箱入面得十張相，

所以為咗留返啲Quoter，

呢張相，係唔會收藏係個箱到既！

「喂呀，啊童，我又要。」Suki看到啊童只跟我影相後說。

「唉過嚟啦，咁大個人仲好似小學生咁係到爭影相。」啊童沒好氣地對Suki說。

「咁我要趁你仲會同我影相既時候，同你影多幾張吖嘛。」Suki伸了伸舌頭說。

「吓，點解咁講？我之後都會同你呢個好姊妹影相㗎。」啊童不解地說。

「唉，可能有啲人遲啲拍拖，就會剩係顧住同男朋友影相，重色輕友，唔理我呢個好姊妹。」Suki看著我說。

「做咩望住我啫，都唔關我事。」我說。

「真係無你咁好氣啊，唔好成FF咁多啦，就算我之後拍拖都一定唔會忘記你，得未？」啊童說。

「聽住先啦，嘻嘻。」Suki說。

「喂係喎，講開又講，你地幾時先一齊啫？」八掛的Suki繼續追問下去，令到全部人都看著我，等待著我的回應。

「你問佢啦，問我做咩啫，做得既我都做咗啦。」我指一指啊童，他們於是將目光投向啊童。

「...」啊童裝作沒有聽到問題，自顧自低頭玩電話。

「周樂童小姐！請不要迴避大家既問題。唔準諗，即刻答！」Suki說。

「咩問題啊。」啊童依舊低頭看著電話說。

「唔好扮聽唔到喎，我地係問，你同啊言幾時先一齊啫。」Suki特地大聲地重複了一遍問題。

「唔知喎。」她說。

「咩唔知啫，明明個決定權係你到，你出句聲就得㗎啦，你諗住拖到幾時啫。」Suki說。

「唉算啦Suki，佢唔想講就唔好迫佢啦。」我說。

「喂，我宜家係幫緊你啊，你想唔想快啲做到啊童男朋友㗎？」Suki說。

「想，緊係想啦，但係佢既然唔想講，我都無謂迫佢啦。」我說。

「屌你，仲廢L過啲女。」Suki一臉厭棄地說。

「喂，唔好講呢啲啦，我地嚟係做功課㗎嘛，宜家快啲拿拿林搞掂佢啦。」魚蛋替我解圍。

「咁你仲唔擺出嚟？」Suki瞪著魚蛋問。

「係係係，宜家擺。」魚蛋說。

「呢到係上游，中游定係下游㗎？」魚蛋問。

「好明顯係中游啦下話，咁都要問。」Suki說。

「錯啦，呢度係上游！」啊童走過來糾正Suki的錯誤。

「噫...」

「咁河流個能量係大定細。」魚蛋問下一條。

「喺，呢題就真係識啦我，啲水流得咁L快，仲要咁L急，擺到明河流個能量就係大啦。」Suki說。

「又錯啦你，上游既其中一個特徵係河流能量細，好心你專心啲聽書啦。」我說。

「唔...算你平時同我溫習既時候有認真溫啦。」啊童聽到後說。

「哼，實乜講。」

跪求大家Follow我既IG: MaanYin05

## 112.

如是者，我們圍起來一起完成了那份功課，

最後只要拍一張大合照就完成。

「笑！」負責揸機的啊童說。

伴隨著「吓嚟」一聲，如此美景就這樣比收錄在電話之中。

拍完後，我們就原路走回去大澳。

「嘎...好奩啊我。」Suki說。

「剩返幾分鐘咋，頂埋佢啦，返到去之後我地一齊去食好西！」啊童為Suki打氣。

「喺不如咁，我見悶悶地，我地不如搵啲野玩吖。」Suki說。

「你想點吖咁？」啊正問。

「不如我地猜包剪揼，輸咗個個要幫贏咗個個預背囊。」Suki說。

「我唔參加！」我跟啊童一聽到她所謂的「遊戲」後，立即拒絕參加說。

結果，參加者有，Suki，魚蛋，及啊正。

「包，剪，揼！」Suki出包，魚蛋及啊正出揼，

「Yes!!!有人幫我預背囊！」Suki一看到其餘二人敗在她手上後說。

「你地兩個再猜，睇下邊個係輸家。」Suki說。

「包，剪，揼！」魚蛋出了剪，而啊正則同樣是出包。

「屌！冇可能㗎喎，明明我係全港包剪揼冠軍㗎，竟然會輸係你地手上！」魚蛋不甘地說。

「嘻嘻，咁係因為我係全球包剪揼冠軍吖嘛，你贏唔到我係正常既。嚟，擺住啦，唔該晒。」Suki把自己的背包遞給魚蛋。

魚蛋無奈之下，唯有替Suki背著，直到我們回到大澳為止。

回到去後，我們便一路遊覽，

趁著這個機會四處逛逛大澳，

品嚐一下不同的特色美食，又因應女生們的要求，

去找地方供她們打卡。

屌你老尾打卡打L咗成個幾鐘，唯L曬我啲時間，屌！（唔好意思激動㗎）

直到黃昏，我便提議坐船出海觀光。

找尋一下中華白海豚的蹤影。

他們當然沒有甚麼意見。

反而Suki及啊童則對我這項建議展示出強烈的興趣。

巴不得立即跳上船出海。

於是我們便去了購票，並在碼頭等船。

過不久後，船便到了。

我們逐一上船。除了我們幾個以外。

船上還有另外幾人。

船家見滿座後，便開船了。

啊童及Suki一上船，就像一個小孩子一般。

衝到了近窗的座位坐下，生怕有人把這個位子搶走。

一路上的風景沒有甚麼特別。

但正正是這種「簡單」「普通」的景色。

令我們十分放鬆，吹吹海風，閒話家常。

看著大海上的波浪滾滾涌動的樣子。

「又話有中華白海豚既？」啊童問。

「唔一定有㗎嘛，可能我地今日咁啱見唔到啫。」我說。

「吓...」啊童流露出滿滿的失望之情。

「唔好咁啦啊童，你過去吖，我幫你影相。」我嘗試分散她的注意力。

「又好啱。」她甜甜一笑。

果然大部分女生都喜歡拍照。

跪求大家Follow我既IG: MaanYin05

## 113.

啊童在船邊擺出不同的姿勢，而我則專心地為她拍照，

剛好，啊童所站的位置，是背著夕陽，

所以我能夠同時把夕陽美景以及啊童拍下，

「你擰轉頭睇下。」我說。

啊童聞言便轉頭，看見了夕陽落下以及一遍橙海。

「嘩...你快啲幫我影多幾幅相！」啊童說。

「宜家影，宜家影。」我舉起相機繼續為啊童拍照。

又拍了一輪後，我跟啊童提出先休息一會，

但啊童卻像是未拍夠一樣，意猶未盡，還想繼續拍，

坐在我們前方的Suki看不過眼，於是便主動提出說幫手。

「但係我有個條件㗎。」Suki說。

「係咩條件呢？」啊童問。

「就係要你同啊言一齊影。」Suki看著我說。

「哦，好啊，嚟囉。」啊童說。

但我卻還未反應得過來，呆站在啊童前。

「喂，過嚟啦，等咩啊？」啊童問。

「係囉，快啲過去啦，再唔過去我唔影㗎啦。」Suki說。

「嚟嚟嚟，宜家嚟。」我反應過來後說。

「搞咩啊你？」我經過Suki身邊時悄悄地問她。

「幫你溝緊啊童啊，快啦。」她回應。

「吓，咁都叫溝，影張相咋㗎。」我說。

「我話係就係啦。」

「得未啊，你兩個又靜雞雞係到講咩啊？」啊童不滿地說。

「係係係，Sorry大佬，問緊Suki點影啫。」我說。

「過嚟啦！」她一把扯我過去她身邊，再用手緊緊地箍著我的頸。

「好唔滿意啊宜家，下！叫你同我影相，行咁耐先行到過嚟，係咪想死啊你！」啊童說。

「喂...喂，放手先大佬！好緊啊...我透唔到氣！」我不斷拍打著她的手。

「我係唔放啊，當係懲...」她話未說完，前方就傳來「咔嚓」一聲。

「Perfect池啊，成功影到你地兩個最Sweet既Moment，仲要有個夕陽靚景係後面做襯托，結婚擺呢張相就啱晒！」Suki一邊看著那張照片，一邊讚美著自己的攝影技術。

「得啦得啦，知你勁啦，快啲幫我影多幾張啦。」啊童沒好氣地說。

「啊言你死開先，啊童你試下望住個海吖。」Suki猶如一個專業的攝影機，指導著啊童。

啊童聽到後不疑有詐，跟從Suki的指示，

轉身背對著我們，看著大海。

確保她轉了身以後，我便拿出一早已準備好的玫瑰花。

各位親愛既讀者係咪完全唔知發生咗咩事呢，

無錯啦，屢敗屢戰，不屈不撓，

誓要溝到啊童既我，打算又再表白啦！

時間返到去一日之前，

完咗聖誕派對，返到屋企之後，

Suki就Whatsapp我，

問我諗住幾時表白。

講講下，佢就話不如聽日表白啦，

仲話會幫我，

咁於是我用咗一晚時間諗點樣表白好，

最後，我就打算係黃昏既時候，

假借睇中華白海豚之名，

帶啊童出海，然後就係夕陽之下，

表個靚白，仲準備埋玫瑰花添，

真係諗起都覺得浪漫！

所以你頭先睇到，Suki主動問啊童幾時接受我，

都係我地既計劃嚟。

Suki主動話幫我地影相，亦都係我地既計劃嚟。

哈，我真係神機妙算，

自己都好佩服自己。想知成唔成功？等聽日啦你地！

跪求大家Follow我既IG: MaanYin05

回到現在，我悄悄地拿出玫瑰花，

站在啊童身後，

而此時的啊童仍然是懵然不知，

乖乖地看著大海。如果話我有緊張呢，

就呢你既，但係好老實講，

我都冇野需要驚，失敗咗咪下次再試囉，

反正佢都冇因為我鍾意而同我絕交，

甚至平時相處既時候連一啲尷尬都冇，

所以！我係絕對有理由相信，

佢係對我有好感，

只不過唔知係因為未準備好，又或者有其他原因，

所以之前先拒絕我啫。

全部人都看著我，連那些不相識的陌生人，

都大概猜到我想做的事，而注視著我。

「得未啊Suki？」啊童說。

「得啦得啦，等等。」Suki拖延時間。

我拍一拍啊童的膊頭，

「做咩啊？」啊童轉頭看著我問。

我舉起手中的玫瑰花，

「做...做咩啊？」啊童看到後呆了一呆。

「咩做咩呀，表白囉，咁都唔知啊！」我順口說出。

「屌你，識唔識㗎，邊有人咁樣表白㗎。」Suki忍不住說。

「挑，你理L得我啫。」連啊童也忍不住笑了起來。

「屌，認真啲，唔好笑。」我裝作嚴肅地說。

啊童聞言亦配合地收起笑臉，

可是卻輪到我忍俊不禁，笑了起來。

「又話唔笑。」啊童打了我手臂一下。

「我真係比你兩個激死，諗住好心幫下你地，呢個笑完之後，到第二個，唉。」Suki嘆了口氣說。

「嚟多次嚟多次。」我說。

我重新收好玫瑰花，啊童亦配合地重新轉身看著太陽。

我拍一拍啊童的膊頭，啊童轉頭，

「做咩啊。」

我拿起啊童的雙手，把玫瑰花塞入她的手中，

啊童一副滿臉期待我會說甚麼的表情，

「周樂童啊，我真係好好鍾意你，唔係...係愛你，你可唔可以做我女朋友？」我正色道。

啊童聽到後若有所思地看著我，然後在我耳邊說了句話。

賣下關子，唔話比你地聽佢同我講咗啲乜野。

我聽到後喜笑顏開，

「係咪先！唔準反口㗎。」我說。

啊童點了點頭。

「多謝你朵玫瑰花，好香。」啊童說。

「你想要幾多朵我都可以送比你。」

「我會記住㗎，唔好反口。」啊童說。

「勾手指尾，大家頭先講過既野都唔準反口。」我伸出手指尾。

「好啊。」她伸出手指尾。

「咁啫係點呀？」Suki一頭霧水地問。

「唔話你知啊~」我們異口同聲地說。

「咩你咁㗎，幫完你你就唔理我。」Suki說。

「真係唔好意思，呢個係秘密。」啊童待我回答。

「食屎啦啊童，你快啲同我講你頭先同啊言講咗啲咩啊！！！」Suki說。

「你自己估下啦。」啊童說。

「講啊！」Suki伸手「吱」啊童。

啊童咯咯笑地迴避著Suki的攻勢。

我們的旅程就在這片歡笑聲中完結。

跪求大家Follow我既IG: MaanYin05

# 115.

第二天，亦即聖誕節，我早早便起床溫習，

因為距離考試只剩下不夠十日，所以我一定要抓緊時間溫習。

「衰仔，你做緊咩啊？」老媽敲門問我。

「溫書囉。」

「你真係轉咗死性啊？以前叫極你你都唔肯溫㗎㗎。」老媽說。

「因為今次考試我想全部科都合格。」

「點解你突然之間會有呢個目標？明明你以前只求唔好留級㗎㗎。」

「唉你唔好理啦。」

「等我估下，係咪因為啊童啊？」

「...」

「啫係我估啱咗啦！有機會見到啊童都要好好多謝佢先得，難得有人可以令到你肯乖乖地溫書。」老媽說。

「係啦係啦，你自己搵機會多謝佢啦下，唔好阻我溫書。」我說。

「叮噹」門鐘響起。

老媽聽到後便走了去開門。

聽到關門聲後，

我出於好奇心想知道是誰按門鐘，

於是我便問

「喂，邊個嚟㗎？」

雖然口正在說話，但我的手卻沒有閒著，

依然在寫著筆記。

「...」沒有人回應。

「咦。」我心中雖然感到奇怪，但我可沒有空走出去看，

畢竟時間每分每秒都是十分珍貴的，

這次考試對我來說可謂極其重要。

「好努力啲~」突然我後面傳來一把女聲。

「係呀，緊係努力啦。」專注於課本中的我，不加思索便說出這句話去應酬她。

「咦！」越想越奇怪怎會有女生出現在我房中...

我抬頭看向後方，卻給我看見了笑盈盈的啊童。

「啊童？」我一看見她，原本正因溫習而愁眉不展的臉，頓時笑逐顏開。

「你死啦你，又話鍾意我，連我把聲都認唔出。」啊童調皮地說。

「咩啲，咁我好專~心咁溫緊書咩嘛。」我說。

「係啦係啦，知你勤力啦。」啊童說。

「係呢，你做咩過咗嚟既。」

「嚟睇下你有冇認真溫書囉。」啊童說。

「咁咋？」我有點失望地說，原本還以為她是想跟我一起過這個聖誕節。

「同埋，送聖誕禮物比你囉。」啊童說。

「吓...聖誕禮物啊？」我心虛地問，皆因我完全沒有準備。

「係呀，好出奇咩？」啊童問。

「唔...唔係啊。」我搖著頭說。

「你送先定我送先啊？」啊童問。

聽到啊童講呢句，我就知今次真係仆街了，

因為我真係完全冇Expect過佢會期待我送聖誕禮物比佢...

點算好？點算好？點算好？

我腦入面快速地運轉著。

「你送先啦。」我繼續我一貫既作風，採取拖延戰術。

「咪住先，你有冇準備㗎。」她以銳利的眼神看著我問。

屌，點解佢直覺咁準㗎？唔通真係女人既直覺係特別準既？

「有，緊係有啦，不過都係你送先。」我面不改容地說。

「登登登登！」啊童從她身後拿出一支羽毛球拍出來。

「羽毛球拍？」我從啊童手上接過那支羽毛球拍細細觀看，臉上所展現的笑容已經表明了我對這份禮物的喜愛之情，

事關我原本那一支羽毛球拍已經用了很久，

而且重量方面我覺得不太適合我，

所以啊童這份禮物簡直是完美極了！

「到你啦，你個份禮物呢？」啊童一臉期待地問。

仆街，送咩比佢好呢？

比一日時間我諗，聽日話比你地知。

跪求大家Follow我既IG: MaanYin05

# 116.

「我個份禮物啊？你等一等，我去個廁所先，出到嚟就送比你。你係度坐下先。」我逃往廁所。

走出房間後，卻給我看見在門旁偷聽的老媽。

「做咩你頭先唔同我講啊童嚟咗啊？」我壓低聲量問。

「係佢叫我唔好出聲，話要比個驚喜你既。都唔知你個衰仔前世做咗啲咩好事，竟然比你搵到個咁好既女仔。」

「你個仔我不知幾多人鍾意~唔講住，去廁所。」我走進廁所說。

「喂，你有冇準備返禮物送比人㗎？話晒人地專登準備咗塊球拍送比你。」老媽說。

我尷尬地搖了搖頭。

「咁你可以諗定點樣氹返人先啦，唔阻你。」老媽說。

我走進廁所，關好門，苦惱地對著鏡子不斷自言自語。

「送咩比佢好啊...送咩好呢送咩好呢？啊!!!點算好啊...」我環視著四周，心裏漸漸萌生出一個幼稚但不失為一份聖誕禮物的想法。

「噤噤噤，我真係，聰明絕頂，咁都比我諗到呢個方法。」

過了一會，我已經弄好了那份聖誕禮物，於是便開門走出去。

「We wish you a Merry Christmas ! We wish you a Merry Christmas and a happy new year !」我一邊大聲唱著，一邊走出去。

「做乜野啊你。」啊童看到用廁紙把自己包紮成一個聖誕禮物的我後，忍不住笑了起來。

「聖誕禮物咁嘛。」

「擺出嚟啦咁。」

「我咪你份聖誕禮物囉。」我用兩隻手比出一個心型。

「啫係你冇準備啦...」原本面帶笑容，一臉期待的啊童，一聽到我沒有準備禮物給她，

立即失望扁嘴，實在是我見猶憐。

「你咁諗就錯啦，我係有準備禮物既。」我死撐著。

「係咩禮物？」她臉上又重新展現笑容。

「你行近啲先啦。」我說。

啊童不疑有詐，起身走到我前方停下。

「仲唔送？」啊童問。

「準備好未？」

「快啦。」

我張開雙手，一把抱著啊童，

再在她臉頰上，蜻蜓點水式，溫柔地吻了她一下。

啊童完全呆了，給不出任何反應，

至少她並沒有說話。

我看不到她的臉，

但我能肯定她那比我吻過的臉已經變得通紅。

「放手啊。」她在我耳邊小聲地說。

「你怕醜啊？」我問。

「唔係啊...你快啲鬆手啊。」她開始掙扎著，可任她再大力，始終也大力不過發育中的我。

「你覺得你大力得過我咩？」我緊緊地抱著她問。

「喂啊！你又蝦我...」她見鬥不過我，索性放棄掙扎，轉為將頭靠在我的肩膀上。

我輕掃著她那一頭黑髮，

「我以後剩係蝦你一個，我唔蝦其他人，亦都唔會比其他人蝦你。」

「唔得！邊有男朋友會好似你咁蝦女朋友㗎？」啊童說。

「你放心，過多一個月，我就會成為第一個每日都蝦女朋友既人。」

「你唔好講得咁口響啊，到時你做唔到就好笑。」啊童說。

「你同我定啱，為咗你，我有咩做唔到啫。」我笑說。

「攞夠未啊？」啊童過了一會後問我。

「未，攞一世都攞唔夠。」

「咁你想攞到幾時啊？」雖然我看不到啊童，但我相信她剛才反了反白眼。

「你錫我塊面一啖我就放手。」

「如果你做唔到個目標咁我咪好蝕底？」啊童說。

「嘩，你初吻都比咗我啦，仲有咩好蝕...」我話未說完，臉頰就比啊童快速地親了一親。

「仲唔比我捉到你地！上次又話唔係拍緊拖，宜家就係間房到攞到實一實！」老媽不知從哪裏冒出來說。

我倆比老媽嚇得立即分開。

「此言差矣！我地真係唔係拍緊拖。」我立即否應。

「衰仔你收聲！我又冇話唔比你地拍拖，啊童我信你，你講，你地係咪拍緊拖！」啊童走到老媽的耳邊，說了幾句話，向她解釋了我們的關係。

「哦，唔怪得之你突然間咁勤力啦，我真係要好好多謝啊童先得。仲有你個衰仔啊，未同人拍拖就攞住人地，人地咪蝕晒比你囉。啊童佢下次如果再係咁既話記得同我講，睇我點打死呢個衰仔。」老媽「一輪嘴」說完幾句話。

「咩嘢，咁佢冇反抗咩。」我辯解。

「我有啊！」她扁著嘴說。

「之後咪冇囉。」

「仲話冇！你個衰仔真係咩。」老媽搖著頭說。

「係囉，我錯囉，下次齋錫唔攞囉。」我說。

她們兩個聽到我這樣說後，同時反了反白眼。

跪求大家Follow我既IG: MaanYin05

# 117.

「真係無你咁好氣，食咗早餐未啊啊童？煮早餐比你食吖。」老媽說。

「好啊，唔該Auntie。」啊童說。

「衰仔，去，煮野食比啊童食！」老媽說。

「吓，我要溫書喎。」我說。

「叫你去就去啦，咁多野講。」

「去啦去啦，唉。」我走向廚房。

「啊童你想食咩啊？」

「無所謂啊，你求其煮啲野比我食就Ok㗎啦。」啊童說。

「唔得，認真啲煮啊衰仔，唔好餓親我個未來新抱先得㗎。」原本已經離去的老媽，一聽到啊童這樣說，立即很大反應地走回來跟我說。

「得得得！我點會要我既小童童~餓親㗎呢？滿漢全席都整比你食啊。」我對啊童說。

「喂呀，你可唔可以唔好叫啲咁肉麻既名啊，同埋咩叫你既小童童啊！我唔係屬於你㗎！」啊童打了我一下後說。

「總之，你乖乖坐係出面等食，好快得。」我走出房間說。

進到廚房，我打開一包Pancake粉，

加水，溝混，拿煎Pan，開火，

將Pancake漿倒進煎Pan中，

成形後鏟起，一氣呵成，

這套動作看似很簡單，

實則上，真係很簡單。

「整咩啊你？」沒有耐性的啊童走進來問。

「點解你咁鍾意係我整緊野食比你食既時候走入嚟既。」我專注於煎Pancake，連正眼也沒有看啊童一眼。

「因為我...好奇心重囉！你仲未答我問題喎。」啊童說。

「整Pancake啊。」我拿起煎Pan展示給她看。

到我整完第二塊時，一直默默在旁觀察的啊童一把搶走我手上的煎Pan，

「擺嚟！我要試下，好似好簡單咁。」啊童說。

「你得唔得㗎...」我擔心地問。

「得㗎啦，有你睇住咪得囉，快啲教我點整啦。」啊童說。

「噏，你首先就倒啲Pancake漿落去個煎Pan到。」

「咁樣？」她那起裝著Pancake漿的碗，並全倒進去。

「喂喂喂喂喂！！！！太多...啦。」未待我說完，那碗已經變得空空如也。

「吓，係咩，我以為要倒晒落去吖嘛，你又唔提我。」她扁嘴說。

「都有乜野既，係大塊啲同埋要等耐啲囉。」我安慰她。

過了一會後，

「得未啊？」她問。

「唔，應該得啦。」我看一看那塊特大Pancake。

「你宜家就鏟起佢，然後放上隻碟到。」我繼續指示她。

「Yeah！！！！得咗。煮野食咁少事難我唔到。」啊童興奮地說。

「係啦係啦叻啦叻啦知你好L勁。」我把碟拿出去。

「喂！邊有人讚人用粗口讚㗎，我要你好真心咁讚多次！」啊童叉著腰說。

「嘩！！！」我瞪大雙眼看著她大叫一聲。

「做咩啊。」啊童比我嚇得彈了起來。

「好犀利啊你，你係點...點先整到呢個咁完美既Pancake出嚟㗎！」我激動地說。

「妖！又玩我！」

「你想要朱古力醬定糖漿啊？」我問。

「你想肥死我啊？要我食啲咁邪惡既野。」

「嘩，你都唔會肥啲啦，我兩支都擺出嚟，你自己揀啦下。」我把兩支醬拿出去放在桌上，然後再轉身走進廚房。

「你又入去做乜野啊？」啊童問。

「你等我一陣，我入去整多樣野比你。」我說。

我拿起可可粉，

加入牛奶，

煲一會，

倒入杯中，再放進幾粒綿花糖，就拿出去給啊童。

「登登！聖誕節點可以冇熱朱古力飲？配埋Pancake，簡直係人生一大享受。」我說。

「嘩！真係估唔到你會整熱朱古力啎。」

「比你估到就溝唔到你啦。」

「你到宜家都未溝到啲啎。」

「就快囉。」

「唔係啲，冇準備聖誕禮物比我，我仲嬲緊啲。」

「咪送咗囉，你唔鍾意我咩？」我指著自己問。

「唔係要你啊，我想要啲特別啲既禮物啊！」

「有咩禮物特別得過我！」

「快啲諗下啊！仲講笑！」她打了我一下。

跪求大家Follow我既IG: MaanYin05

## 118.

「禮物啊...唉，我諗下啦。」我苦惱地看著天花板說。

「唔好食咁急啊，好唔好食啊？」我看著正在狼吞苦嚥的啊童問。

「好食！」她抬頭看著我短短地回應了一句，然後又再重新低頭進食。

不消幾分鐘，啊童已經把碟上的所有食物都倒進肚中。

啊童把碟子拿進去廚房放進鏟盆，

穿上圍裙，開始洗碗，

「喂，你擺低啦，我洗吖。」我說。

「唔洗啦，你去溫書啦。」啊童說。

「咁我去溫㗎啦喎。」

「去啦，我洗完就入嚟同你一齊溫。」

「好啊。」於是我便走回去自己的房間，重新拿起書本溫習。

未夠一分鐘，老媽便已在廳中大叫。

「死仔！做咩要啊童幫你洗碗㗎，快啲同我死出返嚟洗！」

「吓，佢叫我溫書，比佢洗吖嘛。」我說。

「我理得你有咩理由吖，呢啲野點可以要啊童做㗎？出嚟啊！」

「唉嚟啦嚟啦。」我無奈便從房中走出去。

「我洗啦。」我未走進廚房，啊童便已經開口說。

「我啊媽迫我洗啊，你比我啦。」

「一係咁，你一路洗我一路考你考試個啲野，咁你咪可以趁呢段時間溫書囉。」啊童說。

「好喎，咁都比你諗到。」

「I am ready！」我穿上圍裙後說。

「開始啦咁。」

「好，第一題！地理題，請講出地震既原因。」啊童就像百萬富翁中的主持人一樣。

「版塊運動引致既。」剛剛才溫完一遍地理課本的我，想也不用想便說。

「啱啦。」

「下一題！」之後啊童就一直問我問題，直到我洗完碗為止。

「好，我地去溫書。」

「好！我同你講，今次我考試，一定可以全部科都合格！」我意氣風發地說。

「你係至好講啊，唔好宜家講得咁口響，到時收到成績既時候就喊晒咁走埋嚟。」

「所以我地宜家咪去溫書囉。」

我們就像平時一樣，在書桌前溫習，

熟讀著課本上的每一字每一句，

把整本書的內容都記進腦中。

整個早上，我腦中除了滿是書中的知識外，

更在暗地想著有甚麼禮物可以送給啊童，

究竟有甚麼禮物是夠特別而啊童又會喜歡的呢？

我心裏想了很久很久。

到了中午，我終於忍不住拿起電話，

走出大廳打給Suki求助，

好歹她也是啊童的好姊妹，

應該能知道啊童想要甚麼吧...我猜。

「喂，咩事啊？」Suki厭煩地說。

「冇啊，今日聖誕節咩嘛，咁...」我話未說完。

「你唔會係想約我出去掛？唔得！等我話比啊童知你想溝我先。」Suki說。

「你唔好痴線啦，我好專一㗎。」

「咁你打嚟做咩啊？」Suki問。

「冇，話說今日啊童一大朝早就走咗過嚟啦，跟住就送咗份聖誕禮物比我。」

「咁有咩問題啊？」

「個重點係，我冇預過佢會送禮物比我，咁所以我完全冇準備到禮物送返比佢，於是我成朝就係到諗啦，但係我就諗唔到，所以我就打俾你，問下你意見，睇下你有冇咩建議啫。」

「屌你唔L係啊嘛，點L樣溝女嚟你，比著第二個女仔拒絕咗你啦，On99咁等運到，屌！聖誕節連禮物都唔準備，想食到啊童都要用下腦㗎嘛，啲女咁易氹你都氹唔到，你不如死咗去好過！」她連珠炮發地說。

「係...係係，對唔住，我問題，Suki姐可唔可以先擺低你既憤怒，救一救小弟先。」我說。

「唉，又要煩到我，啲女嚟嚟去去咪都係鍾意個啲野。」

「點解你成日講到好似你唔係女仔咁。」

「屌你理L得我啫，嗱，唔好話我唔教你，啊童就鍾意食甜品既。」

「但係買甜品比佢食好似...好似冇乜誠意咁啫。」

「誠意？你同我講誠意，你係有誠意就唔會要宜家打俾我啦，自己又蠢，講咩野誠意啫，你都要有能力先有資格講誠意㗎嘛。」

「Suki姐可唔可以放一放過小弟，唔好再鬧我住先。如果我同佢整甜品呢？」我問。

「咦，屌你，又比你諗到啲唔錯既野啫，你揀樣佢鍾意食既甜品，同佢一齊整啦。」

「知道，唔該晒Suki姐。」

「拜9拜。」然後她便Cut了我線。

跪求大家Follow我既IG: MaanYin05

雖然比Suki係咁講粗口鬧，

但係同佢傾完之後，我終於諗到送咩禮物比佢好，

雖然我之前都整過心太軟比佢食，

但係今次佢都有份整，係唔同啲既。

但係，我屋企無要整心太軟既材料，

不過，我識一個叫文姨既人㗎嘛。

所以我打算吃完午飯後，就去甜品鋪，

向文姨購買所需要既材料。

「啊童你一唔一齊食晏晝啊？」我問。

「好啊。」啊童回應。

「啊媽你...」

「我唔食㗎啦，你地食啦。」我還未問完問題，就比老媽打斷了。

「咁食咩啊？」啊童問。

「拉麵？」

「好嘞！好耐冇食啦。」

「咁行啦。」我說。

到了拉麵店後，店員為我們拿來餐牌。

「你食咩啊？」我問。

「仲駛問既？緊係食返上次個個激辣拉麵啦，你呢？仲挑唔挑戰啊？」啊童問。

「不了，上次慘痛既經歷我至今仍然係瀝瀝在目。我食返個普通豬骨拉麵算。」

「你上次唔係好有型咁樣食完碗麵仲飲埋啲湯㗎咩？做咩今日湊底啊？」

「你都痴L線㗎，上次我就話因為啱啱識你，想溝你所以唔可以令你覺得我好廢啫，宜家我地都咁熟咯，你都知晒我底細啦，我仲扮乜L野啫，無謂辛苦自己。」

「你可唔可以有啲志氣啊萬浩然，扮下野都好吖，宜家直程講埋出嚟話俾我知你有幾廢。」

「真係Sorry，係呢件事上面我真係唔可以退讓一步，萬一我身體有咩事，我點照顧你啊？」

「實乜你照顧啊，我自己唔識照顧自己啊？」

「你連野食都唔識煮，咁都叫識照顧自己？」

「咁...你教我咪識囉。」

唛...開到口叫我教佢啲，

咁就得啦，呢份聖誕禮物包佢鍾意。

食完飯後，我們便走出拉麵店外。

「你記唔記上次我地食完之後，好似仲做咗啲野嘍。」啊童說。

「得啦，行啦，不過我地今日唔係個度食咁解。」

「吓，點解啊？」

「秘~密。」

「聖誕禮物？」啊童一眼便看穿了我的計劃。

「唔講。」

到達甜品鋪後，

我便直接往廚房大叫。

「文姨，攞野啊！」我說。

「係張枱到啊，你自己攞走啦。」文姨在廚房中叫出來。

聰明如我，當然一早已經告訴定文姨這件事，叫她先為我包裝好所需材料。

「哦，幾多錢啊？」

「唔洗錢啊。」

「哦，多謝文姨。」口中雖這樣說，但我手卻從銀包中取出一百放在桌上。

「走啦，Bye bye。」啊童說。

「再見。」

「咩嚟㗎？」啊童出了甜品鋪後，指著我手上，放著材料的紙袋問。

「聖誕禮物。」

「你又話冇準備既。」

「原本係冇準備既，因為我冇諗過你會送聖誕禮物比我，所以呢份係我啱啱準備既。」

「真係㗎？」

「係呀。」

跪求大家Follow我既IG: MaanYin05

## 120.

回到去後，我便立即把袋中的材料拿出來，並洗乾淨要用的用具。

「搞咩啊衰仔，整亂晒啲野，一陣唔該你擺返係原位啊！」老媽看到她的領土範圍(即係廚房)比我侵占了，不滿地說。

「得啦得啦。」我求其把她打發走。

「過嚟啦啊童，開始整啦。」我向啊童招手。

「所以我地係整乜野㗎？」啊童問。

我指著桌上的朱古力，然後說，

「你估下。」

「心太軟？」

「喺一半，係未整好既心太軟，我特登問文姨攞材料，返嚟同你一齊整㗎。」

「你識整咩？」

「上次我激黹咗你既時候，我咪去過文姨到，親手整過一個心太軟比你食既，我應該仲記得點整既。」我說。

「咁快啲開始啦！！！」啊童雀躍地說。

老實講啦，整野食，

嚟嚟去去都係個啲㗎啦，

咪又係好似今朝咁，倒晒啲野入去，

跟住搞混，雪凍佢，

之後就焗，焗幾分鐘就擺返出嚟，

搞掂。

易到啱啱學識行路天真無邪既個啲BB都識整啦講真...

我以為係咁，直到我遇上咗個同樣係天真無邪，

仲要已經識行咗唔知幾多年既少女，啱係啊童。

「喂喂喂，多得滯，唔好倒咁多！」

「唔係落呢個啊，係落呢個啊！」

「你攪得慢少少，太快啦！」以上所發生既野，都算，新手係咁啱啦，

但係最過份既，係佢竟然走去偷食啲朱古力！

「喂喂喂！唔好食啊！你宜家食咗啲朱古力，一陣個心太軟就無味啱啦。」我急忙阻止她，可惜一齊為時已晚，啊童已經吞下了那粒朱古力。

「吓，會啱？我...唔知咩嘛。」她吐一吐舌頭說。

呢個咁L可愛既樣，我又唔忍心話佢，

唉扁，又衰心軟。

「算啦算啦，一粒啫。」

「下一步要做啲咩啊？」

「用滾水坐熱，整熔啲朱古力。」

「咁我去擺滾水先。」啊童說。

因為我屋企用水機，

所以只要揸個掣就可以出到一百度熱水，對隻碗埋去就可以裝到水。

「啊！！！」在旁邊正裝著熱水的啊童突然發出痛苦的叫聲。

「做咩啊？」我立即放下手上的東西衝過去她身旁問。

「我比啲水淥親啊。」

「快啲去沖凍水先。」

「淩...好L痛啊！」左手正在沖凍水的啊童忍不住說。

「你第二隻手有冇事？」

「冇，係呢隻手淥親手背位啫。」

「點解你會淥親啱？」

「頭先我以為佢已經出完水啦嘛，咁咪伸手去擺隻碗囉，點知原來佢未出完，結果就淥親囉，好彩我縮得快咋，如果唔係應該傷得仲勁。」

「你仲講到好似好自豪自己縮得快咁樣，仲有冇咁痛啊？」

「沖咗陣凍水，好似好啲咁...」

「你繼續沖住先，我去問啊媽擺啲燙火膏比你。」

跪求大家Follow我既IG: MaanYin05

# 121.

她點了點頭。於是我便走出大廳去找老媽。

「啊媽，你知唔知啲燙火膏擺係邊啊？」

「你要嚟做咩？你淥親咩？」

「唔係我，係啊童頭先比啲滾水淥親啫。」

「吓！你地搞咩啊，做咩會淥親啫？」

「冇，我原本諗住搵啲野同啊童做下啦，咁咪試下整心太軟囉，咁整熔啲朱古力就要用到熱水焗，於是啊童咪去斟囉，點知就一個唔覺意比熱水淥親。你答咗我問題先啦，燙火膏係邊到啊。」

「你真係，以後點照顧人地吖你，真係同你老豆一樣，想當年佢溝我既時候，就同你一模一樣，都係傻更更，好遲鈍咁啫，都唔知點解我會嫁比佢。燙火膏係出面擺鞋隔離個櫃到啊，你去擺啦，我去睇下啊童點先。」老媽說。

「你啫係話我傻更更，好遲鈍啦宜家，唉不過算，幫咗啊童先。」我走出去大廳拿燙火膏。

成功找到燙火膏之後，我便回到廚房。

「陰公囉，下次小心啲，知唔知啊。」

「知道喎，唔該Auntie。」

「衰仔，你啊，下次唔好再要啊童做呢啲野吖嘛。」

「我點知佢斟下水都會淥親啫...」

「喂啊！都話唔關我事咯。」啊童不滿地說。

「係係係，唔關你事。得啦，以後呢啲咁危~險既事就交返比我做啦唉。」

「睇實啊童啊，衰仔，佢再有咩差池，因住我打死你啊！」老媽說。

「得！我保證會睇實佢！」老媽點了點頭，便出了去，留下啊童給我照顧。

「幫你搽下燙火膏啦，快啲好啫。」我示意她伸手過來。

「輕力啲啊。」

「得啦得啦，我細細力咁幫你搽啦。」說罷我便為她柔柔地輕搓著傷口位置。

「咁個心太軟點算啊。」

「你休息下啦，個心太軟我會整理佢啲啦，你坐定定係度，好快有得食。」於是我便獨自一人，完成餘下的所有步驟，最後就將心太軟放進焗爐焗它一會就大功告成。

「唉，以後都係唔好同你整野食，一陣間整整下又整親就唔好啦。原本見你今朝整個Pancake好似整得好開心咁，點知原來難少少既野就已經唔得。」

「都唔關整野食事，都話係個水機問題咯。」

「唉，係啦係啦。不過呢個心太軟你都叫做整咗30%既。」

「我同你講，就係因為呢30%，呢個心太軟將會變得好好食。」

「嘩，吹得就吹，冇冇你都係冇分別啲啦。」

「喂啊萬浩然，你可唔可以讚下我啲，一啲都唔浪漫。」

「唉，好勁啊好勁啊，點解可以咁好食啲，我未食都知道呢個心太軟會好好食啦，哎呀，我等唔切啦。」

「收唔收貨啊？」我說完後迅速轉臉問她。

「真係同你講都睇氣。」啊童搖著頭說。

「叮」在我們談話間，心太軟已經焗好。

啊童急不及待想拿它出來。

「痴線啲你，諗住徒手擺出嚟。果然都係唔應該比你入廚房。」我帶上防熱手套，把整盤心太軟拿出來。

「吓，好熱啲咩？點解你要帶手套既。」無知的啊童問。

「緊係啦，啱啱用百幾度焗完嚟呀。」我反了反白眼說。

我將整盤心太軟放在大廳的桌上。

「啊媽你食唔食啊？」

「唔食啦。」

「咁你食幾多個？」我問啊童。

「一個夠啦。」我把其中一件搬到碟上，遞給啊童。

啊童一接到自己的那件，就立即拿起叉子，

狼吞虎嚥地進食起來。

「喂，講咗幾多次啊，慢慢食啦，成日都好似下一秒就冇得再食咁。」

「咁係好味咩嘛。」啊童口齒不清地說著。

「知唔知點解啊？」

「唔知。」她搖了搖頭。

「因為你有份整嘍嘛。」我應她要求稱讚她，卻沒想到她為了我這短短的一句話，而笑逐顏開。

跪求大家Follow我既IG: MaanYin05

又一個唔覺意寫多咗啦，原本預寫一至兩章，

結果寫下寫咗咁多野，唉，失敗。

吃完後，我們便繼續溫習，

到了晚上，啊童便回去，

而我也終於有時間休息一下。

之後的那幾天，啊童都會過來找我溫習，

一起吃午飯，時間一轉來到十二月廿八日。

「叮」我跟啊童的手機同時響起。

「嘍，魚蛋Send野出嚟喎。」我斜眼看一看電話。

「睇下講咩先。」啊童拿起手機說。

「有冇興趣除夕唱通宵K？」

「我OK喎，我咁大個仔都未唱過K。」我說。

「但係...」

「但咩係咩，去啦。」

「四號就考試啦喎。」啊童把她剛才想說的句子說完。

「唉呀啊童，溫書之餘都要放鬆下嘍，去啦去啦。」很想去唱K的我不斷慫恿著啊童。

「咁啊...好啦。但係，有位咩？」

「你問下囉。」

啊童：有位咩？

魚蛋：有，我見到仲有所以先問下大家。

「咁去唔去啊？」我問。

「你係咪想去啊？」啊童問。

「係呀。」

「咁...我都去囉，帶埋本書去溫。」

「吓，帶埋本書去溫，駛唔駛啊...」

「緊係要啦，把握每一分每一秒吖嘛，人地唱緊既時候你咪溫書囉，有咩問題，反正人地唱緊既時候你都係等啱啦。」

「好大壓力啫，去玩都要帶埋本書去。」

「咁一係唔好去玩囉，係屋企繼續溫。」

「咁又唔好，去去去，帶埋本書去，聽晒你話，得未？」

「應承我，個日就算去到都要認真溫，好冇？」她伸出手指尾。

「唉，你話點就點啦。」我不情不願地跟她勾一勾手指尾。

「好啦，咁我地繼續溫。」

不久後，全部人除了Suki以外都答應了魚蛋的邀約。

魚蛋：點解唔得閒啊？

Suki：關你L事咩，總之個日我就唔得閒啦，冇野做。

「喂，你同Suki咁熟，知唔知點解佢唔去得啊？平時我地約親佢都會嚟啱啱。」

「吓，可能佢個日咁啱唔得閒呢。」

「我覺得唔係，平時佢就算唔得，我地問佢原因，佢都會願意講，但係佢今日唔肯啱。」

「咁你想點吖，再講，人地唔得閒關你咩事啫，你又唔係想溝佢。」

「咁八掛下都得掛，同理你唔想知你個好姊妹點解神秘秘咁啱啱？不如，你打比佢問下佢啦。」

「嘖，真係麻煩，成個八婆咁，咁八掛。」啊童拿起電話打給Suki。

「開Speaker。」我提醒她。

她反了反白眼後，打開Speaker。

「喂，啊童，做咩打俾我呀？掛住我啊？」Suki很快便接聽了。

「你做咩唔去唱K啊？」

「哦，你都有啊言陪啦，我去唔去都無所謂啦。」

「你有野做啊？」

「你唔好講出去啊下。」

「得啦。」

話雖如此，但其實我就在旁聽著。

「我最近呢識咗個靚仔。」

「咩話！」我倆忍不住衝口而出。

跪求大家Follow我既IG: MaanYin05

## 123.

「喂啊童！又話唔講出去既，點解啊言會聽到㗎？」Suki不滿地說。

「唔係，唔好講呢啲住啦，我唔知都知咗啦，你繼續講埋落去！」我一把搶過啊童的電話，對著它說。

「無，個日我就約咗個靚仔去倒數，咁難得約到個靚仔，我就唔會為咗你地而放佢飛機既。」

「喂！之前你又日日話我重色輕友，宜家你咪一樣係咁，剩係顧住個靚仔唔理我地。」輪到啊童把她的電話從我手中搶回去了。

「嘩，你都係因為啊言想去唱K，所以你先去啫。如果啊言話個日單獨約你出街，你仲會唔會去唱K㗎？唔會㗎嘛，冇仔陪緊係陪仔㗎啦，你都On9㗎。」

「緊...緊係唔係啦，如果你去既話我都會去唱㗎。」啊童急忙為自己辯解。

「你收皮啦，頭先我叫你去啊，你仲好唔情願咁㗎，又話咩要帶埋本書去溫，最後都係因為我話想去，所以你先至話去咋嘛，由頭到尾都冇提過Suki。」我說。

「你講咩啊！」啊童大力打了我一下。

「講真話都比人打...」

「唉，你兩個好L煩，總之我個日就要同個靚仔出街啦，唔會嚟唱K㗎啦，講完。」說罷她便Cut了我們線。

「喂！」啊童急忙喝止住她，可惜已經太遲了。

「你覺得係邊個嚟㗎呢？」我問。

「真係唔知㗎，完全冇聽佢提起過。」

「連你都唔知？真係提都冇提過？冇話覺得咩人好靚仔啊，諸如此類既說話啊？」

「好似...佢係有提過話某個師兄好靚仔既，但係應該佢地兩個係互不相識既，冇理由比佢約到出街㗎㗎。」

「師兄？中幾㗎？」

「我都唔知啊，佢都只係有一次好略略咁提過吓話有個師兄好靚仔啊，好想溝佢啊，咁咋。但係自從個次之後，就冇再聽佢講過啦。」

「唉算，唔講佢啦，溫書啦。」我說。

「叮」電話再次響起。

魚蛋：Book好咗啦，六點唱到第二朝五點。

「咁我地個日五點半到係呢度出發？」我問。

「好啊。」

到了當天，啊童依舊一早便來了我家跟我一起溫習，

到了五時半，我們便準時從家裏出發，

「你有冇諗過，如果，我係話如果，你想同我表白，你會唱咩歌啊？」

「吓，冇諗過。」

口裏雖這樣說，但其實我一早就想好了，

要唱「小傳奇」這首歌，但為了減低啊童知道的風險，

所以我是絕對不會對其他人說的。

「講時講，好似識咗你咁耐，次次都係我唱，都冇聽過你唱歌嘞。」我繼續說。

「哼，本小姐把金口係唔會隨便開㗎。所以你未聽過係正常㗎。」

「咁請問你一陣間會唔會開金口唱兩句呢？」

「唔知㗎，睇下心情啦~或者我心情好會唱下既。」

「好似講到，聽到你開口唱歌，係一件好困難既事咁破。」

「係㗎，因為我驚呢，我一開口唱歌呢，個啲唱片公司呢，就會攞住份合約嚟搵我。唉，但係我又唔想咁高調㗎，咁咪唯有少啲唱囉。」啊童裝作自己是迫不得已，才不能開唱歌。

「你放心，我都未有人搵，幾時輪到你啫。」

「收皮啦你，我啊，有樣有實力，不知幾多公司爭住簽我啊，你？最多咪得星夢肯簽。」

「喂！你咩意思啊！好侮辱㗎！話晒都攞過亞軍㗎。」

「如果我有參加啊，你得季軍咋傻仔~」

「嚟㗎，一陣我地各自揀首歌唱，再由佢地評分。好冇？」

「驚你啊？我驚你冇面咋。」

跪求大家Follow我既IG: MaanYin05

「喂！呢邊啊。」魚蛋向我們招手。

「齊人啦嘛，上去啦我地。」他繼續說。

「除咗唔嚟既Suki之外，其他人都到齊啦，行啦。」我說。

「等等！」遠處傳來Suki的聲音。

「咦，你又話唔嚟既？」啊童問。

「諗諗下，都係嚟啦，哈哈。」Suki竟然張開雙手抱著啊童。

「做咩啊你，係咪有咩唔開心啊？平時你都唔會攞住我㗎？」啊童疑惑地問。

「耐冇見你咩嘛。」她依然緊緊地抱著啊童不放。

「有幾耐啊，你地幾日前先見完咋咯。同埋，點解你好似唔同咗咁既？」我問。

「係咯，你個髮型好似唔同咗咁既。」啊童問。

「邊有啊，你地睇錯啫，入去唱K Luuuu！！！」她拖著啊童，興奮地走進去。

「咁，我地都入去啦。」魚蛋說。

服務員帶我們在那迷宮似的走廊中，左拐右拐，終於到達屬於我們的房間。

「我要點歌！」Suki一進到去房間便興奮地說。

「你係咪有咩病啊？平時都唔見你咁興奮㗎咯。」啊童問。

「冇野啊，真係冇野咯...難得一班人出嚟玩緊係要開開心心咁先得㗎嘛。」

「唉，讓你唱先啦。」我說。

「我要唱...不能說的...秘密！搵到啦！」

「唉...快啲唱啦，唱完到我啊。」我說。

## **冷咖啡離開了杯墊**

前奏完結後，Suki便開始唱這首歌。

「嘩你唱歌好聽咗咁多既？」啊童聽到後說。

Suki向她報以一個自信的笑容，然後繼續唱。

「佢以前唱歌好難聽㗎咩？」從未聽過她歌聲的我悄悄地問啊童。

「係㗎，都真係幾難聽㗎。」啊童說。

我點了點頭。

但當她唱到去最後一段的副歌時，

她竟然，哭了起來！

她撕心裂肺地唱著，投入了大量的情感，

用盡了所有力氣地，最後更哭不成聲。

身處房間內的我們不敢出聲，生怕只會幫倒忙，

令到Suki更傷心。

音樂聲停了後，沒有敢動身去點歌，

整間房間只剩下Suki的抽泣聲。

我跟兄弟們互相對望著，用眼神示意對方開腔，

安慰Suki，

可就是沒人敢出聲。

終於，看不過眼的啊童從袋中拿出了紙巾，打破了這僵局。

她將Suki擁入懷中，而Suki亦配合地抱著啊童，

乾脆把頭靠的啊童的肩膊上繼續哭。

過了好一會，她終於停止了哭泣，

「做咩事啊？無端端做咩喊啊？係咪個個靚仔蝦你啊？」啊童問。

她只是搖了搖頭，沒有回答。

「我有野啦，你地繼續啦。」Suki說。

「咁我地點首開心啲既歌！就皆大歡喜啦！」我說。

於是我們便真的唱了皆大歡喜，

而Suki看到我們唱時，亦破涕為笑，

跟著我們一起唱。

「你班痴線佬，邊有人唱K唱皆大歡喜㗎？」已擦乾眼淚的Suki說。

「你咪仲痴線，唱下歌唱到喊，嚇死我地啊。」啊童回應。

「咪係，比你打亂晒我既計劃。頭先呢，啊童就話，要同我鬥唱歌，睇吓邊個唱得好聽，由你地做評判。所以宜家，我就要點歌！你地話點咩歌好呢？」我走到點歌機前問。

「仲駛問既啊言？你唱返你表白既時候唱個首歌啦。」Suki說。

「你講最後晚餐？」

「屌你，唔L係濕9

Moment啊，連你表白既時候唱邊首都唔記得，叫你唱小...」她好像意識到自己說錯了話一樣，突然住了口。

旁人可能覺得奇怪，但身為當事人的我，更多的，是覺得錯愕。

「你...」我驚訝得說不出話來。

「得！我知你想講咩，呢個係秘密。」Suki打斷了我的說話。

「Suki我覺得你今日真係好奇怪。你快啲講，你有咩瞞住我！」

「冇啊，真係冇，你地又話睇下邊個唱歌好聽啲，快啲唱啦。」

P.s.關於本章Suki奇怪之處，大家可以無視佢，過多一年半載可能就明。

跪求大家Follow我既IG: MaanYin05

## 125.

「不如咁樣，為咗易啲判斷邊個唱歌好聽啲，我地唱同一首歌。好冇？」我問啊童。

「嚟吖，唱同一首咪唱同一首，反正無論點我都會贏你㗎啦。你決定唱邊首歌啦。」

「我決定？我驚一陣你又話唔公平㗎，你地揀啦。」我對其他人說。

「咁我點歌啦！宜家我地咪放緊聖誕節既，但係呢度就有五個單身狗㗎，咁我地不如就唱...」

「Lonely Christmas啊？」我打斷啊正問。

「錯！係零度聖誕！」

「啊童你識唔識唱啊？」

「得啦識唱啊，起歌！」

於是我便點了「零度聖誕」這首歌，與啊童開始唱了起來。

不得不說，啊童的歌聲的確很動聽，

可見她所言非虛，

之不過離有唱片公司主動簽她這個目標，

還有一段距離。我只好盼明年擁抱~ 我唱完最後一句。

「嗚，呢首歌，簡直係唱出咗我地呢啲毒L既心情啊。」魚蛋聽完整首歌後，以哭腔說。

「痴線，有冇咁誇張啊...」我問。

「你呢啲有女既人點會明白我地呢啲毒L㗎。」啊正回應。

「你溝返個咪有囉，你睇下，幾易溝，吹兩句水就搞掂啦。」我指著啊童說。

「你講乜野啊！我要再重申多一次，你係未！係未啊！溝到我㗎！」啊童說。

「仲爭少少吖嘛，得啦，啫係就快得囉。」

「屌，我警告你地兩個唔好再係我地面前耍花槍啊下，咁無人性既野都做得出。」啊正說。

「得啦，嚟，講下評語，邊個唱得好聽啲。」我說。

「啊童！一定係啊童唱得好聽啲。」Suki第一個發表自己的意見。

「喂！好唔公平啊，你完全唔係根據我地頭先既歌聲嚟判斷邊個唱得好聽啲既，你根本就單純係因為啊童係你既閨蜜而揀啊童既。」

「係呀，咁點咩，你吹咩~總之，我投啊童一票！」Suki說。

「你幾個，唔該，係要公平公正...」

「我投周樂童！」啊正率先舉手支持啊童。

「我都投佢！」魚蛋是第二位。

「多謝。」啊童聽到後說。

「喂！你地唔可以咁樣㗎！」

「收皮啦你！你頭先又有講過有咩準則，我話因為佢靚所以先投佢你都吹我唔漲㗎啦。我都投周樂童。」肥強說。

「喺Marcus，要客觀咁去做決定啊。」我游說著Marcus投自己。

「唉，見你咁慘，我投你啦。」Marcus說。

「多謝！」

「你得個一票冇L用咩，啊童有四票，恭喜啊童！！！」Suki說。

「都話我唱歌好聽過你㗎啦，一早同咗你講，你又唔信，宜家咪自己冇面囉。」啊童以贏家的姿態對我說。

「都話佢地唔係因為你唱歌好唔好聽而投你咯，唔公平啊！！！」我不服這個判決。

「好民主㗎我地，咩唔公平啊，一人一票。」啊童反駁。

「你班友...算！我自己點返首歌唱。」我們就這樣一路唱到第二朝才回家。

跪求大家Follow我既IG: MaanYin05

## 126.

人生第一次唱K仲要係同班Frd唱通霄，係幾開心既，

只不過開心完，就係痛苦既時刻啦，

因為...就快要考試。

普通考試都算，但係呢個考試，

可以話係我人生中最重要既考試，

仲重要過DSE... 你DSE考衰咗，

都係入唔到大學啫，

但係你仲有好多出路㗎嘛，

但係如果呢個試考衰咗，我將會失去我一生既幸福。

話時話，我好似到宜家都仲未同你地講究竟個日啊童同我講咗啲咩㗎。

相信聰明既你應該都約略估到啦，

冇錯啦，佢係話，如果我今次考試全部合格既話就做我女朋友。

原因係話咩驚拍拖會影響我學業啊，所以要我證明咗我唔會因為拍拖而荒廢學業先㗎。

雖然呢個理由比較奇怪，

但都睇得出佢係為我好所以先比呢個目標我既，

起碼我溫書既時候係咁安慰自己囉。

唉，返返嚟，既然佢定咗呢個目標，

即係代表我呢個考試就不容有失啦，

咁好自然，剩低呢三日，我就係日溫夜溫啦，

(如果大家仲記得既話，我係一月四日開始考試既。) 啊童都有嚟陪我既，

雖然佢其實根本唔駛再點溫都已經可以考到一個好好既成績㗎啦。

不過有佢係度，係會令我更認真咁溫既，

起碼佢會收走我部電話，強迫我專心溫書。

不過好似冇乜用咁，冇電話睇啫，

但係成個女神坐係我隔離嗰，雖然因為天氣逐漸轉凍，

佢冇著熱褲，我冇得睇腳啫，

但係望住佢個樣都夠啦，

啊童專心溫習個樣真係特別索啱啫！

算啦，同你地講你地都唔明啱啦~

話雖如此，即使有靚女陪，

咁樣日溫夜溫都係一件極辛苦既事。

終於！嚟到一月四日，

即係我考第一科既日子，

考既係西史！

一朝早就起身，精神奕奕咁就出門口，

同啊童一齊行返學。唔知係咪有溫書既關係，

我今日個人特別有自信，

連行路都挺既胸膛咁行。

走入試場，擺起支筆，聽住企係台上面既主考官講野，

趁住佢Check 卷既時候睇下份卷考咩，

哈，一打開，望到啲題目就知自己識。

「吔」開考。

我在試卷上飛快地寫著，原本還擔心自己不懂得回答考卷上的問題，

但看來我的擔心是多餘的。

每次踏入試場，時間就會過得特別快，

「吔吔吔吔...吔吔吔吔」考試轉眼間就結束了。

「點啊你？識唔識啊？」啊童一走出試場就問我。

「緊係識啦，如果咁簡單都唔識我不如退學算啦。」我笑說。

「咁...希望你收到卷之後唔駛退學啦下。我地快啲返去溫聽日個科啦。」

「聽日係考中史吖嘛？係咪呀？」

「係呀，有排你溫啊，幾十年既野你一日要溫晒。」

「真係諗起都覺得辛苦，不過...」我刻意停下，

引啊童問我。

「不過咩啊？」

「為咗你，我幾辛苦都肯做。」我看著啊童的雙眼說。

「你男人老狗，大庭廣眾講呢啲肉麻野，你慚唔慚尬啊。」她打了我一下。

「同其他人講可能會，但係同你講就唔會，因為我係真心既。」

「痴線佬，我唔識你呀！」她反了反白眼然後跑走。

「喂！唔準走！呢一世都唔準走！」我跟在她後面。

我都唔知點解我今日會打咗做口語，到我發現既時候為時已晚，要讀者們忍受我打口語，對唔住。

跪求大家Follow我既IG: MaanYin05

## 127.

最終啊童放棄繼續逃走，停了下來。

「嘎...唔玩啦，唔好再咁大聲咁講呢啲肉麻野，大佬你面皮厚啫，但係我唔係咩嘛。」

「唉唔玩你啦唔玩你啦，返去啦係咪呀？」我問。

「我去搵一搵Suki睇下佢有冇野先，之前唱唱下K係到喊。」啊童轉身走去找Suki，而八掛的我，當然亦跟著啊童走。

「喂Suki，考為點啊？」啊童問。

「都係咁啦，應該合格到掛。」

「你冇野啦嘛？」

「有咩野啊？」

「你前幾日唱K唱到喊喎，仲問返我有咩野？」

「痴線，我幾時同你唱過K啊，仲要唱到喊喎。我上次喊都唔知係幾耐之前啦，你係咪記錯咗啊？」

「咩啊，除夕個晚喎。」

「個日我咪同咗你講囉，我約咗個靚仔出去咩嘛，仲同佢一齊倒數添。」

「吓，但係你明明嚟咗同我地唱K㗎喎，唱到第二朝先走㗎喎。」

「你作故仔，都作得真啲咩，好心你啦。唉唔講啦，我返去溫書啊。」Suki說罷就離開了學校。

「喂！」啊童叫也叫不住她。

「唉算啦咁，我地都返屋企啦。」啊童見挽留Suki不果，於是便決定回家。

「好啊！」我回應。

之後那十幾天，每天我也過著同樣的生活。

考試，回家溫習，不斷重複，直到最後一天。

「呼，終於考完啦！」我攤在椅上，看著正步近收卷的考官，

低聲地自言自語。

待考官把所以試卷都收回後，同學們便開始執拾文具，

亦少不免會有人跟身邊的朋友竊竊私語，

畢竟辛苦了十多天，任誰也會想跟朋友分享考完試的那份喜悅感吧。

「點呀你地考成？」我走出試場後問兄弟。

「唉，好多都唔識啊，不過升到班咪得囉。」肥強垂頭喪氣地說。

「乜你咁冇大志㗎。唉，無前途，學下我咁，認真啲溫書，頭先個啲問題對我嚟講，易到我以為出卷個條友想我用份卷嚟練字啊。你睇下你咁，頭奩奩咁樣。你再望下我，挺起胸膛，雙目有神。」我自豪地說。

「收皮啦你，如果唔係我迫你？你點會溫書啊，講到自己好似好巴閉咁。」剛剛才走出來，恰好聽見了我那番話的啊童敲了敲我的頭說。

「哦~唔怪得之有溫書啦，原來係比啊嫂迫。」

「哼，邊個比佢迫啊？我自願溫書㗎。」

「自願地比人迫去溫書咩，明既明既。」

「唉係啦係啦，我係比人迫啦，咁點咩！好過你連比人迫既機會都冇！」

「你...你竟然片啲真野！？你一句說話就得罪晒呢度咁多個人...」

「片真野咪片真野囉，你吹啊？唔Gur咪打9我囉。」

我終於開到連登AC，已經擺咗個故上去，有AC既讀者唔該正個靚評，冇AC既宜家即刻開個AC正評，多謝。

跪求大家Follow我既IG: MaanYin05

## 128.

「好啊！你話㗎。」他們一聽到我這樣說，立即像獸性大發一般。

「兄弟們，上！Con 9 條粉腸！」魚蛋大喊。

四人合地抬起了我，一人捉著我一邊手或腳。

「喂喂喂喂喂！你地做咩啊！」心知不妙的我問。

「你叫我地打9你㗎嘛，宜家咪打9你囉。」Marcus說。

「痴線！我叫你打~我啊...唔L係Con我啊。」

「收嘍啦，頭先又咁串，我地鍾意點玩就點玩！」魚蛋說。

「嘩，救命啊~放我落嚟啊！」我大叫。

「用呢道門嚟玩，嚟嚟嚟，較啱位置先。」他們直接無視了我。

「喂啊童，幫幫手吖，你都唔想以後生唔到仔㗎嘛。」我轉向啊童求救，但一直在旁觀看的啊童則在與Suki嘲笑著我。

「哼，邊個要同你生仔啊~」啊童向我做個鬼臉。

「Suki！幫幫手吖。」

「幫你老母！大力啲撞！撞L到佢不舉就啱㗎啦。」

「喂！我同你講我不舉既...」

話未說完，  
我就已經感受到下體與大門的接觸。

被重重撞擊的痛楚，無止境地傳向我的大腦。

「喂！撞一下就好啦，唔好再嚟...」第二下，第三下，他們越撞越興奮。

直到第十下，他們終於決定停止。

「好，鬆手。」

魚蛋指示他們鬆手，令到我直接摔落地上。

「嘩，你班友都冇人性既，玩都算啦，玩完都可以放返我落地㗎嘛，你地就唔係既，直接鬆手跌我落地。」我從地上站起來說。

「走Luuu~去食野。」

「喂等埋。」我從後趕上他們。

我們之後便去了那間港式快餐店，

而這次啊童亦學乖了，叫了這裏的招牌菜，漢堡包。

反而我上次比啊童強行迫我吃雞脾飯後，

一試難忘，所以這次也叫了炸雞脾飯。

「喲，試就考完啦，不如我地搵啲地方去玩下吖。」我提議。

「你講咗我想講既野，去邊到好？」魚蛋問。

「再去多次石澳？」肥強建議。

「搵啲新既地方去啦。」Suki反對。

「咁呀...一係去長州？」我想起之前啊童曾經說過想去長州。

「好啊！我想去好耐㗎啦！」啊童說。

「你地有冇人有其他提議？冇就長州。」

過了幾秒，沒有人回應，於是我便繼續說。

「喲咁反正考完試，大家都冇咩野做㗎啦，不如我地Book間B&B，個日係長州過埋夜啦。」

「喂好啱！我贊成！」Suki回應。

「我地兩間房夠啦？」

「一間你同啊童，一間我，一間佢地。唔夠啱，要三間房先得。」Suki說。

「唔要啊！！我唔要同佢一間房啊！」啊童立即反對。

「唉得啦得啦，你同Suki，我同佢地咪得囉。」我說。

「喂啊言你係咪男人㗎㗎？我咁樣明幫你，你都自願縮沙，死廢柴。」

「我廢都唔係第一日既事啦，大佬比人打死咗就唔好啦，啊童痴線㗎。」我笑著對她說。

「你講咩啊！？」啊童怒吼。

「噏，睇到啦，幾惡啊？痴線㗎佢。」我笑著說。

冷不防坐在我對面的啊童一腳伸過來，大力踢了我一下。

跪求大家Follow我既IG: MaanYin05

## 129.

「喂喂喂，君子和而不同，就算我地持相反意見，都唔可以郁手郁腳㗎。」我一半正經地說。

「和你老母！」

「嘩，乜你咁㗎，連你未來奶奶都鬧既。」

「妖，唔同你講野啦！」說罷她坐了過去隔壁桌。

「你係咪衰呢，收下把口得唔得㗎啫？唉，真係麻L煩。」Suki說完後就走過去坐下。

吃完後，我們便離開餐廳。

而啊童離開餐廳後也跟我「和好」

(雖然原本就冇嬲過我，只係扮嬲。) 與他們道別後，

歸家路上又再次剩下我們二人。

「今日終於可以唔駛再溫書啦！」

「溫書呢啲野，係唔會有溫完既一日㗎，不進則退吖嘛。」

「吓，你唔會係諗住叫我今日都溫書掛？」我大吃一驚。

「欸！講笑咋！你睇下你，一聽到話要溫書個樣驚到。」

「嚇死我...以為你真係咁勤力，啱啱考完試都諗住繼續溫書。」

「溫書呢，就暫時唔駛溫住，不過好似就快要打羽毛球總決賽啦嗚，難得今日唔駛溫書，去唔去打下波？」啊童問。

「好嗚，順便試下塊新球拍。」

「咁我返去換件衫先。」

回到家後，我速速更衣，並拿出啊童送給我的那塊新球拍，

帶上一筒羽毛球，便與啊童出發去球場。

接連打了兩個多小時，回家時我們兩人都已經累透了。

「好爽啊今日！好耐冇連續打咁耐波啦！」啊童手舞足蹈地說。

「咪永遠都係得考完試個日去玩爽囉，之後個日派卷就唔爽㗎啦。」

一想到明天就會知道自己某些科目的成績，我就不禁擔心了起來。

「驚咩吖！你話過你今次大部份題目都識做㗎嘛，係未？」

「講係咁講啫，但係可能我充滿自信咁答錯晒呢。」

「你今次有溫書㗎嘛，我知你雖然成日都想偷偷地擺返部電話，又成日溫緊既時候發咗豆，溫兩溫就話要休息，但係我睇得出你今次有認真溫過書。努力咗咁耐，如果成績都係唔好，咁都有辦法㗎，唯有下次再努力啲，又或者我同你一齊搵下另一啲適合既溫書方法啦。總之，就算你今次都係考得唔好都唔緊要㗎，同埋你都考咗啦，就算點擔心都改變唔到啲分數，咁不如開開心心咁過埋呢一日去。」

「睇嚟我真係要向你學習一下呢種樂觀既心態。」我臉上重新掛上笑容。

「我只係因為係呢方面做得比你好，所以先可以做到一個樂觀既角色，去安慰你啫。換轉係其他方面可能就要你安慰返我㗎啦~」

「你有邊方面係衰過我啫講真。」

「總有既，總有啲地方係你優秀過我㗎嘛。」

第二天，是一個再正常不過的上課日，

但我的心情卻與平時不同，緊張忐忑，甚至比考試那幾天更緊張。

跪求大家Follow我既IG: MaanYin05  
因為IG過100Followers所以加更。

# 130.

要來的始終要來，學校鐘聲響起，就代表是時候收到第一份卷了，

中史卷。

我們的中史老師貫徹著她的生活理念-慢活一生，

遲了五分鐘才從教員室中，

不慌不忙地走過來。

「好，各位同學，我地今日就會對卷既，咁宜家就先會派咗問題紙先，講晒成份卷之後先會派你地份卷既。」

「嘖，快L趣啦垃圾，我剩係想知成績咋仆街。」看來不只得我一人對這個政策不滿，連Suki也抱怨著。

「好，同學我地嚟睇第一題...」

她就用了整整一堂半的時間，自顧自地講解著試卷，

卻沒為意到，班上有認真聽她說話的，

就只有寥寥數人。

終於，到了派卷的時間，

由於我的學號較大，所以我會排在眾人之後，

我戰戰兢兢地走出去，究竟我會第一科就失敗了，

抑還是成功了十分一呢？(我要讀十科)

「唔該。」我從老師手上接過卷來。

「三...二...一...打開！」我心中默念。

「Yes！六十三分！」我興奮地大叫。

好像這次是我人生第一次中史合格，

所以我在得知成績後特別高興。

我的兄弟們大都徘徊在四十至五十分之間，

亦代表我是五人之中最高分的一人。

「唉，份卷咁易都咁低分，你地真係失敗。望下我~輕鬆，亂寫啲野都有六十幾。」我自滿地向他們炫耀著自己的分數。

「收嘍啦。」換來的卻是魚蛋冷冷的一句。

「啊童，你幾多分啊？」自視過高的我打算跟啊童比拼一下分數。

「唉，唔好提啦，好差啊。」啊童苦惱地說。

「有幾差啊？最多咪低分過我。」

「得七十五分咋我，原本諗住上八成嘍嘛...」

她說完這句後，我才明白到自己跟啊童這位學霸的距離，

原本我心中的「非常好」，只是她心中的「很差」。

「...」我啞口無言。

「算啦，你同啊童都唔係同一個Level既人，你要比就同我比，大家成績差唔多先好玩嘍嘛，我今次就高你一分，嘻嘻。」Suki說。

「食屎啦你，咁都高我一分。」

「高你一分就要食屎，咁啊童咪好唔得閒！」

「喂，你講還講做咩要拉埋啊童入嚟講啫，我頭先句食屎啦，係針對你，剩係針對你咋！」

「你兩個可唔可以唔好為咗咁少事係度嘈喧巴閉啊，好無聊啊你兩個。」啊童為我們打完場。

「算，我大人有大量，唔同你嘈啦。」我對Suki說。

「駛乜你大人有大量啫，收皮啦你。」

「喂！」啊童再次喝住我們兩個。

之後那幾堂，每堂都有派卷，

雖然每次派卷之前都令我膽顫心驚，

但幸好總算有驚無險，目前為止所有科目都合格。

痴線我想知呢幾人日啲Click rate係咩事，一飛衝天咗，

係唔係因為我放咗上連登，搞到好多人過咗嚟睇(笑  
跪求大家Follow我既IG: MaanYin05

# 131.

就在彈指之間，幾日便過去了，終於到了最後一科，

西史。明明西史是最早考，

但卻是最後一份派的試卷，真奇怪。

「今日我地就會派卷，我會先派咗問題紙，講解完之後，先至派你地既答題簿。」八婆禮說。

「屌，點解個個老師都咁鍾意咁做嘍，就唔可以比我地知咗分數先嘍咩！你同我地講咗分數先，之後你咪慢慢講飽佢囉。」急於知道成績的我，不滿地抱怨著。

「咪係囉，反正無論點我都唔會聽佢講野嘍啦。」Marcus說。

「好，第一題...」

此刻的我，第一次體驗到了何謂心急如焚，

緊張，期待，興奮卻又擔心，

幾種不同的心情混雜在一起，坐立不安。

這種狀態歷時接近一小時才結束。

「好啦...我地講完卷啦...宜家派卷啦...順學號出嚟擺。」八婆禮說。

雖然，當天我曾經說過西史卷十分簡單，

但心裏卻總是感到十分緊張，拖著在抖的腳走出去，

雙手牢牢地接過份卷，

「唔好唔合格...唔好唔合格...」我口中不停默默地唸著，直到回到座位。

「你噏咩9啊！好L煩啊。唔合格咪唔合格囉，屌！」Suki聽到後不耐煩地說。

「你呢啲不求上進既人點會明啫。」我不忘回嘴。

「想溝女咋掛。」Suki說。

「痴線，我係為讀書而求合格嘍。」

「啊童講晒比我知啦，要合格先應承你吖嘛。」

「啊童！做咩要講比佢知啊？」我轉頭問啊童。

「嘩，講比佢知咪講比佢知囉，有咩唔講得啫。」

「唉唔好講呢啲啦，你快啲打開份卷睇下合唔合格好過啦。」Suki說。

「又啱啫。一係咁，啊童你幫我睇，然後你再同我講個成績㗎。」我將試卷遞給啊童。

「睇過~」啊童接過試卷，打開看了一眼。

「點呀點呀？得唔得呀我？」我緊張地問。

啊童面露憂色，搖了搖頭，然後說，

「我都知你盡咗力㗎啦，唔好太灰心啦。」啊童拍一拍我膊頭。

「嘩...你又係慘啲既，去到最尾一科先至唔得。下次加油啦。」Suki從啊童手上搶過我份卷，看了一眼後說。

「啫係唔合格啊我？」我失望地問。

「你自己睇下啦，滿分係八十分。」Suki把卷還給我。

我看著卷上，八婆禮的筆跡，

呆了一呆，分數欄竟然是寫著五十五分。

「仆...你個街吖！你地玩9我！」我開心之餘，不忘向她們怒吼。

但她們已經在一旁捧腹大笑著，完全無視了我對她們的責罵。

「頂你個肺...啊童，咁係咪即係...」

我用手指一指自己，再指一指啊童，然後再擺出一個愛心。

跪求大家Follow我既IG: MaanYin05

## 132.

「Wuuuu，啊童有咩表示先~」Suki在一旁加把口說。

「咩事咩事！」啊正問，連帶兄弟們也加入了討論。

於是Suki便向他們解釋了一遍。

「哦！咁即係有人要請我地食出Pool飯啦啫。」Marcus說。

「係咪想食出Pool飯啊？我都想請你食吖，可惜啊童都宜家都未有任何回應啊。」我說。

大家的目光又再重新落在啊童身上。

「咩...咩啫，咁至少都嚟個有啲誠意既表白先得啫...」啊童紅著臉，急忙說。

「嘩~」我們眾人聽到她這樣說後，不約而同地說了聲。

「唉，即係又要諗點表白...」我說。

「喂萬浩然，溝女係咁啫啦，男人老狗成日係到唉聲嘆氣，煩唔煩啲啊你？」Suki說。

「你點會明...唔係啫，之前話咩識咗個靚仔啫啫。喂唔好講我住，你同個靚仔發展成點先。」

「係囉係囉，我都想知啫。」啊童說。

「吓...個個靚仔啊...」Suki少有的感到害羞。

「哈，平時成日笑我，宜家輪到你怕醜啦？」啊童說。

「你地幾個！傾咩野計啊？傾得咁開心？去留堂班慢慢傾好冇？」正當我們說得興起之時，八婆禮大喝，打斷了我們的對話。

「唔好唔好，Sorry Sorry，唔傾唔傾。」我立即補救，我可不想再去留堂班。

那天放學後，我們全部人一起去了甜品鋪討論一下去長州玩的安排。

「咁所以我地邊日去？」啊正問。

「今個星期六同日？」我提議。

「唔好啦，星期日會好多人，反正我地嚟緊個個星期五係教師發展日，我地放假，不如我地星期五同六去囉。」啊童說。

「就咁決定啦，我宜家book啫啦，兩間房吖嘛係咪呀。」

「吓得兩間房點扑野啊？」Suki問。

「Suki姐，放過我地啦好嘛？」我沒好氣地說。

「你地唔會係諗住玩柏拉圖式愛情掛。野都唔扑？你冇性慾㗎？你唔打飛機㗎？」Suki連珠炮發地問。

「屌你，咁你食咗個靚仔未啊？問問問！」我忍不住向她「回禮」。

「吖你講開真係火都嚟，暗示極佢佢都好似冇反應咁。」Suki竟然坦白地說。

「可能係人既問題喎呢個。」啊童想也沒想就立即衝口而出。

「係咪想死啊啊童！」說罷Suki雙手無間斷地吱啊童，幸好食物剛好到了，才化解了這危機。

「鬼叫你玩我地先咩~」啊童在Suki停手後補上一句。

「我認真㗎喎，你諗唔諗住生個肥肥白白既BB仔比我玩下㗎？」

「拖都未開始拍講到咁遠做咩啫你，食野啦你！」我說。

跪求大家Follow我既IG: MaanYin05

## 133.

回到家後，我便速速開電腦預訂一間在長州的B&B。

「星期五同六...兩間房...搞掂！」我坐在電腦前說。

「呼！又要諗點表白，好煩啊！」我軟攤在椅上，絞盡腦汁地苦苦思索著。

唉，上次表白我已經係諗到頭都大埋，宜家仲要諗多次點樣表白，

雖則話無論我點表，啊童都會接受我啫，

反正今次表白既目的都已經唔係為咗同啊童確認關係，

而係想留個美好回憶比啊童同自己，

但正正係咁樣，所以我先想比個驚喜得嚟又浪漫既表白啊童，

我又唔可以同上次一樣... 咁係呢個時候，

自己諗唔到，緊係要搵人幫拖啦。

「喂Suki。」

「諗唔到點樣表白啊？」她一眼就看穿了我的意圖。

「呃...係呀。」

「唉屌，啫係又要本小姐嚟幫你啦。」Suki略帶不滿地說著。

「咁我真係諗唔到咩嘛，咪嚟問下你意見囉，你都唔想你既好姊妹失望㗎嘛，係咪？」

「屌你，要我幫就要我幫啦，乜L野問下我意見。」

「係係係...」

「有咩條件你係覺得必須要有㗎？你講完之後我地再諗下可以點做去符合呢啲條件。」

「最好係黃昏睇到日落既時候，個地點要望到個海既。」

「仲有冇？」

「我諗住唱首歌比啊童聽？你覺得好冇？」

「唔好再唱濕9 Moment唔該，只要係情歌都OK既我諗，之前見啊童好似都幾鍾意聽你唱歌。」

「咁你覺得我可以點做，我又唔想太明顯同佢講，『我宜家同你表白啦咁樣。』」我說。

「啱係你又想要有驚喜，又想做齊晒上面講既野。好高難度嗱...乜你咁多要求㗎。」

「唔高難度都唔駛搵你幫手啦。」

「一係咁...」她開始向我說明著她想到的計劃。

為咗保持返神秘感，我係唔會係度同各位讀者講。

「Ok嗱，冇問題，就咁決定啦，咁我一陣同埋佢地講。」

「你真係麻L煩，仲有冇其他野啊？」

「冇啦，遲啲請你食返餐飯啦，唔該晒。」

「拜9拜。」她說完便Cut了我線。

基本上一齊也準備好了，如今我要做的，

就是練熟表白時要唱的歌，

小傳奇。

於是我又彷彿回到了考試前歌唱比賽的那段日子，

但不同的，是時間變得更緊迫，

我只得三日時間去練習，

所以我要抓緊機會。幸好這首歌我已聽了上百萬次，

歌詞也熟透了，唯一的難題是要自彈自唱，

要在三日內幾熟和弦可不是一件簡單的事，

但是！若一個人有足夠的動力，

世上就根本沒有一件事能難倒他！

不過我冇。

講笑，這幾天我完全沒有碰過電腦上的遊戲，

沒有做其他事，只專注於練習上，

簡直是拼了命的去練，

為的，就是星期五的來臨！

跪求大家Follow我既IG: MaanYin05

# 134.

終於，到了星期五，一切也準備就緒。

而表白要用的結他及一束玫瑰花則會由Suki帶進來，因為我不想比啊童知道我會在這天表白，所以我不方便帶這些物品進去。

「起身啦啊童！執好行李未啊？」我打過去提醒她要起床。

「吓...未喎。」

「咁仲唔快啲執？」

「要帶咩㗎？」

「咪都係個啲，衫啊褲啊牙刷同毛巾囉。最緊要係帶錢，有咩冇帶都可以即刻買。」

「哦...好啦，點去長州㗎我地一陣？」

「中環坐船。」

「要坐船㗎原來...好啦咁，一陣見。」

過了一會，啊童便從家中走了出來，

拖著一個大行李嚟。

「嘩做咩啊你？」

「咩做咩啊？」

「做咩拖嚟啊？」

「吓，唔拖嚟咁啲野放邊啊？」

「背囊囉！得個少少野駛咩拖嚟啊？」我差點比她氣死。

「點解唔拖得嚟先！你講吓，拖嚟有咩問題？」

「麻煩囉，剩係由呢度拖到去長州都已經夠辛苦啦。」

「呃...又好似係喎，咁我入去換返個背囊先啊下。」於是我又白白坐在門口前等她。

又過了十分鐘，我才再次見到她。

這次她終於學乖，只預了個背囊出來。

「咁先夠方便㗎嘛，行啦。」我說。

我帶著啊童由家中坐車去到中環，再走去碼頭等其餘人。

「Suki呢？」我裝作驚訝地問。

「佢話佢入去先吖嘛，你冇睇Whatsapp咩？」啊童說。

冇錯，一齊都係我計劃之中，

為咗唔比啊童見到，所以Suki會幫我擺咗啲野入去先，

將個啲野收埋係男仔個間房入面，到用既時候就會由我擺返出嚟。

「哦，咁即係我地齊人啦，行得㗎啦嘛？」

上到船後，啊童一坐下就「閉目養神」，

即係瞓覺。

直到下船她還好像未睡夠似的，要由我強行拉落船。

「好叻啊...不如你幫我預個背囊吖。」她奸笑著說。

「是但啦，幫你擺一陣啦，反正宜家都去係行一行過去間B&B到啫。」我說。

「好耶！噏。」她秒速把背囊除下來給我。

唔知道大家仲記唔記得，魚蛋每次搭親車都會暈車浪，

佢今次都唔例外，搭完搖得仲勁過車既船之後，

一落地就係到嘔，不過依然都係冇人理佢，

由得佢自己係到嘔。

因為Suki一早就到咗，

所以我地可以直接上去間B&B到，

好彩間B&B距離碼頭都唔係太遠，

所以我地好快就去到。

「喂！呢度啊。」Suki在門口揮手。

我先把啊童背囊拿進去她的房間中放下，

才回男生的房間。

「你地間房係咪大啲㗎？」啊童問。

「吓，唔係㗎，我地兩間房係一樣㗎。」我說。

「哼，我唔信，你地五個人，有咩理由間房同我地兩個人既一樣大㗎，我要去睇下。」啊童說。

「唔好啦，佢地可能係上面換緊衫咁呢，唔係好方便㗎。」害怕比她看見結他及花的我，立即阻止她。

「信我啦啊童，真係一樣㗎，同埋佢地間房污糟啲㗎，冇咩事唔好上去啦。」Suki也協助我勸阻啊童。

「咁啊...好啦。出去未啊？」

「等多一陣啦，我上去執埋啲野先。」我說。

「快啲啦！」

請大家做定心理準備，長州篇我係一個唔覺意寫咗十一章，即係話，你地嚟緊呢個星期同都要睇佢地去長州玩。小心悶死。

跪求大家Follow我既IG: MaanYin05

## 135.

待我們處理完所有雜務之後，我們便正式開始遊玩。

在長州吃特色小食，租單車踩去不同地方，

一路遊山玩水，少不免要為女生們拍照。

直到五點左右，差不多日落的時候，我們便去了沙灘。

當然，這是我表白計劃中的第一步，

我還特地上網搜尋今天的日落時間。

「嘩！影相影相！」啊童一見到海灘就發了狂似的往海直奔。

「嚟，一，二，三。」作為一個專業的準男友，我一早已經預備定電話，準備好隨時替她拍照。

「喂，我今日特登準備咗個遊戲嚟沙灘度玩㗎，你唔好影相住先啦，我地玩咗先啦。」Suki說。

「你會咁好死準備遊戲，咩遊戲嚟㗎？」我裝作不知情地問。

「哦，呢個遊戲係我小學既時候去旅行同同學玩既遊戲嚟既，升咗中之後冇乜玩過，咁我又想玩下，又見難得今日天時地利人和，咪諗住玩下囉。」

「點玩㗎？」果然成功吸引到啊童走過來問。

「好簡單，全部人，隨咗主持人，即係我之外，大家都要蒙住隻眼，然後我會比啲武器你地，你地就要鬥快打中對手，一比人打中就要離場，留到係場上面既最後一個人就係贏家。」Suki說。

「嚟吖，打人我最叻，輸硬啊你地。」啊童說。

「宜家我先派咗眼罩比你地先。」Suki從袋中拿出幾個眼罩。

我們逐一帶上眼罩，然後Suki就分派「武器」給我們，我比分派到的是學校的課本。

「喂！點解我分到既野係支原子筆嚟㗎？點打人啊？」Marcus問。

「冇錯！呢個遊戲好玩既地方就係唔知會比分到咩武器，好似你咁就有啲唔好彩啦。同理，如果你地走得太遠既話我係會叫返你地返嚟既，所以自動自覺唔好走太遠唔該。」Suki說。

「冇問題既話宜家開始！」Suki繼續說。

我開始四處揮動我手上的教科書，但卻總是打不到人，

於是我便停了下來，細心聆聽周遭的聲音，

不出數秒，我就聽到右邊傳來聲音，

我旋即一記反手打過去，

「啊！」魚蛋慘叫一聲，看來我成功了。

「啊！」但過了幾秒後，卻輪到我比硬物打中，

左手傳來陣陣痛楚。

「Yes！」我左邊傳來啊童的歡呼聲。

「嘩痴線，你個樣咩野嚟㗎，咁痛既。」我脫下眼罩問。

「唔知係聖經定字典，嘻嘻。」

「痴線Suki，你俾本咁L厚既字典啊童，好L痛啊！」我對Suki說。

「咁先好玩㗎嘛，嘻嘻。」

不久後，這鋪便結束了，啊正取得勝利，

因為他得到了全場最長的武器，我的背包。

「好，我地繼續，大家比返啲武器我。」Suki說。

「等等，我有啲急尿，你地玩住先，我去個廁所，好快返。」我說。

呢個係第二步。

跪求大家Follow我既IG: MaanYin05

## 136.

說罷我一路飛奔回旅館，幸好我們刻意在離旅館不遠的位置玩，

所以我跑了幾分鐘，就已經回到去。

我衝上屬於男生的那間房，

開...咦，

仆街啦，

唔記得咗鎖匙唔係我到添。

我方理由宜家咁柒咁走返去同佢地講我方帶鎖匙㗎嘛，

唉冇辦法啦，唯有打俾啊正叫佢過嚟啦。

不久後，啊正便帶著鎖匙過來拯救我了。

「呼，你同佢地講咗咩籍口啊？」等待他開門時我問。

「冇啊，我話自己都有啲急尿囉，放心啦周樂童冇懷疑㗎，佢地宜家應該係繼續玩緊。」

「吱呀」陳舊的大門比我推開。

我立即衝進去，拿起色澤鮮艷的玫瑰花，

以及我那陪伴著我經歷了生生死死，風風雨雨的結他。

「走得！」我說。

「咁我同Suki講話我地嚟緊。」啊正說。

雖然原本沒有預料過要啊正過來，

但現在有多一個人幫手好像也不錯。

不久後，我們便回到那金黃色的沙灘。

我向Suki揮了揮手，示意我們已經準備好。

Suki向我點了點頭，然後咳了一聲，

(我們一早已商量好的暗號。)

其他人一聽到暗號，便按照計劃除了眼罩，

並遠離啊童，

而不知情的啊童則還在傻傻地四處打空氣。

待我拿出結他，並且放好玫瑰花後，

Suki便走去啊童身邊，假借她離開了指定區域為由，

把她帶到我前方。

為了能讓她感到驚喜，

所以我直接開口唱第一句，

不彈前奏。唉都係個句啦，

去聽歌先，

聽完先返嚟，

唔好睇咗個故。

**我想 追隨浪漫 與和平**

「咦，啊言？」啊童聽到第一句後，便猜到是我在唱歌。

她取下自己的眼罩，臉上洋溢著笑容。

**眾云紛說 你不聽**

**依然信奉 我熱情**

**我想 天涯浪蕩 更感性**

**在恬靜海角 去跟你**

**疏離世俗 與繁榮**

**跟我淡薄富貴 艱辛都高興**

**就以談戀愛 來成全二人使命**

願我可一生一世共你度過。

**虔誠地廝守 都會傳奇**

沒有呼天 不會叫地

那套殉情記

怎淒美 難及享福的甜味

虔誠地相戀 哪需要

大眾鋪張 招人妒忌

小口兩子已很美

我想 一同日日 看夕陽

就這樣簡樸 再給我 輕然吻在 你臉龐

願我們可以簡簡單單地過日子。

一切盡在心底 竟比喧嘩更矜貴

若這是真愛 我敢對天來發誓

虔誠地廝守 都會傳奇

沒有呼天 不會叫地

那套殉情記 怎淒美

難及享福的甜味 虔誠地相戀

哪需要 大眾鋪張

招人妒忌 小口兩子已很美

我們就算 寒舍雙宿

陋舍雙棲 身世放低

衣著樸素 就算不修邊幅

若我愛你 你愛我

勝於一切 虔誠地廝守

都會傳奇

未算風光 都會細膩

來年白髮時 手牽手

慶祝金婚跟鑽禧 虔誠地廝守

要子孫 活到百歲

依然細味 我倆小口太優美

唱完後，我放下結他，

此時那橙黃的夕陽，

打在我們身上，

同樣被夕陽照耀著的沙子及海水，則閃閃發光，

那一片無盡的橙海，光芒乍長乍短，

波浪滔滔不息，打在沙子上，

上來又下去，連綿不絕的，

一浪推著一浪。

起於大海中央，比風帶領著，

止於陸地，能量消失殆盡時，

無力的退回海中。

好！以上我講既野純粹係展示下自己既地理知識，

同成個故係毫無關係既。

我單膝跪下，拿起玫瑰花。

「周樂童，你話過你鍾意大海，因為佢能夠襯托到其他事物既美。而係我心目中，你就同大海一樣，缺少咗你，我就會顯得單調。冇咗你，我諗我呢世都唔會夠勇氣係幾百人面前唱歌，冇咗你，我呢世都唔會贏到羽毛球比賽，我唔會嘗試去做好多我未嘗試過既野。我知自己好廢，讀書又廢，打波又廢，但係你比咗支持同鼓勵我，令到我成功做到啲以前做唔到既野。所以，我好希望，你可以比個機會我，用呢一世既時間，去報答返你，去照顧你，去同你一齊做啲未做過既野，我肯為你做任何事。希望你以後都可以做我既大海，由你繼續去襯托出我既美。我愛你，周樂童。」我深吸一口氣後說出。

原本我仲以為自己唔會緊張，結果我當時係緊張到聲都震埋。

我高舉著玫瑰花，但啊童卻遲遲未接過它。

跪求大家Follow我既IG: MaanYin05

# 137.

眼見啊童遲遲未接過花朵，亦未發一言，

我心中越發不安，

過去三次表白失敗的畫面此刻在我腦中揮之不去。

時間變得異常的慢，每一秒對我而言都是煎熬，

聽著海浪的拍打聲，心裏不斷在問自己到底啊童為何說話。

「喂！」過了幾秒後，啊童開口。

「做咩仲唔答我啊？」我不加思索，衝口而出。

「嘆，傻佬，你剩係講咗你對我既感受，係咪爭咁啲野呢？」啊童笑著問。

「係啲係啲...周樂童，你可唔可以做我女朋友...」

「可以！」我話未說完，就比啊童打斷了。

我臉上綻放出笑容，一個集幸福，開心，滿足於一起的笑容。

終於，我終於得L咗啦仆你個街，

邊條粉腸成日話溝女好易㗎。

頂你個肺...有啲開心到想喊添...

唔得，我唔喊得。

係呢一刻，我內心有幾興奮，已經係難以用文字來形容，

一個你用咗半年時間去完成的目標，

我所花的功夫相信都唔駛我再多講，

單單係溫書呢一件事上面，我所付出的時間，

都已經比以前既我多出無限倍，

因為我以前係唔溫書既~ 她接過那束花，

然後再把我拉起來，一把抱著我。

「嘴佢！」想也不用想，這把聲音的主人，自然是Suki。

「嘴佢！嘴佢！嘴佢！」我的兄弟也跟著起鬨。

我看向他們，再看一看啊童，以眼神向她請求批准。

她想了一下，然後搖了搖頭，拒絕了我的請求。

唉，雖然唔錫得我係有啲失望既，不過我都尊重佢既，

可能佢唔想係咁多人面...

她笑了一笑，然後將頭伸前，

吻了我一下。

「唔...」呢個係我比佢突如其來咁封住咗個嘴所發出既聲音。

「咋擦。」我的右邊傳來相機聲。

「完美！仲靚過上次個張，有夕陽，有花，有錫錫畫面。友情價，一百蚊賣比你。」Suki檢視著剛才所拍的相。

「其他人，叫你地拍片有冇拍到，賺錢好機會啊嗱。」她繼續說。

「有，四個角度，電影級既拍攝技術。」Marcus說。

「Very Good。啊言啊童，宜家有個Package，只需要五百蚊，就可以買晒所以係我地手上既片同相。」Suki一副無良奸商的樣子。

「痴線，唔好理佢。」啊童說。

「緊係唔理啦，趁個太陽仲未落晒去，望多幾眼個太陽好過啦。」我搭著啊童的膊頭說。

「喂喂喂喂喂，你地諗下先，你地剩係會表一次白，啫係呢個世界上得呢輯相啲咋嗱，你地唔買，咁結既時候咪冇相用囉！」她繼續游說我們。

「有得講價啲嗱...」她說。

「十蚊！」我立即說。

「嘩，咁又唔好咁過份嗱啊童，五十啦。」

「廿蚊！」

「四十五。」

「廿五。」

「唉是但啦，啊言你記得你仲爭我地餐飯嘍嘛。」Suki說。

「出Pool個餐咁嘛，得啦。」最後，我就用廿五元向Suki購買了這些珍貴的相片，並收於箱中。

去到呢到，我發現個作者真係On9。

好地地仲咩要Set死咗箱入面有幾多張相啫，

所以我係到宣佈，箱入面既相其實係唔止十張嘍！

唔信你地去睇返第一章。

寫咗五個月，佢地終於係埋一齊啦，身為作者我都好感動，終於唔駛再比人屌我拖文啦，呢啲咁開心既野大家係咪應該要好好慶祝下先？

至於點慶祝呢，其實我都好想加下更比大家睇下佢地之後係長州既經歷既，

但係好似冇乜動力咁樣嘞，咁啱宜家IG都差唔多過百五Fol啦，

所以大家快啲去Follow我IG，一過百五Fol，我即刻加更！

跪求大家Follow我既IG: MaanYin05

## 138.

「走啦，唔L想睇你兩個放閃啊。」魚蛋說。

「屌，你兩個可唔可以唔好再攞埋一舊，有冇諗過我地既感受啊仆街？」輪到Suki說。

在群眾壓力下，我倆唯有不捨地放開彼此。

「拿拿臨執埋啲野去食飯啦，好肚餓啊，為咗幫你表白，搞到我地玩呢個On9遊戲玩咗成半個鐘。」啊正不滿地說。

「得啦兄弟，一陣我既！」表白成功，心情靚啲，自然就唔會太介意少少錢。

整理及執拾好所有物品後，我們便離開沙灘，

沿路上我跟啊童沒有甚麼交流，主要係我怕羞，

唔敢拖佢隻手。有時人就係好得意，

明明溝佢既時候大家完全唔尷尬，

但係變咗做男女朋友之後就反而會尷尬咁，

唔係好敢同對方講野。可能係因為突然身份上既轉換，

我地兩個又第一次拍拖，所以唔識點樣同對方相處。

我應該叫佢做咩呢，駛唔駛改口叫佢做BB？

定童童？

嘩屌好L肉麻，我自己都頂唔順。

為了掩飾我自己的尷尬，於是我不斷地跟兄弟們說話。

走到一半時，Suki終於忍不住，

走了過來我身邊。

「喂搞乜L野啊你，溝到人之後你冇再同過啊童講野啦啲，你地男女朋友嚟㗎，至少都拖下人隻手啦..定係你怕.醜.啊？」料事如神的Suki自然不難猜中我不跟啊童說話的原因。

「...」我沒有回應她。

「你唔係比我講中咗下話？溝佢既時候你唔怕柒，又厚面皮，咩都做得出。宜家你溝到佢啦，你連手仔都唔敢拖！？咁你不如唔好拍拖好過啦，做朋友既時候起碼你會同佢講野吖，你宜家連野都唔敢同

人多講啲。」

「我唔敢拖佢...」

「點解啊？」

「怕醜。」

「屌你！快L啲過去，一野捉9住佢隻手，十指緊扣咁樣。」Suki把我推過去啊童身邊。

「你唔係同班兄弟傾得好開心㗎咩？」啊童問。

「痴線，緊係唔係啦，點可以唔理女朋友㗎我，可~」

「哼，口花花。」啊童反了反白眼說。

在我們之後的路上，我跟啊童當然有繼續對話，

但我的手不知怎的，就是不敢握下去。

啊童好像知道我在想甚麼似的，

偶爾無意的用尾指輕輕碰一下我的手，

於是我便有樣學樣，又用自己的手碰她幾下。

「唉屌，死就死啦。」這是我當時心中所想的。

於是我便硬著頭皮，輕輕的用尾指勾著她的尾指，

打算先試探一下，怎料到啊童一個反手，

竟主動牽起我的手來，沒有預計過進展那麼快，

毫無心理準備的我，先是虎軀一震，

吃了一個大驚，之後才意識到我比啊童搶了主導權。

跪求大家Follow我既IG: MaanYin05

你班友都癲癲地，幾個鐘唔夠我多咗十幾個fol，宜家加更。

## 139.

我滿臉驚愕地看著啊童，而啊童則紅著臉低頭。

一時間我們陷入了短暫的冷場，我裝作若無其事地繼續向前走，但其實心底裏緊張得要命，手心不斷出汗。

天哪！原本我還幻想著可以在長州海邊拖著啊童，是多麼的浪漫，

但如今我卻緊張得完全享受不了這一刻。

右手拖著啊童，而左手卻不自覺地在玩弄著自己的手指，

腦中一片空白，努力運行著，試圖想去說些話來打破這個冷場，

但嘴巴卻像上了螺絲一樣，任我怎努力也打不開，發不出聲音。

「你好緊張咩？」

過了一會，可能是因為我的手汗多得太緊要，

導致啊童忍不住開口問。

「又唔係既。」

「唔好諗住呢我喎，唔緊張隻手又點會濕得咁緊要啊？」

「好熱吖嘛。」我胡亂作個籍口去掩飾自己內心的緊張。

「咁唔好拖囉。」啊童聽罷甩開我的手。

「咁又唔好。」我笑著上前重新握緊啊童的手。

「宜家又夠膽拖住我既？」

「頭先都夠嘍，不過比你快我一步咁解之嘛。」

「喂大佬，你搞咁耐，我又已經比晒暗示你啦，你都仲係驚驚青青咁，剩係夠膽勾住我隻手指尾，等得你嚟我地都返到去啦。白都敢表你竟然唔敢拖手。」

「咩唔敢...」

「哈，我又影到多幅相啦，怕埋片添，頭先你地講既野已經全部比我紀錄低晒啦，哈哈。」Suki說。

「你又影！？」我說。

「喂，幫緊你啊仆街，我宜家唔影，你地遲啲想睇返以前啲相既時候，就會無相睇㗎啦。」

「想賺錢咋掛？」啊童說。

「賺你條仔錢啫，又唔係賺你。」

「真係服咗你，少少錢都賺。」我說。

「你咪當交學費囉，頭先如果唔係我推你埋去，你宜家邊有手仔拖啫。」

「咁又係，交少少錢，換嚟一隻任拖任摸唔黐，白白滑滑既手，都幾抵玩。」我拿起啊童的手奸笑著說。

「死變態！」啊童立即抽開自己的手。

「嘻嘻，呢個變態佬會跟足你一世，走唔甩㗎啦你。」我說。

啊童聽到後舉高手打算打我，

奈何熟識她的我一早已經離開了她的攻擊範圍，

令她打了個空。

「哎喲，打我唔到㗎~」已做好自殺準備的我對啊童說。

她抬起頭來看著我，面上盡是驚愕及不忿之情，

眼中流露出滿滿的殺意，

「咩打唔到啊！！！」啊童向我怒吼。

感受到危險迫近的我果斷拔腿朝旅館狂奔，啊童反應也不慢，

緊追在我後面。

試幻想一下，一個手上拿著一大束玫瑰花的女生，

追著一個還背著結他的男生，畫面是何其滑稽？

「喂，你地去邊啊，我地去食野㗎！」後面傳來Suki的呼喊聲。

當然，面對著殺生之禍，

我是顧不得那麼多，

況且若我現在回旅館我還可以順便放下沉甸甸的結他。

沿路上左右兩旁盡是幾層高的小屋，偶爾有居民騎著單車經過，

陣陣海鮮味還從小檔傳來，

孩子們在路上追逐嬉戲著，後面則是他們的母親呼喝著他們。

如此簡單的生活，一個能躲於城市化的魔爪，

一個真真正正富有香港味的地方，正正是我所渴望的，

一個我渴望能跟啊童一起生活的地方。

不過，就現在來說，我唯一的願望是，

抵達旅館前不比啊童捉到，要不然我會死得很慘。

跪求大家Follow我既IG: MaanYin05

# 140.

為何回到旅館我就得救，皆因啊童並沒有男生房間的鎖匙，

所以我只要回到去關好門就成功保住自己的小命。

本身腳比啊童長的我，再加上之前苦練的體能，

我毫不費力便回到去旅館。

(啫係個旅館就得兩層，成棟野都係我地既，一開大門就有條樓梯，第一層就女仔房，第二層就男仔房，大門鎖匙個個有，所以我就算鎖咗大門都有用。)

我打開大門，衝上房間，

拿出鎖匙，手緊張得震了起來，

好不容易對準了鎖匙孔，

那邊廂啊童已經打開大門，開始跑樓梯了。

「咯咯咯」啊童上樓梯時發出的腳步聲，彷彿在催促我快點躲進房間。

「喀」我終於打開到房門，我不加思索便一個閃身進入了房間中，

我立即回頭關門，但外面卻有一道力在抗衡著，

原本啊童已經抵達了我房門之外，

「放.我.入.嚟！」啊童的聲音從門外傳入我的耳朵中。

「好啊！」我突然鬆手，

隨便把結他放到床上，並轉身欲跑進廁所，

而啊童則因為我突然鬆手而失了失平衡，

幸好她及時抓著門柄，才不至於倒地。

原以為這一舉動能為我拖延了數秒，

奈何我實在是太低估啊童的身手，她未還完全站起來，

便如豹子般向我撲過來，

結果我倆當然是雙雙倒地。

片刻之間，我便反應過來並嘗試向前爬行逃走。

但啊童卻死死抱著我不讓我走。

早已筋疲力盡的我唯有放棄，乖乖接受命運。

「喂喂喂啊童，放返低啲花先啦好嘛，都幾貴下㗎。」

「哼。」她把花放到一旁。

「不如我地起返身先啦。」

「起？起咗我仲打到你既？頭先唔係好串嘴㗎咩？」啊童瞪大眼睛看著我。

「對唔住啊~小人知錯啦！係小人唔啱啊！請娘娘原諒我啦。」我哭著說。

「次次你都係咁講㗎啦，收嘍啦。」說罷啊童舉手作勢打下來，我立即抱頭並把自己捲成一團。

過了良久，我見身體還未感受到任何痛楚，

於是便稍為移開雙手，看一看啊童，

卻給我看到她在努力地忍著笑，手上拿著電話把我這奇特的姿勢拍下。

「呼...嚇死我，仲以為你真係打我。」我站起來說。

「擺隻手嚟！」啊童伸出自己的右手。

不敢違抗她命令的我只好乖乖把手伸出，

她一把捉著我的手，張口狠狠地咬下去。

「啊！！！」無盡的痛楚從手臂上傳來，令我忍不住大叫。

過了好幾秒，我的手臂終於重見天日，

只見一個清晰的牙齒印已經被刻在我比被咬的位置上。

「莫非...呢個就係屬於我地既愛的印記？」我繼續作死。

「愛你老母！」啊童大腳一伸，把我踢到跌回地上。

「嘎...我地嚟拯救你啦啊言！」人未到聲先至，啊正的聲音從出面樓梯傳出。

唔得...我唔可以比人睇到我比女朋友打到跌咗係地下到。

我爭扎著起身，

「呬！」大門比打開，隨即聽到一陣爆笑聲。

跪求大家Follow我既IG: MaanYin05

# 141.

笑得最大聲的，當然是Suki。

「你一個大男人，竟然比啊童打到跌在係地下到，真係失敗。睇嚟我地都救你唔到㗎啦，啊童你打完未啊？去食野啦好冇？」Suki問。

「好啊！食乜野啊？」啊童的態度一百八十度轉變。

「BBQ啦緊係，宜家天氣涼涼地咁，BBQ就最好㗎啦。」Suki說。

「咁行啦。」

「喂...冇冇人扶我起身啊。」

我像球員一樣，舉高手等待隊友來把自己拉起身，

奈何無人配合，

兄弟們一聽到去吃BBQ便走了出去，

完全沒有理會過我，迅間房內就只剩下啊童跟我二人。

「喂啊童，話晒我都係你男朋友㗎，打完我之後拉返我起身都得掛。」我看著正打算離去的啊童說。

「真係麻煩。」啊童不情不願地走過來拉起我，

我順手牽著她的手，與她一同走去去燒烤場。

直到此時我才真的可以好好放鬆，

享受著這跟啊童拖手並肩而行的時光。

佢隻手...凍凍地...又滑...軟綿綿咁...真係...好L正呀！

「好！今餐啊言請！」到達目的地後，Suki興奮地說。

「唉得啦得啦。」我說。

由於那裏是採自助形式，所以只要付了錢，

就可以任吃任飲。

「屌你識唔識㗎，主動問下啊童想食乜野幫佢燒啦，溝到人之後就唔洗做啊？你On9㗎？」無錯，我又比Suki罵。

「得得得！」

「啊童，你想食乜野啊？」我問啊童。

「唔洗你幫我燒啦，我自己燒得啦。」啊童揮手示意我不用幫她。

「噏，聽到未呀？」我對Suki說。

「原來你真係唔識焗屎！女仔係口不對心㗎嘛，口講話唔洗啫，但係你都可以幫佢燒啲佢鍾意食既野㗎嘛，你唔會連佢鍾意食咩你都唔知掛？」Suki反了反白眼後問。

「食唔食腸仔啊？」我問啊童。

我問完後，空氣突然安靜了幾秒，

之後前方迅速傳來一陣大笑聲。

「唔食啊！！！」啊童紅著臉說。

「嘩~咁急呀啊言，做咗幾個鐘情侶就已經想做呢一步啦，唉，所以話呢，後生仔唔好咁心急啦。」Suki扮作大人說。

「喂！你地諗咗去邊啊，我唔係呢個意思啊喂，你地聽我解釋先，我意思係食物個隻啊，唔係你地諗個啲野啊。」意識到自己說錯了話的我立即補救。

「係呀，我地都係講緊食物個隻啊，你以為我地講緊邊隻啊？」Marcus扮作天真無邪地說。

他說完這句後，原本已經平復了心情的兄弟們又再開始笑起來。

「唉怕咗你地，成班友都痴9線㗎。」

那一晚，我們一直燒到那間店關門我們才回去。

因為已經很晚，而且長州不是市區，

所以只有幾盞街燈，對我們來說都勉強夠用，

但對啊童來說，眼前的卻是一片漆黑，

沿路上她都緊緊摟著我，生怕一個不小心就走失。

我作為一個稱職的男友，自然有責任保護好她，

所以我都有搭著她的膊頭，至少能給予她安全感。

跪求大家Follow我既IG: MaanYin05

## 142.

回到去後，我們便各自回到自己房間中沖涼梳洗，

但...一大堆中學生難得出去過夜，你認為會就這樣完結嗎？

答案是不會，大約十一點左右，

她們便來了我們的房間，例牌會玩真心話大冒險等遊戲。

「啊言，你揀真心話定大冒險？」魚蛋問。

「真心話。」

「唔得，你已經揀咗真心話兩次啦，所以你剩係可以揀大冒險。」啊正說。

「咁你問嚟做...」

「你理L得我，好，我地要你做既野好簡單，見唔見到你呢到有塊薯片？」他隨便從那一座零食山中拿出一塊薯片。

一股不安感在我心中油然而生，

「你，咬住呢一邊，然後餵周樂童食咗塊薯片去。」果然比我猜中了，

上次我們這樣玩的下場我還歷歷在目，我可不想再經歷多次。

我看向啊童，以眼神詢問啊童願不願再這樣玩多一次，

只見啊童點了點頭，

走過來一把搶走啊正手上的薯片，

然後強行塞入我的口中，

再快速地張開嘴把薯片咬走，

速度快得連我們反應的時間也沒有。

「呃...咁快既...」啊正看向早已在我身後準備的Marcus說。

「哈，On9仔，諗住再用同一招嚟玩我啊？」我問。

「噫...算，我地繼續。」玩了大約一個小時以後，

我們又再圍起來一起Jam歌，

由我負責彈結他，而他們就負責唱，

一直唱到兩點多才睡覺。

但睡不夠四小時，我就比啊童叫醒了。

「做咩啊...」還未睡醒的我半睜開眼問。

「陪我去睇日出吖。」為免嘈醒其他人，所以啊童壓低聲量說話。

「吓...好叻嗱我，比我馴多陣啦。」

「嚟啦嚟啦，我好想睇啊，陪女朋友唔係男朋友應該做咩咩，又係你琴日話為咗我咩都肯做既。」啊童不斷搖動著我的身體。

「得，即刻起身。」一聽到女朋友三隻字，

我立即彈起身，這三隻字彷彿為我注入了動力一般，

令我不再疲倦，變得精神抖擻。

「Yeah！咁你得就嚟敲我間房度門啦。」啊童輕輕親了我的臉頰一下，然後便轉身離去。

我摸著被親的位置發呆...這個難道就是...拍拖的感覺嗎！？

好幸福啊...我看著前方傻笑著。

過了一會，才回過神來，前去梳洗一下，

然後穿起衣服便走落去。我敲了敲她們的房門，

啊童旋即從內走出來。

「行啦！」啊童興奮地挽著我的手臂。

於是我們便慢行到了沙灘，找了個位置坐下。

「呼！如果我地以後都可以咁樣過你話幾好呢~」我看著眼前的大海說。

「你頭先好似唔願起身咁嗱，你確定你可以做到每日都咁做起身？」

「嘩，我咪講過囉，為咗你，我咩都肯做。」我裝作深情地對她說。

「哼，口花花，不過如果真係可以每日都咁樣過又好似唔錯既。」啊童若有所思地說。

「我想~一同日日看夕陽~」我唱出小傳奇的歌詞。

啊童則把頭靠在我的肩上，靜靜地等待著晨曦。

跪求大家Follow我既IG: MaanYin05

## 143.

過了不知多久，我們終於看到第一線曙光，

只見太陽一點一點地升上來，光芒則隨著它的升高而變得耀眼，

天色由黑變紫，再變成白色。

待太陽完全升起後，我們便回去了。

「點啊，滿唔滿足啊？」正打開房門的我問啊童。

「唔！」她用力地點了點頭，臉上的笑容任誰看到了也能感受到她的快樂。

「咁就好啦，不枉我咁早起身。呼，瞓多陣先。」我伸了伸懶腰，然後走進去房中。

一打開門，我就比五雙眼睛注視著。

「咦，你返嚟啦？」不知為何出現在男生房間的Suki說。

「點解你係度既？」我疑惑地問。

「冇，啱啱起身見啊童唔係間房到咪走過嚟睇吓佢係咪過咗嚟同你瞓囉，咁見你都唔係到就估到你兩個出咗去啦，原本諗住返過去㗎啦，點知你就咁啱係呢個時候返咗嚟。」Suki解釋。

「哦，咁你返過去啦，我諗住瞓多陣先。」我說。

「吓？你仲瞓？我地諗住出去㗎啦啎。」魚蛋說。

「咁早？你班死仔平時都唔係咁早起身㗎啎，唔好講笑啦，好叻呀我，比我瞓多陣先啦。」

「咩講笑啊？難得嚟到長州玩，我地諗住早啲出去食早餐跟住去張保仔洞啎。」啊正說。

「吓？真心咩，咁早？」這個消息對於一心打算睡多一會的我可謂是晴天霹靂。

「嚟啦，今晚你返到屋企咪瞓飽佢囉，宜家去咗玩先啦。」肥強說。

「咁呀...唉是但啦行啦。」我重拾起背包說。

「咁我落去叫埋啊童啦，大門等啦。」Suki說。

「好吖。」啊正回應她。

他們便開始執拾待會要用的物品，

然後我們便下了去大門，

而啊童跟Suki則一早已經在大門等候著我們。

我們先是去了一間很普通的茶記吃過早餐，

然後便出發前往張保仔洞。

「好彩宜家係冬天咋，如果係夏天實熱死。」我說。

「痴L線仲有幾耐先到啊，好叻呀！！！」Suki抱怨。

「就快啦，上埋山就係啦。」我說。

「又要上山！？」Suki大吃一驚。

「唉呀，唔好咁啦，最多我同你一齊行啦。」啊童一把甩開我的手，轉為挽著Suki。

又走了一段時間後，我們終於到了張保仔洞。

Suki一看到那漆黑而又狹窄的洞穴就立即拒絕進去，

而有夜視症的啊童則猶豫不決，

反之我們男生全都躍躍欲試，想進去探險。

「咁你入唔入去呀啊童？」我問。

「唔好入啦，入面又黑又窄，仲一定好污濁添，無謂辛苦自己啦，係度陪我算啦。」Suki極力游說著啊童留下。

「嚟啦啊童，最多我行你前面，就算有事都係我有事先，唔驚喎，同埋我部電話有電筒㗎嘛。」我說。

「咁啊...好啦，你記得唔好行咁快喎。」啊童說。

「好啊。」我回應。

「喂啊童你諗清楚啲...」

「收嚟啦，自己唔入去就企係出面等啦。」Marcus一句就收了Suki皮。

「你條仆...」

「算啦Suki，我地一陣返嚟搵你啦。」啊童成功制止了一場罵戰的發生。

跪求大家Follow我既IG: MaanYin05

# 144.

我帶頭進去，啊童跟在我身後，

其餘人就在啊童後方，總之我們就是要包圍著啊童，

不讓她有走失以及受傷的可能性，

更重要的是，能給予她安全感。

我小心翼翼地踏著石頭一步一步走下去，

然後回頭扶著啊童下來，待啊童都下來了後，

我便開始邁步向前，走進漆黑一遍的張保仔洞，

地上滿是碎石，稍一不慎可能便會滑倒，

此時我開啟電話上的電筒功能，

光芒從電話中射出，勉強夠我在這片不見五指的環境中看到四周。

「魚蛋落到嚟未？我開始行啦。」我轉頭問。

「落到啦佢，我宜家都準備落啦。」啊正說。

「Ok，咁我地開始行啦啊童。」我對啊童說。

「唔！」只見啊童用力地點了一下頭，手則緊緊抓著我的背囊。

「捉實我，小心地下既碎石，同埋如果我行得太快既話記得同我講。」

「得啦，你行啦。」

聽罷，我便真正開始朝著洞穴內部進發，

洞穴內隨了光線問題之外，

還有另一個問題需要克服，那就是空間問題。

洞內的道路，越走越窄，

就如桃花源記中那漁人所走進的洞穴一般，

極為狹窄，

我跟啊童均要側著身子才能通過，

不禁令人懷疑自己是否真的能成功到達出口，

看見那平坦寬廣的桃花園。

「喂肥強，你可以返去先啦，前面好L窄你過唔到㗎啦。」我善意提醒肥強。

「收皮啦屌你。」卻換來肥強冷冷的一句。

過了那段極逼的路段後，洞穴又漸漸變回廣闊，

再前行多幾步就已經看到出口傳來那微弱的光。

秉持著不怕死這個生活態度的我，自然不會讓後面的幾人無驚無險地離開這個洞穴，

所以我決定要好好作死一番。

我先是不動聲色地突然關了電筒，

然後裝作不知情的告訴啊童電筒不知何故自己關了，

「吓...唔會掛，日光日白，應該係冇電啫。」單從聲音也能聽出啊童的害怕，但她仍故作鎮定地為這起事件找解釋。

「可能係啦，不過唔緊要啦，就快到出口㗎啦。」說罷我便放慢腳步向前行。

又向前走了幾米後，我突然停下，

「做咩呀？行啦。」現在啊童只想盡快離開這地。

「個度...你見唔見到個度...」我用震抖著的聲音對啊童說。

這麼一說，啊童心裏變得更加害怕，

「你...你睇到啲乜野啊。」啊童的雙手緊緊拉著我的手臂。

「嚟緊...啦，嘩！！！！」我突然轉身大叫，嚇得啊童整個彈起。

「呀呀呀！！！！」看不到發生了甚麼事的啊童雙手掩臉，放聲尖叫著，比我嚇得花容失色。

此時我再也忍不住，開始大笑起來，

過了一會，啊童才意識到她被我捉弄了。

「喂呀！你可唔可以唔好咁幼稚啊！」她雙手不停大力拍打著我的手臂。

笑得快要斷氣的我當然沒有理會她的責罵。

「男朋友嗰...成日蝦我！我憎死你啊！！！」

雖然看不到她現在臉上的表情，但我相信她正鼓起泡腮，單靠想像就已經覺得好笑。

「係啦係啦，出口係前面啦，我地宜家出去啦。」我說。

跪求大家Follow我既IG: MaanYin05

## 145.

為了不再比她打，所以我主動牽起她的手來，  
才繼續向前走。不出數十秒，我們便已經到達了洞穴的另一邊，  
亦即出口。

我捉著鋼梯向上排，  
上到去後，我便打算轉身拉啊童一把，  
怎料她已經自行握著鋼梯爬上來了，  
差點忘記了她也是一個運動員，可不是甚麼弱小女子。

「返得去啦。」剛出來的啊正說。

「肥強呢？」我問。

「佢L過到中間個段路咩，返咗去啦。」魚蛋說。

「哦，咁好啦，我地過去搵返Suki啦。」我說。

於是我們便沿著山路走回去，幸好這裏都算是香港的景點，  
所以指示尚算清晰，我們按著路牌走便順利回到去了。

「嘍，肥強，你點解係度既？」我裝傻說。

「食屎啦你，個窿咁窄，點L樣過啫。」

「唉，一早就同咗你講㗎啦，又唔聽我講。」我搖了搖頭說。

「你明知自己肥就好似我咁，咪L落去啦。」Suki說。

「此言差矣，下面不知幾好玩。」我說。

「你咪聽佢講啊，佢就緊係好玩啦，係度嚇我。」啊童扁著嘴說。

「嘩！乜你咁過份㗎，走去嚇自己條女，今鋪真係唔抵幫，啊童我地唔好理佢，我地走！」Suki拖起原本應該屬於我，啊童的纖纖玉手，然後轉身下山。

「喂！還返個女朋友比我啊！」我朝她們大叫，卻慘遭無視。

「邊個叫你蝦佢呀？」Suki向我做個鬼臉。

「我蝦佢關你咩事啫。」我不服氣。

「哼，佢係我既好姊妹，理得你係佢邊個，總之我唔會比佢比人蝦！我話你知啊...如果你之後走去偷食被我知道咗既話，我切咗你條L啊。」Suki恐嚇我。

「嘩條女痴L咗線，我怕怕走先，你地慢慢。」我一想起空洞洞的下體就感到害怕。

「你咁講啫係你會偷食啦！你唔係諗住自己會偷食既話你駛乜驚啫。啊童！快啲分手啦，佢渣男嚟㗎原來。」Suki說。

「喂唔...」我百口莫辯。

「得啦你唔駛講啦，啊童唔好再成日痴住佢啦。」Suki繼續說。

「算啦唔好玩佢啦Suki，我地走啦。」啊童挽著Suki的手臂離去。

我無奈之下，只好和兄弟一起走，跟在她們後面。

我們一路走到了碼頭附近，朝著旅館走。

沿路我們途經一幅滿掛著鎖的牆，細看之下鎖上原來全是一對又一對戀人所寫上的情話。

此時前面的兩位女生停了下來，

短暫交談了一下後，啊童便轉身看著我。

想也不用想，她自然是想掛一個上去。

「啊言呀~不如我地都買把鎖，寫啲野跟住掛上去吖。」

果不其然...

「好啊！」作為一個愛錫女朋友的人，當然不會拒絕她的要求，

於是我便跟她走進了售賣許願鎖的店舖中。

「你想要咩色啊？」我問。

「粉紅色？」

「好啊，你諗定寫乜野上去啦，我去俾錢先。」

「唔！」啊童愉快地點了一下頭。

待我符完錢後，我們便拿著筆，看著那把鎖發呆。

「點呀？你諗到寫咩上去未啊？」我問。

「未呀。」啊童苦惱地搖了搖頭。

「嘩，仲以為你有咩想寫上去，原來未諗到既。」我說。

「一係...我地乜野都唔好寫上去吖。」啊童提議。

「吓？俾咁多錢買把鎖，但係乜都唔寫上去？」我不解地問。

「係呀，因為我地對彼此既愛係唔可以用言語去形容㗎嘛，係未？」啊童笑了一笑。

「你幾時學咗我講埋晒呢啲肉麻野㗎？」我笑著問。

「咩學呀？我真心㗎。」啊童一臉認真地說，當然，這句也是在模仿著我。

「係啦係啦，咁我地剩係寫個日期上去，做個紀念好冇？」

「好啊。」

「我寫個日子同月份，你寫個年份上去啦。」啊童聽罷點一點頭。

於是便由我寫了日子跟月份，

而她則在接過筆後，在鎖上寫上年份。

「好！搞掂！掛去邊啊？」我問。

「個度。」啊童伸手一指，指著右上角。

「點解要掛個到？」

「因為個度最少人搞，我唔想比其他人掂到我地把鎖！」啊童像個小孩子般，不準他人碰到自己的玩具。

「好啊，你鍾意啦。」我順她意把鎖掛在那裏。

跪求大家Follow我既IG: MaanYin05

## 146.

我們之後便租了幾輛單車，沿著海邊一路踩，  
而令我出奇的是，Suki竟然懂得如何踏單車，  
這對於一個不太喜歡運動的港女來說，可謂是一個奇蹟。

而啊童就當然懂得如何踏，  
不用我操心，男生們就更不用說，  
好像不要命般，速度快得令人擔心。

「嚟，我地嚟比賽，睇吓邊個最先去到個盡頭。」魚蛋說。

理所當然地，我們男生全都參加這個比賽...

「好啊，驚你啊？」Suki竟然會參加這個比賽！？

作為一個男生，我有捍衛男性尊嚴的義務，  
不容Suki勝出是我的目標，正當我磨拳擦掌，  
已經準備好要大展身手時...

「喂不如你唔好參加啦，好似好危險咁喎。」啊童欲阻止我參加。

「吓，有幾危險啊？Suki都參加啦。」

「我唔想你受傷呀...」啊童扁著嘴，用她那水汪汪的雙眼看著我。

她的這個樣子，實在是我見猶憐，  
不忍心拒絕她的請求，心頓時軟了下來。

「唉好啦好啦，咁我陪你啦。」我作出妥協。

「喂，我唔玩啦，你地比啦。」我對他們說。

「吓點解啊？咁好玩既野你都唔玩？」Suki愣然地問，想必她沒有想過我會不參加。

「屌，你個好姊妹唔俾我玩啊。」

「佢話唔俾你就唔玩啦？唉，你真係廢到爆，咁驚女朋友。」Suki說。

「你估我想啲咩，一陣被佢打就唔好啦。」我先捉著啊童的雙手，之後才說出這番話，以免她聽到後有所不滿，我可不想再受皮肉之苦。

但正所謂道高一尺，魔高一丈，

我話畢時已經感受到啊童眼神上的轉變，

奈何我實在是太年輕，沒有防範到她會用腳踢我。

「你！講！乜！野！啊！」她一腳大力踢過來。

被她這樣一踢，失了平衡的我從車上跌了下來。

「咔嚓」Suki不知何時拿出電話，拍下了這一幕。

「喂！又影！？」

「比賽宜家開始！走Luuuu~」Suki秒速逃離現場。

其餘人則緊跟在她後面。

「起身啦廢柴。」啊童走過來扶起我。

之後我們便慢慢踩過去終點處會合他們。

我們一路踩，直到中午要吃午餐才停下來。

求其進了間餐廳吃完飯後，我們便回到旅館執拾物品準備退房。

「唉，兩日一夜咁就玩完，後日又要返學啦屌。」Suki說。

「有得玩兩日你仲想點啫，唉講真我都幾期待返學。」我說。

「你會期待返學！？」啊正問。

「有得見到女朋友，佢又坐我隔離，想傾計就傾計，不知幾開心。」我滿懷期望地說。

「你地仲得閒傾計既？快啲啦，趕唔切班船啦！」啊童說。

在啊童的催促下，我們加快手腳，幾分鐘內便執拾好所有物品。

「跑啊！趕唔切啦！」啊童對著正氣喘如牛的Suki說。

我看一看手錶，一分鐘，只剩一分鐘。

我們全速向前跑，離遠看到那艘船已經泊好在碼頭，

乘客逐一上船，於是我們唯有加快腳步。

「屌。」我坐在碼頭旁邊的長椅，  
看著正駛離的船，脫口而出說了一隻完美表達出的內心心情的字。

「咁都無辦法㗎啦，等多半個鐘囉唯有。」啊童說。  
我們那天就這樣呆坐在長椅，等了半小時，才成功上船。

跪求大家Follow我既IG: MaanYin05

# 147.

「鈴鈴鈴」鬧鐘響起，把正熟睡的我吵醒。

今天是星期一，是全香港學生及打工仔的惡夢，

但對我來說，卻是我期待已久的一天。

因為...我終於可以牽著啊童的手上學，牽著啊童的手上課，

甚至偷偷地在學校...嘻嘻...

仆你個街你估我唔知你班友諗咩呀？

諗太多啦你地，我只係想係學校到錫下佢咋，

絕對...係絕對冇諗過你地期待緊既野。

在啊童家門外等待她時，

我腦裏思考著待會見到周叔叔應該如何做，

應不應該告訴他我已經成為了你女兒的男朋友？

抑或應該裝作無事？

「咔嚓」大門緩緩打開，把我的思緒切斷了。

「早晨。」我立即對我未來外父打招呼。

「早晨啊啊言，考試成績點呀？」他問。

「哦，有啊童日日幫我補習，所以成績好咗呀。」

「有冇收返錢啊？」他轉身問啊童。

「吓...冇喎。」啊童呆了一呆，想必是沒料到周叔叔會問這個問題。

「我宜家比返錢吖。」我立即把錢包拿出來。

「嘿，講下笑咋嘛，駛唔駛咁驚啊？我個樣有咁惡咩？」他掛上笑容。

「喂呀，乜你地啲男人一個二個成日都做埋晒呢無聊野嘍，好煩啊。」啊童說。

「男人係咁啲啦。」我跟周叔叔相視一笑。

「行啦，再唔行就遲到㗎啦。」啊童決定不再糾纏於這個話題上。

跟周叔叔分別後，我便牽起啊童的手，

跟她走回學校。

「你打唔打算比你老豆知我地拍緊拖㗎？」我問。

「呢啲野...順其自然啦。你呢？你打唔打算比Auntie知我地拍緊拖？」啊童反過來問我。

「我啊？未諗啊，同你一樣啦可能，順其自然，到佢發現既時候先再算。」我說。

「喂，放手啦，差唔多到學校，一陣被老師同啲同學見到就唔好啦。」啊童說。

「哦...」縱然心中萬般不想放開啊童，但理智告訴我她說的話是對的，所以我唯有百般不捨地鬆手。

「嚟啦唔好咁啦，成世流流長，有排你拖啦。」

可能是我臉上的表情已經把我心底的說話一字不漏地寫了出來，

又或者是啊童實在太了解我，所以啊童在我放開手後立即安慰我。

「你跟我嚟吖。」已站在校門外的我靈機一動。

我帶著啊童走到學校的後樓梯，

因為那裏基本上是沒有人會行的，

所以在那裏，我就能光明正大地拖著啊童的手上去課室，

不用怕被人看到。

走到一半時，

啊童已經猜到我內心的想法，

「咁都比你諗到，都係拖少一陣啫。」啊童搖了搖頭說。

「喂大佬，幾好拖啊你隻手，又軟又滑，我恨咗拖你隻手恨咗半年啦，宜家終於拖到唔係唔拖多啲下嘛。」我說。

「你真係冇變過，又始至終都仲係咁鍾意抽我水。」

「咁抽抽聲咁難聽啫，掂下女朋友都唔得咩？如果我有一日唔掂你你就驚啦。」已經到達後樓梯的我一把握住啊童的手對她說。

「行啦咸濕佬。」啊童沒好氣地說。

跪求大家Follow我既IG: MaanYin05

# 148.

由於我們班房在五樓，所以我們也行了大約一分鐘才上到去。

在上到去後，我們才終於分開了緊拖著的手，

若無其事地回到自己的坐位上。

不久後，我們的班主任Mr Wong便進來了，

伴隨而來的，卻是一個壞消息。

「好啦各位同學，大家都坐咗係呢個位差唔多一個學期啦，為咗令大家可以識到多啲朋友，所以我地星期四我地就會調位㗎啦，宜家同定大家講，幫大家做定心理準備，好好珍惜同你宜家既前後左右一齊坐既時光啦。」

晴.天.霹.靂.

唔L係嘛...我咁L辛苦溝到啊童，

搞咗咁耐...都係想上堂既時候有得拖下手仔，

有得抽下水啫，宜家先嚟調位！？

咁我拖條毛啊？計得無得傾喎。

我環視四周，先不論我不能跟啊童一起坐，

我更擔心的是，會是誰坐在我隔離，

要知道，在這班內，

想找一個正常人可是一件十分困難的事，

全班最正常能溝通到的人，就是我身邊那幾個了。

我最害怕的是，要與某些八婆又或MK仔為鄰。

「唔係掛...我唔想啲奇怪既人坐喎，千祈唔好要我同啲污污濁濁既毒L坐。」Suki說。

看來也不只我一個對調位一事有意見。

「屌，咁我地之後咪冇得拖手仔上堂囉？」我對啊童說。

「痴線邊個話要同你上堂拖手啊。」

「想拖都有辦法啦宜家，都就快調位咯。」我說。

「唉見你一廂情願諗住溝到我之後可以上堂拖手，點知宜家話要調位好似好慘咁，最多呢幾日都比你拖啦。」

「嘩你講㗎！」

「係啦係啦，應承咗你我就唔會反口。唉，唔知我會比人調去邊到呢，希望唔好同啲奇奇怪怪既人坐啦。」

「我都驚要同啲奇怪既人坐。」我只能寄望Mr Wong會安排我坐在兄弟隔離吧。

「算啦，擔心嚟都有用。」啊童安慰我。

「都係既，上堂啦。」我說。

我特別珍惜這天仍能跟啊童為鄰上課的時光，

可能是第一次以男朋友的身分坐她旁邊，

又可能是因為調位在即，

害怕之後沒有機會。

老實說，如果我是一個正常學生的話，

上堂拖手基本上是不可能的，

因為右手要寫筆記，根本沒有空，

奈何我並非一個乖學生，

專心上課？

未L聽過，我的右手於是便長期勾著啊童的手指尾，

冇辦法啦唔可以太明顯，

所以唯有偷偷地咁勾住佢隻手指尾。

「萬浩然！」對，又是八婆禮。

原以為被她發現了的我，嚇了一跳，立即鬆開了手。

「做咩呀你？做咗虧心事啊？咁驚？你！答問題！」她指著我說。

「係。」我重整好思緒。

「講，戰敗既德國係比邊幾個國家分咗，同埋分咗做幾多份？」

「英，法，美同蘇聯，分咗做四份。」

如果大家還記得，我可是十分熱愛歷史的，

所以要在沒有專心上課的情況下回答這條問題對我而言並不困難。

「坐低，專心啲上堂！」見我成功回答到的八婆禮不忿地說。

跪求大家Follow我既IG: MaanYin05

## 149.

那天放學後，作為我終於成功追到啊童的慶祝，

(其實主要係啊童想食) 所以在她的要求下，我們便去了甜品鋪。

「文姨！我得咗啦！」我高舉正牽著啊童的右手說。

「嘩...嘻嘻，恭喜恭喜，文姨即刻去整個心太軟比你地食下~」

每次來到這間甜品鋪，

不知為何總是覺得很親切，

文姨在我追啊童的漫漫長路上，

幫了我多少，應該也不用我多說。

不久後，我們的心太軟便到了，

「嚟，心太軟！」文姨把一個心太軟放下。

「唔該文姨...咦，得一個既？」我問。

「唔好意思啊靚仔靚女，我地心太軟賣剩一個咋。」

文姨裝作可惜地說出這句話，

就跟我們第一次來到這間甜品鋪時，

她所說的話一樣。她放下兩隻叉後便離去。

我跟啊童相視一笑，均想起了當天那情景，

猶記得第一次跟啊童出街，一切事都仿如昨天發生似的。

我坐過去啊童旁邊，就如當天我戰戰兢兢地坐過去一樣，

只是在心態有所轉換，如今的我，

已經不再是那個害羞的人，在追啊童的過程中，

我已經成為了一個面皮極厚，

毫無羞恥之...

仆街，

咁我同Donald有咩分別...

分別就係，我溝到啊童，

佢溝唔到。

算，講遠咗。

「坐埋啲啦，都做咗男女朋友啦，仲分咁遠。」文姨笑著說。

「係係係，宜家坐埋啲。」於是我又再坐近一點，

輕輕一索...啊童身上的花香味，

依舊是那麼的香，簡直是百聞不厭。

「喂...喂！變態佬，你聞夠未呀，食啦。」

「我屌，咁你都知我聞緊？」我回過神來。

「哼，你跣起條尾我就知你想做咩啦，你難逃本小姐既法~眼㗎啦，所以你唔好諗住呃我啊~」

「點會呃你啫我，唔會唔會，我好誠實㗎。」我連忙澄清說。

「駛乜咁驚啫，食啦。」啊童說。

不久後，碟上就只剩最後一啖，

我們又陷入了同樣的困境，

究竟要由誰吃掉最後一口心太軟。

「眯埋眼，我餵你食啦。」我說。

「哼，我先唔會再信你，上次先被你呃完一次，我係唔會再被你呃到㗎。」

「嚟啦，男朋友都唔信？況且你估我唔怕被你打死咩，信我啦。」我信誓旦旦地說。

她聽到後，想了一想後便乖乖地合上眼，

我從銀包中拿出錢並放好，

然後就背上書包，做好逃走的準備，

最後才拿起叉，

偷偷地把碟上的心太軟放進口中，

還特意把叉上殘留的朱古力醬吃乾淨。

嘻嘻嘻，周樂童你等食我口水啦。

以上的事情是沒有發生到的，你估我真係唔怕死咩。

我乖乖地把最後一口心太軟放進她的口裏，

啊童津津有味地咀嚼。

「噏，都話唔呃你㗎啦。」

「哼，算你啦，男.朋.友。」啊童抱著雙手說。

「咦~咦，話時話，我屋企好似冇人㗎，有冇興趣上嚟啊？女.朋.友。」我露出一抹淫笑。

跪求大家Follow我既IG: MaanYin05

## 150.

「你想點呀咸濕佬。」啊童雙手護胸。

「冇啊，諗住叫你過嚟玩下咋嘛。」

「我警告你呀...唔好諗住對我做啲咩啊！死變態！」

「喂，我同你講我屋企冇人，一片好心諗住叫你嚟玩下，你自己諗歪咗，跟住就走去話我係變態佬，冇冇搞錯。唉，你呢啲人，思想污穢，明明人地都唔係咁既意思，自己諗咗去第二度仲要話返人轉頭，我對你好失望，你俾Suki教壞晒啦。」我連珠炮發地說，令啊童一時之間反駁不了。

「你...食屎啦你！明明一開始你就係諗緊個啲野！」她舉手欲打下來，卻比早已有心理準備的我一把捉著。

「哈，打我唔到。我去俾錢先。」我放下她的手，向她做個鬼臉，然後把錢拿給文姨。

付完錢我們便步出門口，

「喂，擺隻手嚟拖下啦。」我對正翹起雙手的啊童說。

「唔比呀！邊個叫你頭先蝦我啫。」啊童用她水汪汪的大眼睛瞪著我說。

「講下笑咋嘛...」既然啊童不讓我拖她的手，那我唯有...轉為搭著她的膊頭。

啊童看似被我這一舉動嚇了一嚇，看了我一眼之後才繼續前行。

「估唔到你唔只會拖我手，仲會搭住我膊頭行啲。」

「咁無手拖就搭膊頭㗎啦，冇幾出奇啫。」我笑說。

很快我們便回到我們家所屬的樓層，

原以為啊童會就此回家，怎料她卻和平時一樣，

跟在我背後，而不是回到自己家中。

「做咩呀你？你唔係話唔過嚟㗎咩？」我看一看身後的啊童，手上則在銀包中尋找鎖匙。

「咁我見我都冇乜野做，又啱啱考完試，同埋...」啊童低頭害羞地說。

「同埋咩呀？」這句話勾起了我的興趣，令我停下手上的動作。

「同埋...算啦冇野啦，你快啲開門啦。」她欲言又止

「講啦。」

「同理想見多你一陣...」她聲如細絲地說。

「咩話聽唔到，你試下講大聲啲？」我裝傻。

「唔講啦！聽唔到就算啦。」

「你唔講多次我唔開門㗎。」我說。

「我話我想見多你一陣！」啊童提高聲量說。

「再大聲啲~」

「唔講呀！」

「唉算啦唔玩你啦，比你入嚟啦。」我打開門。

「玩玩玩，玩你個死人頭啊，成日剩係識玩我。」啊童隨便把書包放下。

「冇錯，我剩係識得玩你。」我笑著從後用公主抱式抱起了她。

「嘩！！！放低我呀！」啊童比我突如其來的動作嚇倒。

「嘻...又係你話我剩係識得玩你既，咁我咪繼續玩你囉。」我看著啊童說。

「好幼稚呀你！快啲放低我呀！」啊童的雙腳不斷踢來踢去，可惜任她再大動作，她也不可能成功反抗。

「知唔知呢個動作叫咩啊？」我直接無視了她的說話。

「公主抱咩嘛...」啊童紅著臉說。

「無錯啦！你就係我既公主啦，咁宜家請問公主殿下你想去邊呢。」我問。

「你真係好鬼無聊啊，快啲放返低我啦。」啊童反了反白眼。

「Dee dee！呢個答案係不被接受既，請重新講過另一個答案。」

「唉是但啦，去你間房啦。」

「收到，請公主捉住我條頸，以策安全。」啊童無奈之下唯有配合我，雙手輕輕地箍著我的頸。

我小心翼翼地把她抬了進去，然後再在床上放下...

咳...講笑，

唔好學啊童咁諗歪。

我將她放在平時她坐的那張椅上。

「請問公主你有咩想做呢？」

「我宜家好想打你！」

「公主唔可以成日郁手郁腳㗎，公主你行完咁耐返到嚟隻腳應該都劫㗎啦，不如由小人同你按按佢？」我說。

「大膽奴才，竟敢試圖抽本公主水？本公主已經看穿你既意圖，乖乖束手就擒，等候發落。」啊童強忍著笑說。

「小人不敢，小人不敢，小人一心只想幫助公主，並無他意。」就看看誰面皮較厚。

「哼，諒你也冇如此膽量，就替本公主按按，警告你不要毛手毛腳。」她把雙腳放在我的腿上，供我為她按摩。

「係，小人知道。」我聽到她肯讓我為她按摩後大喜，立即開始為她按摩。

「你真係好變態囉，都係比隻腳你按摩下啫，你睇下你個樣衰到，成個猥瑣咸濕佬咁樣。」啊童沒好氣地說。

「痴線，我絕對冇諗過要抽你水。我只係一盡我男朋友既職責。」我一本正經地說。

「你望下你隻手，仲唔係抽緊我水！？Hi下Hi下咁，扮都扮得似啲咩大佬。」

「Sorry Lor，驚整痛你咩嘛。」我說。

「開Overcook嚟玩啦，之前考試好耐冇玩過啦我。」啊童說。

「小人遵命。」

跪求大家Follow我既IG: MaanYin05

# 151.

我好好珍惜著還能跟啊童一起坐的日子，可惜要來的始終要來，

我最不想發生的事情終究會發生，

星期四的到來，無疑是對我一大打擊，

要知道每天起床可是對意志力的一大考驗，

而這數天以來，一想起能跟啊童一起上課就是我起床的動力，

但今天我起床上想起的卻是，

要！調！位！，

一想到這裏我就不想從床上下來，

至少在夢中我仍能跟啊童一起坐...

可響個不停的鬧鐘，卻在催促著不願起床的我，

不讓我繼續抱頭大睡。

「唉起啦起啦。」我對著煩人的鬧鐘說，然後從床上爬下來。

時間跳到去班主任時間，Mr Wong從門外徐徐步進來，

手上握著將會決定我們生死的坐位表。

「永別啦啊言~」坐在我前方的Marcus裝哭。

我向他回以一隻中指。

「乜你咁㗎，我好心同你道別，換嚟既竟然係一隻中指？你咁冷血既。」

「收皮啦屌你。」

「好啦各位同學，我地宜家調位啦，大個仔啦，都唔駛我逐個調啦，我開個投影機Show張坐位表出嚟，你地自己調啦。」Mr Wong說。

說罷他將我們的「生死紙」投影出來，

唉，我不求能繼續跟啊童坐，

只求能跟其中一個兄弟又或Suki坐...

我在座位表上尋找著自己的名字。

冇既...冇既...冇...

有啦！

第一行第三個位。

坐我隔離既係...

仆街了，係一個有嚴重公主病，極度自戀，毫無自知之明，

而且比Suki更八掛既女仔，好似英文名叫Michelle。

屌。

咦...Suki坐我前面？

啫係話至少都有條友可以同我傾計啫，

好彩...啫。

咁啊童坐邊呢？

冇...冇...冇.....

今次真係仆街了，

啊童坐第八行既第二個位...

隔咁L遠㗎，坐佢隔離既係...啊正！？

咁都好啲，係碼唔係啲咩MK仔，

係一個我信得過既人。

只不過，隔咁遠我地真係唔會有交流既機會，唉屌，點L解要調位。

「放心啦啊童，我會幫你睇住你條仔，唔俾佢有機會溝其他女㗎啦，監視佢既任務，就包係我身上！」Suki對啊童說。

「嘩，你覺得佢夠膽做呢啲野咩，佢咁廢。」啊童恥笑我。

「你仲笑得出既...我地隔咗成個班房咁遠啫。同理，你話邊個廢啊？你唔記得前幾日係邊個抱起咗你，你連反抗都反抗唔到㗎？」

「妖！女仔唔夠男仔大力有幾出奇啫？」啊童大力踩了我一腳。

「不過其實調咗位都好吖，起碼你可以專心啲上堂，身邊冇人同到你傾計。」啊童說。

「痴L線㗎你，要同男朋友分開你仲話好既。」我張開雙手打算來個Goodbye hug。

「死開啦。」卻比啊童一臉厭棄地推開了。

「各位同學如果冇問題既話就可以開始調位啦。」我們的對話就此被Mr Wong打斷了。

**毋忘  
大家加油**

## 152.

「唉，調位啦調位啦。」我開始執拾物品，然後走過去自己要坐的位置。

我在自己的新坐位坐下，旁邊就是我的新同學Michelle，一坐下來就已經不停問我事情。

「喂，你同個咩周樂童係咪真係拍緊拖啫，見你地成日痴都好埋喎。」她問。

我為了不再比罰及見家長，所以基本上我對外都是說啊童只是自己一個好親密的朋友，而並非女朋友。

「真係唔係？但係你兩個成日都痴到好埋喎，朋友會拖手.啱咩？」

唔係掛？咁都比佢見到？

「你面都青晒喎，嘻，啫係你兩個真係拍緊拖啦。」

「唔係。」我能做的只有否認。

「我唔信！」

「Suki！擺隻手嚟！」我對前方的Suki說。

一直聽到我們對話內容的Suki自然猜到我想做甚麼，

於是她出乎意料之外地配合，

真的乖乖拿出她的手來，我輕輕握下去，

對著Michelle搖了一搖示意，然後再鬆開手。

「噏，邊個話朋友唔會拖手啊？」

「佢有咩好啫？講靚我仲靚過佢啦？我又聰明又靚女個人性格又好，不如你揀我吖。」Michelle對我說。

痴L線條女原來真係無得救。

「我揀咗你，你都係當我係兵仔啫，唔好癲啦。」說完這句話後，任她再問任何問題我都不再回答。

千辛萬苦上完頭兩堂，響起的鐘聲無疑是從水深火熱之中拯救了我，

一下課我就立即走過去啊童那邊向她哭訴這一個多小時中我所經歷了的事。

「嗚啊...好L煩啊條女。」

「嘩，咁咋，見你頭先個樣仲以為你比條女非禮同性侵。」啊正說。

「屌，你點明吖，你試下同佢坐吖仆街。」

「咁起碼你前面仲有個Suki吖嘛，係未？仲可以玩拖手遊戲添~」啊童臉色一轉。

「冤枉啊大人~係條女見到我地返學既時候拖手，我為咗證明自己同朋友都會拖手，所以先至，好好好短暫咁掂咗Suki隻手一下咋，我方諗衰野㗎。唔信你問Suki啦。」我連忙向她解釋。

「哼，今次就放過你，唔好俾我見到有下次，如果唔係...我打L死你呀！」

「係係係，唔會唔會，所以我幾時都話我女朋友好開明既。」

等我刷下鞋先~

之後那數十天，我每天都要忍受著Michelle無止境的疲勞轟炸，

而且啊童不在我身邊的日子。

直到放新年假前一天，我終於忍受不住，

在上西史堂時，

(即係八婆禮教既堂)

找了個方法與啊童交流。

我拿出一張廢紙及筆來，

在紙上寫上「我好悶啊」四字，

然後將它摺成紙飛機，

再趁八婆禮在轉身寫字上黑板時，

偷偷地把它飛過去啊童那邊，只見紙飛機穩穩地降落在啊童的桌上，

而啊童好似比紙飛機嚇了一嚇，

之後再看向我，反了反白眼。

我向她示意叫她寫幾隻字上去。

她想了一想後拿出筆來，動筆寫了幾隻字後，

又趁八婆禮不為意，把紙飛機飛回我這裏。

其他同學看到我們這樣玩也不以為意。

並沒有告發我們。反正上堂玩紙飛機對中學生來說只是家常便飯。

跪求大家Follow我既IG: MaanYin05

## 153.

如是者一來一回，成為了我們在西史相隔遠距離的獨有溝通方式，  
主要是因為西史堂上與不上分別不大，所以啊童才願意跟我這樣玩，  
換轉是其他堂，啊童一定會在我的紙飛機上寫著「專心上堂」四隻字，  
然後還給我。

好不容易到了小息，我終於能跟啊童用一個較正常的方式交流。

「啊童，我好掛住你呀~」我走過去時打開雙手打算抱著啊童。

「係呀言言，我都好掛住你呀~」她張開手等待著我的到來。

「死開啦。」怎料我倆快要碰上時，啊童卻大力推開我，然後向我做個鬼臉。

「哎唷~有人比自己女朋友推開咗喎。」Suki說。

「唉...我都唔知點解會有個咁痴身又幼稚既男朋友。」

「嗚...我都唔知點解我個女朋友咁冷酷無情㗎。」我裝哭說。

「屌...我都唔知點解我個靚仔完全對我有心動過㗎。」Suki嘆了口氣說。

「妖...我都唔知點解我連女都有㗎。」啊正說。

「喺呀，點解我地都有另一半㗎？有女個啲人起咪可恥先？」Suki問。

「係！」魚蛋說。

「咁要點做啊？」Suki繼續問。

「Con 9佢!!!」Marcus說。

「做啦咁！」Suki說。

「我地玩啲新野㗎不如。」魚蛋提議。

「嘩，真係唔好，唔好搞我，我係無辜既，有咩新野都唔好試。」我極力勸阻他們，卻慘遭他們無視。

「兄弟們，揸住佢係張欖到。」

「喂...等陣先！我做錯咗啲乜野啊？我講咗一句咋喎，唔好啊！唔好啊！痴線!!!」

只見啊童配合地讓出坐位，而他們則合力地把我按在椅上。

啊童跟Suki站到一旁吃花生。

「邊有女朋友好似你咁嘍？你個男朋友就快死你竟然唔理不特止...仲要幫班想殺佢既人，你有冇人性嘍...啊童！！！」我向啊童說。

「邊個叫你成日蝦我~個日唔係抱我抱得好開心嘍咩？叫極你你都唔放返我落嚟。」啊童向我做個鬼臉。

「廢話少講，宜家行刑，肥強，識做啦。」魚蛋對肥強說。

只見肥強奸笑著走到我正前方，然後轉身，向後一跳。

「屌...好L重啊你。」我的嘴幾乎是貼著肥強的背部。

「未完，到我！」魚蛋也跳了上來。承受著超過百五公斤重量的我差點被壓死。

「鈴」響起的鐘聲再次從水深火熱之中拯救了我。

他們一聽到鐘聲就若無其事地回到自己的坐位中，

可憐我雙腿還在麻痺當中。

「啊童，幫下手...扶一扶我起身先。」我半死地向啊童求救。

啊童聽到後便走過來伸手扶我，我猶如找到救命稻草般，

立即握緊她的手，她之後便運力拉起我，

怎料拉到一半時卻突然鬆手，累我跌落在她的坐位上，

她倆則在咯咯笑著。

「究竟...究竟我做錯咗啲乜野...連個女朋友都要蝦我。」我欲哭無淚。

「冇嘍啦，由你鍾意我個刻開始，你就注定咗呢一世都要比我食住，唔準反抗，除非你話分手啦，如果唔係，你就要做好成世比我蝦兼冇得反抗既覺悟嘍啦。」啊童再次伸手拉起我。

「比你蝦我又冇乜所謂既，冇冇興趣下個小息由你代替佢地坐落嚟我到啊？」我在她耳邊問。

她聽完後滿面通紅，然後大力打了我一下，

「冇興趣呀死變態！」

跪求大家Follow我既IG: MaanYin05

## 154.

正如之前所說，這天是放新年假前的最後一個上學日，

而恰好這天是星期五，

所以，當其他人正開開心心相約出街遊玩時，

我跟啊童還要去羽毛球隊的訓練，簡直是慘無人道！！！

憑乜L野人地可以去玩，

而我就只可以on99咁擺住塊球拍同女朋友打波...

女朋友？

係喎...差啲唔記得咗我係同啊童去打添，

咁就是但啦，

當係拍拖既活動啦~

那天放學後，我跟啊童背著沉重的書包，

以及羽毛球拍，

(仲係啊童送比我做聖誕禮物個塊，啊童送既真係特別好用。)

一起走過去羽毛球場。

一如以往，我倆趁其他隊員還未到齊，

立即霸佔著其中一個球場猜波。

「點解...明明其他人有得去玩...點解我地要嚟呢度練波...我都好想去玩啊！！！」啊童把全身的不忿，灌注進這記殺球當中。

「唔緊要啦，最重要係同邊個人去做呢啲事吖嘛，你睇下，宜家你最愛既男朋友就係你隔離，仲唔夠開心咩？」

「啫係唔係話打波唔好，但係我想同你做多啲唔同啲既野，唔好再係啲我地已經做咗差唔多半年既野咁囉。」

「小姐言下之意，莫非係叫我諗諗新年有咩做？」

我心中一驚，真係唔想再諗，

諗完四次點樣表白，

點樣氹返佢諗咗兩次，

幾乎所有腦細胞都已經陣亡晒。

「又唔係剩係叫你諗既，大家一齊諗下啦。」啊童口中態度雖然放軟，但殺球力度依舊不減。

「嘩扁。」走避不及的我比羽毛球打中。

「唉，做咩要避呢？試下接吖嘛。」啊童說。

不久後，便到了四時正，所有人也來齊了。

講解完今天概會練甚麼後，教練便解散我們，

唯獨將所有男A成員留下，

(即係有份打學界個啲)

「好啦，相信大家知點解我要留低你地，原因係之前既小組賽我地贏晒，首名出線，嚟緊三月廿七就會係決賽啦。咁因為之前隊長受傷到宜家仲未完全好返，同埋耐冇打技術應該都生疏晒，所以啊言你要繼續做正選，大家呢段時間加緊練習，如無意外我地會加場比你地練波。冇冇問題？」教練問。

「冇！」

「好，解散，啊言叫埋周樂童過嚟。」聽罷我便走去把啊童叫過來。

「做咩呀又？打緊比賽㗎嘛。」啊童不滿地問。

「我點知啫，教練叫我叫你過嚟，咁我咪照做囉。」我說。

話未說完，我們便已經到了教練面前。

「啊言佢上次比你訓練完之後好成功咁贏咗場比賽，所以我地就入到決賽啦，好明顯，上次啊言只係贏對手一個馬鼻，但係我地今次既對手係一定勁過上次個場個啲，所以我想麻煩你繼續幫佢訓練，因為佢始終宜家係越級打A grade，本身已經係處於劣勢，要加緊訓練先至會有勝算，唔該晒你。」教練對啊童說。

「冇問題，包係我身上。」啊童對教練說。

「咦~咦，啊童我突然諗到我地新年有咩做啦。」待教練離開後，我跟啊童說。

「練波吖嘛。」啊童自然猜到我的想法。

「冇錯啦！恭喜你有得同全世界最好既男仔兼男朋友練波，期間你係可以捉住佢隻手教佢正確動作，攞下佢甚至錫下佢以示鼓勵，機會難得，好好珍惜。」我笑嘻嘻的說。

「有冇得打你㗎？」

「視乎你打既位置同力度。」

「例如？」

「你係允許輕輕力咁打佢既臀部同臀部前啲既位置，但係注意一定要輕力，如果唔係後果不堪設想。」

「有幾不堪設想？」啊童忍著笑問。

「輕則要返屋企休息，重則變陳奕迅(冇冇人唔知佢經歷過啲咩？唔知既自己Google)甚至不育，影響你一生既幸福。」

「你諗得太~多啦！係唔會影響到我㗎！死變態！個啲位我係點都唔會打㗎，你...你死心啦！」

「喂喂喂喂...咁你又唔好講到咁盡...宜家唔會啫，大個你就後悔㗎啦。」

「食屎啦你，信唔信我報警拉咗你個咸濕佬吖嚟？」

「咁又唔好，下年先啦下年先啦。」

「下你老母！」

跪求大家Follow我既IG: MaanYin05

# 155.

時間來到一天後，難得放假，當然要好好睡個夠才對得住自己。

於是我難得地，睡到去早上九點。

係，「瞓個夠」都只係可以瞓到去九點，

因為... 仲駛問既！

咪又係啊童囉。

我老母又開門比佢入嚟，

跟住佢就自己走入我間房。

「起身啦！」她一邊「搵」我的面珠鬘一邊在我耳邊輕聲說。

正在發美夢的我被她嚇了一嚇，我慢慢地睜開眼，

映入眼簾的，正是啊童那百看不厭的美貌，

臉上掛著迷人的微笑。

「做咩呀...咁早叫我起身，比我瞓多陣先啦。」我不願起床。

「你係咪唔記得咗你就快要打學界總決賽啦，快啲起身練波啦！」

「晏晝先練都得啦。」

「唔得呀！晏晝我地出街拍下拖啦~」

「唉好啦好啦。」口裏雖這樣說，但沉重的眼皮卻不爭氣地重新合上。

「呀！！！！！」當我重新開眼時，我的手臂已經多了一道牙齒印。

「醒未！」

「醒...醒啦。」比她這樣咬一咬，任我之前再叻也好，也變得精神起來了。

「咁就乖啦。」她甜甜一笑，然後蜻蜓點水式地親了我嘴一下，令我完全清醒。

「宜家即刻起...你出去先啦。」我說。

「唔得，為咗唔俾你瞓返，我要擺走你張被！」

「喂唔...」未待我說完，她已經一把抽走了我的被。

如果你是一名身體健康的男士，想必猜到之後發生的事。

如果你係一個女仔，咁就算啦，千祈唔好去Google。

「呀！！！死變態！」她立即把被還給我，然後秒速離開我張床。

明明係佢自己衰多手，宜家搞到好似錯既係我咁樣，

豈有此理！

我整理好衣服，立即下床，

打算向啊童解釋清楚。

「衰仔！你搞咩嚟呀？你對人地啊童做咗啲咩啊！」老媽以媲美保特的速度衝進來。

「冇啊，關我鬼事咩。」我立即為自己辯護。

「啊童！Auntie撐你㗎，唔怕同Auntie講。」

「真係唔關佢事既。係我問題啫。」

「死仔包...唔好搞到人地個女啊！」她說完這句後便離去。

房間內再次只留下我跟啊童。

「嗱叫咗你㗎啦，係都要抽走我張被，仲有仲有，咩死變態啫，生理反應嚟㗎大佬，我控制唔到㗎啫，再講，如果有一日冇發生呢個反應你就驚啦。」

「咁...咁你係變態咩嘛，同埋啫...我又冇...我點知啫...」啊童越說越細聲。

「同你講樣野咩，個日你咪拖住我隻手既...唔知係緊張定點啦...下面好似都有少少感覺咁，嘻嘻。」

「你果然係變態嚟㗎！得啦，我以後唔會再拖你隻手㗎啦。」

「喂喂喂，咁又唔好，我地唔好再講呢啲衰野啦。去練波係咪呀？我宜家去梳洗，之後就去啦，你等我一陣啦好冇？」

「唔。」

相信大家唔會有興趣睇我講練波㗎啦，

總之你地要知道我比啊童地獄式訓練咗個幾鐘，

不斷練接殺同殺波，練到好L邊就得啦。

「咁晏晝你想去邊到拍拖啊？」回程時我問啊童。

當然，啊童又點會唔拖我隻手吖。

頭先咁口硬，宜家咪一樣係拖到實一實。

「我想去...花市！」

「呵，原來你一早就已經諗定，咁我地返屋企沖完涼之後就出發啦好冇？」我問。

「好啊！」

跪求大家Follow我既IG: MaanYin05

## 156.

回家快速地洗澡後，我便又準備出去了。

「去邊啊你又？」老媽問。

「去年宵。」

「同啊童呀？」薑果然還是老的辣，對於老媽能夠猜中我是跟啊童出去這點，我表示十分佩服。

「你又知？」

「估都估到啦，好女仔嚟㗎人地，好好珍惜啊。」簡直是耐人尋味...此話耐人尋味至極，

究竟她是猜到我們已經是男女朋友關係，

抑或單純猜到我是跟啊童出街。

「珍惜緊珍惜緊，唔講住，我再唔出去一陣佢又嬲我就唔好啦。」說完我們走出了門口。

「珍惜緊...咩意思啊啊仔？返嚟答埋我條問題先啊死仔！」奈何未待她說完我已經關了門。

我走過去啊童門口，按一下門鐘。不出數秒，

周叔叔便前來開門。

「嚟搵啊童啊？」他問。

「係呀，佢約咗我出街啊。」

「哦，但係頭先佢唔係已經同完你去打羽毛球啦咩？」

「係呀，咁佢話想出我有理由拒絕佢㗎嘛。」

「佢仲沖緊涼啊，你入嚟坐下先啦。」

我坐在沙發上，打量著她家的盆栽，

嘗試尋找之前我送給她的玫瑰。

「搵緊啲玫瑰啊？」周叔叔問。

「個傻女，個日去完長州返到嚟就即刻擺個花樽出嚟裝住啲玫瑰，仲成日眼定定咁望住啲玫瑰發呆自己係度傻笑，唔駛問啲玫瑰都係你送㗎啦，睇嚟你成功咗啦喎。」他笑著對我說。

「世事都比你看透了，係呀，你個女終於接受咗我做咗我女朋友，好感動。」我笑言，反正他也早已

明言支持我們拍拖。

「喂！你講咩呀！！！」此時剛沖完涼的啊童穿著睡衣撲出來。

「冇呀，冇講咩呀。」我立即否認。

「你仲話冇！？我聽到晒啦，我唔係話咗順其自然㗎咩？」

「喂大佬，你去完長州之後擺住扎玫瑰返嚟，係人都估到啦係咪啊。」

「冇理由㗎，佢估到點會唔問我啫。」她看向周叔叔那裏。

「啊女，你唔好真係當老豆傻先得㗎，我係見你都大個女啦，唔洗我樣樣都管，所以先唔問你啫。」

「噏，啫係唔關我事啦。話事話，啲玫瑰呢？」我問。

「傻佬，擺咗咁耐，咩花都謝晒啦，一早扔咗啦我。」

「係㗎咩...哈哈，我仲以為可以放好耐添。你快啲去換衫啦，又話想去年宵~」

「係喎，差啲比你搞到唔記得添。」說罷她便回房間更衣。

不出數秒，她便穿著一件衛衣連同一條緊身牛仔褲出來，

把她修長的美腿展現出來。

由於周叔叔就在我旁邊，

所以我都不敢多言，免得留下壞印象。

「行啦。」啊童把我從沙發拉起身。

「Bye Bye 啦周叔叔。」

「喂啊言，你可唔可以順便幫我買啲桃花返嚟，唔該晒。」周叔叔對我說。

「哦，好吖，冇問題。」說罷我們便離去了。

跪求大家Follow我既IG: MaanYin05

# 157.

「死變態！唔好以為我唔知你由頭先開始就係度我啊！你真係已經病入膏肓啦，我著長褲你都仲可以用一個咁咸濕既眼光嚟望住我。」她一出門口就大力扭著我的耳朵說。

「痛...痛。」我為了減少痛楚，所以頭順著她扭的方向斜傾。

(如果你有比女仔扭過耳仔你就明我講緊咩。)

「哼，邊個叫你成日我。」她終於放開手。

「我都係望多咗你一眼咁大把啫，對唔住囉。話時話你Daddy都幾鍾意花嘞，你地成間屋都係花嚟既？」

「其實鍾意花個個唔係我Daddy，係我媽咪嚟既。」

「係嘞，識咗你咁耐都有見過你媽咪既？」

「佢生我既時候就走咗啦，之後我爸爸就繼續養啲花，直到宜家。」

「唔怪得知啦。」原來啊童是在單親家庭中成長的。

「唔好講呢啲咁Sad既野啦唉。」

「你放心啦，由我同你表白個一刻開始，我就應承過自己要好好咁愛你保護你，所以之後你身邊會多一個人煩著你同愛你。」我握緊她的手，認真地說。

「你係一個好人...」怎料啊童卻在此時向我開了個玩笑，把原本浪費的氣氛破壞掉。

我無言地看著她，然後甩走她雙手，向前離去。

「喂！講下笑咋，唔係咁都嬲呀嘛~」啊童立即笑著從後追上，強行拖著我的手。

「成日話我幼稚，你咪又係咁幼稚~」我把頭擰開，刻意不看啊童。

「係啦係啦，我都幼稚啦...唔好嬲啦~小言言~」她不停搖著我的手，可惜我無動於衷。

就睇下你會點樣逃返我！

「言言~」

「BB~」

「豬豬~」

「好肉麻呀你。」冇錯，佢講咗三句野就搞到我破咗功，笑咗出聲。

呵，原來有時扮下黐睇吓啊童點氹返我都幾好玩喎。

「所以我地係諗住去邊個年宵市場㗎？」

「仲駛問既，緊係去維園個個啦。」

既然啊童想去維園那個年宵市場，那我也只好陪她去吧。

歷時差不多半個多小時車程，我們便抵達了。

啊童奔奔跳跳地走了進去眼前人山人海的年宵市場中，活像一個小孩子。

不消一會，她便已經消失於人海之中，

我立即上前打算尋回她，

奈何附近的人實在太多，

而且周圍迫得水洩不通，連移動也有困難。

正當我徬徨之際，一隻手篤了篤我的腰部，

怕吱的我差點整個彈起，

不用想也知道，普天下間，

會這樣做的，就只有啊童一人。

我沒好氣地回頭，眼前卻突然出現一串冰糖葫蘆。

「噏，食啦！」啊童說。

「你去咗邊呀頭先？」我沒好氣地問。

「做咩呀？擔心我~啊？放心喎，冇人好似你咁變態㗎喎。你食得未呀？」啊童略帶不滿地說。

我張口把位處最頂的士多啤梨咬了下來。

「嘩屌...咁L硬既。」我說。

「噏...估唔到你都仲係咁天真，呢個教訓教訓你唔好人地對啲野比你食你就照食，知唔知。我就唔食住啦~等佢「攤」下先食。」啊童奸笑著說。

經過我不屈不撓地咀嚼，我好不容易終於把那顆士多啤梨吞下肚。

跪求大家Follow我既IG: MaanYin05

## 158.

啊童拉著我在花市中左逛右逛，來回穿插於人群之中。

「嘩！隻豬仔好得意啊！」啊童被其中一檔的產品，一隻豬公仔吸引著。

她把它拿上手把玩著，久久不願放下。

「小姐，係咪對我地呢隻豬公仔有興趣呢？」職員眼見有生意，立即過來問。

「係呀，好得意啊。」她的目光依然不離手上的豬。

「呢隻係我地今年既王牌商品嚟既，其實仲有另一隻係同佢一對㗎，我擺埋比你睇下㗎。」

「好啊！」糟了糟了，啊童看來是對這隻公仔起了興趣。

「喺，呢隻就係佢既另一半啦，你手上既呢隻呢，係女仔嚟既，而我手上呢隻呢，就係男仔嚟既。噃，請問身後個位係咪你男朋友呢？」職員問。

「係呀。」啊童不疑有詐，立即回答了她的問題。

「哦，咁就啱啦，男女朋友，一人一隻，你要隻男既，男朋友呢，就要隻女既。仲可以攞住呢隻公仔嚟馴覺添，好好攞㗎。」不得不佩服這位職員的銷售技巧，成功令到啊童心動。

「幾多錢啊？」

「一隻一百，兩隻一齊買就有折，一九九，寓意長長久久㗎嘛。」

啊童聽到後轉頭看著我，用她那水汪汪的雙眼注視著我。

「你好想要咩？」

「唔！」啊童大力點一下頭。

「唉好啦好啦。」最終我也是屈服於她那惹人可憐的樣子之下，拿出銀包付錢。

「多謝兩位。」職員把兩隻公仔包好然後交給我。

「好耶！」未待我放好兩隻公仔，啊童就又拉著我向前行。

行了個多小時後，我們終於走完乾貨區，

之後我們便去濕貨區按周叔叔要求購買了一盆桃花。

回程時，作為一個稱職的男朋友(雖然呢句我唔知講咗幾多次。)

我又怎會忍心要啊童拿那盆桃花，所以這個責任自然就落在我身上了。

幸好那盆花體積不算大，不然我應該在半路中就給累死了。

好不容易終於從花市回到家中了，我捧著那盆花走進啊童的家中，

周叔叔連忙過來接過那盆花。

「知唔知點解我要你地買桃花啊？」周叔叔問我們。

「靚吖嘛，同埋啊童鍾意粉紅色，擺盆桃花係屋企可以裝飾下囉。」我回答。

周叔叔笑著搖了搖頭，然後說，

「桃花代表愛情，同時寓意我地要珍惜眼前人，咁你地啱啱開始拍拖，我希望你地可以好好珍惜對方，就算鬧交都唔好隨便講分手，因為每段愛情都得來不易，好難得兩個人先可以走埋一齊，要趁對方仲健在，仲愛你既時候好好珍惜對方，唔好當佢對你既愛係理所當然，亦唔好認為有得同對方係埋一齊係一件好平常既事。兩個相愛既人，可以係埋一齊，成世唔分開已經好值得開心。」他突然對我們說起教來。

「你無端端講呢啲做乜嘢，擺好啲花去啦快啲。」啊童說。

「為咗你地好咋傻女，啲人話初戀好容易分手，就係因為第一次拍拖大家都冇經驗，所以先至易分手。我宜家教定你地，就係唔想你地咁快分手啊，袋緊錢落你地袋啊。」

跪求大家Follow我既IG: MaanYin05

# 159.

那天回到家後，我好好思索著周叔叔所說的話，

看來他也是一個有故事的人，

才能說出這番話來。好好珍惜對方...

算了，先不想這個，

我打開日歷看一看距離情人節還有多久。

答案是，只剩四日。

知唔知啫係咩意思？

啫係話我又要諗送咩禮物啊仆街！

真係好L難諗啊啊啊！

諗既過程我唔講，諗咗足足一個鐘之後我就決定好，

要親手織條頸巾比啊童！

但係，呢啲野，

都係先諮詢一下Suki既意見先，

你知啦，啲女就好L古惑既，

一陣間送咗俾佢佢唔鍾意就唔好啦。

「喂Suki。」說時遲那時快，我已經拿起了電話打給Suki了。

「又點啊？如果你係想問情人節禮物送咩好？唔L好問我！係咁，拜9拜。」

「喂喂喂喂喂，唔係唔係，我已經諗好咗，諗住問下你意見啫。」我立即阻止她Cut線。

「咁係乜野啊？」她不耐煩地問。

「我呢，就諗住織條頸巾比啊童當做情人節禮物既，咁你覺得佢會唔會鍾意呢份禮物？」

「嘩我老實講，如果我男朋友織條頸巾比我呢，我就一定會打柒佢既。但係如果你係織比啊童既話呢，我諗佢會好鍾意呢份禮物既。」Suki說。

「得！唔該晒Suki姐。」我恭敬地說。

「拜9拜。」她說完便Cut了線。

「好！咁啱係我可以織頸巾，首先要去買材料。」我自言自語的道。

於是我便去了一間十二蚊店購買毛冷及針，然後便回家開始織了。

幸好之前上家政堂老師曾經教過如何織頸巾，而我大致上還記得，

所以回到家後我連教學影片也不用看就能開始織了。

老實說，織的過程是挺無聊及要花費很多時間的，

但為了啊童，再悶再花時間，我也得做。

連日來日織夜織，終於在情人節前一晚織好了，

我滿足地欣賞著自己的作品，卻比突然走進來老媽看到。

「嘩啊仔，你做咩織頸巾啊？織比邊個啊？女仔啊？啊童啊？」她連珠炮發的發問方式令我來不及回應她。

「唔好理啦你。」

「又織得幾好睇啎。」老媽一把搶走我手上的頸巾。

「你都覺織得幾好睇啊？」一聽到她讚賞的我臉上立即展現出笑容。

「笑得咁開心...織比啊童啊？」

「關你咩事啫，擺返嚟啦，唔好整爛啊，整爛咗我都唔知點算好，一定趕唔切今晚再織多條。」我珍而重之地把頸巾奪回，再找一個安全的地方放好。

「啫係聽日要用...哦...我明啦！」老媽露出一個意味深長的笑容。

「明就出返去啦。」

「聽日你叫啊童過咗嚟等我俾咗利事佢先啦，之前幾日一直都有機會俾。」

「好啊。」



## 160.

二月十四，又名情人節，我自然是約了啊童出街拍拖。

起身後我認認真真地梳洗了一番，

穿上早一晚已經襯搭好的衣服，

務求以最好的狀態去見啊童。

「叮噹」我剛剛穿好衣服，啊童就到了。

我立即走出去開門。

「估唔到你會準時啎！」我打開鐵閘笑著說。

「食屎啦你！情人節你都要笑我。」她走進來之後大力踢了我一腳。

「啊童你嚟咗啦？」老媽從廚房探頭出來問。

「新年快樂呀Auntie。」

「乖，我去攞利是比你先。」老媽從廚房中走出來拿利是。

「多謝Auntie。」

「你地係咪拍緊拖啫？」老媽失驚無神吐出了這個問題。

啊童看向我求助，我以眼神示意叫她先不要說。

「唔認就只得廿蚊，認咗有五百。」她見我們遲遲未回應，於是以金錢引誘啊童。

「係！我地係拍緊拖！」一聽到有五百大元我立即代替啊童承認。

「衰仔！一日到黑剩係顧住錢，之前問極你都唔肯講，宜家一聽到有五百蚊就即刻認。你睇吓人地啊童，邊有好似你咁咁失禮。啊童我要你親口講。」啊童再次看向我求助，我當然不斷大力點頭，叫她承認我們的關係。

「係既Auntie，我地係拍緊拖既。」

「咁就乖啦，實乜咁猶豫啫。嗱，呢到係利是，我多謝你呢半年嚟日日都陪個衰仔溫書，佢有你呢個女朋友我都好戥佢開心，之後就要麻煩你繼續幫我照顧個衰仔。祝你身體健康同埋步步高升，唔好因為顧住同我個仔拍拖而拖累自己既學業，幫佢溫書之餘都要顧掂自己啊，知唔知。」老媽把利是遞給啊童。

「知道。多謝Auntie，祝你身體健康，青春常駐，年年有餘。」啊童雙手接過利是。

「仲有，千祈唔好心軟俾個衰仔擺走入面啲錢。」啊童笑著點了點頭。

「唔阻你地啦，情人節就去拍下拖啦。」老媽說完這句便離開了。

「係喎，唔講都唔記得今日係情人節添。」我裝作不記得。

「唔記得你又會約我出街仲話已經安排好晒活動？你當我傻~㗎？」

「唉呃你唔到添。」原本還期待著能看到啊童失望的表情...

「哼，想呃我？冇咁易。」她接著就伸出手來，把手攤開。

「做咩呀？」我繼續詐傻。

「做咩！？禮物呢？唔好同我講冇準備呀...信唔信我殺咗你吖嚟？我就辛辛苦苦諗咗勁耐，你就舒舒服服係到打機！」啊童的氣勢迫人。

「我信我信，所以我咪準備咗禮物囉。跟我嚟啦。」我招手叫啊童走進我的房間中。

待啊童跟我都進到去後，我便把門關上。

「你既情人節禮物咪就係我囉。」然後我如上次聖誕節般一把抱著她，但卻得不到同樣的回應。

啊童一拳狠狠地打在我的心口位置。

「嘩玩下啫，駛唔駛咁惡啊...認真啦認真啦，我宜家擺出嚟。」說罷我便打開自己的衣櫃，再把我藏在當中的頸巾拿出來。

「登登！」我自毫的向她展示自己的作品。

「嘩...你自己織㗎？好靚啊~」啊童從我心中拿走頸巾，

再放在自己手中細細欣賞，臉上掛著那又驚又喜的笑容。

連日來的努力，如今換到女神一笑，

對我而言一切都值得了。

「快啲攞嚟睇下啦。」啊童聽罷便戴上了頸巾。

「點呀點呀？好唔好睇啊？」啊童興奮地問我。

「緊係好睇啦！話晒都女神喎，著咩都好睇既。」

「算你啦。」她口中雖如此說，但臉上的表情卻已經藏不住她內心的喜悅之情。

「I Love You。」她輕輕地在我臉頰上留下一個無形的印記。

「I Love You too。」我把啊童輕摟入懷。

「等等先！」我突然想起了一件事，於是便推開了啊童。

跪求大家Follow我既IG: MaanYin05

# 161.

「做咩呀？」啊童不解地問。

「你.個.份.禮.物.呢？」

「哦，咁咋，仲以為你做咩事無端端推開我。」啊童笑說。

「等一等我啦，我宜家出去擺比你。」說罷她便走出了我的房間。

不消片刻她便又回來了，手上拿著兩個盒子。

「咩嚟㗎？」

「喲，呢個係你既，呢盒係我既。」

她把其中一盒遞給我，奇怪奇怪，

明明兩個盒子完全是一樣的，她究竟是如何分辨的呢？

我把盒子接過來，旋即把它拆開。

「手錶？」

「正確啲嚟講係情侶手錶，有我地個名係上面㗎，你個隻係黑色既，而我呢隻就係白色既。之後我地就可以戴同一款錶返學啦！」

老實說，去到最後那幾句我已經沒有空聽啊童說的話，

因為我只掛著把玩那隻手錶。

「喂！你有冇聽我講野啊？」

「有...緊係有啦，多謝你份禮物，隻錶好靚。」我隨即把那隻錶戴上手。

「咁就好啦。點呀？我地出去未呀？」啊童問。

「行囉。」一早已經計劃好今天行程的我說。

「所以我地今日去做咩？」待我們出了門口後，啊童便急不及待地問。

「時鐘酒店。」我平靜地吐出這四隻字。

「喂呀！認真答我！」她把我的頭扭過來，使我的雙眼比迫看著她。

「唔得！我要保持神秘感，總之你唔會有事啦。」

「大概係做啲咩嘍一陣？」啊童不放棄堅持追問下去。

「運動。」

「溜冰？」啊童問。

我呆了看著她，完全沒有料到過她一猜便猜中了我想了整晚的活動。

「哈，都話你有乜野都瞞唔過我嘍啦，少年你真係太~年輕啦。」她向我做過鬼臉。

「仆...仆你個街，你知唔知我諗L咗幾耐啊呢個活動？一晚啊！宜家你一句就估到啦，咩驚喜都冇晒。」我哭著臉說。

「唔緊要啦，知道咗咪重開心，我宜家已經期待緊啦。」難為我要啊童反過來安慰我。

「話說你識唔識溜冰？」我問。

「唔識，你識㗎可？」我搖了搖頭。

「吓？你認真㗎？你唔識你又揀呢個活動？」

「我...我以為你咁全能，我諗住你實識溜冰可以教我㗎嘛，點諗過你係唔識㗎啫...」

「唔緊要，我有辦法，我地宜家上網睇下啲教學，到時再試下就應該ok㗎啦，溜冰應該唔係好難㗎啫。」真佩服啊童永遠能這麼樂觀。

於是我便在坐車途中上網找教學片段看。

我成個月既數據就咁冇晒，仲有十日要捱...

唉，屌，又講遠咗。

「好！我諗我地應該都明既...」啊童站在溜冰場前說。

「唔明都冇辦法㗎啦，唯有入到去之後再睇吓人地點溜囉，我去買飛先。」我說。

「好啊。」

跪求大家Follow我既IG: MaanYin05

## 162.

我跟啊童先去櫃台借鞋，然後再坐在長椅上研究如何穿。

「喂呀，你點綁㗎？點解我唔得既？」啊童問我。

「用個腦諗下就識㗎啦，唉，不過有時個人蠢又冇辦法既，我幫你綁啦。」我在啊童面前跪下。

「你話邊個蠢呀！」她欲提腳踢我，但她卻忘記了她所穿的鞋並不是一般的鞋。

「喂！」我立即喝止住她，成功保住了自己弱小的生命。

「係喎，差啲唔記得咗添。」她伸一伸舌頭。

不消一會，我便已經替她綁好了鞋帶，

我們互相捉著對方站起來，一拐一拐地向著入口走。

「喂，你入去先啦。」啊童說。

我於是便慢慢踏進去溜冰場中，怎料那地其滑無比，

要不是我緊抓著旁邊的扶手，

我早就滑倒了，

雖然並沒有整個跌在地上，

但還是失平衡了一下，身體微微往後仰了一下，

如此小幅度的動作竟也逃不過啊童的法眼，

換來一聲冷酷無情的嘲笑。

好不容易站好了，我雙手緊捉著扶手小心翼翼地轉身，

生怕會再一次成為啊童的笑柄。

「笑乜㗎你，入嚟啦。」我伸出自己其中一隻手。

啊童聞言便抓著我的手，緩緩地走進來。

她之後遇到的情況與我剛才發生的一模一樣，

所幸我及時拉著她，才不致跌倒。

「好驚訝我...」啊童靠在欄杆上說。

「驚咩啫，有我陪你，嚟吖，扶住條欄杆一齊行啦。你睇下個度個個細路女，佢玩緊花式啦！人地細你咁多都未驚。」我鼓勵啊童。

但有時僅是言語上的鼓勵是不夠的，所以我率先帶頭一步一步地向前踏。

有了我的鼓勵，啊童也跟著我向前行。

好幾次我差點向後倒下，幸得啊童及時向前推了推我，

反而啊童就從未失平衡，四平八穩。

就這樣走了幾個圈後，

我們也漸漸熟悉了在冰上行走的感覺，

也不再是那麼害怕，於是我們便開始學習著別人的動作。

其實世間上很多事情也是如此，碰碰撞撞，

跌過好幾次就會學懂。

觀摩著不同人的動作，尤其是那些教練及職行運流水的動作，

找到竅門並不困難，前題是你悟性要夠高。

我鼓起勇氣放開雙手地去溜，不再倚賴著扶手，

因為我知道若然我全程都抓著欄杆是沒有可能可以成功溜到的。

「喂...唔好溜咁快啊，等埋我啊！」我越溜越快，拋下了慢吞吞的啊童。

冇錯，我終於有樣野係勁過啊童，

我好似已經學識咗溜冰咁，唔再係「行」，

而真係係啲冰上面「溜」。

「砰！」自我感覺良好的後果就是跌倒，

我第一時間四處張望，在人群中尋找啊童的身影，

看看她有否目睹這一幕。

我跟遠在斜對面的啊童對上了眼，從她臉上那慌張的臉中，

不難看出她有多麼的緊張我。

她加快腳步想走過來，狼狽地向前走，

而我則已經自行站了起來。

「叫咗你唔好溜咁快㗎啦，抵你死啦，跌親啦。有冇整親呀你？」

「嘻，溜冰慢吞吞咁溜邊好玩㗎啫，跌親咪跌親囉，反正我條褲咁厚，都唔會見紅㗎啦。」

「唔準溜咁快呀！你又未真係學識，又冇經驗，嚟啦，同我一齊溜慢啲，摸熟咗點溜先啦。」啊童說。

縱然我內心萬般不願，但自己又的確未夠班溜這麼快，

女朋友又極力勸阻自己。

唉，唯有跟啊童一起慢慢溜。

跪求大家Follow我既IG: MaanYin05

## 163.

又跟啊童慢溜了半個多小時後，我們開始慢慢加快速度向前溜。

「捉住我隻手啦，我地一齊溜快少少。」我把手伸向啊童。

「吓，如果一陣你跌既話咁咪會拉埋我一齊跌囉？」啊童猶豫不決。

「痴線，我點會跌啫，係都你跌先啦。」

「頭先唔知係邊個跌親呢可~」口雖這樣說，但啊童卻牽起我的手。

「我開始溜㗎啦。」我牽著啊童的手，沿著那橢圓形的場地溜，

恰好這時溜冰場播的歌曲比工作人員切換成了Rubberband的First Date，

(咪L同我講首歌2020年12月先出，呢個世界係突破一切時間地域限制既，我想用邊首歌就用邊首歌！)

令氣氛更為浪漫，我倆相視一笑，

靜靜地牽著對方的手在眾人之中穿梭著。

「嘩屌！」仆你個街我又失平衡，乜L野氣氛都冇晒。

不幸中的大幸是我及時鬆開了手，

才不致於我倆雙雙倒地。我再次從地面中重新站起來，

啊童一副沒好氣的樣子，反了反白眼。

我們就這樣一直溜，直至這一節完結才離去。

「呼，踩返落地感覺好唔自然。」我步出溜冰場伸了伸懶腰說。

「坐低比我睇下隻腳有冇流血啦。」她走過去長椅那邊說。

待我們換好鞋後，啊童便說要幫我檢查一下有冇流血。

「唔駛啦，我都唔覺得痛。」我極力制止啊童。

「唔得！乖乖地坐定係到比我睇下。」啊童說。看來是沒有拒絕她的餘地了，

我唯有乖乖坐著，任由她檢查。

這次輪到她跪在我前方，她把我的褲腳拉高。

「你仲話冇野！流晒血啦！叫咗你唔好溜咁快㗎啦。我去問職員攞消毒藥水同綿花先，唔該你唔好四圍郁。」

「冇咁嚴重啊，返屋企先啦。」

一個男人係大庭廣眾面前係度消毒傷口，實比人笑死。

「咪L嘈！我話點就點。」她說罷便起身就去找職員。

不久後，她便提著一個藥箱過來，

然後細心地拿出綿花，噴上消毒藥水，

然後小心翼翼地按在我的傷口上。

「痛唔痛啊？」

我笑著搖了搖頭。「句台詞...好似我曾經講過。」

「食屎啦你！個次如果唔係你？我會受傷？」

「你自己扭親又關我事既？」

「哼，如果唔係你激鬪我，搞到我心情唔好，我會扭親？」啊童激動得把綿花大力地按下來，一陣痛楚立即傳入我腦中。

「痛...痛痛，唔好咁激動。」我立即說。

「唔好意思，嘻...一時激動咗添。」被她強制性地消毒完一輪，再貼上膠布後，我們便離開溜冰場了。

「跟住我地去邊㗎？」啊童問。

「食野囉，都差唔多六點啦宜家。」

「去邊到食啊？」

「情人節緊係要食好啲啦，所以我Book咗間係中環既西餐廳鋸排。」我說。

「痴線，咁咪好貴囉？」真係冇揀錯女朋友，佢竟然第一時間係關心咗我個銀包先，而唔係邊間餐廳。

「貴貴地啦...」

「埋單過唔過五百？」她緊張地問。

「我一個人係個度食都可能要五百啦嗰...」

「Cancel咗個Booking去，想鋸排既話我地去間港色既咪得囉，駛乜去係中~環既西餐廳鋸啫，唯晒啲錢。」

「情人節要食花X餐廳咁慘呀？」枉我仲儲咗咁耐錢諗住同啊童去食餐好既，點知原來佢唔係一般港女。

「邊個話港式鋸排一定要去花X餐廳㗎？帶你去間好啲㗎啦。」啊童說。

跪求大家Follow我既IG: MaanYin05

## 164.

「食龍蝦啲呢間？」我站在灣仔一間餐廳外，看著它的招牌問。

(唔明既自己去Google 灣仔港式鋸排六隻字，費事幫佢賣廣告)

「人地餐廳名嚟啲嘛，咪講明嚟鋸排啲囉，問問問，入得去未呀？好肚餓啊我。」啊童說。

「即刻！即刻入，唔可以餓親我個女朋友。」我拉著她走進去。

一走進去，那股油煙味撲鼻而來，想避也避不開。

「你確定要嚟呢到食？好大陣油煙味喎，你唔驚食完之後成個人都係呢陣味咩？」我再確認一次啊童是否真的想在這裏吃情人節晚餐。

「驚咩啫，食完都返屋企啲啦，入去坐低啦。」啊童說。

「咁又係...」我們之後各自叫了一塊牛排，

吃完前菜後不久，侍應就把兩塊牛排放上鐵板上送上，

再在它之上淋上香辣惹味的黑椒汁，不禁令人食指大動。

啊童把自己藏在那張大紙巾之後，以免比滾油彈到。

過了一會後，鐵板的溫度稍為冷卻，

黑椒汁也不再四飛，啊童才慢慢伸出自己的一雙眼睛，

看了一眼那塊牛排，然後才放下紙巾，

拿起刀叉開始進食起來。

「你真係好奇怪，有高級西餐廳你唔食，走嚟一間咁舊既港式餐廳，仲要明明食既野係一樣，都係鋸排啫，點解唔揀間好的啲呢？」我不解地問。

「第一，我唔係個啲好鍾意不斷用男朋友錢既港女，我亦都唔捨得要用咁多錢嚟請我食餐飯，所以我地以後食飯都會用AA制。第二，明明呢間就好好味，咁點解要去間貴的既呢？我食呢間就已經好滿足，咁就冇謂咗錢去間再貴的啲啦。」啊童邊切牛排邊說。

「今餐我請啦，話晒都係第一次同你過情人節。」

「好啊，多謝你喎，男.朋.友。」她甜甜一笑。

食野既過程我就唔仔細描述啦，反正都有乜特別，

你只要知道啊童食得好開心就得啦。

「點呀我地？係咪返屋企啦？」我問。

「好似爭緊啲野咁喎。」啊童笑著對我說。了解她的我自然猜到她心中所想的。

「宜家啫啫食完飯仲咁飽...不如我地搭天星小輪過去尖沙咀先，然後先再去食甜品？」我建議。

「又好啫。」她挽起我的手，向著碼頭行。

我們乘上了天星小輪，看著兩岸萬家燈火，

靜靜地滑過了維多利亞港。

船上亦有不少戀人，如我們般坐在窗邊看海，

兩手緊扣著。

不久後，我們便抵達了對岸，

並朝著甜品鋪進發。食甜品呢樣野，

我都寫過好多次，再寫你地都悶啦，

所以時間直接跳到我送啊童返屋企。

住隔離有一個好處，就係我送完佢返屋企之後唔駛十秒就可以返到自己屋企。

諗起個啲人送完女朋友返係天水圍既屋企，之後仲要搭個幾鐘車先返到自己位於柴灣既屋企就覺得佢地慘。

「Bye Bye 啦。」我攬一攬啊童。

「Bye Bye。」說罷她便打開了自己家的大門，而我亦向左走多幾步回自己家。

「喂！」聽到啊童呼喚的我止住動作。

跪求大家Follow我既IG: MaanYin05

# 165.

「做咩呀？」我問。

「我Daddy話俾利是你呀，你過嚟吖。」

「哦。」我於是又折返過去啊童家。

「喺啊言，呢度係利是，祝你學業進步啊吓。」周叔叔把利是遞給我。

「多謝周叔叔，祝你身體健康，出入平安。」我接過利是。

「唔，多謝你係學校到幫我睇住個女。」

「我先唔駛佢睇住啊！」啊童立即反駁。

「點都好啦，希望你地兩個可以繼續一齊行落去，互相睇住對方啦。好啦，都唔早啦，你返過去啦。」周叔叔說。

「Bye Bye 周叔叔。」

「Bye Bye。」他回應。

之後既日子都冇咩特別，返學溫書無限Loop，

每一日都係咁過，星期五就打下波，然後星期六就由啊童同我練波。

偶然出去拍下拖啊，放學去吓海旁到睇日落啊，

明明呢啲野好似普普通通，冇乜特別咁，

但係一有啊童既陪伴成件事就唔同晒，

同佢駁下嘴，比佢打下，嘻嘻哈哈又一日。

都幾開心吖。時間跳到三月廿七，

啱係我學界決賽個一日。

打你個肺我起身既時間仲要早過平日返學既起身時間。

不過都冇辦法啦，要比賽吖嘛，

八點前要去到...

啊童緊係會跟住我去啦，

話曬佢都係我半個教練吖嘛。

與啊童會合後，我們便一起出發前往比賽場地，

彩虹道體育館。

我們坐上地鐵，啊童急不及待立即找位置坐下睡覺，

這行為好像已成了她出門的指定動作，

「你琴晚好夜瞓咩？點解你好似成日都咁劫咁既？明明你返學既時候都唔係咁㗎？」我終於忍不住問。

「返學要早起吖嘛，咁咪早瞓囉，難得今日星期六放假，所以琴晚咪夜啲瞓囉。」啊童連眼睛也懶得張開。

「放假啫，但係你都要去打學界㗎嘛。」

「錯！係陪~你去打學界，唔係我去打，我係出於好心咋！我明明今日應該可以瞓到好~晏㗎嘛。」

「嘩，咁之前啲星期六點解你又可以咁精神咁同我練波？」

「咁個時知道第二日要做運動咁咪早啲瞓囉，今日我齋睇咋嘛，所以琴晚咪煲劇煲到成點幾囉。唉呀你唔好阻住我瞓覺啦。」啊童說罷便真的閉上了嘴巴不再出聲。

不出一小時，我們便抵達了那體育館，

沿著樓梯走上去。

「嘩嘩嘩！好過份啲啊言，公然拖住女朋友嚟放閃。」不知從那裏冒出來的毛毛說。

「咦，你又係度既？」

「乜野意思啊你？我唔係正選啫，但係我話晒都係後備㗎嘛，緊係要嚟啦。唔止我啊，隊長佢地都係後面啊，望到晒你呢個咁過份既行為...嗚...隻眼盲咗。」

我向後一望，果真見到全隊男A隊員連教練都在後面看著我，

我嚇得立即鬆開原本牽著啊童的手。

「我去廁所先。」啊童連忙離開現場。

好過份...

啊童竟然拋低我一個面對呢班人。

跪求大家Follow我既IG: MaanYin05

## 166.

「你個死仔，成功咗都唔話我知，收收埋埋咁。宜家叻啦，大搖大擺咁拖住條女係我地面前出現。」毛毛憤怒地說。

「點敢唔同你講啫，傻啦，未講啫。」我解釋。

「食屎啦你！咁都比你溝到條女返嚟！」

「呃...唔好講呢啲衰野啦，比賽要緊比賽要緊。」

進到去坐下後，剛才目睹我牽著啊童手的教練走過來。

「喲，教練就唔係唔俾你拍拖，但係前提係唔可以影響比賽知唔知。」教練說。

「緊係唔會啦，得得得，我唔會俾呢啲兒女私情影響到既。」我一本正經地說。

「唔，我都信你既，同埋周樂童佢話晒都有份訓練你，所以...下次唔好咁張揚，萬一俾學校老師見到就唔好啦。」他在我耳邊說。

「係。」「好，大家過一過嚟先。」教練之後便叫大家過來，恰好啊童也回來了。

「我地場比賽係九點開始，一陣我地出場次序同上次一樣，對手實力比我地之前對個隊勁好多，大家要小心。你地可以去熱下身，或者休息下，總之搵啲野令自己放鬆下。加油！」教練說。

解散後我回到自己座位，緊張與擔憂混雜在一起，

害怕的感覺有增無減，

我害怕自己會輸，

害怕自己會成為害群之馬，

害怕自己失準。

焦慮的我，坐立不安地看著其他學校之間的比賽。

但看到他們那靈活的步法，那又快又狠的殺球，

我再次明白到我跟其他勁旅的差別了。

原本只打算放鬆一下心情，怎料卻令我徒添壓力。

時間一點一點地流去，我的心跳得越來越快。

眼睛雖看著其他比賽，腦中卻空白一片，

完全思考不了。

突然，一股熟悉的觸感從我手上傳來，

那冰涼的溫度為我焦急得發滾的身體降溫。

我回過神來，看向啊童，

她那一抹能融化我心的微笑仿如定海神針似的，

把我心中的擔憂一掃而空。

「與其擔心啲未發生既野，不如專注於呢一刻。係你教我啲啲，自己做唔到啊？放鬆下啦。」一把甜美的聲音說。

「嘩，不嬲啲野都係講就容易啲啦，你估咁易就放鬆到咩，好緊張啲大佬。」我說。

「一係我地出去猜下波？」

「都好既，唉屌...好緊張啊！！！」我伸一伸懶腰。

「陪你出去熱下身打下波就冇咁緊張啲啦，嚟啦。」她把我拉起身。

「教練我地出去猜下波，幫佢熱下身。」啊童循例跟教練說一聲。

「哦，你地係打波先好啊，唔好走咗去拍拖啊。」教練把羽毛球拋給啊童。

「得啦，打波咪我地既拍拖活動囉陰公，一齊咗咁耐，落街打波既次數仲多過行街食飯睇戲，你話慘唔慘吖。」我經過教練身邊時說。

「難得有女仔肯陪你咁樣練你就好好珍惜啦，仲多多事實咁。同理啊，你呢個幾月嚟既訓練係唔會白費你心機同時間，你既進步就係最好既證明，所以放鬆啲啦，俾啲信心自己，知唔知？」

「係。」

跪求大家Follow我既IG: MaanYin05

## 167.

我們走到場外的一塊空地上猜波，順便當作熱身，

讓我先找回手感，同時亦為了分散我的注意力。

「專心啲打啦，唔好再係咁諗一陣場比賽住，你越諗就只會越大壓力同擔心，咁諗嚟做咩呢？」

「係係係，唔諗唔諗。」我強迫自己專注。

就這樣打了半個多小時，直到毛毛出來找我，

我們才回去。

只見隊長及教練已經圍在一起，我跟毛毛於是便走進去。

「周樂童你都過嚟吖。」教練向啊童招手。

「我？」啊童聞言便都走了過來。

「一陣，大家將呢幾年嚟學到既野，盡你所能施展出嚟。知唔知？」教練說。

「知道！」我們齊心地說。

「各位加油！博盡無悔！」其中一位隊長說。

我們一起走到比賽那個場中，對手亦已抵達。

觀看台上那百多雙眼睛正看著我們，有其他學校的參賽者，

有他們的家人，亦有純粹來觀賽的人。

坐在場邊看上去，令我壓力倍增，

我從未在如此多人面前比過賽。

原來決賽的規模是如此龐大的，

不止是觀眾，

而是...場邊竟然有專業裁判，

要知道，之前的比賽可是沒有專業評判的，

只會由我方及對方各派出一個隊員來擔當評判。

想著想著，第一場比賽便已開始。

細節，就不描述了，總之第一場單打我們輸了，

而第二場雙打我們則贏了。

知唔知啫係代表咩，啫係我好L大壓力啊屌，

如果我輸咗後面仲大壓力。

「到啊言你出場啦，記得記得，唔好緊張，放鬆啲。你最大既敵人其實係你自己。盡力打就得。」教練對我說。

「係。」

「加油，記得我地平日練過啲咩。」啊童說。

「得啦，唔會令你失望。」我說。

我在眾目睽睽之下走到場邊，決定了發球權後便開始了比賽。

對手以高遠球開始了比賽，我向後退，

用著啊童送給我的球拍大力一揮，同樣打出高遠球，

對手也往後退，舉手揮拍，

用力一殺，球急速地在半空劃過，

我立即反應過來，伸手在落球點向上一挑，

可惜力度不足，那球落了網。

我不忿地拍打了自己大腿一下，深吸一口氣後重新調整好，

迎接下一球。

為咗唔好令已經年半冇打過波，詞彙量有限既作者難做，

所以跟住落嚟個幾球就唔細講，

總之我去到半場既時候，賽果係11比5，

我又輸緊。

「喺啊言，你宜家要調整好你既心態，每一球都要用雙倍既力去打，慢慢追返啲分，唔好心急，唔好諗對手有幾勁，諗下自己呢幾年以嚟，尤其是係呢幾個月既進步同努力，你得啱。多啲用你擅長既

放網，對手既殺波你接唔到既話就唔好俾佢有機會殺落嚟，轉去打網前。」教練說。

「嘎...知道。」

「周樂童，到你幫佢打氣嚟。」教練對啊童說。

咦...幫我打氣？

佢會點幫我打氣呢...好期待呀...

之前睇電視劇啲女主幫男主打氣既劇情終於要係我身上發生啦！

我一臉期待看著啊童。

「加油。」

「吓...無啦？」我愕然地問。

「仲想有咩呀？」

「冇...」我搖了搖頭。

嗚...點解會咁嘍？

起碼都錫啖我啦...

宜家得個兩隻字，

仲衰過教練。

跪求大家Follow我既IG: MaanYin05

## 168.

短暫的休息過後，我便又重新回到場中。

由於是對手領先，所以將會繼續由他發球。

他繼續發長球，我按照教練所說的打出一個吊球，

強迫他跟我打網前。

對手上前輕輕一撥，只見羽毛球貼著網比擊過來了，

幸好我一早已回到中場等待，一見他放網便立即上前，  
才不致於失分。

我把球大力一挑，

打到後場，令對手不得不向後移動，

消耗體力。

對手剛回到後場球就已經落地了，亦即代表我獲得了一分。

眼見這招湊效，於是我接下來那幾球也照辦煮碗，

盡量跟他打網前，如此數回合後，我成功連取幾分。

可惜之後他好像猜到我的套路般，令這招失效。

任憑我再努力也拿不到一分，最終以廿一比十輸掉比賽。

我失望地走到網前與對手握一握手，然後就垂頭喪氣地走回去。

「唔好灰心啦，你已經做得好好㗎啦，對手始終大過你，勁過你都好正常，你本身都係越級挑戰，有呢個成績真係好唔錯。當然，你都仲有好多進步同改善既空間，但係最緊要你要調整返好個心態先。」教練拍一拍我背脊說。

「明白。我會㗎啦。」我說。

我回到自己的座位，啊童則在我身邊安慰我。

同一時間，第四場比賽亦都開始了，

雙方你來我往，戰況激烈，

能否勝出都是未知之數，要知道若這局輸了，

那我們就能執包袱走人。

若這局跟下局都贏了，我們就能進入總決賽，

所以這兩局都不可以輸掉。

「俾啲信心佢地啦，可能佢地會贏呢？」啊童安慰我。

「但如果佢地輸咗我就會成為千古罪人...」我苦笑著說。

「冇人會怪你㗎，大家都知你盡咗力㗎啦，係咪？」

「係啫，但係如果...我係話如果，我地入到總決賽，我好驚我會再輸多次，真係好L大壓力啊屌。」我苦惱地說。

「都係個句，驚嚟，都有用㗎啦，係未？咁不如好好諗下頭先有咩做得唔好，一陣做返好佢好過啦，贏定輸呢啲野就交比個天，你要做既野就係盡自己能力去打好每一場波。」

「又講呢啲...吾日已經三省吾身㗎啦。」

「唉唔好咁頹啦你，最多俾你攞下喇，攞完就要努力下一場比賽㗎啦，知唔知。」突然覺得好似有種阿媽湊住個仔既感覺。

既然啊童主動讓我攞，我自然是來者不拒。

我輕輕地抱著了啊童，把頭靠在她的肩膀上。

不久後，第四場比賽便也結束了，幸運地，我方勝出了，

而第五場比賽也旋即開始。

由我們隊的隊長出戰。

(話說我好似冇講過我地隊球隊有三個隊長)

相信雙方選手也都十分緊張，因為他們也都背負著整隊的命運。

最後一場不久後便開始了，不難看出，

二人皆是拼了命去打這場比賽的，所以分數很接近，

連我也暗暗為他捏一把冷汗。我方剛拉開了一分，

對面就立即追平，發球權不斷交替。

跪求大家Follow我既IG: MaanYin05

## 169.

去到半場，分數是十一比十，我方領先。

一分鐘過後，他們再次踏上球場中。

雙方再苦戰了一輪，直到最後出現了廿一比二十的局面，

Deuce 我方只要再取多一分，我們就能取得進入總決賽的資格。

我可無法想像場上兩人的壓力。

最後一球，由我方發球，

開了個短球，對手把球挑後，

隊長立即後退，狠狠地殺下去，

對手反應也不俗，竟然把球接住了，

輕輕把球打過網，隊長立即飛身上前，

在球落地前成功把球挑後，

但卻令到他整個人趴在地上，他立即從地上站起來。

而那邊廂對手則打出一個高遠球，剛站起來的隊長也不理甚麼步法了，

直直往後場奔，在球落到他腰那個位置是揮拍平抽回去，

只見那球輕輕擦過了網，沿著另一邊的網落下，

這次對手打算再次放網，無奈羽毛球是貼著網落下的，

因為空間所限，除非能垂直向上挑，

否則是沒有可能把球擊回。

我跟啊童緊張得從椅上站起來，全場屏息靜氣地看著這一球。

那球比對手向上一挑...

剛好落在網上，

然後向著對手那邊跌下。

「Yes！！！！！」我跟啊童興奮得抱著對方。

我們能晉身總決賽了！

身邊一片歡呼聲，我們均跑出去抱著隊長，

而隊長則依然保持體育精神，先與對手握手，

才來跟我們慶祝。

9叫，歡呼了一番後，

我們便回到自己看台上的座位，等待著總決賽的來臨。

當然，少不免要比教練訓話，

逐個逐個點名說做得不足及可以改善的地方，

因為大家都知道剛才只是險勝，所以我們都很專心地聆聽教練所說的話。

「好，我地一個鐘之後就會比賽，呢段時間你地可以去猜下波，或者休息下，總之四十五分鐘後返到嚟就得。」教練說。

正當我準備回到座位好好休息一下時，教練卻把我跟其中一位隊長叫了過去。

內容大致是要隊長趁這段時間幫我練習接殺，於是我便又再次踏足那片空地練波，

分別是這次不是啊童跟我練，而是隊長。

論殺球，隊長的殺球比起啊童的更快更急速，

甚至比剛才那位對手更快，

所以對我而言，是一個很好的練習機會。

唉，練波咁慘痛既野我都唔寫太多，廢事你地又覺得悶。

雖然去到最後呢刻都唔會練到啲咩，

但至少冇練過先嘅，都好過冇。

練到咁上下我地就返去坐下，一陣間冇力比賽就唔好啦，

為咗報答隊長呢，所以我買咗支水動樂諗住請佢飲。

「嚟隊長，請你飲啲，一陣加油。」我把水動樂遞給他。

「多謝晒喎，你都加油啦一陣，唔好怯，做返頭先練過既野出嚟，進攻既時候多啲變化就OK喇。」隊長接過水動樂。

「係，知道。」

「喂，點解佢有我方嘍？」原本正在看電話的啊童一見到我回來就立即問。

「嘩，你又有份打咩，洗鬼飲水動樂咩，飲水都得啦你。」

「你講咩呀！話晒我頭先都有幫你練㗎喎，點解佢幫你練佢就有，我幫你練我就冇嘍，我頭先都有郁過出過汗㗎喎。」啊童說。

「你有出汗咩？唔覺喎。嗱，我就好熱愛追求真相既，你比我摸下睇吓你有冇出汗咪知囉。」說罷我便往她大腿襲去。

「哇非禮呀！死變態又求其搵啲籍口想非禮我？係出汗都唔係呢度出啦！」啊童立即躲開，害我撲了個空。

跪求大家Follow我既IG: MaanYin05

# 170.

「噃，咁我唔摸下點知有冇出汗啫。」

「你成日摸我隻腳你唔悶㗎咩？」啊童為了不再被我襲擊，所以坐到了老遠。

「真係唔悶㗎唔好意思，摸足一世都仲得，我勸你唔好反抗啦。定係...你想我摸你第二度？」我把目光從她的腿向上移。

「你兩個可唔可以收斂一下？大佬聽住你地講野好嘔心啊！」坐在我旁邊的毛毛不滿地說。

「哦Sor9ry囉，返屋企先玩囉。」於是我便閉上了口。

不久後，我們便再次踏上球場中，準備進行總決賽。

「照舊咁出場，今次都應該係你地幾個最後一場學界比賽㗎啦，努力啲打啦。」

因為會出場既人除咗我同一個中四之外，其餘既都係中五，

下年就考DSE所以唔會再打。

「伸隻手出嚟嗌返聲先啦。」其中一位隊長把手伸出。

我們於是都配合地把手伸出，疊在一起。

「加油！！！」大聲9叫絕對係每個入過校隊既人都會有既回憶。

第一場比賽是單打，贏了。

而第二場雙打卻反而輸了。

我又陷入咗同樣既局面，一勝一負，

我輸既話就要好似頭先咁靠後面既人發晒癲咁樣打，

我贏既話後面個幾個就可以冇咁大壓力。

屌，又係我。

問我緊唔緊張，反而又冇第一場既時候咁緊張㗎，

不過個心都係跳得有啲快囉，

冇辦法啦，點都有少少緊張既。

「多啲變化，接唔到人地殺波就唔好俾機會佢殺波。」教練在我臨出去前對我說。

「知道，我會盡力打啲啦。」我緊握著球拍走到球證面前等待他擲硬幣。

擲銀仔詳情唔講啦，總之結果就係我開波啦。

等我們雙方都走到場中準備好後，

我便拿起了球，作出正手發球的姿勢，

然後手腕發力，開出一個短球。

只見球平平的向前飛，剛剛好越過了網。

對手見狀便輕輕一揮，打出一個放網。

哈，正合我意，

放網我最叻~

如此我們再網前來回幾球，

互不相讓，幾球過後我終於忍不住，

把球大力向對手的左後方死角位挑，

對手立即反應過來向左後退，

但由於他是右撇子，

所以他以反手把球擊回，

打出一個高遠球，為自己爭取時間。

在中場等候的我看見那球飛來，正是供我殺球的好機會，

我跳起，大力一揮，改變了球的速度及軌道。

但對手竟然能及時揮拍接住，把球再向上挑，

我見狀立即上前再次殺球，這次就算他反應再快也不可能接住。

果不其然，我成功奪得第一分。

總決賽既對手點解好似仲廢過頭先個個既？

場邊立即傳來一陣歡呼及拍手聲，

(題外話之前去打學界拍手拍到我手軟，仲要有次對面擺分我唔小心拍咗，柒到飛起)

我之後一連拿到五分，正當我氣勢如虹之時...

跪求大家Follow我既IG: MaanYin05

# 171.

「嘩扁。」我發球時力度控制不佳，導致球落了網，送了一分給對面。

之後一連幾球我也比他壓制著。

有時好得意，一擺到分就會接連擺到幾分，

唔知係咪真係氣勢問題。

我真係諗咗呢個問題好耐。

回到正題，對面開出一球長球，

我同樣回以一球高遠球，

可是我打得太大力，導致那球出了界。

扁，又送多分俾人。

輸了幾球後，我又重新奪回發球權(啱係我擺到分)，

如此你來我往，我一直處於領先狀態，

但他也追得很緊。

直到半場時，分數是十一比九。

我回到場邊，接過啊童遞給我的水樽，

快速地喝了一口水。

「Keep住呢個狀態，繼續領先就OK，好似頭先咁打就得，唔好諗太多野，相信你自己，做得好好，有做到我叫你做既野，盡力打埋佢！如果可以既話就試下打多啲死角位，最緊要係要守住你嘅分，唔好俾對手過到你。」教練對我說。

「嘎...知道。」我喘著氣回應。

「加油。」隊長也走過來對我說。

「喂，唔準輸呀你！」啊童用手捏了我的臉一下。

「得啦得啦，唔會輸㗎我。」我也捏了她的臉一下，向她回禮。

「喂！邊個俾你搵我塊面呀？」啊童叉著腰問。

我向她做個鬼臉然後走回場中。

換邊後，我們繼續苦戰，但我依然保持著領先地位。

直到去二十比十八的時候，我一連比對手取得兩分，  
他成功扳平了分數。

意味著我在快要勝出時，給了對手一個反勝的機會。

比賽進入刁時的階段，緊張的感覺再次襲來。

呼吸不自覺地加速，腦中再次變得一片空白，  
原本想好的戰術又或對策任我再努力回想也想不起來，  
心亂得很。

對手發了個長球，我立即後退，

打出一個吊球，希望能在網前取分，

怎料我力度不對，打了落網，

明明勝利就在眼前，

我卻三度把它送走。

對手只差一分就能取下第三局。

繼續由對手發球，他這次照樣是開長球，

我決定轉用一個較為保守的打法，打出一個高遠球，

一直在中場等候的對手向後走幾步就輕鬆把我的高遠球給化解了，

更向我回以一球吊球，我立即盡全力跑到前場，

勉強把球接了，

此時對手眼見我人在前場，於是再度打出一球高遠球，

我絕望地看向後場，任我跑得再快也不可能接到。

球...落下了。

同時間，司線員(即係睇下有冇出界既人)高舉雙手，

示意球出界了。

「Yes!!!」我的隊友們歡呼。

分數再次變成一樣，發球權亦落在我手上。

跪求大家Follow我既IG: MaanYin05

## 172.

我一反常態，開出一球長球。

對手不慌不忙地向後退，揮拍大力把球打到去後場，

為了接這球我必須要走到去球場的最後方，所以我不能打吊球，

要不然我可趕不及回到前場，於是我同樣向他回以一球高遠球，

為自己爭取時間。

可惜我因為害怕會打出界而收了力，

令對手獲得一個大好機會去殺球。

我立即回到中場做好接殺的準備動作，那邊廂對手亦把握到機會跳起殺球，

我的手如反射動作般，自動伸了前去，

成功在球落地之前接住，錯有錯著地打出一個放網。

對手立即上前大力向後一挑，由於我人本來就在中場，

所以我退後幾步就到擊球點，

我跳起裝作向他殺球，實則打出一球吊球，

只見那球在球網之上掠過，對手急忙上前放網，

我於是上前把球挑後，

球急速地在對手頭上飛過，最終在他趕到前先著地。

「一分...贏多一分...」我心裏暗忖。

再次是由我發球，我這次開出一球短球，

對手則把球輕輕一撥，勾到對角網前，

我見狀便同樣回以一球放網，

對手反手把球挑高，

我把握機會大力殺球，怎料對手卻能反應得過來，

把球再次挑起，在球網上方飛過，

我於是把球打到後場。他立即後退並跳起打算殺球，

不知是因為他太急於取分，抑或是他技術問題，

他把球壓得太低，令到那球落了網。

對手臉上盡是不忿及懊惱之色，大概是在後悔自己為何要如此心急。

「Yes!!!」隊員那邊傳來不盡的歡呼及拍手聲。

我走過去跟對手握一握手就回到場邊。

直到現在，我仍然是難以相信自己竟然勝出了這個事實。

「叻仔呀!!!做得好好。」毛毛一把抱著我說。

屌...唔係應該啊童抱我㗎咩?點解會變咗係毛毛?

「嘩，我個心...就快跳出嚟，你知唔知我幾緊張啊?」我推開毛毛，按著自己的心臟說。

「有冇咁誇張呀，打場波啫。」我朝思暮想的啊童終於走過來。

你地可能覺得我誇張咗，但我真係冇誇張到，

真係日日都掛住佢，OK?

「唔關場波事，係因為...見到你。」一向厚面皮的我直接在全部人面前公然撩啊童。

「Wuuuuuuu，好過份啫，公然講啲咁既野。」毛毛說。

啊童反了反白眼便回到自己的座位，沒有理會我，

累我尷尬地站在所有隊友中間。

靜了幾秒後，其中一位隊長開聲為我解圍。

「你打得幾好吖，冇白費到我頭先幫你練波既心機。」他拍一拍我膊頭。

「駛乜講，你地都加油啦，我坐返過去休息陣先。」



## 173.

我回到自己的坐位，與啊童一起觀看接下來的比賽。

「算你啦，真係有用返我地練過既野。」啊童開腔。

「有咩？好似係隊長同教練幫我練㗎㗎。」我裝傻說。

「頂你個肺！明明就我同你練得最多，冇我你啲殺波放網Drop波會過到網！？我個個星期六朝都犧牲自己既休息時間嚟同你練㗎！」她不斷大力打我。

「講吓咋我講吓咋我，你同我練得最多，玩吓啫，唔好認真。」我笑著避開。

「哼，佢地幫你練既話咁你去搵佢地啦，唔洗同我講野㗎啦。」啊童抱著雙手把頭擰到另一邊。

「饒命呀大人！我玩下咋！」我哭著說。

但啊童卻無動於衷，只顧著看眼前的比賽。

眼見啊童不理我，我於是便也轉為專心觀看比賽，

反正她又不是動了真火。

第四場話咁快就打完，結果係輸咗。

即係話，要打第五場。

仆你個街可唔可以唔好次次都咁刺激呀。

中間比既過程我就唔講，你剩係知道我地比人完虐就得，

CLS對面好似食咗過期春藥咁，

二十比九。

基本上去到呢個階段我地都打定輸數，

因為根本冇可能追到。雖然咁講，

但係都會覺得緊張既。

「砰！」對面條友唔知點練可以練到啲殺波咁L快。

自然隊長接唔到啦，結果我地就咁比人逆轉贏咗。

你問我，有冇好唔開心，又冇㗎。

反正我都盡咗力，自己個場贏咗。

隊友輸都有辦法㗎啦。

況且我覺得我地入到總決賽都已經係Bonus嚟既。

所以又有覺得好唔開心好失望。

當然，好勝之心邊個冇吖。

咪唯有下年捲土重來囉。

但係，個種成Team人一條心一齊努力爭冠軍。

贏波會9叫，輸波會拍下你膊頭。

互相扶持既精神同感覺又真係好正既。

之後就到頒獎時間，我地就擺到亞軍。

全部人都有一個獎牌，再加多個獎杯俾學校。

影完大合照後，便到了各自拍照的時間。

我當然要跟啊童合照一張留念一下。

「喂，啊童，過嚟同我影張相吖。」我向她招招手。

「我又冇幫你，又有份擺，做咩要我同你影相呀。」啊童一動不動地坐著。

「唉呀我講下笑啫，唔好咁認真啦，對唔住啦，係我錯啦。幫得我最多個個其實係你，同埋你係我女朋友嚟㗎嘛，就算冇幫過我都可以影張相留念下。」我走過去把她拉起身。

「一個心太軟。」啊童說。

「得啦，返去同你食，起得身未呀你？」我一聽到她要求吃心太軟就放下心頭大石。

雖然知道佢唔係真係嬲咗我。

但係佢唔同你講野你點都會有啲擔心既。

於是我便搭著她膊頭跟她合照了一張。

成為了箱入面第唔知幾多張相。

(懶得數，OK？有人記得既話同我講返唔該。)

跪求大家Follow我既IG: MaanYin05

## 174.

個日返去後就請啊童食咗個心太軟啦，其實都幾好吖，

個女朋友咁易滿足，一個心太軟就搞掂，

都係件好事嚟既。之後就係測驗週啦，

都有咩特別，平時日日都係度比啊童捉住溫書，

所以我都唔係太擔心，如果咁樣日日比人捉住溫書成績都差既話，

荀子勸學個套積少成多對學習有用既講法就收得皮。

果然，啲卷派晒之後，全部都合格，

有啲科甚至上咗七成。

哈，係幾開心既，

雖然我一直都唔太care成績，

反正我想入既中史班只要唔留級就一L定入到。

時間嚟到四月九號，一個星期之中最美好既一日，

因為係星期五，

今日放學又可以同啊童打下波，

聽日又有得放假，話唔定仲可以同啊童出街拍下拖添。

諗起都開心。

原本，我係咁諗既，但原來有些事情唔係必然。

我預住自己的羽毛球拍走出去等啊童，

但結果卻只有周叔叔孤身一人走出嚟。

「啊童呢？」我問。

「佢唔舒服，所以仲係入面馴緊，幫佢請咗假㗎啦，同埋佢叫你千祈唔好因為想照顧佢而請假唔返學。」周叔叔說。

啊童果然了解我，猜到我曾經有一刻想過請假去照顧她。

「佢邊到唔舒服呀？」

「佢發燒。」

「吓發燒要睇醫生㗎㗎。邊個陪佢睇呀？我真係可以請假陪佢㗎㗎，反正我都唔上堂㗎㗎。」我急忙說。

「唔好啦，你今年既成績對你嚟講好重要㗎，要用嚟揀科㗎嘛，同埋你都唔想啊童要擔心返你轉頭啦，係咪？」

「咁好啦。」我久違的獨自上學，已經差不多半年沒試過自己上學了，唉。

但係...你覺得我會就咁放棄乖乖返足全日學然後再去打埋羽毛球先返屋企打個電話問候下啊童咩？

少年你太年輕了。

一到Lunch time，我立即攞住部電話跑出學校叫定外賣。

既然啊童身體不舒服，

那自然唔可以食太油膩的食物，

所以我幫佢叫咗白粥，

而自己就食雞粥，

但係我一個發緊育既男仔淨係食一碗粥又唔夠飽，

所以又嗌多個炸兩，不過啊童就冇得食囉...嘻。

到達餐廳門口時，剛好我叫的食物煮好了，

我立即付錢，然後拿起那一袋食物跑回去。

為了能在Lunch time結束前回到學校，

所以我可是分秒必爭的用盡力跑。

回到去後，我便按下啊童家的門鐘，

片刻之間，大門便被打開，

「啊...咦？」我看著眼前這個大約六十歲的婆婆，奇怪地說。

「你搵邊個呀？」那婆婆笑著問我。

「Err，我...搵...」冇錯我係怕醜同細膽，你吹咩？

「婆婆，邊個嚟㗎？」穿著睡衣的啊童從房中走出來問。

「我都唔知㗎，有個著住校服既男子無啦啦搵鐘，問佢搵邊個佢又唔講。」

媽呀...好L尷呀。

「啊言？」啊童看向我。

跪求大家Follow我既IG: MaanYin05

## 175.

「原本諗住你自己一個人晏晝冇野食，所以就...去咗買粥比你食咁囉。」我尷尬地笑著說。

「唔...入嚟啦。」她無精打采地說。

「打搞囉。」我恭敬地說，要知道印象分是十分重要的。

「呢個係我婆婆，你跟我叫啦。婆婆佢係啊言。」啊童把我們介紹給對方認識。

「婆婆你好。」

「你地係同學呀？」

「係呀。」我笑著回應。

「咁唔阻你地啦，慢慢食啦，我都落街食飯先，一陣我先返上嚟啦。童童食完飯記得食藥呀知唔知？」

「知啦婆婆。」啊童點了點頭。

婆婆都幾識做啲。

待婆婆走後，我才真正有機會好好跟啊童交談。

「咪叫咗你唔洗嚟囉，做咩又唔聽我講呀？」

「首先我係用Lunch time時間過嚟，第二我驚你冇野食，第三我都好擔心你，你唔舒服我都唔安心乖乖地係學校到上堂啦。你點呀，冇冇好啲？」我看著有氣無力的啊童。

「頭先婆婆同我去咗睇醫生，醫生話冇咩野既，食下藥休息返兩日就OK，係有啲劫啫。」

「咁食野先啦好冇，你都肚餓啦。」

「唔...但係我無乜胃口...唔想食野。」啊童四肢放軟坐在椅上。

「食兩啖啦，唔可以成日都唔食野嘍。」我把白粥拿到她面前。

「嘩仲要係白粥，唔食得唔得呀？」啊童連手也不願提起來。

「嚟啦食幾啖啦，你睇下我，我都係食粥咋。」我說。

「唔制呀，你個碗望落去好味咁多。」

「你好返之後咪買我個碗比你食囉，而家你淨係可以食白粥咋。」我把匙羹遞給她，再把白粥的蓋

拿走。

啊童不情不願地接過匙羹，小口小口地吃。

「睇熱呀你。」我一邊打開自己的粥及炸兩一邊說。

「同埋你做咩買炸兩呀？我都唔食得。」啊童話雖如此，但雙眼死死盯著那盒炸兩。

「我一碗粥唔夠飽㗎嘛，咁咪買炸兩囉，食你既粥啦，唔洗旨意食舊炸兩呀。」我把炸兩向自己拉近。

「你蝦我既...明知我唔食得都仲特登買炸兩，趁我冇力打唔到你既時候就走過嚟引誘我...好衰呀你！」啊童看著正吃得津津有味得我。

「我都好辛苦㗎好冇，Lunch time要特登跑過嚟買野食比你，早知你婆婆係度就唔洗過嚟啦。」我說。

「我今日無心機同你駁嘴...總之女朋友大晒，我話乜就乜，而家唔該你收嚟，唔好擺出一副好好味既樣，我唔想見到。」她說完後又吃了一口白粥。

「喀茲...喀茲」就算我不放出一副很好吃的樣子，但是吃炸兩的聲音依然很吸引。

啊童瞪大眼睛看著我，然後慢慢把手伸過來，

想拿起一件炸兩。

我立即在她碰到之前把整個盒先拿走。

「唔準呀，你食你既白粥啦，都唔知你係咪真係病㗎，仲有心機走嚟偷食，人地病到死下死下個啲求L其食幾啖就返去瞓㗎啦，你就唔係既，又多野講又多小動作。」我沒好氣地說。

「喂呀...人地病都要比你鬧...咁真係好寡咩嘛碗白粥。」啊童扁著嘴說。

「乖啦，食多幾啖啦，我都知碗野好難食。」

「唔...」她微微點一點頭。

而我，則繼續吃我的炸兩以及雞粥。

跪求大家Follow我既IG: MaanYin05

## 176.

因為時間緊迫，所以我也顧不得那碗粥有多熱，只管快快地把它全吞下就是了。

由於啊童沒有心機，我也無謂跟她說話，

讓她休息一會更好。反正死空氣對我們來說已經是再普通不過的事情。

就這樣我們在一片安靜的環境下吃完了午餐，

嚴格來說是我吃完了，啊童的碗內還剩下半碗粥。

「唔食啦我。」啊童把白粥推離自己。

「你夠飽未㗎？」我抬頭問。

「唔...」她又點了點頭。

「咁好啦，我一陣幫你扔埋佢啦，嗱我走㗎啦，你記得要食藥，同埋唔好咁快又馴返落床，係張梳化度坐返幾個字先，知唔知？」說完我便起身走去為她斟水，好讓她能食藥。

啊童抱膝坐著，手上拿著電話，

漫無目的地往下碌，從眼中不難看得出她有多疲倦，

與平時活潑的她有很大分別。

「食藥啦。」我把水放在她面前。

「唔...」她隨手放下電話，把袋中的藥倒出，然後放入口中，再喝了口水，又再拿起電話。

「走啦我。」我把桌上的垃圾都收拾好後對啊童說。

「唔...」佢連嘢都唔想講。

「好好休息下啦。」說完我便把整袋垃圾拿起，轉身離開了她的家。

經過我再次狂奔後，

我成功在Lunch time 完結前趕回學校，卻撞上了Suki。

「嘩你搞乜呀？咪L行埋嚟啊你，成身都係汗。」

「去做食物熊貓買野俾你個好姊妹食啊。屌，你估我想出晒汗咁㗎咩，要跑過去又跑返嚟，你試下吖。」

「係喎，佢做咩冇返學嘅？」

「佢發燒吖嘛，頭先返到去見佢到嘢都唔講。」

「哦，咁你放學仲去唔去打波？」

「應該唔啦，話自己唔舒服同啊Sir請一日假囉。」我說。

「鈴鈴鈴」Lunch time咁就完咗，廁所都唔得閒去。

上完下午要上的堂後，我便執拾好物品，

並叫毛毛替我向教練轉達自己有要事所以缺席一天這消息。

我交代完後，

便離開學校，

去探望啊童，

雖然，我去到都幫唔到啲乜。

我再次按下門鐘，開門的依舊是婆婆。

「咦你又嚟呀，你叫啊...啊...」

「啊言。」我提醒她。

「哦係，係啊言，童童話如果你嚟咗就入去佢間房度搵佢啲。」

「吓佢唔洗休息咩？」我奇怪地說。

「我都唔知個孫女呀，佢頭先醒咗就出嚟同我講完呢句之後就返返入房啦。」

「哦咁好吖，唔該晒婆婆。」我說。

我於是便行去走廊，因為我其實連她家的走廊也未進過，

更不用說啊童的房間，所以我都找了一會才找到。

我靜悄悄地開門，免得吵醒啊童，

怎料一打開門就已經看到啊童坐在床上在看電話。

啊童只斜眼看一看我，然後又再繼續睇電話。

「呢位小姐，其實你係咪真係發燒㗎，仲唔休息喺度睇電話。」

「唔...瞓咗全朝，食完飯又瞓咗一陣，都係廿幾分鐘前醒咋嘛...想再瞓都瞓唔著啦，咁咪起身睇下電話囉。」

跪求大家Follow我既IG: MaanYin05

「瞓唔著都攤下啦，你要休息多啲先至快啲好㗎嘛，乖啦，唔好睇電話啦。」我走過去把她的電話從她手上奪走。

「喂呀，我已經自己一個係間房到瞓咗同攤咗全日啦，比我睇一陣啦，好悶呀。」

「唉，最多哥哥陪你吹下水啦。」我坐在她床邊的椅子上，面對著她的書桌。

到了此刻我才有機會好好打量一下她的閨房，

花香味依舊不減，

牆邊有一個大衣櫃以及裝滿了書的書櫃，

此外還有一塊鏡。

而另一邊亦則我前面則只有一個書桌，

桌面上很整齊地放了書本以及功課等東西。

「係咪覺得好整齊呢，同你個張完全唔同，你張書枱的野簡直好似亂葬崗咁樣。」啊童看見我正在觀摩著她的書桌。

「咪又係咁，都唔知放咁整齊做乜，擺的野出嚟都亂返啦。」  
啊童聽到後沒有再給我回應，只是乖乖地由原本坐著轉為躺在床上。

好奇的我隨手打開在桌下的抽屜，卻給我看見了一張單張。

原本單憑一張普通的單張是不會引起我的興趣的，但上面的字卻令我把它拿起來細看。

「咦喂，點解淨係你有我冇既？英國升學呢啲單張佢應該係每個信箱都求其入一張落去㗎嘛，點解我收唔到㗎，唔通佢覺得我英文太差所以連派都唔派俾我。」我在啊童眼前揮動著單張，笑著問她。

後來既我先至知當時自己問呢個問題，開既呢個玩笑係幾咁on9。

「擺返入去再同我鬥埋個櫃桶，唔準亂搞我的野呀！」啊童突然大聲喝止我。

「得得得，即刻鬥即刻鬥。你平時喺我間房咪又係亂搞我的野...成間房啲櫃桶啊衣櫃啊都比你開過晒啦，而家就唔比我掂你的野，好唔公平囉。」我抱怨。

「點...點同啫，總之你唔準掂...唔準掂我成個櫃桶！」啊童說。

「唔掂囉，係咪病個人會特別燥底㗎呢...平時好少見你咁大反應。」

「關咩事啫...」啊童又再次回復她疲倦的狀態，整個人毫無心機，剛才那個大聲喝罵我的啊童已經不

復再現。

「劫就瞓陣啦，我返過去啦。」眼見啊童沒精打采，  
我也不忍心再留在這裏打擾她了，讓她安安靜靜地休息一下更好，  
免得我在這裏會害她分神。

「唔準走。」啊童捉住我的手。

「小姐，你要休息㗎，我喺度只會阻住你休息㗎咋。」

「你係唔係聽唔到我頭先講咩呀，我都話好悶唔想瞓咯，你係度陪下我啦。」

「唉好啦好啦，我喺到睇吓電話啦下，你可唔可以還返隻手比我先。」我用左手把自己的電話從書包中拿出。

啊童聞言便把我的手放開，轉為用尾指勾著我的尾指。

咁有咩分別...

我隻右手咪一樣係唔用得...

我單手拿著電話，打開IG解悶。

跪求大家Follow我既IG: MaanYin05

## 178.

「喂，今日老師教咗啲咩呀？」啊童拉一拉我的尾指問我。

「大佬，好心你病就唔好再掛住返學既野啦。」

「我好唔鍾意冇野做既感覺吖嘛，硬係唔知點咁，你講啦，逐科逐科講下啦。」

「唔好啦掛，咁即係折磨我啫。」呢個要求真係考起我，我都冇上堂，點同你講今日老師教咗啲咩啎。

「我一唔喺度你就唔好好聽書，咁之後你點算呀？啲野你唔上堂聽老師講解你點會明呀？」啊童略帶不滿地說。

「驚咩啫，冇你喺度，唔識咪問返你囉。」我不以為然。

「咁萬一有一日我幫唔到你或者你見我唔到呢？咁點算呀你？」

「嘿，點會啫，你仲生勾勾馴咗喺度，係劫咗啲啫，點會無啦啦見你唔到啎。」

「我...唉算啦，我病好咗先再講。」啊童欲言又止。

「係囉，你而家乖乖地合理眼休息下先啦。」我也沒多思索當時的她究竟想跟我說甚麼。

「發燒...真係好辛苦...原本仲諗住可以有一日唔洗返學係屋企馴下覺Hea下，點知原來仲辛苦過平時返學。」啊童過了一會後說。

「冇辦法啦，食咗藥冇冇好啲呀？」我問。

啊童微微搖了搖頭。

「我啊媽話發燒要飲多啲水先至好啲，我出去幫你斟啲水啦，順便去個廁所。」我說。

「嗯。」我於是起身把啊童的杯子拿起，走到廚房為她加水，卻遇上了正在打理花朵的婆婆。

「其實你同童童係咩關係呀，除咗同學之外？」婆婆聽到我走出來的聲音後問。

「吓佢冇同你講咩？我同啊童拍緊拖囉。」反正周叔叔不反對，那我想婆婆也不會反對...掛，

於是我也直認不諱，反而我對婆婆不知情感到有點意外，

我還以為啊童會跟她婆婆說。

「拍咗幾耐呀？」婆婆停下手上的工作，轉頭看著我。

「都係啱啱開始咋，拍咗兩個幾月囉。」

「多謝你咁誠實，你去斟水啦。」說罷她又重新專注於眼前的那一盆花上。

「你...係咪唔係咁鍾意我同啊童拍拖？」

「唔係，只係擔心你地既將來啫...你快啲斟完水返去陪下童童啦。」

「哦。」難得連婆婆也這麼開明不反對啊童拍拖，那我就更加放心了。

我為她斟完一杯暖水後，再去個廁所便回到去啊童的房間中。

「婆婆係咪同你講咗啲咩呀？」我一走進去啊童便問。

「吓，冇啊，佢純粹問我地係咪拍拖咋嘛，咁我咪照直答囉。」

「咁佢有咩反應？」

「佢話咩擔心我地既將來啫，我就完全唔擔心既，反正只要你仲愛我我地就唔會散㗎啦，大個我地一齊入大學，跟住出嚟做野儲下錢買層樓，雖然買樓呢步有啲困難，但係有咩好擔心啫，最緊要我地係喺對方身邊互相陪伴，咁咪得囉。」

「如果我唔喺你身邊你仲會唔會愛我？」啊童突然吐出這條問題。

「我係唔會答啲假設性問題㗎，你當我傻~㗎，平時睇IG啲啲濕9少女語錄成Q日教啲女問埋啲假設性問題然後再陰9個男仔，我先唔會比你呃到。」

嘻，啲女真係好L古惑。

跪求大家Follow我既IG: MaanYin05  
聽日連加三更

# 179.

「認真答我。」啊童一面正經地說。

「吓，咁認真既你突然間，我都話咯，無論點我都會繼續愛你，就算我見唔到你，你唔再係我身邊，發生咩事都好，我都會繼續愛你。」我認真說。

「你覺得咩係愛呀咁？」嘩啊童啲問題越嚟越難答既...

「我對你既感覺。」好彩我轉數快啫...嘻嘻。

啊童聽到後甜甜一笑，甜得快要融化我心窩。

「成日都口花花。」

「痴線，咩口花花，真心換絕情！」

「你可唔可以應承我呢一生一世都剩係愛我一個。」

「唔得...我仲要愛埋我地第時個BB。」

「除咗個BB之外呢咁，嗱我有話應承你會同你生嚟，我係話如果咋。除咗個BB之外你係唔係剩係愛我一個。」

「係呀係呀，咁驚做咩啫，係咪發燒會搞到個人冇安全感㗎。你放心㗎，我女朋友咁~正，唔愛你愛邊個㗎。」我篤一篤她的臉頰。

「勾手指尾吖。」啊童把她的尾指伸出。

「駛唔駛呀...」話雖如此，但我仍然配合地把尾指伸出勾著她的尾指。

「嗱，勾過手指尾㗎我地，你唔準唔愛我呀。」啊童說。

「得啦得啦，都話唔會咯，以後都剩係愛你一個，都唔明你今日搞乜，其實你係咪燒壞咗個腦，講埋晒啲奇奇怪怪既野，好心你啦，可唔可以比啲信心我呀，我似係啲咁既人咩？我不知幾專一，至少都中出咗先至飛你啦。」

「你講乜野呀！又講衰野...」啊童不滿地說。

「唔講唔講，總之我都係想帶出無論點都唔會離開你，OK啦？放心啦？」

「唔...」啊童滿意地點一點頭，

「唔好再亂諗嘢啦你，無論點我都會喺你身邊陪住你同愛你。講夠嘢啦你，快啲馴覺啦。」害怕比她繼續追問下去的我說。

「講故仔比我聽！」

「傻㗎你，咁大個人都仲要聽故仔先瞓得著。」

「你歧視呀？邊個話大個就唔可以有臨瞓前聽故仔既習慣㗎？」

「得得得，怕咗你，乜你發燒都咁串咁惡㗎！想聽咩題材既故事呀你？」我問。

「是但啦，你決定。」

「嗱你話㗎。喺好耐好耐以前，有個人眼前有條魚同熊掌，但係佢剩係可以揀一樣，於是佢就講『魚係我想要既野，熊掌都係我想要既野。如果兩樣野我唔可以要晒既話，咁我唯有...』」

「咩故事㗎㗎，好悶呀，有冇啲得意啲既故事呀？」啊童不滿地說。

「嘻，就係悶先好，包你瞓著。反正你而家聽定先都有壞既，下年你都要學㗎啦。」我說。

「下年點會要學呢啲嘢呀？」啊童不解地問。

「咩呀，十二篇範文㗎，考DSE一定要學㗎㗎。」我說。

「唔想聽呀，你講過另一啲得意啲既故仔，唔好再講咩範文啦。」

跪求大家Follow我既IG: MaanYin05

## 180.

「唉好啦好啦，又係你話咩故仔都得㗎嘛，咁我咪講範文囉。而家轉講第二啲故仔啦。」我說。

「唔準講悶嘅故仔㗎，如果你再講悶嘅故仔我好返一定打死你。」

「得啦得啦，包唔悶啦。」我說。

「吖，我諗到可以講咩故仔啦。話說喺好耐好耐之前，有個好L靚仔又有型嘅男仔喺佢間房度同佢個Frnd打個機嗰。突然之間，佢屋企嘅門鐘響起咗，佢於是就一邊走出去一邊講粗口啦，因為阻住佢打機吖嘛，但係當佢一打開門，佢既怒火比嚇到全消，因為佢見到一個兇神惡殺既女仔企咗係出面，佢有一刻諗過係咪黑社會嚟尋仇，好彩佢之後先發現個女仔原來係無惡意，仲要明明已經中三都仲成個小朋友細路女咁樣，成日都要人氹，又為食，日日都話要食甜品，一日到黑就係食同馴，成隻豬...」

「我邊有呀！」啊童嘟囔著。

「都有話係你，我有講過個個女仔係你咩？無吖嘛，好有趣㗎呢個故仔，乖乖地聽埋落去啦。」想不到理由去反駁的啊童只好乖乖合上嘴巴，繼續聽我加油添醋地說我和她之間的故事。

說了差不多一個多小時後，我終於把故事說完。

「噏，講完個故仔啦我，快啲馴覺啦你。」我說。

「唔濟呀，你根本就借啲意，兜個圈嚟話我嘅。」

「痴線，我點會話你啫，你係我最愛嘅女朋友㗎嘛，仲要係女神，點會有缺點嗰。」

「食屎啦你，咁都唔係話我，一係...你唱首歌比我聽我就比你走。」啊童說。

「小姐，而家我好樂意陪你呀，問題係你要休息吖嘛，咩比我走啫，係你要馴覺呀。」我說。

「是但啦，總之你正正經經唱首歌比我聽啦。」啊童說。

「噏我唱㗎啦，你聽完真係要馴，知唔知？」我問。

「得啦得啦，快啲唱啦。」

「咳。」我清一清喉嚨。

「1914年，世界天變，第一次世界大戰...」

「喂呀，又乜野嚟㗎，好難聽呀。」我還未唱完第三句便比啊童打斷了。

「搞錯呀，又冇聽過呀你？歷史A歌嗰，之前歷史考試有六成都係靠佢咋。」我說。

「唔要聽呢啲呀我...冇啲真係好好好正常，認認真真既歌呀？」

「唉又要轉歌..好啦好啦，見係你。月光光~照地堂...」

這次啊童終於沒有再打斷我了，雖然她的表情告訴我她並不太想聽這首歌，

但應該是不願再跟我爭辯，所以才沒再出聲。

我於是便順利唱完整首歌。

「嗱真係要瞓啦，我聽日再搵你啦。」說罷我便為她整理好被子。

「唔...Bye bye啦。」啊童扁著嘴說。

「唉，攞住佢瞓啦你，當係攞住我啦下，有咩野就打俾我啦，我隨時都可以過嚟。」我把她放在床尾，之前在年宵市場買的豬公仔遞給她讓她抱著。

啊童接過那隻公仔，果真照我說話抱著它。

跪求大家Follow我既IG: MaanYin05

# 181.

「休息下啦，希望你快啲好。」我摸一摸她的頭說。

「嗯...」

說罷我便離開啊童的房間，準備回到自己家。

「走啦？」婆婆問。

「係呀，啊童瞓緊覺我費事阻住佢休息咁嘛。」

「哦，唔該晒你照顧啊童啫。」

「應該嘅應該嘅，咁我走先啦婆婆。」我說。

「好吖，Bye Bye啦。」

「Bye bye。」我打開大門，回去隔壁家中。

你問我返到過去有咩做？

「啊正！打唔打機呀？我擺脫咗啊童嘅控制啦，終於有一日我可以打機啦！！！」我在Discord問啊正。

「嘩咁大件事冇人講嘅？你地分咗手呀？」同在Discord的Marcus問。

「屌你，佢病咗而家瞓緊覺呀on9，唔得閒再迫我溫書，快啦，係咪打㗎？」

「打打打，緊係打啦，好耐冇同你打過機啦，成日都重色輕友，唔理我地。」啊正說。

「你估我想㗎咩，佢一嚟到我屋企就霸住我個位，然後再收走我部電話。點打機啫？一陣講多兩句佢又嬲我就唔好啦。」我說。

「你覺得佢咁煩咁你不如分手啦，分咗手佢唔理你你咪可以日日同我地打機囉。」

「咁又唔得啫，我係鍾意比佢管呀~你吹咩？」

「你真係麻L煩，快啲打返鋪先啦。」啊正說。

嗚呀...好耐冇試過晝打機啦，好開心呀！！

吃過晚飯後，我便循例打給啊童關心一下她的狀況。

「喂？」

「點呀你？」我問。

「都係咁啦...食左藥好叻呀，啱啱食完飯，而家喺梳發坐一陣就返房瞓覺啦。」單憑聲音就已經能感受到啊童有多疲累。

「咁呀好啦，唔阻你休息啦我，你坐一陣消化完就返去瞓啦。」我對啊童說。

「打機就打機啦你，扮晒嘢話咩唔阻我休息。」

「你點可以咁睇我㗎，我似係啲只顧打機唔理女朋友嘅人咩？」

「似呀，你根本就係。」

「吖你真係，發燒都仲咁串，我絕對唔係想去打機所以先打算收你線，我係真心想你休息㗎。」

無錯我係講緊大話，我真係好想去打機。

「你呃我唔到㗎，你根本就係寧願打機都唔理我！」

「痴線唔好亂諗嘢啦你，我真係唔係打緊機。」

「你而家緊係唔係打緊機啦，你收咗我線之後先打吖嘛。」

「我保證我收咗線之後都唔打機，咁得未？」

反正佢都唔會知我係咪打緊機，正所謂承諾係用嚟打破㗎嘛。

「Big Brother is watching you。」

「big乜7brother吖，得啦，我一陣諗住睇書，唔好再講落去啦，阻住你休息就唔好啦。」

「你小心啲呀我話你知，拜拜。」啊童Cut了線。

跪求大家Follow我既IG: MaanYin05

## 182.

嘿，講真啊童又點會知我係咪打緊機吖，佢一Cut線我緊係即刻去搵啊正問佢仲打唔打啦。

「喂，我又打得機啦~打唔打呀，好難得有一日可以打咁耐機。」

「打，緊係打啦。」

啊正一口答應。

我都唔明啊童點解會覺得自己可以知道我有冇打機，明明佢就冇可能知。

「開排位打啦，打返鋪雙排先。」啊正說。

「嚟吖，等你帶我上分呀。」我磨拳擦掌興奮地說。

遊戲不久後便開始了，我很快便找回手感，贏了第一局，

但第二局剛開始不久，我的電話便響起了。

我一看來電顯示...

你地無L估錯，打嚟既正正就係啊童。

「啊童打嚟，我聽一聽先，好快返嚟。」我對啊正說。

我之後立即將喇叭音量調到最細，(無錯雖然我打緊隻要聽聲既遊戲，但係我係懶得用耳機。)

然後再接過電話。

「喂？」我裝作沒事地接過電話。

「你唔會係打緊機㗎可~」啊童問。

「緊係唔係啦，我應承過你唔打㗎嘛，我而家喺度睇緊書呀，準備沖涼啦我，唔講住。」我隨便找個藉口打發啊童。

「不如唔好沖住陪我傾陣計先啦。」啊童像是猜得透我心思似的，死不讓我離去。

雖然去到之後諗返起我先知自己嗰時係幾咁on9，咁嘅理由都講得出，係人都知自己其實係打緊機啦。

「我都想呀，但係我再唔沖啊媽又鬧我㗎啦，我沖一沖涼好快啫，沖完即刻打俾你。」我說。

「咁好啦...你去沖啦。」啊童的態度突然一百八十度轉變，竟然容許我離去。

「嘻，幾時都話我女朋友最好人。」我說。

但啊童已經Cut了線。

見啊童主動Cut線，我也沒想太多，立即繼續打機。

「喂正哥返嚟啦我，繼續繼續，我地應該仲未輸㗎嘛？」

「未...就快啫，你而家跑過嚟都仲挽救得到今局嘅。」

「得得得，而家即刻嚟。」

過了一會，打到第四局時，我的電話突然響了一下。

我趁著空檔看了一下電話，看到那刻，我腦裏頓時出現了一隻很可愛的動物。

金翅仆街鳥。

童：打你嘅機啦，唔洗理我㗎啦。

我：我真係真係唔係打緊機，點解你唔信我啫？

童：又話好急住沖涼嘅？頭先咁急收線點解而家你覆到我㗎呢請問。

又被她擺了一道，我竟然忘記了這個問題，一見到她的訊息便不加思索地回覆了她。

我：我其實入去沖一沖身，所以好快出嚟，一出嚟就見到你嘅MSG啦，所以先覆到你咋。

童：咁請問你又點解釋呢一幅相？

她把一張相傳了過來。

我看到那張相後腦裏又又想起第二隻可愛的動物，玩撚猿。

跪求大家Follow我既IG: MaanYin05

# 183.

實不相瞞，嗰張相就係我偷食嘅證明，只不過小三係Rainbow six咁解(即係我打緊嘅遊戲)。

圖入面係啊童同啊正嘅對話。

童：啊言係咪同你打緊機呀？

正：哦係呀，佢同我打緊咩嘛，你有事搵佢？

童：無嘢啦，唔該你

仆街仔出賣我！？

「仆你個街，做咩出賣我呀你？」我怒問啊正。

「咩出賣你呀？打緊機點出賣你呀大佬？」啊正不解地問。

「仲話冇？做咩同啊童講我地打緊機呀...我俾你累死啦！」

「挑，你又冇話唔講得，點知啫，佢問我我咪講囉。」

「唉，而家佢實嬲死我呀。」

「做咩呀，打下機點會嬲死你啊？」

「打下機原本就唔會嘅，只係第一我哋話自己喺度睇緊書，第二佢會覺得我顧住打機唔理佢。唔講住啦，我過去跪玻璃先啦。」

「喂...喂，咁仲打唔打㗎你？」啊正急忙問。

「緊係唔打啦，而家仲打我比人殺死都似呀。」我說。

「食屎啦你，我哋打緊排位㗎，你走我哋會跌排㗎！」

「跌就跌啦大佬，再唔走手都分得啊。」我關掉Discord，穿著睡衣打開大門。

「你去邊啊啊仔？你著住睡衣㗎，你換衫先啦。」老媽愕然地看著我。

「唔得閒呀，Bye Bye。」我以最快的速度走到去隔壁再按下門鐘。

幾秒後，周叔叔便打開了大門。

他上下打量著我，想必是在思考為何女兒的男朋友會穿著睡衣在這時間按下他家的門鐘。

「Errr，我搵啊童。」

「啊童瞓緊覺唔，你不如聽日先搵佢？」周叔叔說。

「唔好意思，我真係有好好好重要嘅嘢要搵佢，同埋佢一分鐘前都仲Whatsapp緊我，應該仲未瞓著嘅。」

「咁呀...好啦。」幸好周叔叔肯讓我進去找啊童。

我立即衝進啊童的房間，看見正趴在床上的啊童，她驚訝地看著站在門口的我。

我關上房門後，不加思索便在她床邊跪了下來。

男兒膝下有黃金？Sor9ry未L聽過，喺女朋友面前黃金不值一提。

「做咩呀你，你唔係打機打得好開心㗎咩？」她斜眼看著我，面無表情地說。

「啊童...對唔住呀...我只係...」

「只係唔小心開咗電腦再唔小心開埋個遊戲，你係咪想咁講？」

「唔係唔係，今次真係我錯，我下次唔會呃你㗎啦，你原諒我啦好冇？」

她看著我不發一語，而我則越來越擔心，上次她生氣的畫面如今還歷歷在在在目。

「嚟啦嚟啦，原諒我啦，我講完個大話之後自己都好後悔㗎。」

「最多我以後都唔打機...errr唔再沖涼，對唔住呀啊童，令你病咗都要勞氣。」

跪求大家Follow我既IG: MaanYin05

## 184.

「傻佬，邊有可能以後唔沖涼呀，唔沖涼成個人咪臭晒囉。」啊童忍不住笑了出聲。

「一定係我太太太後悔，所以一時之間講錯嘢啦，好對唔住呀啊童。」我以哭腔跟啊童說。

「打緊機嘅時候又唔見你後悔？又唔見你突然自我感動，唔打機打俾我？」

「我...我好耐冇打過啦...所以頭先先忍唔住打咗陣，咁我見你好似唔想我打咁，咁於是我咪呃你囉...我剩係諗住打一鋪...一鋪㗎咋，我諗住打完個鋪就打俾你㗎啦。」

「到你得閒打俾我嘅時候我都馴L咗囉，要你嚟做咩啫。」

「所以我而家咪即刻過嚟搵你囉，其實我真係好仆街嘅，個女朋友病緊自己就走咗去打機，仲要唔理個女朋友，我應承你，真係冇下次，我真係唔會再犯呢個錯，你俾個機會我吖。」

「哼，如果再有下次咁點呀？」

一聽到啊童這樣說，我心中立即大喜。

「我自閹再自斷雙手！」我興奮地說。

所以幾時都話啊童真係唔同啲，你睇下佢幾易氹？

「又話要生仔？你閹咗點生仔呀？」啊童問。

「邊個話我閹自己呀？我意思係用自己隻手閹同我打機條友咋，你咁問...係咪好期待同我...」

「唔係呀！！係你話想生咋！」啊童臉上露出笑容。

「我唔再犯呢個錯咪唔會要自閹囉，我應承以後都將你放喺第一位，打機呀其他嘢擺第二位，你有咩事我剩係理你先。」我攬著她說。

「好叻呀我，咪阻住我馴覺啦你，死返過去打機啦。」啊童笑著把我推開。

「嗱你話㗎，我真係過去打機㗎啦，你唔洗我陪你吖嘛？」我再三確認，免得剛定下的承諾，不夠五分鐘便要實行。

「得啦，今次我批准你打機。」

「嘻，我女朋友真係開明。」

「咁我走㗎啦。」我說。

「走啦走啦。」啊童揮了揮手說。

我於是便為啊童關上房門，再跟周叔叔道別後便回到家中。

「喂兄弟，I am Back！」我重新打開Discord，對啊正說。

「咁快嘅？你氹返佢啦？」

「洗乜講，我仲同佢傾掂數，所以而家我係擺正牌打機嘅！我地又可以開多鋪新嘍啦。」我對他說。

「開乜鬼咩，你都比人Ban咗啦，過多半個鐘先返嚟再打就差唔多。」啊正說。

「咦...係嗰...」我打開R6，看見遊戲禁止我在這半個小時內再遊玩的告示。

「咁...半個鐘之後我再搵你啦。」我關掉Discord。

那晚，啊童的確沒有再找我，最後上線時間也停留了在她傳圖片給我的時候，

應該是真的睡著了，所以我也放心打機。

直到上床前，我便跟她說了句晚安，之後倒頭便睡。

跪求大家Follow我既IG: MaanYin05

## 185.

到咗第二日，亦即係星期六，我起身之後就Send個Whatsapp關心下佢，

費時佢一陣間又話咩我唔關心佢啊，唔擺佢係第一位啊，唔理佢啊，剩係顧住打機呀。

咁就唔好啦。

我：點呀你，今日有冇好啲？

我看一看時間，現在還只是九點，亦難怪啊童不能秒回我。

(題外話平時我Whatsapp啊童通常啊童唔駛十秒就睇到再輸入中。)

相信啊童現在還在床上發著美夢。

咁早起身做咩？打機囉！

緊係要趁啊童未起身未會搵我之前打下機先啦，

一陣佢醒咗覺得悶要我陪佢吹水我又冇得打機㗎啦，所以而家有得打好打啦。

直到十一時，我才收到啊童的回覆。

童：啱啱起身量咗體溫，退咗燒啦，不過我都仲係有啲痧，可能係因為食咗啲藥啦。

我：咁就好啦，覺得痧就馴多陣啦。

童：你下晝得唔得閒？我想出去行下。

我：哦，你唔痧就得啦，我就全日都得閒嘅。

童：咁好啦，到時再約你啦，反正你喺隔離，唔洗五分鐘就出到門口㗎啦。

我：Ok啦。

既然啊童下晝約咗我，咁我呢段時間就唔過去打擾佢啦。

咁呢段時間做咩好呢？試又考完啦，學界又打完...咁就一於...

繼續打機！

男人係咁㗎啦，打機對男人嚟講好重要㗎，啲人成日話要搵個會同你一齊打機嘅女朋友，

我做到㗎，啊童會同我打Overcook㗎，不過我唔會好鍾意玩Overcook咁解囉。

有時同兄弟玩個種感覺係唔同啲嘅，嗰種默契，一齊出生入死既經歷，

係女人俾唔到我嘅感覺。

又講得太遠，總之嗰個星期六我好難得可以打機打足成個上晝。

食完飯之後，緊係繼續打啦，反正我都有其他嘢做㗎啦。

「叮」大約到了四時左右，啊童終於找我了。

童：打完機未？我想出去行下。

我：你又知我打緊機？我隨時行得㗎啦，而家換衫。

童：你除咗打機仲有咩做㗎，當我傻㗎咩，我有搵你你咪一樣喺度打緊機。

我：係啦係啦，比你估中晒啦，總之我會將你放第一位，咁就得啦。

童：擺我喺第一位就唔該你快啲放低部電話，然後去換衫，出門等。

我：小人遵命。

我於是速速更衣，以最快的速度走出大門。

只見一早已在門外等我的啊童繼續她一貫的穿衣風格，一見T shirt加條熱褲，

精神明顯較昨日好。

「精神咗㗎。」我牽起她的手說。

「退咗燒個人係精神啲嘅，不過啲藥都仲係搞到我好似周身唔聚財咁囉。」啊童把頭靠在我的膊頭上借力。

跪求大家Follow我既IG: MaanYin05

## 186.

之後我們便在街上隨意遊蕩，反正我們出街的原意也只是陪啊童走走。

「人去睇下筆吖。」途經一家文具舖時，啊童拉著我的手走進去。

我當然沒有異議，只要她想逛我就會陪她。

啊童在放筆的架前，不斷試用不同的筆，

在供我們試筆的紙上畫公仔。

「冇咩咁好玩呀？你就快畫到人地啲筆冇晒墨啦。」我沒好氣地看著她畫畫。

「邊有喎，人地支筆咁多墨，我都係畫兩筆啫。」啊童扁了扁嘴說。

「畫多兩畫就冇晒㗎啦，仲要畫得咁樣衰。」

「你！話！咩！話！邊忽樣衰，勁靚囉好冇？」

「真係唔好意思啫，完全睇唔明你畫緊咩，冇冇興趣同我解釋一下先，呢個係咩嚟？」我指著紙上其中一個由她畫的「畸形」人。

「食屎啦你，咁都睇唔出，咪米奇老鼠囉。」啊童笑著推了我一下。

「原來係抽象派大師，失敬失敬。」我雙手抱拳。

「你嚟試下畫吖，咁多嘜...明明我畫得超靚囉好唔好。」啊童強行把筆塞進我的手中，示意我畫一次米奇老鼠。

「畫咪畫囉驚你呀？」我自信地在紙上揮筆。

不出一分鐘，我就畫完了，而就在我停筆那一刻，我開始後悔剛剛這樣嘲笑啊童，

原因無他，原來真係好L難畫㗎仆街！！！！

我以為米奇老鼠就咁勾畫返個外形出嚟就得，點知剩係呢一步我都做唔到，

唉，鬼叫自己畫畫無天份個視藝老師又廢咩。

「嘩真係好~靚呀，原來你都係抽象派嚟㗎？睇嚟你嘅畫風應該資歷深遠過我好多啫，失敬失敬，呢幅簡直係垃...吖唔係，係Masterpeice呀~」啊童火力全開，不斷恥笑著我。

「收皮啦屌你，明明你個隻嘢就唔好得去邊。」

「你盲㗎？乜嘢叫『我個隻嘢』呀，係好可愛又得意嘅米.奇.老.鼠.呀。你個隻就真係唔知乜嘢嚟啦，

痴埋一舊咁，連呢個係頭定身我都睇唔出呀！」

「一係咁，我擺上IG，叫人投票！我啲Follower嘅眼睛係雪亮嘅！到時睇下邊個靚啲囉。」

「好呀，擺咪擺囉，驚你呀？」啊童向我做出一個鬼臉。

「唔得，剩係你擺咪唔公平囉，我都要擺，同埋唔準寫明係邊個畫，咁樣佢地先至會可以公正持~平去作出決定。」

「無所謂，反正最後一定係我多啲人投。」我胸有成竹的說。

「哼，睇下到時係邊~個輸？」

我倆拍下紙上的畫，再各自放上IG Story，待啊童上傳了後，我立即按進去然後投自己一票。

「喂呀，乜你咁奸茅㗎！」啊童大力扭我耳仔。

「咩奸茅呀？我係真心覺得自己畫得好啲，得唔得吖？」

「食屎啦你，等我又去你個度投返自己一票先。」

「咦...冇嘅？」

「嘻...唔好意思，我Set咗唔俾你睇到呢個Story，所以你係投唔到票㗎！哈哈哈！」我仰天大笑。

啊童大力一腳踢過來。

「痴線你病都咁大力嘅？」

「你廢咋虧佬。」

「你講咩呀？信唔信我將你就地正法吖嚟？」

跪求大家Follow我既IG: MaanYin05

## 187.

「我就唔信你夠膽喺度做！嚟吖，你咪嚟囉，做咩唔過嚟呀？唔敢呀？呵，我實在係太太太了解你啦。」啊童睜大自己的雙眼注視著我。

「哼！我唔係唔夠膽，只係我身為一個奉公守法嘅好公民，我係唔會做出違法嘅事㗎！」

「講咁多嘢咪又係唔夠膽，都話你廢㗎啦。」啊童說。

「我認我廢呀，咁點吖？」

啊童沒好氣地搖了搖頭，然後我們便離開了那間文具店。

我們之後又繼續在街上遊盪，只要有興趣的店舖也會進去逛一下。

去到大約六時，我們便沿著海旁走回家。

「如果你話日日都可以咁行你話幾好吖。」啊童說。

「嘩，你日日都可以咁行㗎啦，睇你肯唔肯㗎啫。」

「我意思係同你呀！」

「呢點就有啲難度㗎，你知啦，我個人就比較懶嘅，日日都要我咁行嘅話咁咪會劫L死我囉。你都係想有我喺度啫，嚟我屋企打下Overcook咪算囉，再唔係同你出去行街買嘢我都OK㗎。」

「趁有得行好陪我行啦，遲啲想行都冇得你行呀。」

「傻嘅，我Google過你個夜盲症，你至少都要去到五六十歲視力先至會完全衰退，即係變盲，仲要個前題係病情惡化得快咋㗎，如果你好彩啲嘅話最多都係視力衰退，應該唔會去到全盲咁慘既。你個『遲啲』冇返十年八載應該都唔會發生，所以我地都仲有時間。」

「緊係唔係...啦。」啊童語氣間帶點失落地說。

「緊咩唔係啫，日日咁行呢，我就應該唔得冇時間嘅，但係每個星期都陪你咁行都仲OK既，不過去到夏天就盡量唔好啦...怕熱呀哈哈。」

「我唔係呢個意思呀。」啊童急道。

「咁請問係咩意思呢？小弟願洗耳恭聽。」

「啫係我...嘖唉...呃...」

「講啦，咁猶豫做乜啫。除非係啲對我唔...哦！你偷食！你肯住我去搵第二個。」我笑說。

啊童反了反白眼，然後拉著我的手在一張長椅上坐下。

「搞咩呀你？唔係返屋企咩？」我不解地問。

「你有冇咁蠢呀，難得出到嚟，緊係要睇埋個日落先啲啦。」啊童說。

「哦，原來有人想睇橙海，隨你啦咁，反正我又冇嘢做嘅，陪你喺度睇下都冇所謂。」

於是我們便坐在長椅上，靜靜看著那片夕陽美景。

隨著太陽朝地球的另一邊移動，海由原本的藍色，慢慢被照耀成金色，最後再回歸根本，變回黑色。

直至到太陽完全落下，天空隨了西邊還有一點點的餘輝外，抬頭就只見一片漆黑。

「走啦。」我站起身準備回家。

「等等先...我...有啲嘢想同你講。」啊童拉住我不讓我離去。

跪求大家Follow我既IG: MaanYin05

## 188.

「乜你咁多嘢講㗎，好肚餓呀我，我想返屋企食飯呀。」我說。

「你...坐返低先啦，好快就講完㗎啦。」啊童皺了一皺眉頭。

見她不肯放手，我唯有乖乖坐下。

「唉，你講啦。」此時的我只想盡快讓她說完她想說的話，然後回家。

「我...」啊童合上雙眼，深吸一口氣，然後說

「遲啲會去英國讀書。」她平靜地說出。

從未想過啊童會說出這樣一個壞消息，毫無心理準備的我，在那一刻徹底呆住了。

「你...你...你講笑咋下嘛？唔好嚇我㗎。」縱然我心底裏知道啊童不是在說謊，她也沒有理由用這件事來開玩笑，但當時的我，腦裏仍存在著那一點點，一點點的盼望，盼望啊童下一句是笑著對我說玩你咋傻仔。

我換來的...卻是她那微微搖頭的動作。

我臉上的笑容一下子僵住，這消息...不是我不相信，而是不敢去相信。

明知她說的是事實，而事實就是她即將要到英國讀書，可我就是不相信，

不停向自己洗腦，欺騙自己她只是在開玩笑。

我雙手蓋著自己半張臉，再狠狠地呼出口氣，強迫自己接受現實，

即使我不想接受。

那心情地切換實在是太過快...由喜變悲就只是那短短...短短十秒之事。

更甚是我完全沒有任何心理準備，啊童就連這消息是好是壞也未曾跟我說。

腦中...變得一片空白，已經是運行不到的狀態，我直直地站在啊童面前，久未發一語，發怔看著啊童。

「對唔住呀。」啊童哽咽著說。

聽到啊童這一句，我再也忍不住，早已在眼眶內打轉的淚水，如決堤般傾瀉而出。

我向前張開手，一把抱著啊童，任憑眼淚一滴一滴的落在了她的衣服上。

此刻的我...甚麼也不願去想，只想鎖住時間，不讓時間流逝，不願拉近我要與啊童分別的日子。

但即使我再想把時間暫停，即使我再不想啊童離去，

我也無力阻止這兩件事發生。

啊童自然也忍不住，伏在我肩膀上抽泣著，雙手緊緊地箍著我。

其實我一早就應該要察覺得到，至少昨天她問我那些問題時我就應該要猜到她問問題的原因。

「真係好...對唔住...」啊童哭著說。

「傻妹嚟嘅，你都有做錯到，不過你下次可唔可以俾個心理準備我先。」我說個笑話嘗試令氣氛輕鬆一點。

「對唔住...其實我應該要早啲同你講...甚至根本唔應該應承同你拍拖...」明顯地，氣氛並沒有變得輕鬆，反而令啊童哭得更大聲。

唉，你問我傷唔傷心，咁一定傷心同無力感好重㗎，我可以點啫，身為一個男朋友，個女朋友喺面前攞住自己喊緊，唔通自己又一齊繼續喊落去咩？

再傷心都好，我都要堅持住，企返起身安慰咗個女朋友先㗎啦。

跪求大家Follow我既IG: MaanYin05

## 189.

「你放心啫，我都有怪你，呢件事你亦都有錯。」我輕拍她的背脊安慰她。

其實我還未能完全消化到整件事，腦裏仍處於一片混亂無法運行的情況，

但現在首要目標是先安慰了啊童，其他事之後再說。

「我...根本唔應該開始同你拍拖，嗰陣時明知...明知自己好快就會走...我就應該拒絕你。而家...搞到你唔開心。」她越說就越哭得大聲。

「喂...都話我有嘢咯，頭先有沙入眼咋，你睇我而家，有唔開心咩？」

「你...呃人。」她含糊不清的說。

「傻嘅，邊得閒呃你啫，我真係冇嘢啫。」又點會真係無嘢吖，你試下個女朋友無L端端同你講自己好快就會離開香港，真係心臟差啲都唔得。

「你仲話冇嘢...你睇下你塊面先啦。」啊童為我擦走臉上的眼淚。

「唉我真係OK啫，如果嗰樣嘢係你想去做既，咁我比你去做先至係愛你既表現嚟㗎嘛。同埋咩叫唔應該同我開始呀，到時我仲傷心過而家呀，最緊要係我地兩個有一齊留下過一啲開心回憶吖嘛，而啲回憶係帶唔走，一世都會留係我個腦入面。」

「我都係。」啊童聽罷後大力地點了一下頭。

「咁咪得囉，況且邊個話我地唔可以Long D㗎，再唔係我又過埋去英國同你一齊讀書囉。」

「但係我聽啲人講Long D好易散㗎啫。」啊童失落地說。

「啲人夠話中學生不應談戀愛㗎啦，我地咪一樣拍緊拖，駛乜理啲人講咩啫，未試過又點會知得唔得啫，係咪？」

「但係...」

「唔好但係啦，總之無論你係唔係我身邊都好，無論我地相距幾遠都好，只要我地有心，我地一定可以繼續行落去，一世都唔會分開。唔好再諗啦，你越諗就只會越唔開心㗎咋，倒不如我地開開心心咁係你走之前經歷多啲嘢？我地一齊唔好再喊，笑住咁去面對，好冇？」

「嗯。」啊童破涕為笑。

「話說咁你幾時走。」我問出自己最關心的問題。

「應該暑假就會走，希望可以八月中或者尾先走啦，我想同你一齊耐啲。」啊童扁了扁嘴說。

「咁就等我地好好咁享受埋呢幾個月，盡情周圍去玩，總之玩盡佢！」我興奮地說。

「好呀。」啊童的臉上夾雜著淚水鼻涕，以及她那足以傾國傾城的笑容。

「咁...有冇興趣返屋企先？我有啲肚餓。」我笑說。

「你係咪真係冇嘢嘍，唔好死頂喎。」

「係呀，冇嘢呀，返去啦。」我主動撓著啊童的手。

「咁...好啦，你有嘢記得同我講呀，知唔知？」

「得啦得啦，會㗎啦。」

跪求大家Follow我既IG: MaanYin05

我拖著沉重的腳步回到家中，跟啊童道別後，  
我打開自己家門。我在漆黑中環視四周，  
確保母親不在家，待我肯定了家中沒有人後，  
我再也支撐不住，雙腿已經沒有氣力，  
我頹然坐到地上，  
剛剛忍住了的眼淚如今再次源源不絕的流出，  
淚水快速地劃過我的臉，  
一滴...兩滴...我任由淚水滴到地上，  
身體無力地倚靠著大門，緊抱著自己雙膝，  
把頭埋在其中，雙眼早已紅腫，  
不斷的哭泣甚至令到眼睛刺痛，  
但即使眼睛再痛，也遠遠及不上我心中的痛。  
以前從不相信心會痛這一說法，可我現在卻切切實實的感受到了。  
雙手發狂似用指甲來回在頭皮上磨擦。  
我崩潰的在地上痛哭，連站起的力氣也沒有。  
如今我身邊沒有任何人，不用再活在他人眼光之下，  
不用再戴上面具，不用再擔當安慰他人的角色，  
可以放下自己在人前的身份，盡情地將自己的情緒發洩出來。  
我一遍又一遍的回想起跟啊童經歷過的事，  
把昨天跟啊童說的故事在心中再對自己說一次，  
由初見至表白... 越想就越不捨她，  
每天上學不能跟她一起上，不能見到她，

不能聽到她的笑聲，不能瘋狂作死然後比她打，

不能...再過多幾個月，

一齊就已成過去，剩下來的所有事情，

就只能由我一個人去面對。

這樣的生活...還有甚麼意義，

太陽大海，任失其一也會讓整個畫面變得不完整，變得單調。

即使陽光再燦爛都好，也無處可投射，

即使大海一望無際，亦會因黯淡無光而變得不美麗。

我過得再開心也好，身邊卻沒有人能供我分享我的喜悅，

啊童過得再傷心也好，我卻不能及時再在她身邊借出自己的肩膀。

我打從心底相信分離並不可怕，只要二人仍愛對方，

那他們還能繼續走下去。

真正可怕的是，二人不能在對方身邊陪伴對方，

不能分擔樂與悲。要及時行樂...

但我卻做不到，我控制不到自己不再去想啊童要離去的事實。

我曾經說過要笑著面對，要好好享受剩下來的日子，

要活在當下，諷刺的是，

我自己也完成不了自己叫啊童做的目標。

一小時過去，我沒有吃過一口飯，即使我餓得快要死。

只默默地流淚，直到已經對哭泣的感覺盲目了。

「叮噹」聽到門鐘聲，我也不願動身去開門。

九成九只是送貨，反正他們見家中沒有人也會將貨物放在門外，開門與否也沒關係。

「叮噹」過了一會，門鐘再次響起，

我不耐煩的起身看一看貓眼。

站在出面的，竟是啊童？

我快速把臉上的眼淚擦乾，

然後擺出一副懶洋洋的姿態，慢慢打開門。

「咦...啊童？做咩呀？」我嘗試裝作若無其事，但聲音因為剛哭完而變得顫抖，好不容易才能發出聲音來。

「你係咪喊完嚟呀？」啊童細細打量著我的臉。

跪求大家Follow我既IG: MaanYin05

# 191.

「冇呀。」我別過臉去，不讓啊童看見我紅腫的雙眼。

自我回來之後我也沒有開過燈，所以現在全屋仍是黑漆漆，希望啊童剛才看不清楚吧。

「咩」啊童把大廳的燈全開了。

我心裏明白若啊童在光線充足的情況下看見我的臉，我剛才大哭一事必定會被揭露。

所以我轉身打算走到廁所中，關上門好好整理一下。

「喂，去邊呀你。」啊童拉住我。

「去廁所。」我聲細如絲，這樣才不會比啊童發覺。

「你望住我。」她喝住我。

於是我側面看著她，盡量令她看不到我的臉。

「正面呀。」她用手把我的頭扭過去，強迫我看著她。

「做咩呀？」

「我問你係咪喊完嚟呀，誠實答我。」

「都話冇咯，你要我講幾多次你先至肯信我呀。」我把啊童的手甩開，然後自己走進廁所。

我大力把門關上，再不忿地一拳打到門上，發出「砰」的一聲。

「喂，你做咩呀！我地唔係講好咗㗎咩，有咩事要講比對方知吖嘛，我係你女朋友嚟㗎，你有唔開心我都唔會開心㗎，你出返嚟，有咩事我地一齊拆掂佢啦，你唔好自己匿埋係個廁所到先啦。」啊童在出面拍門。

「我都話我...冇野咯。」我坐在地上，眼淚再次奪眶而出，但我只能強忍著哭聲，不讓啊童聽到。

「你邊忽似冇野呀，我好擔心你呀，你出返嚟先啦，有咩事我地都可以一齊解決㗎。」啊童再次拍門。

只是這次，我再也不能回應她，越聽她說我就越內疚，我恨自己這麼自私，想要把啊童留在自己身邊。

我不敢開口，因為我一旦開口，啊童就必然能聽出我正在哭。

過了一會後，

「咔嚓」原本鎖著的門竟然比啊童打開了，我呆若木雞的看著啊童手上的一枚硬幣。

「仲話無喊...」啊童跪在地上抱著我。

「對唔住。」我好不容易把這幾隻字吐出。

「係我對你唔住至啱，但係去外國讀書係我由細到大既夢想，原本只係諗住大學先過去，但係咁啱Daddy間公司想Daddy過去英國拓展業務...所以先會提早咗，對唔住呀...」我倆再次哭成淚人。

「點解你頭先要扮無野呀！係海旁既時候仲笑住咁安慰我...我竟然無察覺到。」

「我...唔想你唔開心吖嘛。」

「點解你要咁傻呀...如果唔係我Daddy叫我再過嚟睇下你點，咁你係咪會匿埋自己一個係到喊足全晚...一日都係我唔好，竟然咁都有發現到你唔開心...仲要你安慰返我轉頭。」

我不再說話，只緊緊的抱著她，把言語化為行動。

那一晚，我們彼此抱著對方，痛哭了許久...

「你講啱嘛，我地要開開心心咁過埋呢段日子，仲有就係...無論發生咩事都好，我地都要互相扶持，以後有咩事你都要同我講，由其是係我唔係到既日子，唔準你一個人自己經歷呢啲咁唔開心既野，我想同你一齊去經歷，知唔知？」啊童注視著我雙眼說。

「唔...」我笑著點一點頭。

「嘻，等我影低你呢個樣先，同你一齊咁耐都未見過你喊。」啊童把電話拿出來，打算拍下我現在的樣子。

「挑，好似講到得我一個喊咁，明明你自己都有喊。」我把她的電話搶過來，然後跟她自拍了一張。

「快啲返過去啦你，你啱啱病好要多啲休息㗎。」

「我想見多你一陣㗎...」啊童思索了一下後說。

「咁...好啦，玩唔玩Overcooked？」我提議，總不能整晚都坐在廁所吧。

「好呀，我地要係我走之前爆機！！！」她笑著興奮地說，把剛才的不快一掃而空。

跪求大家Follow我既IG: MaanYin05

個一日，可以話係改變咗我成個人生既一日，知道咗啊童即將要去英國讀書，唔可以再係我身邊。

咁我可以點啱，唔通綁L坐佢唔俾佢走咩，

唔得㗎嘛。一齊唔開心過，

喊過，之後就要抹乾啲眼淚，

繼續企返起身向前行㗎啦，最緊要係有佢陪住我。

經一事蔡一智啦，原來有時有啲野大家係應該攤開嚟講，

而唔係自己一個匿埋係度喊。

當然，個一日之後，我就更加更加，

珍惜我地仲可以一齊既日子。

時間嚟到四月十二，即係星期一。

我同啊童再次一齊返學，不過心情已經唔再係以前咁輕鬆，

好難控制自己唔去諗，唔去數住啊童仲有幾多日就要走。

返到去之後，我啲兄弟同Suki自然就圍住啊童關心下佢啦。

「我...有啲野想同你地講。」啊童說。

「咩呀？你有咗呀？」Suki問。

「屌唔L係。」我反了反白眼替啊童回答。

「點知你地啫。啊童你快啲講啦，講完陪我落去買野飲。」Suki挽著啊童的手臂說。

「我遲啲會去英國讀書。」就如早幾天她告訴我時一樣，大家臉上均露出了震驚之色，久久未有人發一言，除了我之外，

其餘人都在消化著啊童所說的話，尤其是Suki。

「啊童應該暑假就會走，所以我地要趁佢未走之前約多幾次。」我說。

「屌，你兩個係咪夾埋呢我地㗎，好可疑㗎你地。」Suki的反應跟我一樣，大概心底裏都是害怕啊童會離自己而去。

「你係我係呢間學校入面最好既朋友。」啊童張臂抱著Suki說，話中話就是她真的要離開，否定了Suki的猜測。

Suki聽到後不發一語。

「對唔住呀Suki，我都知你聽到呢個消息會好唔開心，但你放心我地都仲有幾個月時間，我應承你，我呢幾個月會盡量抽時間同你出街行街Shopping，總之你想做乜我都會陪你。同埋我之後長假期都會返嚟㗎嘛，啫係我地可以每三個月就見一次面，都唔係好耐啫係咪？」啊童繼續安慰Suki。

「咪就係得返幾個月囉。」Suki不滿地說，然後竟把啊童推開，轉身離去。

「喂！」啊童立即追上去。

但Suki卻連看也不看啊童，自己加快腳步離去。

「俾佢自己靜下啦。」我對啊童說。

「但係...佢好似好唔開心咁...」

「佢呢種女仔，唔會想係人面前唔開心㗎，你俾佢自己一個消化下先啦。」

「咁...好啦。」啊童扁了扁嘴說。

直到小息完結了要上課Suki也未回來。

之後那一堂的老師自然有問過Suki去了那裏，

我們隨便幫她作個藉口說她不舒服，

幸好老師也沒有追問下去，不然就麻煩了。



# 193.

終於，在轉堂的時候Suki回來了。

雙眼明顯才剛哭完，回來後獨自趴在桌上，不發一語。

啊童示意我關心一下她，(如果大家仲記得嘅話佢係坐我前面。)

於是我便拍一拍她的背脊，

「你點呀？」

「點解...點解啊童唔可以早啲同我講...我唔明囉！」她激動的說。

「我都係早你兩日知咋喎，唔關我事㗎，我都唔明點解啊童要咁遲講㗎。」

咦...咁樣好似唔算安慰...似係同佢一齊鬧啊童多啲㗎，是但啦，

我都唔明點解啊童要咁遲先講。

「髒呀！」Suki再次趴在桌上。

我對著啊童聳了聳肩。

反正我是猜不透Suki在想甚麼，大概是在髒啊童為何不早點跟她說這件事吧。

對我而言，比起憤怒，更多的是擔心，擔心啊童之後不在我身邊，很容易感情變淡然後分手。

「鈴鈴鈴」想著想著，又上完一堂，又到了小息，又要做和事佬為啊童跟Suki調解。

啊童在落堂後立即走過來關心Suki。

「唔好髒我啦Suki，我都唔想同你分開㗎。」啊童說。

「屌那星...你真係八婆嚟...世界上得你一個可以搞到我咁喊法...屌。」Suki站起來抱著啊童。

「對...對唔住呀Suki，你係我喺呢間學校入面最好嘅朋友，我都唔想同你分開㗎。」啊童開始眼濕濕。

唉仆街，望到呢個咁感人嘅畫面搞到我都有啲感動添。

「好啦！我地唔好再講啲咁感人嘅說話啦，我驚再講多幾句你地又喊過，我地不如諗啲開心啲嘅嘢，諗下去邊到玩好過啦係咪？」冇其實純粹係我想約佢地去玩。

「屌你，你唔識講野就收嚟啦，係呢啲咁感動嘅位你走去講呢啲，你是On9嗎？」

「咁你唔想去玩咩？緊係要趁啊童仲喺度嘅時候玩多啲啦。」我說。

「咁你有咩高見吖？」啊童問。

「錦鯉無高見，因為錦鯉係一條魚。」

啊童聽到後反了反白眼，一副想打我的樣子。

「唔好打我唔好打我，有冇興趣去愉景灣？」我認真給出建議。

「嘩好提議啫，嗰度好似好靚㗎，估唔到你件廢柴都比到啲有用嘅建議啫。」Suki說。

Suki贊成我的提議當然是好事，但更重要的是啊童喜不喜歡，所以我看向啊童，

「愉景灣...有咩特別㗎？我就無所謂嘅。」啊童說。

「冇㗎，得個靚字囉，去打下卡都幾好吖，反正我地又搵唔到地方去。」我說。

兄弟們當然沒有異議，反正我地出街很多時都係男仔自己隨便搵個地方坐低打機，

女仔就自己影相，咁我當然就要幫佢地影無得同兄弟打機啦，不過是但啦。

跪求大家Follow我既IG: MaanYin05

# 194.

細節呀，約既野就唔講啦，總之就係約咗星期三，點解係星期三？

因為星期三係我地復活節假既第一日，(係度提一提個啲返緊工既讀者，學生既復活節假係長過你地好多嘍，有成十日。)

所以我地就決定星期三係中環坐九點船入愉景灣啦，魚蛋好似有反對過既，

不過就是但啦，反正都係嘔幾分鐘啫，又唔係我嘔，佢辛苦咪辛苦啦，關我L事咩。

我同啊童就例牌一齊食咗早餐先出去，又係中環碼頭等。

「嘩，你知唔知上次同你地嚟既時候我係幾~咁緊張呀？」在碼頭等候其他人時，我重臨此地有感而發。

「點解呀？有咩緊張呀？」啊童不解地說。

「你唔係呀嘛，咁都唔記得，上次嚟既時候我係準備緊表白㗎，你知你㗎啦，一陣又拒絕我就唔好啦，係人都會緊張啦大佬。」我說。

「嘩，仲以為有咩特別，原來係咁咋。拒絕你係因為無誠意，同你未證明到你拍拖唔會影響學業，咁你之後做到呢兩樣野，咪溝到我囉。」啊童說。

「唉，唔知下次再同你一齊嚟呢到係幾時呢，應該你走之前我地都唔會再嚟中環碼頭㗎啦。」我嘆了口氣說。

「我咪講過囉，我長假期會返嚟㗎嘛，聖誕啦，聖誕返嚟我地再入多次長州。」

「噏你話㗎，一定要返嚟呀，如果你唔返既話我嬲死你。」我說。

「得啦得啦。」

之後佢地都陸續到齊，咁就搭船入去啦，訓個覺就到。

魚蛋一落船就嘔，大家都已經習以為常，無點理佢，佢嘔完就會追返上嚟㗎啦。

落船後，兩位女生的眼球就瞬間俾那沙灘吸引著，於是我們便應她們要求跟著她們走過去。

直行不久後我們便到了沙灘，她們以迅雷不及掩耳的速度衝了過去玩沙，

我們男生只好找將張長椅坐下等待她們。

「喂啊言，過嚟陪我玩㗎。」啊童向我招手。

「唔好啦掛，我對沙敏感㗎，唔掂得沙，我睇你地玩㗎。」一想到全隻鞋，全身都是沙...我就不想過

去玩了。

我可不願在整天餘下來的時間都跟沙子作伴。

「妖男人老狗驚啲沙，過嚟啦屌你，女朋友叫到你都唔肯過嚟。」Suki起身走過來把我推過去。

「喂唔好啦，我唔想對鞋入沙呀。」

「一陣倒返出嚟咪得囉on9，快啲過去同啊童玩啦。」

「唉你等我除鞋先。」我唔想對靚靚白色Converse鞋入晒沙。

我看過去兄弟那個邊向佢地求救，希望佢地當中有人可以講幾句野解救我，

但佢地一個二個就坐係個邊望著我陰陰嘴笑。

我屌，我好相信如果有一日我就嚟死佢地都唔會救我。

跪求大家Follow我既IG: MaanYin05

# 195.

我在強權之下被迫玩了半小時沙，陪她們砌好了一座城堡。

「影幅相就走啦。」啊童說。

終於...我終於聽到我想聽既野啦，啊童終於肯走啦！

可惜，事如願違，原來啊童所指的影幅相不是單純影幅相，而係影好L多幅相，直到佢收貨覺得影得好為止。

因為我係完全唔識影相，結果我幫佢影咗勁耐佢先滿意，明明張張都差唔多。

「唔係咁呀！」「背光呀！」「你影到我隻腳好短呀！」「我係邊呀！你做咩將我擺係咁右呀！識唔識構圖㗎你！」「喂呀！你褪咁後影做乜呀！」

最終，Suki看不過眼，指導了我一兩句，我才能成功逃離啊童的責罵。

「跟住去邊呀？」啊童問。

「吓...冇Plan過㗎，四圍行下啦。」我提議。

係，我認我懶，懶得計劃行程，最主要係我其實冇嚟過，之前去玩既地方我全部都有去過，

所以都大概知有咩地方好去，但係愉景灣我真係冇嚟過，

唔係太熟，所以先諗唔到行程。

不過唔緊要啦，係度四圍行下都好吖。

男生主要都係吹水，去邊都冇乜所謂。

反而係女仔，入到嚟興奮到好似食錯藥咁，四圍走嚟走去又要影相，係咪真係環境靚啲佢地心情都靚啲㗎呢？

話就話係一班人出嚟玩，但其實最終都係分開男生同女仔，就連我都冇乜同啊童講過野。

係愉景灣廣場附近行下打下卡，好快就到咗中午食晏晝。

我地隨便入咗間餐廳食飯，食完就又繼續四圍去行下。

「你地之後仲有咩地方想去㗎？」我問。

「你唔好講到你冇Plan過行程咁啦好冇，你連呢度有咩景點你都唔知呀！」啊童說。

「反而我知道呢度有個好靚既教堂，不如我地一陣過去行下？」Suki問。

「好呀好呀，都係你叻，起碼講到啲地方去，旨意佢就死得啦。」啊童指著我。

「唔好意思囉，咁真係唔熟呢度吖嘛，我以為你地女仔嚟之前會上網睇下又或者一早知有咩景點去㗎嘛。」

「屌你，唔熟你又提議？」Suki對我舉中指。

「喂，我都話咯，以為你地女仔知吖嘛，Sor囉。」

「垃圾！我地快啲食埋啲野就過去啦。」啊童說。

我們於是速速把碟上的食物清空，然後便動身前往該教堂。

有賴Google Map的幫忙，我們順利去到那座教堂。

「嘩！！！！好靚呀！」啊童興奮地說。

老實講，係幾靚既嘅，隔離就係海，如果可以喺度行禮應該會好浪漫。

「你話如果我地可以係度結婚你話幾好呢？呢度真係超超超超靚，又浪漫！」果然不止我有這個想法，就連啊童也是這樣想。

好我仲有樣嘢要宣佈，由於小弟呢半年嚟每日打一千字無休息過，最近心情仲要唔係幾好，，想放自己三日假，咁我就對你地好仁慈既，由聽日開始，我會隔日一更，直到下個星期。

所以即係話，四，六，一都唔會出文，另外下個星期三(即係721呀屌你老母)係小弟生日，所以都唔會出，下個星期四就回復正常，任屌唔屌，歡迎用唔同途徑屌9我，多謝大家！

跪求大家Follow我既IG: MaanYin05

## 196.

「嗱我當你應承㗎啦！係你話想同我結婚㗎，之後唔好反口。」我搭著她膊頭說。

「屌你識唔識㗎你，即刻求埋婚啦on9。」Suki說。

「吓...乜都冇準備㗎我。」我呆了呆。

「唉呀你唔好聽佢講啦，幫我影相好過啦。」啊童把電話遞給我。

「係係係，小人遵命。」我連忙接過電話。

「影靚啲呀知唔知？」啊童說。

「得啦得啦，Suki教咗我㗎嘛，而家識點影㗎啦，你過去啦。」我說。

於是我又為啊童拍了無數張相，今次我學乖了，她每轉一個姿勢我就在不同角度拍幾張，包保她一定滿意。

「唔...幾好幾好。」啊童檢視著我剛才為她拍的照片。

「咪就係咁咋嘛，我都唔明你頭先係沙灘有咩困難。嚟啦，我地一齊影一張。」啊童在看完所有相後說。

「好呀。」我把手機交給Suki，然後牽著她的手出去。

我們在那藍白色三角形教堂前相擁著對方，

然後待Suki按下快門。

「喂你地轉個特別的既姿勢啦，唉一係咁啦，啊言你預起啊童㗎。」

「又好啫。」我在啊童面前蹲下好讓啊童能騎上來。

「嘩屌。」啊童突然跳了上來，害我差點失平衡。

「上次咪講咗唔好突然跳上嚟囉小姐！你估你係小朋友咩！我又差啲失平衡啦，你係咪想Suki影到我地兩個跌落地既畫面呀？」

「對唔住囉。」啊童吐了吐舌。

半年前羽毛球訓練後我預啊童回家時所發生的事重演了一次。

「嚟，三...二...一！」

「咔嚓」估下我下一句講咩？

無L錯，呢張相又係箱入面其中一幅相。

之後就到Suki影啦，佢地兩個又一齊影下咁啦。

影完大家都唔想再行，

於是我地搵咗間Cafe坐低涼下冷氣。

等到夠鐘就坐船走人。

老實講，原來愉景灣都幾L悶，

平時碌IG見到其他人去就以為好特別，

可能...對於男仔嚟講係悶咗啲既，但係啲女仔就玩(影)得好開心囉。

返返出去都已經差唔多五點。但係你覺得我地會就咁結束呢一日咩？

答案係唔會，因為啊童同Suki返到去中環見到個摩天輪之後話好想坐下，

咁我地咪又要陪佢地一齊坐囉。就當係陪啊童喺佢臨走之前睇多幾次香港既夜景。

啊童就如小孩般，拉著我的手，興奮地走進了摩天輪中坐下。

由於我們總人數是七人，再加上沒有人排隊，所以我們可以獨佔一個車廂。

「香港原來真係好靚。」我在高處看著維港，有感而發。

「我都係第一次係呢個角度望香港，估唔到咁樣望個感覺係唔同啲㗎，同平時係海旁望既唔同。」啊童靠在窗邊俯瞰著。

「我諗我真係接受唔到離開香港...啫係我唔想有一日去海旁既時候再見唔到呢個景。」

「我都唔捨得個景㗎，雖則話對咗十幾年，但就係唔會睇厭，好奇怪。」

「有時我都好佩服你，有勇氣選擇離開呢度，比著我應該真係會唔捨得。」

「咁有時離開屋企外闖下都未嘗唔係一件壞事吖，只要我仲記得自己既身份。」

「唔記得會點？」

「咁呢度就唔再係我屋企。」

「有咩問題。」

「問題呢度原本就係屬於我地，而家我只係因為想去讀書而去第二度，如果我唔記得咗自己身份，咁

呢度就唔再屬於我，香港亦會慢慢變得唔一樣。」

「乜你講野咁高深㗎，反正我就唔會走既，忘唔忘記都唔關我事啦，住係度仲點會唔屬於我。」

「會繼續屬於你，不過唔係同一樣野咁解。」

跪求大家Follow我既IG: MaanYin05

「算，我地都係停止咗呢個話題去，我完全唔明你講緊乜。」啊童笑了一笑，「點都好啦，總之要記住自己既身份，咁就夠啦。」

「你男朋友。」我回答。

「你鍾意乜都好，總之要搵到自己既身份同記住佢。」啊童聳了聳肩。

車廂圍著中心點轉圈，

來回數遍，有趣的是，

即使我們轉完一圈又再次回到同樣的位置，

但那景色卻不盡相同，天變得越來越暗，

相對的是對岸大廈的燈越來越亮，

海上滿是廣告的倒影。

此刻的我看著站在玻璃窗前，滿臉興奮之情的女孩，

很美，尤其是得到了美景的襯托，

顯得她更是秀麗，

我腦裏再次泛起了心動的感覺，我確切的感受得到那久違的感覺，

是初次見面時所帶給我那震撼的感覺，

我這才驚覺，原來我已很久，

沒有好好認真細看啊童。

由我第一眼看到她開始，我就深深的被這個女孩吸引著，

她所散發著的氣質，是其他女性無法比擬的。

**追追趕趕 高高低低 深呼吸然後與你執手相隨**

我身後突然傳來音樂聲，打斷了我的思路。

「做乜9呀你？」我緩緩看向後方，視線落在Suki的電話上。

「咩做乜9呀？播歌囉，咁浪漫既環境點可以唔播歌？」

「咁有趣嘅你？你知呢首唔係走去播黃秋生既版本咁有型？」

「你唔係想聽單春唱下話？黃秋生先正，聽歌啦屌你。」

甜蜜中不再畏高 可這樣跟你蕩來蕩去

無畏無懼 天荒地老流連在摩天輪

在高處凝望世界流動

失落之處仍然會笑著哭

人間的跌盪 默默迎送

當生命似流連在摩天輪

幸福處隨時吻到星空

驚慄之處仍能與你互擁

彷彿遊戲之中 忘掉輕重

追追趕趕 高高低低

驚險的程度叫畏高者昏迷

憑甚麼不怕跌低

多僥倖跟你共同面對

時間流逝 東歪西倒

忽高忽低

心驚與膽戰去建立這親厚關係

沿途就算意外脫軌

多得你 陪我搖曳

天荒地老流連在摩天輪

在高處凝望世界流動

失落之處仍然會笑著哭

人間的跌盪 默默迎送

當生命似流連在摩天輪

幸福處隨時吻到星空

驚慄之處仍能與你互擁

彷彿遊戲之中 忘掉輕重

老實講，佢係唱得幾正嘅，

不過唔係好啱Feel囉，

隊完草癲癲地既情況聽會好啲囉我覺得。

首歌播完，我地都差唔多要落返地。

「喂，不如我地影返幅相吖？」Suki提議。

「而家？呢度？落地啦啎。」魚蛋問。

「所以咪要快囉on9，仲問。」

「咔嚓」未待我們準備好，Suki已經把我們最崩壞的樣子拍下。

「Suki!!!我啲頭髮好亂呀！你做乜咁快影呀？」啊童還在整理自己的頭髮。

「嘻，落去Luuu~」她從車廂中輕輕一跳，跳到平台上。

「嘩，你地Feel唔feel到個地好似震咗一下咁呀？」Marcus問。

「我Feel到呀，唉Suki，好心你啦，要做個負責任既市民，咁樣跳一跳，隨時影響座野既結構，搞到成座摩天輪冧落嚟就唔好啦。」我說。

「咩呀！你唔話佢，佢行多幾步，地震都似呀。」Suki指著肥強。

「話又唔係咁講啎，就咁睇我都分唔出你肥啲定佢肥啲。」啊正說。

「屌你老味我邊L到肥呀，隻眼有事就去驗眼啦柒頭。」她對我們全部人舉起兩隻中指。

「唔肥唔肥，咪聽佢地亂噏啦。」啊童上前挽著Suki的手臂。

「哼，本小姐今日就唔同你地計。」

跪求大家Follow我既IG: MaanYin05

搭完摩天輪後我便跟啊童一起回家了。

「叮」我的電話彈出通知。

Mr

Wong:各位同學，嚟緊個星期五晚就係我地BBQ既日子啦，五點鐘係學校集合。隨咗班會成員之外，希望大家都可以幫手買下嘢，多謝大家既幫忙。

係度容許我解釋一下發生咩事，我地學校每班每年都會係學校既操場到BBQ一次，

日子就自己班決定，

不過一定要係星期五晚。

咁每班都要交三個日子上去，

之後再抽籤決定其中一個，

通常大家都揀十二月至三月，因為夠涼，

而我地點解會揀四月呢？

因為我地班遲交呀DLLM，

啲期比人搶晒，結果咪搞到要大熱天時嚟燒野食囉。

你問有幾熱？

無嘅，我check過天文台，

最熱都係廿八度啫...諗起都覺得熱呀！

我屌，究竟係邊條L樣遲交份表呀！！！！

唔好意思其實就係我，如果大家仲記得既話其實我係男班長嚟。

不過呢個唔係重點，重點係我真係唔係好想個日燒嘢食。

「噢係嗰，我地嚟緊個星期五燒嘢食嗰。」啊童看了看自己的電話。

「唉諗起都覺得熱呀，我睇過個日個天氣呀，熱L到仆街呀！」我激動地說。

「咁你咪唔好燒囉，又冇人迫你燒嘅。」

「但係交咗錢啦嘛，又冇理由唔燒㗎嘛，好似好傻仔咁。」

「你真係麻煩。」啊童反了反白眼。

「Sorry囉，咁真係好熱吖嘛。」

「唔知係邊個遲交份表呢可~」

「超，一時唔記得咋嘛，你估我想㗎咩？」

「果然你真係唔可信，諗住比啲野你做啦，點知你就遲交。」

「Sor囉，下次唔會。」

「唉算，你諗下我地負責買咩好過啦。」

「買啲簡單啲既野？」

「例如呢？」

「幫手買下手套呀餐具呀個啲咪算。」

「唉咁一係你買手套我買叉喇。」

「好呀，我覆㗎啦。」我說。

「好呀。」

咁我地就輕鬆搞掂咗一個問題，

買完啲嘢，求L其燒幾塊包填飽咗個肚，

出去打波睇下夜景算，

我有冇講過我問學校睇到夜景？

之後班會其他成員各自講低自己會負責買啲咩，

有啲熱心既同學都會主動出聲幫手買野。

基本上呢個每年一度既燒野食環節係每班既大事，

除咗旅行之外，呢個就係我地少有既班際活動，

所以大家都好重視。

買套？用個日先買啦。

到咗第二日，我都想啊童出去拍拖，

尤其係知道咗自己同佢剩低可以相處既時間唔多，

不過好可惜比佢一下拒絕咗，因為佢話要同Suki出街。

我屌，重友輕色。

咁無辦法啦，我又唔想痴住佢地出街，

費事淪為佢地既啊四。所以我全日都係度打機。

跪求大家Follow我既IG: MaanYin05

# 199.

「嘟嘟嘟」正當我打機打到緊張關頭時，我的電話突然響起。

「邊L個呀...」我不滿地嘟囔著。

我看了一眼來電顯示，又是啊童。

無奈之下我只好犧牲今場比賽，接過電話。

「喂。」我盡量壓抑著自己內心焦急之情。

「點呀，又打緊機呀？」

「呃...係呀，做咩呀？」

「無，因為Suki同係班會嚟㗎嘛，咁所以我地諗住聽日早啲約埋一齊去買野，你嚟唔嚟吖？」

「哦，好呀，我叫埋啊正佢地吖。」

「咁你繼續打機啦，我覆返Suki先。」她說完便掛了線。

我呆了一呆，沒想到她這次竟會這麼快便掛線。

不安的我立即傳訊息給啊童。

我：對唔住我我唔打機啦。

童：你傻咗呀？我都有撈你，你咪繼續打囉，打完好去約啊正佢地啦。

我頓時放下心頭大石。

我：多謝女朋友大人！！！！

原來只是想多了...

有時都覺得自己比啊童搞到痴痴地線好敏感。

我於是便繼續打機，之後再傳訊息約兄弟們。

反正五點才集合，我們要買的東西也不多，

所以我便約了他們五點等。

此時我突然想到一個免費獲得手套的方法。

呵，我真是太聰明。

時間一跳，就到了第二天三時半，

此刻的我早已換完衫，準備好出門口。

會合啊童後，我們便直接前往學校附近的商場等候其餘人。

「係呢，你應該仲未試過夜晚留係學校㗎可，我同你講，我地學校夜晚望出去，係超超超靚，仲可以望到個個唔知幻乜7濕9香江。」等待時我興奮地跟啊童說。

「真係㗎~你就好啦，之前試過兩次夜晚留係學校，好似好靚咁呀！」啊童一臉期待地說。

「咪住先，你唔係有夜盲㗎咩？」我心生疑問。

「我係睇到光既地方既，即係個度著燈我會睇到，但係佢周圍就會係漆黑一片囉，所以我睇既唔係夜景，係好多好多盞燈，不過都一樣靚既。」啊童向我解釋。

「原來係咁，咦...佢地嚟啦㗎。」我看著正步進商場的啊正及他身後的兄弟們說。

過不了多久，Suki也到了。

「喂各位各位，一陣就好熱既，你地唔會真係諗住燒㗎嘛。」我問他們。

「屌你件垃圾，走去怕熱，我就真係會燒既。」Suki說。

「我都會燒㗎。」啊童說。

「你地呢？」我把希望投放到兄弟們身上。

「緊係唔會燒啦on9，熱死人呀大佬。」魚蛋說。

其他人也一一附和。

「喺咁得喇，啊童同Suki你兩個自己去買野，我地去食返個KFC加擺手套先。」

「痴線㗎你地，冇時間㗎喺，仲食野。」啊童說。

「你就痴線，手套駛乜買㗎啫，擺咪有囉，你都係要膠手套擺嘢食咋嘛，我地係去完成自己既任務，加食野，ok？」

「算，你地自己搞掂，我唔理你地，總之一陣我要有手套用。」啊童說完後便拉著Suki離去。

跪求大家Follow我既IG: MaanYin05

## 200.

「去食KFC!!!」我跟他們走進商場中的KFC坐下。

你地係咪覺得我地好痴線，約出嚟買野結果我地變咗去食野，

是L但啦，我又唔燒，手套呢啲求L其啦。

「每個人擺到餐之後唔該各自擺啲手套返嚟，咁我地就有免費手套用。好，我地去買野食。」我拿起錢包走出去。

不久之後，我們全部人都捧著自己的餐盤兼手套回來。

「非常好，而家將啲手套擺落嚟。」我拿出早已備好的膠袋。

他們聽罷便逐一把自己拿回來的手套放進去。

「唉！有時我都有啲擔心我太聰明，一陣比牛津呀哈佛呀個啲邀請過去讀書就唔好啦。」

「有咩唔好呀？」肥強問。

「On9咁我咪同唔到你地一齊上堂囉！」我一邊拿起一件炸雞一邊說。

「FF少陣啦屌你，快啲食埋佢返去學校準備啲野好過啦。」啊正狼吞虎嚥的把整件炸雞吃掉。

我看一看手錶，距離集合時間還有半小時。

「驚闖咩，慢慢食啦，仲有成半個鐘，返去擺低啲野就食得啦。」我回答。

「咦，佢地返咗嚟㗎。」魚蛋看向KFC的入口說。

果真啊童跟Suki各自拿著一大袋物品。我立即向她們招手，示意她們過來。

「你地得返唔係好多時間㗎咋，好快啲食完去買野啦。」啊童放下她提著的那一袋又說。

「仲有咩要買？手套咪係度囉。」我拿起放有手套的膠袋。

「屌你班on9，你地真係走去偷人地KFC啲手套？」Suki驚訝地說。

「咩偷呀？我地係光明正大咁擺嘅，同埋用KFC手套有咩問題呀？」

「咁加炭呢？加炭又係用呢啲手套呀？」啊童問。

「加炭...呃，用手扔擺去咪得囉。」我說。

「唉，真係服咗你地。」啊童沒好氣地說。

「食唔食呀？」我把眼前的炸雞遞給啊童。

「唔食呀，咁熱氣。」啊童推開我的手。

我們吃完後便回到學校，我當然有協助啊童拿那些叉。

回到去後，我們班的同學大部份也已經到齊了，

都在準備待會燒烤要用的物品。

就連Mr Wong也正在洗菜，尤其是班上的女同學更是特別認真地洗及處理食材。

當女仔係度洗野準備野既時候，男仔要點呢？

緊係出去打波啦，咁難得我地可以獨享成個籃球場，

仲唔盡情打咩。

我仲特登帶咗自己粒波返嚟打，

即刻打返場3on3先啦。

BBQ呢日打波最爽既位係，可以望住個靚景同埋係不被人騷擾之下同班Frd打波，

你有冇試過望住日落海景打波吖？

呢次係我一生第三次咁做。

「Check ball。」我把波拋給敵隊的啊正。

他隨手一推，把球交回我手中。

我在三分圈退後幾步，然後起手，射出一個長距離三分。

「砰」球大力撞到籃板上，

再反彈出顏色區域以外，

我方的Marcus立即把球搶過來，

再傳給身形龐大的肥強單打進禁區。

「呀！！！」肥強仰天怒吼，向著籃框直衝過去。

一...二...跳起，以走籃方式進了球。

跪求大家Follow我既IG: MaanYin05

## 201.

「耶！開波開波。」我興奮地把球拿到三分線準備再開波。

「喂！你地過嚟幫手呀，仲係度打波，好多野整呀。」啊童走過來叉著腰說。

「有咩要整呀，你地整啦，難得全個場都冇人打，緊係要打盡佢啦。整野呢啲..最多咪遲少少食。」我沒打算理會啊童。

「過！嚟！幫！手！呀！」啊童扭著我右邊耳仔說。

「嘩扁....得得得，而家即刻過嚟，你鬆手先。」我不停拍打著她的手。

「哼。」啊童終於肯鬆開手。

「走luuuuu！」早已準備好向前衝刺的我，待啊童一放手便立即向前狂奔。

「喂！」啊童又再次跟在我後面。

一場追逐戰再次上演。關於要跑去哪這個問題，

我早就想好了，要不比啊童打，

又可以讓我停下來的方法。

就是，跑到Mr Wong面前。

「咦hi Mr Wong，洗緊乜嘢呀？」我若無其事的說。

而在我身後的啊童則敢怒不敢言，沒有在Mr Wong面前打我。

「哦，洗緊菜呀，你唔係喺出面打緊籃球㗎咩？做咩走咗過嚟嘅？」

「冇呀，咁啱過嚟睇下有冇嘢幫手囉。」我說。

「冇呀，都差唔多準備好晒啦，一陣你幫手搬爐就ok。」聽罷我向啊童做個鬼臉。

「哦好咁無問題，我返過去打波先啦。」我說。

「好呀。」既然連Mr Wong都話唔洗我幫手，咁我唯有返去打波算。

真係好，哈，Mr Wong一句就收咗啊童皮。

「哈，Bye Bye啦啊童。」我笑著對啊童揮了揮手。

「妖！」啊童大力踢了我一下，然後便走開了。

「兄弟們！I am BACK！！！」我走回場中。

「咦，成功擺脫到啊嫂嗎。」啊正說。

「哼，實乜講。」之後打多一陣波我地就比人叫咗去搬爐，搬完返嚟就開始燒嘢食。

OK我更正係佢地開始燒，我係掂都有掂過，因為我怕熱，所以自己一個人走咗出去打波。

「喂，啊童燒咗啲魚蛋，問你食唔食嗎。」Suki走出來問。

「哦好呀。」我跟著她走回去。

只見啊童坐在旁邊的長椅上，手上捧著紙碟。

「啊童！你係咪燒咗啲魚蛋呀？」

「係呀。」啊童把其中一粒放進口中。

「多謝！」我伸手到她碟上。

「死開啦，想食自己去燒，問你食唔食咋傻仔，頭先又唔肯幫手。」啊童把碟移開。

「哎呀！咁過份既你，頭先你都聽到㗎，係Mr Wong話唔洗我幫手咋，同埋我有幫手搬爐㗎，整粒嚟啦。」

「一粒咋嘢。」啊童把碟連叉遞給我。

「好呀。」我把碟拿起，將碟上所有魚蛋一併倒進口中。

「食屎啦你條仆街！我好辛苦燒㗎！」啊童不停大力拍打我的手臂。

跪求大家Follow我既IG: MaanYin05

「噃...唔好意思，隻手揸唔穩隻碟添。」我以生命值硬接啊童的物理攻擊。

「我好肚餓呀！！！」啊童說。

「好肚餓都有辦法㗎，你再去燒啲嚟食啦，我出去打...」

話未說完，我的手便啊童拿起，

心知不妙的我立即試圖縮手，可惜已經太遲了，

啊童已經張開嘴咬了下來，我又再次感受到人類那可怕的咬合力。

「對唔住...好痛...我而家即刻去燒返俾你...」我不斷拍打著桌子。

啊童聽罷才放開口，以凌厲的眼神盯著我，恨不得把我碎屍萬段似的。

「食咗你幾粒魚蛋啫...駛唔駛咁樣望住我呀...」我迴避著她的目光，拿起她的燒烤叉走過去為她燒魚蛋。

「個幾粒魚蛋係我好辛苦燒㗎！你自己懶得燒走嚟食我啲魚蛋！」

「嘩，又係你問我食唔食既。」我隨便找個燒烤爐坐下。

「我話剩係俾你食一粒...一粒咋頂你個肺！」站著的啊童越說越激動，竟然從後用手勒著我的頸。

「喂...透唔到氣...」我拍打著她的手。

「哼，仲夠唔夠膽食我啲嘢？」

「唔夠...唔夠。」

「你次次都係咁講㗎啦！」她勒得更大力。

「真係唔會...唔會再咁做...」

「哼...唔準燒燴呀，燴咗要再燒過。」

「得啦得啦。」

「我話你知呀，燒得唔好我打柒你㗎。」啊童舉起她的拳頭作勢打我。

「知你咩料嚟，我一定會盡我所能，做到最好！Yeah！」我舉起V仔手勢。

「妖！」待她離開後，我便認認真真地開始為她燒魚蛋。

首要目標是不讓那幾粒魚蛋燻掉，我可不想再坐在這裏燒多一次。

「咦啊言，你唔係話唔燒㗎咩？」不知剛才發生了甚麼事的Suki問。

「唉，頭先一個唔覺意食晒啊童啲魚蛋，跟住係咁比佢屌，而家咪要燒返啲魚蛋比佢當賠罪囉。」我嘆了口氣說。

「呵，抵L死啦你，成日蝦啊童。」Suki在我旁邊坐下。

「你都onL9，擺到明係我比佢食住啦下話，我何德何能蝦佢呀大佬...」

「係啲係啲，差啲唔記得你係條怕女朋友既廢柴添。」她恥笑著。

「咩呀？怕女朋友就係廢柴呀？你歧視呀？我呢啲叫遷就，ok？」

「你粒魚蛋就快燻...」Suki難得地善意提醒我。

「Holy Shit！」我立即轉動燒烤叉，可惜一切為時已晚。

「唉屌...燻咗...」我看著叉上的魚蛋，欲哭無淚的說。

「少少啫，應該唔係好覺既。」

「啊童一定會叫我再燒過㗎...唔得！我唔可以俾呢件事發生！」

此時，我腦內心生一計，一個幾仆街既詭計。

「幫我燒住先。」我把叉遞給Suki，然後極速跑去音樂室。

過了一會後，我便回來，

並把所有魚蛋統統撥到一隻碟上，再拿著它跑上天台。

「Hi啊童，我燒好啦，不過為咗你有一個更好既體驗呢，我地不如上天台到食吖。」我對正坐在一角獨自玩電話的啊童說。

「唔駛啦，呢度食咪得囉。」

「唔係咁好既，呃...上去先講啦。」我拉她起身。

「真係怕咗你，喺上面無開燈我睇唔到嘢㗎，你扶住我呀。」啊童把電話收起。

「得啦得啦。」我扶著她行。

由於現在已是晚上，所以樓梯的燈全都關了。

唔係講笑頭先自己上去既時候都幾驚下...

冇燈既學校真係恐怖，不過而家有啊童係我隔離，

你以為我會話佢係我隔離所以我冇咁驚呀？

你諗多咗，係我地兩個一齊驚。

真係好恐怖㗎嘛。

好不容易終於上到去，我們學校的天台坐擁無敵大海景，

最重要是，不會比他人騷擾，正呀！

點解揀呢度？

因為呢度黑到仆街，啊童一定睇唔到粒魚蛋燴咗，

同埋方便扑野囉(如果有機會㗎話)

「喺，我都知你睇唔到嘢㗎啦，咁係我面前呢，就有一碟我精心炮製既魚蛋，同埋一支結他，請小姐你先揀一首歌。」

「妖！我唔要聽歌呀，我剩係想食野咋。」

「你揀首歌先，跟住就一路食一路聽，開唔開心先？」

「是L但啦，你識邊啲呀？」

「濕9，橡膠，先生，顏色都ok，親愛的珍就盡量唔好，唔想比人記大過。」

「Rubberband你自己揀一隻啦下，快啲比碟嘢我呀。」啊童伸出手來。

你知唔知點解我要唱歌？

一嚟可以搵個籍口叫佢上嚟，二嚟分散佢注意力，希望佢食唔出啲魚蛋燴咗...掛。

「小涼伴啱唔啱？」

「唉啱呀啱呀，快啲比碟嘢我呀！」

「等等下~」我上網Google一下Chord譜。

過了一會後，我把碟連叉遞給啊童，再拿起結他。

「你...睇唔到嘢都應該食到㗎啦？」

「得啦食到呀。」啊童話音剛落就已經急不及待地撥了一粒魚蛋進口。

「噫...」還未開始唱的我此刻十分害怕她會吃得出魚蛋燻了的味道。

過了幾秒後，啊童仍然沒有任何反應，只管咀嚼著魚蛋。

呼...幸好她吃不出。

「好...嚟啦」我開始彈奏。

跪求大家Follow我既IG: MaanYin05

熱到衫領滲透汗印  
熱到板塊爆發地震  
熱到海市蜃樓融雪  
很吸引 熱到躲進冷氣槽裡  
藏身 不堪燒滾  
焗到呼氣也覺難過  
焗到鬱結也會傳播  
焗到街裡人人行過 也推我  
就會想去約你與我 跳出悶熱唱飲歌  
今晚節目很多 能共你痛快渡過

又開始唱歌啦我，總之呢個世界有咩事都好，唱首歌啊童就一定唔會黷我。

雖然佢好似唔係好想聽咁，不過是但，總之我要分散佢注意力！

「食完啦我，落去未呀？」啊童放下碟叉。

「吓...我仲唱緊啲。」我愕然地說。

「你落去先繼續唱飽佢，而家陪咗我落去先，我要繼續燒嘢食呀。」啊童伸出手來要我扶著她。

「你...唔想聽我唱歌咩？」我猶豫地說。

「Sor9ry，食嘢吸引啲。」我呆在原地...我從沒想過，原來自己歌聲在她心中的地位...已經及不上美食了...

「哦...好吖，我執返啲嘢先。」我把結他放回袋中，然後便與她一起下去了。

嗚...點解會咁㗎...正常應該係佢好Enjoy咁係一個好浪漫既氣氛底下聽完我唱歌，

然後好開心咁走過嚟錫我一啖，讚下我先係㗎嘛。

不過算，諗諗下佢食唔出啲魚蛋爌咗都已經達到我最初既目的。

回到去後我就繼續打籃球，

不同的是這次是與其他人一起打全場鬥波，

比剛才毒自射球又是另一種感覺。

過了大約半小時，我們回到有蓋操場休息。

我大口大口地把水喝下去，坐在啊童旁邊喘氣。

「喂，不如你教我打籃球吖。」啊童原本打算拍一拍我膊頭，但一看到我那充滿汗水的衣服時，她就將動作給止住了。

「噢，你有興趣呀？好呀好呀，我終於有樣嘢可以教你啦。」

「呼！去打波！」啊童站起來伸了個懶腰。

「我地去最近有蓋操場個個場吖，呢個場夠光，你應該睇到嘢。」我拾起在地上的籃球。

「好呀。」啊童一奔一跳地走過去。

「好！打籃球好簡單㗎啫，第一唔好走步，啫係唔好攞住粒波行多過兩步，第二就係將個籃球用你既方法扔入個籃到，係咁多。」我把籃球傳給啊童。

「嘩！」啊童一個閃身，完美的避開了籃球。

「做咩9呀你？玩閃避球呀？你要接住粒波㗎嘛。」我跑過去把球拾回。

「喺，今次你接實喇。」我以彈地的方式把球再一次傳給啊童。

這次啊童終於學乖，把球穩穩地接住了。

「跟住你試下將個波扔返俾我吖。」我張開雙手做好接球的準備。

啊童聽罷把球拋回給我。

「好好呀！跟住就試下射波，你睇我示範一次。」我把球射進籃框中。

「得啦，俾粒波我。」啊童自信的說。

「喇」穿針。

我屌唔係嘛，啊童真係咁勁咩！？

第一次玩就穿針？

雖則話佢射波個姿勢同大部份女仔一樣都係推粒波出去，但係又真係俾佢入到喎。

「Yeah！入咗！」啊童手舞足蹈的說。

跪求大家Follow我既IG: MaanYin05

## 204.

「勁啲。」我由心而發。

「哼，實乜講，我啲，周樂童啲。」她自豪的指著自己說。

「係囉，你啲，我女朋友啲。」我捏了一捏她的臉頰。

「死開啦！」我又一次比啊童推開。

「既然你連波都入埋喇，咁要唔要打返場比賽？總之得兩條規矩，第一條係唔好走步，第二條係入波就有分，其他啲複雜既規矩就由佢。」我說。

「好呀，驚你呀？輸咗點先？」

「我輸咗就心太軟，你輸咗冇懲罰，打三分，ok？」我走過去把球拾起再交給啊童，

「你開先。」啊童接過球後，二話不說便再次起手射球，無奈幸運之神今次並不幫她，球掠釘彈出。

「哎呀。」啊童不忿地說。

「駛唔駛咁急呀，到我喇啲。」我拿著球來到發球線。

待啊童準備好後，我便開始進攻。

我慢慢一步一步向前推進，然後突然變速，

輕鬆越過了啊童的防線，上籃取得一分。

「呵，一比零呀。」我刻意在說「零」字是加重語氣，再比出「零」的手勢。

「唔得，再嚟一次，我唔信你今次會過到我。」我聳了聳肩，再一次拿著球走到發球線前。

這次我轉用背打方式進攻，比我輕又不夠我大力的啊童自然比我迫得節節後退。

差不多到了禁區時，我便轉身跳起射球。

「唰」球再次進了。

「你頭先話...話唔信咩話？」

「唔公平呀！我都唔夠你大力，你咁樣好奸茅呀。」啊童打了我背脊一下。

「咁你想點吖？」

「我要搵幫手！」啊童說。

「搵邊個？」

「Suki啦緊係。」啊童說罷便跑回有蓋操場，過了一會後便拉著Suki出來。

「咁L熱，又會出汗，唔好啦啊童！」Suki不情不願地走出來。

「唔得！我一定要贏佢！總之你扔到個波入去就係。」

「唉好啦好啦，見係你咋！」Suki說。

「當讓你地，比你地開波先。」我把波拋給啊童。

「接實呀Suki。」啊童把波傳給Suki。

我立即跑過去防守Suki，怎料卻被人緊緊抱著，動彈不得。

「嘻，你又冇話唔攞得人。」在我身後的啊童死死地攬著我，而我則困難地一步一步往前走。

「快啲射波呀Suki！」只見Suki拿著球跑到籃底下，然後向上一拋，球又進了。

「Yeah！」啊童立即放開我，跑到Suki那裏跟她拍手。

我沒好氣地看著她們慶祝，我開始後悔剛才只定了兩條規矩...

「快啲開波啦。」我說。

「做咩呀？等唔切輸呀？」啊童施施然地走到發球線。

她再次把球傳給Suki，

而我...嘿嘿，決定先發制人，

立即以柔道把啊童摔在地上，

然後再跑到Suki前把球強行搶過來，再自己鏟籃取得最後一分。

跪求大家Follow我既IG: MaanYin05

## 205.

「咁就贏咗你喇。」我打了個呵欠，走向啊童那邊。

「食屎啦你，你！出！茅！招！嘅！」

啊童從地上剛起來就想向我撲過來，我眼見勢色不對，

於是便立即跳離現場，唔出現係個度咪無事囉！

無奈我實在反應得太慢，啊童已經從後飛身撲了過來，

巨大的衝力令我失平衡，最終雙雙倒在地上。

「嘩！好重呀你。」比啊童壓著的我嘗試推開她。

「出茅招吖！整跌我吖！重你老母呀重！」怎料她就如樹熊般以雙手雙腳緊緊夾著我的身體，任我再用力推也推不開她。

「痴線，放我走呀...」我努力的往前爬行，而背脊則不斷比啊童重擊。

「唔準走呀你！」她開始轉為擻我。

「屌，明明係你出茅招先。」原本尚能忍受比打痛楚的我此刻變成毫無反抗之力，任由啊童繼續對我施以十大酷刑。

唔得...我一定要反抗，可以點做呢...

「嘻...你呢個位好易俾我抽水㗎。」我面容扭曲地吐出這幾隻字。

說罷我便將雙手放到後面，作勢要摸她的雙腿。

無辦法，呢個係我唯一可以反擊到既方法，啊童得一個弱點，就係驚我抽佢水。

「嘩死變態！又想抽我水！」果不其然，啊童立即彈開。

情勢一下子就比我逆轉了，我色迷迷地看著她的美腿，不安份的雙手朝她伸出了過去。

「唔好掂我呀你！」啊童咯咯笑著避開我。

「唔好再擻我呀你！」我模仿著她的語氣。

「我地嚟簽返個互不侵犯條約，唔準再搞對方。」

「點簽呀？都有筆？」

「用手指簽係對方嘅大髀到。」我說罷把手指伸出，試圖在啊童大腿上寫字。

「簽你個頭呀，簽係對方嘅大髀到...你就想呀！」啊童把我的手給推開。

「咩喎，掂下都唔得。」我把手一反，抓著她的手。

「嚟嚟嚟我終於返到嚟幫你地影相喇，頭先咁喎擺低咗部電話。」Suki提起電話對著我們。

「你遲唔遲啲呀，平時又唔見你擺低部電話，而家影唔低啊童有暴力傾向無證據報唔到...唉雖然報完都無用，家暴咁小事可能佢地都唔理。」我嘆了口氣。

「邊度有家暴你呀！擲下你咋喎！」啊童用第二隻手打了我一下。

「嗱，見到啦，仲話冇？哎呀好痛呀，我要入醫院呀。」我捂著比她打的位置，面容扭曲的倒到地上。

「喂肥強，有人想入醫院呀。」Suki對正在另一邊打籃球的兄弟們大喊。

未待我反應過來，我的兄弟們便已經跑到過來，

有默契地各自捉著我的四肢。

「抬起佢，Con 9佢！」魚蛋指示著。

「頂你地個肺！求下你地...唔好呀...我仲要用...」他們無視我的說話，把我抬往操場上的旗桿。

看來我還是乖乖地接受命運算吧。

下體每一下的撞擊，我眼睛盲目地看著那條雪白無暇巨大如我的旗桿，

每朝它前進一下，我的神經就比刺激一下，痛楚不斷地傳進我的腦中。

「禮成，落地。」魚蛋宣佈我期盼已久的指令。

他們四人合作地同時鬆手，害我比活生生的撻在地上。

我爭扎地從地上爬起，一拐一拐地走向啊童。

「抵你死啦，扮乜嘢比人家暴吖。」啊童一副不關她事的樣子。

「咁你真係成日打我吖嘛，唉算唔講呢啲，不如我地真係影幅相吖，係呢個咁靚嘅夜景前。」我提議。

「影囉，當留個紀念，反正我之後應該都無機會夜晚再返嚟呢度。」

「Suki，做嘢！」我對Suki說。

「咩語氣呀？當我係你啊四呀？」

「Solly solly，Suki姐，請問你可唔可以幫我地影幅相？」

「咁就差唔多。」Suki滿意地跟著我們走到操場的最盡頭，最近維港的那邊。

由於啊童看不見周圍，所以我是緊挽著她的手臂。

「嚟三，二，一...」Suki為準備好的我們倒數。

待她數到一時，我便突然把頭伸前，

親了啊童的臉頰一下。這次啊童沒有再打我罵我，

反而是甜絲絲的笑著。

「識做啲啊言，呢張正呀！」Suki欣賞著剛拍的相片。

唔知第幾多張相，就咁出現咗係個箱到。

之後就執埋啲嘢再影張班相就完咗呢一日。

跪求大家Follow我既IG: MaanYin05

## 206.

之後成個復活節假，我差唔多每日都會同啊童出街，出街做咩？

我都唔知，總之我地就係想痴住對方，咁就夠啦。

當然，啊童都唔剩係同我出街，

佢都有兌現到同Suki嘅承諾，有同下Suki出去行下街。

我諗佢其實都好唔捨得Suki，啱啱熟咗都未夠一年就要分開。

唉，我又何嘗唔係吖。

踏入五月份，所有學生都為著六月嘅大考做準備。

我係遇上啊童之前，係一個絕對唔會溫書既人，

所以五月對我嚟講，Who fucking care。

無奈我已經被啊童訓練到考試前一個月會自動自覺擺起本書嚟溫，無錯係自動自覺，

如果返到嚟我唔溫書既話佢就會又打又鬧，煩L過我老母。

「好心你啦，唔認真啲讀書點揀科呀？你揀唔到自己想讀嘅科又點會讀得好？快啲溫書啦，我管理你最後一次嘍咋，之後都無機會再叫你溫書啦，聽埋我最後一次話啦，溫書！」坐在我旁邊正認真地溫習的啊童，對心不在焉的我說。

「而家咪溫囉。」我坐直，然後按她的話聚精會神的溫習。

不知從何時開始，原來能跟啊童溫習已經變成了一件很奢侈的活動，

這數十天已經是我為數不多仍能跟啊童一起溫習的日子。

再過多一個月，就要考試了。

每去一次羽毛球訓練，就代表著距離啊童離去又近了一個星期，

強迫著我想起啊童過不了多久就不能再在我身邊。

最心痛是，看著你身邊的人離去，

而你卻無力挽回。

只能好好珍惜這段時光，但珍惜卻不能令時間變慢，

事情也不會有任何改變。

由於大考佔全年最多分，所以這次考試不容有失。

來到五月最後一個星期，亦是最後的拼搏期，

之前啊童在我吃晚飯前就會回家，

而這次，她是吃完晚飯後再過來繼續監督著我溫習。

老實說，經過這大半年來高強度長時間的訓練，

我已經不會在溫習時感到疲倦，但原來還有更高強度的訓練我未接受，

距離啊童的級別我還有很大段距離。

因為之前根本就不會在晚上溫習，每晚我都是自由的，

但這次不同，這次連晚上都要溫習，害我呵欠連連。

「好...叻呀...」我把頭慢慢靠到啊童的膊頭上。

「叻你就上床瞓陣啦。」啊童眉頭一皺。

「唔要！我係鍾意挨住你瞓。」我合上眼睛。

「一係俾你瞓我大牌喇，你而家咁樣我郁唔度個膊頭。」一聽到有得近距離接觸她的大腿，我立即雙眼發光，

「好呀好呀。」我笑著說。

「嘩你個樣咁猥褻嘅...諗諗下都係唔好啦。」啊童斜眼看了看我後，便把課本翻到下一頁。

跪求大家Follow我既IG: MaanYin05

「唔好唔好，我個樣邊忽猥褻呀，你睇錯咋，唉呀好叻呀，膊頭唔夠位比我馴喇。」我順勢把頭移離她的肩膀，慢慢向下靠。

「砰」一時太興奮失了平衡的我連人帶椅倒在地上。

啊童愕然地看著我，原本認真的樣子頓時出現了笑容。

「哈，抵你死啦，死變態。有無撼親個頭呀你？」啊童起身把我扶起。

「其實我係特登嘅，為咗氹你開心所以先扮跌親，絕對唔係太興奮失咗平衡。」我爭扎著從地上爬起來。

「係呀係呀，一定係咁啦。」啊童反了反白眼，然後繼續溫書。

「根本就係咁。」死心不息的我打算再試多次。

「哎呀，你咁樣一陣又跌㗎啦，整好咗張凳先，較返啱個位，跟住先再馴落嚟。」看不過眼的啊童伸手為我調整椅子的角度。

「嘻，睇嚟你好想我馴你大牌㗎。」我笑嘻嘻的看著她。

「你個頭就想呀，唔想你臨考試前整親咋。」我聳了聳肩，然後以那張椅子以及啊童的大腿作為支撐點躺平。

「原來你呢個角度睇都幾靚㗎。」我從下看著啊童認真溫習的樣子。

「馴你就馴啦，咁多嘢講。」話雖如此，但啊童的嘴角卻微微揚起了。

「我見到有人陰陰嘴笑㗎。」

「邊有㗎我...」啊童低頭看著我。

「咦...我見到雙下巴㗎~」

「我邊有雙！下！巴！呀！你唔好亂噏啦！你再講就即刻起身！」啊童憤怒地說。

「Okok唔講唔講，我女朋友就算有雙下巴都咁靚。」

「起身！即刻！」啊童用雙手強行把我的頭托起。

「唔好唔好，真係唔講，真係唔講，我頭先講錯咗，係我女朋友幾時都咁靚，隻腳仲要幾好馴添。」啊童以幾乎殺得死人的眼神狠狠地盯了我幾下，仿佛在警告我不要在亂說話，之後才繼續溫書。

我又怎會如此輕易就放過她，之前每次我讓出膊頭借給啊童當枕頭睡覺後，

我的肩膀位總會濕了一大片。

這次...嘿嘿。我把臉側過去，貼著啊童的肌膚，

把口打開，耐心靜待受到地心吸力牽引的口水流出。哈哈哈哈！！

我都知自己咁做好核突，不過呢個唔係重點！

我而家做緊嘅嘢叫做報仇，係佢咁對我先嚟嘍。

「好核突呀你！！！」啊童把腿縮開，不讓我的口水再繼續流下去。

「哎呀，唔好意思呀，一時馴得太舒服無合理個口添，我幫你抹返佢吖。」我假惺惺的隨手抽起幾張紙巾，伸手打算為她擦乾口水。

「唔駛喇，唔！該！我自己嚟得嘞。」相信啊童此刻恨不得把我碎屍萬段。

「唉，我都唔想嘅，一時控制唔到。」我笑著說。

「你擺到明就係特！登！㗎啦！！！」啊童逐隻字慢慢地說。

跪求大家Follow我既IG: MaanYin05

## 208.

「痴線，你點可以咁諗我㗎呢，我絕對唔係特登嘅，如果我瞓覺流口水係特登嘅話，咁即係話你平時瞓我膊頭嘅時候，都係特登流口水㗎啦。」

「點...點同嘢，我係真係瞓著咗，唔小心擘大個口所以先至流咗小小...口水落你件衫到咋...嘛。」啊童扁著嘴說。

「我都係呀...唔小心擘大咗個口，所以先至流咗小~小口水...落你件衫到咋。」我模仿著她的語氣說。

「你食屎啦！你又核突又變態呀！好好地瞓唔得嘅！唔理你呀，你要瞓自己上床瞓飽佢啦。」啊童別過頭去。

「唔公平嘢，你流就得，我流就唔得。」可惜這次她沒有回應我。

「唉，算我上床瞓一陣覺。」我爬上床上。

如果大家仲記得嘅話，我張床係喺書枱正上方，所以我又諗到第二個玩啊童嘅方法。

我先係扮作瞓覺，過咗大約三分鐘等啊童放低咗戒心之後先玩佢。

係度講下我間房先，如果我瞓係度嘅話，我既右手邊就會係窗，亦即係書枱以及啊童面向緊嘅方向，

而左手邊就係大門，亦係啊童背住嘅方向。

而床框同牆係啱啱好夠位俾我伸個頭落去。

你地應該估到我想做咩啦，無錯就係倒轉伸個頭落去嚇啊童。

我係小學雞㗎啦，你吹咩？

我慢慢，一格一格的把頭往下伸，

先是露出了頭髮...接著是眼睛...鼻子...嘴巴，直到整張臉完全露出。

只見啊童正在低頭認真溫書，完全沒有察覺到在她正前方的我。

「啊~童。」我壓低喉頭說，然後臉上掛上一抹詭異的笑容，等待著啊童發現我。

啊童聞聲便抬高頭，直至看見了頭好像懸浮著的我。

「呀！！！」啊童尖叫。

「嘿嘿嘿。」獲得了如期的效果後，我便把頭縮回上去，在床上重新攤平，放聲大笑著。

「我想溫書呀仆街！」啊童從椅上起身，然後爬上我的床上找我報仇。

「溫囉，走上嚟做乜嘢呀？」躲在角落的我問。

「嚇我嚇我...成熟啲啦！」她向我怒吼。

「嘻，悶吖嘛。」

「你就悶，仲有好多嘢未溫㗎我。」啊童打了我一下。

「非也，我唔係話溫書悶，我係話自己瞓覺好悶，不如我地一齊瞓陣？」

「你就想，走先，你慢慢瞓飽佢。」啊童轉身想離去。

「一陣啦~十分鐘！」我捉著她的手，不讓她離去。

嘿嘿，周樂童...你上咗我張床邊可以咁易比你走。

「唔要呀，一陣你又抽我水又借啲意搞我！」

「喂呀，五分鐘...最多我保證唔搞你。」

「好呀，我地一齊瞓十秒吖。」啊童把我強行按下，然後自己也躺下。

「十...九...八...七...六...五...四...三...二...一，夠鐘，落去溫書。」啊童起身，然後從我床上下去。

「喂喂喂...會唔會快咗啲呀？」嗚呀，我也都未做啲。

「唔會，而家請你即刻落嚟溫書，玩咗咁耐休息夠有返精神啦。」

「吓...」

「你有十秒時間，如果唔係你嚟緊呢幾日將會連學校既小息同Lunch time時間都失去埋，同我一齊溫書。」

「你痴線㗎？你平時係學校都唔會溫書嘅。」

「無錯，但係我可以為咗你而改變。而家開始計，十...」

「得！我即刻落嚟。」我連忙從床上跳下來。

跪求大家Follow我既IG: MaanYin05

## 209.

其實咁樣溫溫下書玩下都幾開心吖，有啲嘢本身好悶，

即使有個你鍾意嘅人係身邊都好，都改變唔到呢樣嘢好悶呢個事實，

咁我地可以做嘅，就係嘗試令到佢變得唔好咁悶。

例如令自己不停比人鬧同打就係其中一個方法，歡迎大家試一下。

之後，就係考試前最後一日返學嘅日子喇，

啫係星期五，因為下個星期考試既關係，所以今日係無練習嘅。

「各位同學，請大家係今日清空晒個Locker去。」Mr Wong在早會時說。

「金翅仆街鳥...」我放學時看著眼前塞滿了報紙和書本，外加聖經與字典各一的儲物櫃。

「哈on9仔，而家先執，好似我咁早幾日就逐啲逐啲擺返屋企吖嘛。」Suki在把儲物櫃內僅餘的兩本書拿出來時，亦不忘嘲諷我一下。

「我屌...」我粗略估算著面前這堆書本的重量。

係呢個時候，當然係要搵人幫下手啦。

「啊童~你清晒個locker未呀？」

「你想點呀？」啊童充滿戒心地點了點頭後說。

「無，想借你個書包嚟用下啫，我個書包唔係太夠位擺。」我苦笑著向她展示我儲物櫃中的物品。

「嘖，你話我點放心俾你之後自己一個吖，老師一早就提咗我地要清Locker，你就偏偏等到最尾一日先嚟清。」

「一時唔記得吖嘛，借你個書包嚟放幾本書吖，反正你都無嘢要擺返去㗎啦。」我搖著她的手說。

「三本，每本唔準超過一百五十頁，自己擺入嚟。」啊童把書包拋在地上。

「多謝童童!!!」我一把抱著她。

「妖，嗱嗱臨執埋啲嘢返去溫書呀。」她推開我。

「唉，真係慘，我地返屋企就打機喇，你慢慢溫書。」魚蛋搭著我膊頭說。

「頂你個肺！死L開啦，我係唔會同你呢啲壞學生一齊係度打機荒廢學業㗎。」輪到我推開魚蛋。

「如果唔係我迫你溫你覺得你會唔會主動溫咩？快啲執好啲嘢啦！」啊童插嘴。

「係係知道。」我隨便把三本書放進啊童的書包裹，

然後把剩下的書本強行塞進自己的書包，比較厚的聖經及字典就用手拿。

好不容易終於將所有書本全塞進書包裹，然後我們便踏上了歸家之路。

重L到...仆街！

去到最後三日，

(我星期一先考，所以仲有五六日。)

唔係講笑我竟然會有啲緊張同擔心，

大概係唔想白費晒之前成個五月嘅心機。

尤其是因為你想揀嘅科嘅成績係會計雙倍，所以更加要溫好我想讀嘅科。

對於Bio同Chem我就一早放棄咗，Physics同數學就做多啲，

剩低嘅科就不斷溫溫溫，仲有啊童私人比我用嘅靚靚Notes。

跪求大家Follow我既IG: MaanYin05

## 210.

唔係講笑，啊童啲Notes係又靚又實用，所以幾時都話，有啊童做女朋友真係幸福。

呢個Weekend，絕對係我人生有史以嚟最L辛苦嘅時光，

因為啊童真係同我開行Turbo溫書，

朝早，晏晝，夜晚，無一倖免。

星期一就開始考試，要考足兩個星期，足足有十六份卷等緊我地去考。

「最後一次係香港考試喇喎。」星期一早上返學時我對啊童說。

「所以更加要考好啲，好嚟好去吖嘛。」啊童面有憂色地說。

「你擔心呀？驚咩啫，你咁樣日日勁溫好難考得唔好㗎喎...」

不過學霸就係咁，對自己要求高，

同埋成日都會話驚自己考得唔好，明明呢件事就從來無發生過。

「都會驚自己失手嘅。」

「唔驚啦，你又唔洗揀科，可以無壓力咁考，就算交白卷都無所謂啦。」

「你咁諗咪唔啱囉。」啊童嘆了口氣搖了搖頭。

我聳了聳肩，沒再回應她，終止了這個話題。

「嘟」老師按下計時器。

班房上頓時傳來揭卷的聲音，考生們在卷上草草寫著自己的名字，

把握時間翻到後頁開始作答。

你都on9嘅，有成個半鐘咁急做乜啫，

慢慢嚟啦。

果然如我所料，

過了大約一個小時後，半班同學已經做完了整份卷，

全都趴在桌上睡覺。

哈哈哈哈哈！成班都蠢嘅，

咁快做完咪要Hea半粒鐘囉，好似我咁，

每粒字都寫靚啲，精雕細琢寫到好似寫書法咁咪唔洗等囉。

Ok離咗題，只係我見到連啊童呢啲咁認真讀書嘅人都已經百無聊賴咁訓緊覺嘅時候，

我內心就忍唔住為自己嘅聰明才智感到興奮。

「嘟嘟嘟嘟」計時器響起。

早在十分鐘之前就已經做完整份試卷，再檢查了一遍的我把試卷疊好，交給前方的同學。

第一天的考試就這樣無驚無險地結束了。

例牌，每次考完試都總係會成班人圍埋一齊對答案。

其實係一件好無聊嘅事，

第一你身邊嗰個唔一定喎，

第二你而家知答案你都係無得改㗎啦，咁知嚟做咩啫。

但係，人總係有好奇心嘅，所以我都圍埋咗一齊。

之後整整兩個星期都係咁過，返學考試，

吹陣水返屋企溫書，無限loop。

派卷個啲就唔細講啦，總之成績叫做不過不失，

比上次UT進步咗囉。啊童就繼續維持學霸水準，

西史就最L癲，竟然可以係一份一百分滿分嘅卷入面攤到一百零一分，

雖則話有啲題目係Bonus，但就算唔計Bonus嘅題目佢都應該差唔多攤滿分。

時間嚟到六月廿五日星期五。

「好喇，各位同學，我地而家派選科表，下個星期一交返返嚟。」Mr Wong把一張紙分派給我們。



## 211.

我從Mr

Wong手上接過選科表，看見表上密密麻麻的選擇，從不知自己未來想做甚麼或有甚麼興趣的我，根本想不到要選甚麼科。

算了，還有一個週末讓我想，回家才慢慢思考。

「你諗住揀咩科呀？」啊童在我回家時問我。

「吓，未諗呀，應該都係文科？」我猶豫地回答。

「冇冇搞錯呀！之前唔係話諗好咗啲咩？」啊童一如以往，比我自己還要擔心我的事。

「之前無諗過自己成績會好到咁咩，可以揀嘅科唔多，而家成績好咗咁L多，揀到嘅科就唔止係啲乞食科，所以咪未諗好囉。」

「嘩，你叻個啲文科全部都係乞食科嚟喇，我話你知，你揀啲你唔鍾意嘅理科就只會讀得好辛苦，反而你鍾意啲科，啫係中史同西史，雖然係乞食科啫，但係至少你鍾意咩嘛。」

「係啫，但係你都識講係乞食科啦，我大個仲要養你喇嘛。」

「都係啲句，你唔鍾意啲科就唔會讀得好，俾你揀到比較多出路嘅理科，但係讀得唔好，最後連大學都入唔到，咁唔係仲衰咩？」

「都係嘅...」

那一晚，我在床上細細思索著，自己究竟要何去何從。

最終在啊童的建議再加上根據自己喜歡的程度，

選擇了中西史加地理。

痴L線。

揀完科，一身輕晒。

「叮」我的電話傳來通知。

Mr Wong：Hello啊言，有啲嘢想搵你幫手呀。我地學校嚟緊Post exam day有個環節想搵幾個人唱歌，咁主要就係搵上次Sing Con嘅冠亞季嚟唱，請問你可唔可以幫手呀？

竟然係搵我唱歌！？

都好啱，又可以自肥唱比啊童聽。

我：Ok呀無問題，係咪都係自己揀歌同要唱幾多首呀？

Mr Wong：唱三首，最後嗰日係操場到唱。

我：好呀無問題。

之後就係學校嘅嘅試後活動日，真係開心，唔洗上堂又有得玩。

在星期日晚上時，啊童無端端打了給我。

「喂，做咩呀。」我接過啊童打給我的電話。

「我呢...比社長叫咗入社際辯論比賽呀。」啊童在電話的另一邊說。

「吓你認真㗎？你地對邊個社呀？」順帶一提，啊童跟我是不同社的，我是藍社，而啊童則是紫社。

「對你地個社囉。」

「Yes！有你係度我就放心嘞，我地個社又大啲機會贏啦好耶！」

「你咩嘢意思呀下？唔好以為我同你講緊電話我就唔會打你呀，我而家即刻過嚟你屋企打你都仲得呀我話你知。」啊童說。

「都比你打慣㗎啦，你覺得我仲會驚咩，你用啲時間嚟準備辯論好過啦，你地幾時比呀？」

「後日。」啊童說。

「吓！你今日先比人拉入去後日就比！？」

「所以我而家咪煩緊要點做囉。」

「幫你唔到㗎，完全唔識點辯論。」

「妖，雖則話我都無預過你會幫到手，但至少都可以幫我諗下論點掛。」

「咁咪即係私通外敵，背叛自己個社！？緊係唔得啦，你自己慢慢諗，諗完話我知，我話返俾我地社的人知你地有咩論點。」

「食屎啦你！快啲幫手諗下呀！」

「題目係咩呀咁？」

個一晚，我陪住啊童諗論點同打稿，

直到夜深先至瞓得覺。

估唔到考完試我都仲要咁辛苦。

跪求大家Follow我既IG: MaanYin05

## 212.

經過足足兩天的奮鬥，我們終於寫好了稿兼練習了數十遍。

喔...正確來說是啊童奮鬥了兩天，而我則陪了她兩天。

我自己當然亦有練歌，為表演做好準備嘛。

眨眼間就已經來到了比賽日，這天我們是上九至十二，而社辯將會於十一時正在一間容納到五十人的特別室中舉行。

啊童一回到學校就去了有蓋操場找她的隊友去，而我則出了球場與兄弟們打籃球。

反正我坐到她旁邊也幫不上忙，只有尷尬的份兒。

過了大約十分鐘後，啊童卻朝著我走了過來。

「做咩呀？唔準備喇？想過嚟一齊打波呀？」我打趣地問。

「唔係呀，我係想叫你搵間房俾我地準備呀，呢度又吵又熱，集中唔到。」

「求其搵間班房咪得囉，上去就係喇啎。」

「係咁易就唔駛搵你啦男.朋友。」啊童反了反白眼後繼續說，

「大部份班房都鎖咗呀，要逐間逐間搵下。」

「痴線你當我係你工人呀？都係少少嘈同少少熱啫，忍耐下啦。」不願逐層走遍整間校園的我說。

「哎呀言言呀，嚟啦~幫下手啦，真係好熱呀。」啊童罕有的向我撒嬌。

「幫你地搵房都好熱㗎，唔好啦。」我在她凌厲的攻勢下作無謂的反抗。

「嗚...你唔理我喇係咪呀。」啊童用水汪汪的大眼看著我，她這個樣子，真的是我見猶憐。

「唔係唔係，即刻幫你去搵。」我直接投降。

唉，又衰心軟。

我無奈之下，只好立即動身為啊童搜尋合適的房間。

結果我走遍整個舊翼，皆找不到一間沒有被鎖上的房間。

「我屌咩...一間都無。」從舊翼下來的我細細唸著。

於是我唯有轉為前往新翼。

一間...兩間...三間...都無嘅 第四間，

「咋嚟」竟然開到... 好...好感動呀！！！

我第一時間把冷氣給開了，然後才回到有蓋操場找啊童。

「喂，搵到啦，新翼第一層最尾個班房。」我對正在一堆稿紙中埋頭苦幹著的啊童說。

「抵錫！」啊童開心地把稿紙拿起，然後揮手示意在她身旁的幾個紫社同學跟她上去，不出數秒原本她們坐著的桌子就已變得空空如也。

見她們上了去班房，那我也可以回去繼續打波，

之後十一時再出現就是了。

到了大約十點十時，我便前往那間特別室霸位。

一進去，兩社社長已分別坐在兩邊等候，三位評判則坐在中間。

「同學，藍社既過嚟呢邊坐吖。」藍社社長看見我後對我說。

「吓呢...好吖。」實不相瞞，藍社中出了一個叛徒，正是小弟，其實我係嚟支持紫社。

「好難得你咁熱心嚟支持自己社，肯嚟睇社際辯論比賽，好多藍社同學寧願去玩都唔嚟支持下。」他說。

「哦...係囉哈哈，嚟睇下囉。」你知道我嚟嘅原因你就應該唔會笑著咁同我講頭先呢番說話㗎喇。

跪求大家Follow我既IG: MaanYin05

## 213.

剛坐下沒多久，藍社有參賽的四人推門進來，而幾乎在同一時間啊童所屬的紫社也到來了。

我跟藍社社長同時起身，他走向藍社同學，而我則走向啊童。

他看見我的舉動後呆了一呆，相信是沒有料到唯一一個有到來的藍社同學竟然不是走向自己社為他們打氣，而是走向對手。

啊童看見早已在這裏等候的我後甜甜一笑。

「準備好未呀？」我直接無視其他人問啊童。

「唔...準備係準備好，但係好緊張。」啊童不自在的說。

「緊張...緊張我都幫你唔到㗎。」我伸手捏了捏她的臉頰。

「妖唔好搞我塊面呀。」啊童把稿紙隨便放在枱上，然後向我反擊。

「噃...」我格開她的雙手，不讓她碰到我的臉。

「喺，咁咪唔緊張囉，乖乖地坐低啦。」我對她說。

「哼，比完賽你就知死。」

「比完賽先啦，你快啲坐低啦。」

啊童聽到後便回到自己的坐位坐下，與身旁的隊友討論了幾句後便怔怔地看著紙張發呆，

右手則在不停地轉筆。

又過了五分鐘，特別室內來觀賽的人越來越多，

當然，Suki跟兄弟們也有來支持啊童。

到了十一時，比賽正式開始，

此刻特別室內早已滿座，原來剛才只是因為時間太早所以沒有人。

擔任一副的啊童專心致志地聆聽著對手的論點再加以抄寫，偶爾與身旁的隊友交頭接耳討論。

終於到了啊童出場，她先是深呼吸了一口氣，

然後再看了過來我這邊，跟我對上了眼。

我笑著對她點了點頭以作鼓勵。

她起身，走到咪前，

拿起早已備好的稿紙，對著後方的主持點了點頭後，便開始她的辯駁。

她滔滔不絕的細說著自己論點，與剛才緊張的樣子完全判若兩人，

此刻她自信地逐一擊破對手不合理的論點，毫不怯場，即使面對著台下眾人。

她剛好在計時器響起前說完，回到座位。

我對她比出一個大姆指...Sorry咁柒嘅嘢我係唔會做嘅，呢啲嘢在心中啦。

又過了大約十分鐘，便到了自由辯論的時間，

雙方唇槍舌劍，互不相讓。

自由辯論及結辯後，最緊張的時刻來臨了，等待評判宣佈賽果。

經過他們討論及評分，終於終於，有了結果。

「好喇，各位同學，係度好多謝...」下刪一萬字Ok？

大家都只係想知賽果，L有人想聽你講廢話咩。

「勝出嘅係...紫社！」評判說。

「Yeah！！！」紫社那邊爆出一陣歡呼聲，而藍社這邊同樣亦有歡呼聲，正是在下發出。

啊童跟她旁邊的另一位女生擁在一起，臉上的笑容把她的喜悅之情表露無遺。

她之後便興奮走過來我們這邊，

「Yeah，我贏咗喇！」啊童開心之餘不忘對兌現她賽前的承諾，大大力捏我的臉，用盡全身力量向外拉。

跪求大家Follow我既IG: MaanYin05

## 214.

「係喇係喇。全靠我幫你地搵到間房，你地先可以好好咁Prep咋。」我忘刷一刷存在感。

「一定係咁啦，無咗你我地晨早輸咗喇。」啊童語帶諷刺地說。

「屌你咪L理佢啦！你頭先好型呀，你睇唔睇到你駁完佢地之後，佢地個反應呀？佢地聽完你講之後呆咗陣囉，超好笑。」Suki白了我一眼後說。

「小姐你搞返清楚先，我~係佢嘅男朋友，而你...只係佢嘅朋友.咋。所以啊童唔應該理嗰個，係你呀~八婆！」

「你話邊L個八婆呀！」

「邊個應咪話邊個囉。」我輕佻地說。

「你條仔好串喎，食錯藥嚟呀佢？同平時咁大分別嘅？」Suki問啊童。

而啊童則只是笑而不語，沒好氣地搖了搖頭。

「不黠都係咁串㗎啦，平時扮下嘢咋。」

「收皮啦你，平時咁L廢，講句嘢都驚。」

「唉我唔理你地喇，我去同啲隊友慶功呀，你地自己搞掂啦下。」啊童直接逃離現場。

「喂啊童，咁啱係一陣唔一齊食呀？」我呆了呆問。

「係呀，我同佢地食呀。」她指了指她的隊友。

「喔...好啦。」好彩仲有班兄弟啫，如果唔係真係要食自己。

之後我便回歸球場繼續與他們打籃球，放學後再跟他們一起吃午餐才回家。

星期五，就是我表演的日子，

所以我要加緊練習，最主要還是想給個驚喜啊童。

由於我不想讓啊童知道我有份上去表現，

所以這次我決定不帶自己的結他返學，到時借用他人的結他。

此時我又想到一個點子，不過小弟太懶不願寫出來。

眨眼間就到了星期五，有點兒緊張卻又很期待，

緊張的是害怕走音，而期待的是啊童的反應。

同樣地，表演在十時半才舉行，

所以我跟啊童還有最後一點時間去享受僅餘的校園生活，

啊童在這所學校剩下來的日子，屈指可數。

「我地去玩Board Game好無呀？」正當我跟啊童納悶著要做甚麼時，啊童提議。

「好啱，上次同你玩都已經係上年係你屋企同你玩喇。」

由於這裏是學校，我也不敢太過明目將膽在這裏牽著啊童，

所以在學校我們通常只會並肩而行，不會有太多的身體接觸。

我們拿了一盒Board Game便隨便找了張桌跟椅坐下遊玩。

「呵~好悶呀，都唔好玩嘅。」啊童打了個呵欠說。

「唔係吖，幾好玩呀，係少咗啲挑戰性咁解囉，不斷贏。」我們玩了五鋪，而我則五盤全勝。

「你緊係覺得好玩啦，係咁贏，好鬼難玩呀。」

「噃，收埋去搵第二啲嘢做囉。」我看了看時間，也差不多是時候了。

跪求大家Follow我既IG: MaanYin05

## 215.

「好似話一陣有歌唱表演嘞，一係我地而家先還咗副Board Game，然後就去睇個表演？」

「好呀好呀。」非常好，一齊都在我掌握之中。

一去到，表演場地已經開始多人，幸好我們早了來，

所以能霸佔到較前位置，

亦有方便我待會直接拿咪走上去。

表演將會是由在歌唱比賽團體組別中取得冠亞季的三隊Band先開始唱歌，之後才輪到個人。

所以我跟啊童能先聽半個多小時歌，之後才到我上場。

校方為了是次表演，特意在有蓋操場放了個高半米的台，聊勝於無。

意料之外的是，這次來觀看的人比Sing Con初賽多很多，

台前可謂迫得水洩不通。

想著想著，第一隊人就已經上台開始了他們的表演，接著就是第二隊及第三隊，

到所有Band表演完畢，已是十一點三了。

全部人都聽得十分投入，應跳時跳，應靜時靜。

要知道氣氛對一個表演者來說是十分重要的。

「頭先嘅表演真係十分之精采呀，接下落嚟就輪到個人表演喇，好先請第一位出場。」司儀說。

例牌台下眾人一齊鼓掌，先上去嘅就係上次嘅季軍，啱係一個唔重要嘅人。

之後就到冠軍表演。

我地比返個名個冠軍啦好無，就叫佢鍾陪生？

I am a fucking Champ 吖嘛。

啱晒。

他自彈自唱了兩首歌，直到第三首歌，他不再單靠結他，他選擇播音樂。

音樂聲響起，一聽這前奏，

不難理解為何他要用MMO，

因為這首歌只用結他的話是完全不足夠，至少要有鼓聲，才夠High。

這首歌叫發現號。

台下的眾人頓時興奮地歡呼，然後跟著一起唱。

一向喜歡Rubberband的啊童自然也興奮地跟著一起唱，隨著節奏搖擺自己的身體。

**撞進了冰山 捲上了急灣 一秒從未想折返就望到了**

**就能望到了 終會踏足這峽灣劃破了風衣**

**丟了救生衣 未曾想過會倖免若生於某個**

**總擠不進我地點 註定遠征一遍 這發熱汗腺**

**也都乾透了 雙腿卻繼續狂放 在衝出那人浪幾次被埋葬**

**窄巷中 復活過幾趟 留一口氣講再失敗**

**至懂看透 那不甘 去為我來營救**

**向著太陽狂走**

**撞進了冰山 捲上了急灣 一秒從未想折返就望到了**

**就能望到了 終會踏足這峽灣劃破了風衣**

**丟了救生衣 未曾想過會倖免逆光中進發**

**不甘安置到盲點 上路去再實踐 板塊移動了**

**亂世中絕地裡反抗 誰躲於暗光直到失敗**

**至懂看透 讓那不甘 去為我來營救**

**向著太陽狂走 撞進了冰山**

**捲上了急灣 一秒從未想折返就望到了 就能望到了**

**終會踏足這峽灣劃破了風衣 丟了救生衣**

**成全這最美歷險逆光中進發 不甘安置到盲點 上路去再實踐**

「我上去唱好無呀？」我趁鍾陪生在彈奏結他獨奏時問啊童。

「吓？你點上去唱呀？人地唔俾...」未待啊童說完，我走向台邊，坐著工作人員的控制台。

早已夾好的工作人員把咪高峰遞給我，我轉頭對著啊童笑了一笑，然後拿起它。

音樂及結他停止，是我出場的時機了。

Derek垂下雙手看向我。

**撞碎了冰山 衝過了急灣 登上完夢的峽**

我邊走上台邊唱。

**望到了 望到了 白雲搭上一片藍 記載了凶險**

**傷勢也不淺 腳踏這裡這一天歷史中結算**

**一心走出錯地點 幹下遠征一遍**

啊童又驚又喜，臉上驚愕地看著我唱歌，

給不出反應。

你以為自己係明星咩！

我知你地一定有人係咁諗。

唔好意思囉，全年都柒下柒下，比我係度型返次得唔得先。

「歡迎上次Sing Con亞軍，萬浩然同學！」在台下的司儀說。

「拍拍拍」台下繼續北韓式拍手掌。

跪求大家Follow我既IG: MaanYin05

## 216.

「好啦，首先想請大家比啲掌聲鍾陪生先。」我一邊從鍾陪生手上接過結他一邊說。

交接儀式完畢後，他便在一片掌聲中下台了。

「唔知大家仲記唔記得，之前Sing Con我咪唱咗首最後晚餐比一個女仔同佢表白嘅，佢今日都係度呀，不過身份已經唔同咗喇。所以今次呢首歌唔係用嚟表白，純粹想唱比佢聽咁解啫。如果我地可以一齊逃離現實你話幾好呢，唉。廢話唔多講啦，送俾你，地下街！」我看著啊童說。

而啊童，則傻笑地看著我。知唔知自肥最高境界係咩？

就係其他人明知你自肥緊，唔反對不特止，仲助你一臂之力。

「Wuuuuuu！」台下歡呼聲不斷。

大概是因為從不會有人在台上表白或者公然說這些話，因為做了這些行為的後果就是見家長加記缺點。

咁點解我要咁做？

第一我地雙方家長唔反對，

第二啊童都走啦，驚咩記缺點。

而我？不鏟都唔理㗎啦，

缺點咋嘛，Who fucking care？

青春係咁㗎啦，一個缺點換到半間學校人嘅快樂，

最緊要係咩呀，我人生中最重要個條友而家都笑到見牙唔見眼。

咁咪得囉。

驚闖咩。

**新宿街頭 十餘萬人怎麼竟然**

**撞回熟人問我共你 何解於街角擁吻私奔心情**

**突然下沉小小戀情**

**若然被擒 就會結束**

難逃被責問 當世界明路

行盡了毋須見光

也許更美妙拖了天國

下來地底 不再受騷擾整個商店街

沉沒了無非要給你跟我製造 環迴迷路

沒完沒了 沒有找到出口出去也好

終點一世也未到迷宮之中

你必須跟我好途人們

相繼地回家如果正在播

新聞報導題目會是 發現一對男女

地底街裡失蹤

如果我地真係可以逃到地下街，唔理世事，永不分離就好了。

手拖噏還未磨蝕前總可一齊滯留十年坐厭麵店

行一圈花店 書店東北西南蔓延沒完都開僻成地牢樂園若要探險

巡迴山手線 當世界明路

行盡了毋須見光 也許更美妙拖了天國

下來地底 不再受騷擾整個商店街

沉沒了無非要給你跟我製造

環迴迷路 沒完沒了

沒有 找到出口出去也好終點一世也未到迷宮之中

你必須跟我好途人們 相繼地回家如果正在播

新聞報導題目繼續會是

這對男女 數個月來

搜索不到 東京街角的傳聞

在散佈都衷心祝我好別人在談論時會說

換了他做 未必做到誰能為

一點愛慕 一種態度不顧一切的 來上訴

首歌難唱到痴線，最難唱一定係個「來上訴」因為我唔是用假音，直接真音爆上去，痴L線。

剩係呢三隻字都練咗我好鬼耐。

沒有 找到出口出去也好終點一世也未到迷宮之中

你必須跟我好途人們 相繼地回家如果正在播

新聞報導題目會是 証實這對男女

活得一切安好 一生都不出去也好

一街商店繼續掃長居於此

何用再找地圖疲勞時早報做被鋪如果肚餓了

草餅當飯相愛到

忘了歸途 地底街 跟你終老

「有冇興趣一齊私奔去地底街呀？周小姐？」已經豁了出去不理後果的我問。

台上當然再次起哄，焦點就落在了啊童身上。

「你去我咪去囉。」啊童在台下向我大叫。

「嘩！！！」

「好閃呀！！！」

就在此時，我已經見到訓導們蠢蠢欲動，

相信他們已經準備好帶我去訓導處。

「你話啱喎，唔好反口啊下。」我笑著回應啊童。

「與此同時，我已經見到我地嘅訓導老師準備要帶我去訓導處記得缺點，等等先，比我唱多兩首先捉我走。」我笑言。

「睇嚟我應該唔可以再唱啲咁Sweet嘅情歌啱啦，我地不如玩首癲啲嘅？重口味！」

「Wuuuuu！」這次台下隨了歡呼聲外，還有不少笑聲。

「剩係唱都唔夠開心，緊係要跳埋舞啦。」我把結他放下，拿起咪高峰。

音樂響起，我模仿著單春的動作，

在台上跳舞。

好彩無係台上面跌親啫，如果唔係得返一粒就唔好啦。

歌詞就唔貼喇，有興趣自己去聽。

好幾次我也差點笑場，幸好我及時忍住了。

跳唱這首歌，最緊要的，就是要夠放，不然會很尷尬。

終於，唱完了這首歌。

跳唱這首歌到仆街。

這次台下的歡呼及拍手聲不再是北韓式，聽得出是真心的。

「嘎...好叻呀，以後都唔再唱呢隻歌。等我趁機抖下先。」我喘著氣說。

老實講，係咁多人面前唱歌，仲要氣氛咁好觀眾反應咁好，係幾開心嘅。

唔知大家係中學嘅時候學校有無舉辦過類似嘅活動，有嘅話你就明係有幾正。

「好，最後一首，夏令時間！」回夠氣的我重新拿起結他說。

頭先啲三首可以唔聽都無所謂，但係呢首真係強烈建議去聽聽。

唔關個故事，Grad咗嘅人會明呢首歌係幾咁正。

**微風吹起剎那 長灘記載仲夏擠於那帳幕下**

**螢火邊講笑嗎迷戀那位 在盼對話是絢爛暑假**

**黃昏依稀剎那 籃框記掛盛夏曾呼喊勝利吧**

**給汗水擦亮年華誰有來打氣**

**名字漸忘記夏天出走遠飛 如今這跳錶**

**自動停頓了無稽的笑話 嫌棄在那朝落泊的房間**

睡醒每朝洗過臉跟倒影說 什麼才重要航空的信封  
漸漸溶爛了同班的照片 搬遷中給錯丟密閉高樓中  
棲身冷氣風裡倦了  
這身軀很想再回到初夏的夜裡  
揮霍得最多的歡笑聲是那股不怕乾涸的初生氣盛時光飄遠  
忘了即興結集舊時場景  
安慰澀倦眼睛在追憶之中不要太易醒 年輕的臂章  
默默除下了藏珍的唱片 誰刮掉報銷在滿街人堆  
未懂對焦空氣有把聲音說  
人經已大了這秒鐘 沒夏蟲在叫才知這輩子  
青春一早退燒悶透的時鐘  
摧毀每寸依據若世界太趕  
只想再回到初夏的夜裡  
很想再回到初夏的夜裡

「拍拍拍」唱完後，台下再次傳來拍手聲。

「多謝大家，我應該要去一去訓導處先，有緣再見。」我從台上下來，並把結他還給Derek。

去訓導處之前，緊係要去搵下啊童先啦。

「點呀啊童，驚唔驚喜先？」

「你痴線㗎！係咁多人面前講啲咁嘅嘢，仲要係學校。」

「嘻，驚咩啫，開心咪得囉。」

跪求大家Follow我既IG: MaanYin05

## 217.

之後到了星期一，即本學年的結業禮，亦是啊童最後一次回到這間學校的日子。

「點呀，最後一次返呢間學校，又或者應該咁講，最後一次同我一齊咁樣返學，有咩感覺呀？」

「吓...唔捨得囉，雖則只係喺呢間學校讀咗一年，但都係有啲唔捨得嘅。」啊童若有所思地看著天空說。

「呢年嚟差唔多日日都同你一齊返學，無咗你我都唔知點算，唉。」我握緊她的手。

「咁你以前都無我陪㗎啦，咪又係咁。」

「點同呢，你無聽過個句咩我本可承受唔知乜柒黑暗，若我不曾見過陽光咩，同你一齊開心咁多，以前自己一個返學孤零零好悶㗎。」我裝作可憐，把頭靠在啊童的肩膀上。

「妖死開啦，男人老狗扮咩慘啫。」啊童笑著推開我。

「咁係咩嘛，童童~」

「得喇得喇知你慘喇。」啊童沒好氣地說。

回到學校，如一年前的開學禮一樣，大家直接上禮堂。

有別於以往，這次我不再是跟班坐，

而是坐在前排，因為我獲得了進步獎，而啊童當然也有獲獎，所以她都是坐在前排。

例牌校長廢喻一輪，然後就到了頒獎時間。

好難得，好難得我竟然有一日會係結業禮上到台攞獎，

今次真係要多謝啊童，無佢督促我應該仲係台下面同班兄弟玩緊。

結業禮完結後，各班回到自己班房，

待班主任交待完畢所有事務我們就可以放學。

說真的，這還是頭一回我不想放學。

因為放學就意味著我再也不能跟啊童在同一班房上課。

可惜，我沒有能力阻止時間流動，時針只會繼續往前走。

除非我把時針拆下來...嗯，不失為一個好方法。

「好喇，我地下年見啦，如果我仲有機會教你地嘅話。」Mr Wong在派發完畢所有物品後說。

這一句，結束了我們這個學年。

他離去後，我們沒有急著放學，

反而是跟啊童在校園的每一個角落拍照。

「喺筆呀，你地簽啦。」她把筆交給我們。

待其他人全都簽完後，便輪到我了。

嘿，簽在哪裏好呢。

其他人全都簽背部...我...

不行不行，一定要找個特別一點的位置。

「喺啊童，我係你男朋友嚟嘍嘛係咪？」

「咁點吖？」

「係咪應該簽個特別的嘞位置呢？」

「例如呢？」

「我應該簽係你個心附近囉。」我色眯眯地看著她的胸...呃心臟說。

「你就想呀！簽背脊。」她背向我。

「吓，剩係得支筆掂到啫...你諗下，你日後擺返套校服出嚟，見到零零舍舍心口位置有你男朋友個名，係咪好Sweet先？」我極力游說啊童。

「嚟啦嚟啦，好快咋嘛。」我見啊童沒有反應，於是補多一句。

「係囉係囉啊童，佢咁想簽咪比佢簽下囉。」Suki竟然也會幫口，雖然我猜她是想食花生。

「唉好啦好啦。」啊童轉過身來。

原本話今日停更一日，但係因為IG過咗400fol，咁於是又加更，結果啫係無變到，我又再次要七點爬落床打文。

跪求大家Follow我既IG: MaanYin05



## 218.

我小心翼翼地她的校服上揮筆灑墨。

一眨眼間，一個史上最有美感但卻沒有空間感的簽名出現了。

「我發現原來都幾好寫喎，同係張紙到簽無乜分別。」我把筆還給啊童順便給出用後感。

啊童想了幾秒，突然轉臉，大力地打下來。

「死啦你去。」她說。

「小人遵命。」說罷我裝作要跨過走廊的欄杆跳下去。

「跳啦，做咩唔跳？」啊童強忍著笑意，冷冷地說。

「小人唔夠膽。」我回到啊童前方。

「我俾多次機會你，你講多次頭先個句嘢。」啊童叉著腰說。

「唔好意思，我單憑支筆好難清楚完全了解晒你嘅構造，必須要用手先摸得清楚。」

「哼，機會得一次，睇嚟你無好好珍惜。」啊童說。

「唔係唔係，珍惜珍惜，頭先我簽名嘅時候呢，哇~好神奇，完全Feel到晒個個曲線，I mean凹入去，向內個個曲線，實在令我嘆為觀...」

話未說完，我便已經感受到啊童對我的敵意。

大概是出於人類原始的求生本能，

我才不會冒險把話說完呢，

嘿嘿...當然是拔腿就跑啦。

突然，我眼前出現了一團大肉球。

我抬頭一望，未待我反應過來，

我眼前便已一黑，失了平衡的我倒在地上。

我立即從地上爬起來嘗試再逃走，怎料手腳已經被人抓住了。

「啊嫂對唔住，係我地無教好個仆街仔，而家幫你教訓下佢。」魚蛋說。

「呢個我家事關你地L事呀，駛L你地教訓呀！」我爭扎著說。

「非常好，佢交俾你地處理。」啊童奸笑著說。

「喺，而家關我地事啦。今次玩啲新嘢，搵佢係牆度。」

雖然我不知道他們想對我做甚麼，但一定不會是甚麼好事，所以我加大力度，想掙脫他們，

奈何肥強實在是太肥太重，根本不夠他大力。

於是我便硬生生被他們強行按在牆上，動彈不能。

「噤噤...千！年！殺！」魚蛋大喊。

我立即夾緊雙腿，可惜已經太遲了，一陣劇烈疼痛傳進我的腦袋中。

「幫你開發新領域呀下~」這次是Marcus的聲音。

就這樣，我比人行以私刑，直到他們四人統統玩過了一遍。

「周樂童玩唔玩呀？」魚蛋問。

我聞言勉強轉身對著啊童瘋狂搖頭，示意她千萬不要加入他們。

「唔...好呀。」啊童想了一會，看了我一眼之後便答應了。

「對唔住呀啊童，唔好啦。」我哭求著啊童。

「頭先自己唔好好珍惜嗰個機會，抵你啦。」於是我便又經歷多了一次這件痛苦的事，他們才終於肯放過我。

之後我們便各自回家了，應該是最後一次跟啊童一起放學了吧。

唉，一想到這裏就總是有種失落感。

跪求大家Follow我既IG: MaanYin05

## 219.

「今次應該係最後一次同你一齊放學喇，不如去食個甜品先返去？反正試又考完我地返去都無嘢做㗎啦。」我說。

「你請啲。」啊童調皮一笑。

「噫...識咗你成年有邊次食甜品唔係我請㗎...豈有此理，次次都係我請...」我越想越不忿。

「又好似係啲...」她想了一想後繼續說「咁唔爭在請埋今次啦。」

「咩唔爭在呀，爭在呀。」

「你無得揀㗎喇唔好意思，入去啦。」啊童把我拉進甜品舖中。

嗚...我個銀包又輕咗...今舖真係欲哭無淚，原本仲諗住可以叫佢請返次㗎嘛。

「Yeah！食心太軟。」她立即找個位置坐下，然後叫了兩個心太軟。

慘...真係好慘... 雖然心太軟的確是幾好食，

但我這一年花在心太軟上的金錢，應該都差不多用了四位數字。

不過想著想著還是算了，反正這次應該已是最後一次跟她穿著校服吃。

心太軟上枱時我們還叫了文姨替我們影一張相作個留念。

「你紮馬尾真係好睇。」吃完後，我檢視著相片時說。

「你對咗我成年而家先講！？你係咪一直都無認真望過我？」啊童大力扭我耳朵，強迫我轉頭看著她。

「有有有，日日都好認真望你，臨瞓前都要望下你張相先瞓得著...讚下你啫，唔洗咁大反應。只不過係平時同你出街你唔紮頭髮㗎嘛，咁趁你而家紮咪讚下你靚囉。」

「啫係你覺得我平時唔紮就唔靚啦係咪？」她狠盯著我問。

「唔係唔係...各有各靚。」我立即補救。

「哼，口花花！」她嘴角微微向上揚了一揚。

「緊係唔係啦，我女朋友咁咁靚女又有氣質又可愛又大...呃...總之就係女神㗎啦，講個事實出嚟咋我，唔係口花花㗎。」

「你講多次又可愛之後嗰句吖。」她微笑地看著我。

「總之就係女神囉。」我向她回以微笑。

「好似之前仲有多一句㗎。」

「吓...無呀，又可愛囉。」

「仆街啦你。」啊童大力踩了我一腳。

「係。」說罷我便倒到地上。

「地下好乾淨呀？起返身啦，污濁晒啦套校服。」啊童忍著笑輕輕踢了我一下。

「哎呀，好痛呀。」我按著比她踢的位置，面容扭曲地說。

「唔好咁無聊啦萬浩然！起身啦快啲。」她反了反白眼沒好氣地說。

「唉好啦好啦，唔玩喇。」我笑著起身。

「有個咁幼稚嘅男朋友都唔知係好事定壞事。」啊童搖了搖頭說。

「男人係咁㗎啦，我呢啲係叫氹你笑，唔係幼稚，ok？你有我呢個男朋友簡直係幾生修來嘅福份。」我挽著她的手說。

「俾錢啦，男.朋.友。」

「而家咪俾囉。」我起身走去付錢。

跪求大家Follow我既IG: MaanYin05

那天，的確已是最後一次看見啊童穿上校服。

直到現在我也沒有見過她再穿上過。

也罷，反正相又影了，為這個樣子的她留下了幾張照片就夠了。

曾經看過穿著校服的她一整年，

也沒有甚麼遺憾了。

只是之前沒有料過，又或應該說一切都來得太突然，未有足夠心理準備。

「叮噹」正式踏入暑假第一天，一大清早就有人按鐘。

想也不用想，只有啊童有這個閒情逸緻走來找我。

幸好老媽早已上班去，我只要裝作聽不到就可以繼續安睡。

未幾，門鐘再次響起。

我索性躲在被窩裏，覆蓋著自己。

「鈴鈴鈴」這次換成電話響起。

「呀！！！」我怒吼一聲，從床上躍起。

「喂。」我整理一下心情，然後接通電話。

「開門呀！！！」啊童在電話的另一頭向我大喊。

「唉我繼續瞓Luuuuu，你一陣再過嚟啦下。」

「唔得呀！！！」

「小姐，而家七點咋，平時我地出去玩你又瞓到咁晏，而家又一早叫醒我，咁飄忽嘅你？」

「我唔理呀，總之同你相處少一分鐘就係少一分鐘㗎啦，你係咪唔想陪我吖？」

「咁早有咩做呀...」

「晨跑囉！」

「嘩咪搞。」我立即掛掉電話。

我放下電話後，便回到自己的床上，

「咔嚓」

嗯，好像是大門打開的聲音。

不過想了想，根本沒有可能，

可能是隔離屋傳來的開門聲吧。

天真的我合上雙眼，重返美夢之中。

「咔嚓」這次開門聲十分接近我，因為比上次大聲得多。

我睜眼一看...為甚麼我的房門比人打開了！？

然後，我看見啊童的倩影。

「小姐，我想問你係點入到嚟㗎呢？」眼神已死的我問啊童。

「咁啱比我發現到你屋企出面張地毯下面有條鎖匙㗎，咁咪擺嚟用下囉。」啊童不懷好意地笑著。

「我屌...比我瞓多陣啦好唔好...」

「我定瞓覺，你自己揀。」她又著腰鼓起泡腮問。

看見她這個樣子，令我越加想刺激一下她。

「瞓覺。」說罷我便轉身繼續睡。

「喂呀！」她以高八度的聲線不滿地說。

我則憋著笑裝睡。

「起身啦萬浩然。」她爬上我的床上搖了搖我的身體。

「你係咪想我陪你吖？」

「你唔會係想叫我陪你一齊瞓㗎可~」

神奇，難道這就是傳說中的心靈相通？

「你點知㗎，嚟啦，一齊瞓陣先啦，我睇得出你都叻㗎喇。」我把她拉倒在床上。

「想死呀你！？」啊童作勢打我。

「瞓下先啦唉，唔瞓夠點會冇力跑啫。」我把她的手按下。

「唔要呀！起身呀。」她把手一反，抓住我的手，然後向床外一拉。

「嘩扁。」我整個人直接撞上床框。

跪求大家Follow我既IG: MaanYin05\  
唔好意思掛住打機唔記得出文

## 221.

「點解你可以咁大力㗎...」還在感受著那衝擊力的我乏力地問。

「你不如問下點解你可以咁廢好過啦，快啲起身落去晨跑啦。」啊童輕輕扯了扯我的衣服。

「原本都得嘅，但係而家咁樣撞一撞個人好暈呀，唉呀我唔得喇。」我假裝合上眼。

「喂呀，陪我去啦...」她撒嬌。

一聽到她這把聲，這個樣子，我就不禁開始心軟了。

「嚟啦嚟啦，我地得返唔係好多時間㗎咋。」她玩弄著我的右手。

「唉好啦好啦，落去晨跑喇。」我依然閉著雙眼，嘴巴微微打開吐出這幾隻字

。「Yeah！」她快速親了我一口，然後就從我床邊下去了。

得到了「鼓勵」的我秒速變得精神抖擻，從床上起來。

「咦，又突然咁快起到身嘅你？」剛步出我房間的啊童不解地問。

「緊係啦，陪你晨跑咩嘛，點可以唔早啲起身呢？」

「頭先又唔見你係咁，快啲呀！跑完順便去食早餐。」啊童笑著走回來踢了我一腳。

「得啦得啦，你出唔出去㗎？定你要睇住我換衫？」

「嘩不了，走先你慢慢。」啊童嚇得立即逃離現場。

「挑，驚乜啫，有著底褲㗎嘛。」我一邊脫下褲子一邊說。

換好衫加梳洗好後，我便走出去客廳找啊童。

「行得！」我穿上跑鞋。

「好！」啊童從沙發上起來。

這時我才有機會好好打量啊童的打扮，她把頭髮紮了起來，

再加上一條運動頭帶，穿了一件跑步背心及短褲。

「借開啦，我要著鞋呀望望望。」啊童把我推開。

「唔好意思囉。」無辜比人推開了的我說。

之後我們便走到了平時的海旁開始跑步。

原本我還以為時候這麼早應該沒有太多人，但看來是我想太多了，此刻的海旁甚至比平時黃昏時更為熱鬧。

絕大多數人都是一堆上了年紀的叔叔姨姨，更是顯得我們奇怪。

哪有年青人會這麼健康及自律一大清早走來晨跑。

「跑喇喂。」啊童在我面前揮一揮手，把正在沉思著的我拉回現實。

「喔。」我跟在啊童後面跑。

「嘎...抖下先啦。」跑了十分鐘後的我已經感到全身乏力了。

「唔得呀唔得呀，至少要跑半個鐘先有用㗎。」啊童把速度放慢，與我平行而跑。

「好叻呀...」雙腿無力再動的我，靠著自己強大的意志力，得以繼續前進。

「唔...一係咁，你係去到海旁盡頭之前追到我嘅話...你可以許個願望，能力範圍內嘅盡做，當然唔可以叫我唔好走。如果你追唔到我就我可以許個願望。」啊童想了想後說。

「係咪先？唔好反口㗎。」聽到這句說話的我立即重新振作起來。

「得啦唔反口，你鍾意點就點。」她說完這句後便加速一溜煙的跑走了。

「嗱你話㗎！」我在後方大叫，同樣加速向前爆發。

跪求大家Follow我既IG: MaanYin05

未夠一分鐘，我們之間的距離便已經拉得越來越遠了。

痴L線呢條女係咩構造，跑得咁L快嘅...

明明之前都已經跑咗十幾分鐘...

點解...

點解佢仲有力跑咁快㗎！？

她由一個原本我觸手可及的位置，越跑越遠，

遠到我差點看不清楚她的身影。

那邊廂的啊童完全唔有慢下來的跡象，

但這邊廂的我...經過短暫的大爆發後，

早已氣喘如牛，身體也開始不聽呼喚慢了下來。

距離海旁的終點大約還有二百五十米，

但我卻已經無力再跑，

僅餘的意志力早就隨啊童越跑越遠而消逝。

最終，耗盡的體能，迫使我停了下來。

那一個願望...果真不是那麼容易就能得到。

倒還是我要給啊童許一個願望。

這時，我看向差不多到終點的啊童...

我瞬間明白了世途險惡這個道理...

人性的醜惡...

啊童簡直是欺騙了我純真的感情。

為何我從沒有想到過，這終究只是啊童一個騙局，

為了可以自己許下一個願望的騙局。

相信啊童心裏正在嘲笑著我不自量力，

世間竟有如此on9的人，真心相信自己會能勝過她。

越想越悲觀的我...

停了下來，不再奔跑，轉為步行。

不久後，我便抵達了終點，

同時亦看見了啊童奸詐的笑容。

「嘻...你記得我可以許一個願望㗎可~」啊童笑嘻嘻地說。

「記得...快啲許啦。」

「唔...我想要你係我走之前每一日，都陪我落嚟晨跑，要跑足半個鐘㗎。」她想了一想後說。

晴天霹靂...絕對是晴天霹靂...

一個美好的暑假...

一個可以每天睡到自然醒的暑假，

就這樣毀於自己的過份自信之下。

「唔好啦...好辛苦㗎，難得暑假...」

「見你咁慘...唉好啦好啦，隔日跑啦。」

「謝主隆恩！」好不容易壓制了自己跪下去的衝動。

「不過有條件。」

「又有咩條件呀...」我害怕地說，生怕這妖女又想出甚麼鬼點子。

「我要你今日煮早餐比我食！」

「煮咩先？」我可不敢輕易答應她，萬一她要我煮滿漢全席...希望不會！

「我要公仔面加燻邊荷包蛋加腸仔加火腿！」

「小姐唔巧意思呀，禾地醉多紙可以雙拼㗎咋！」

「唔得㗎！我係要食三拼！」

「食死你呀咁唔健康，一級致癌物呀。」

「是但啦一次半次，快啲返去煮比我食啦！」

「返啦返啦。」回到去後，啊童先各自回家洗澡，之後她便過來吃早餐。

嘖，這個女人真麻煩，多多要求。

好不容易才煮好一碗三拼，奮戰了十多分鐘，

手忙腳亂的，又要顧東顧西。

跪求大家Follow我既IG: MaanYin05

## 223.

「呼~飽晒。」啊童在掃光桌上的食物後說。

「緊係飽啦，又食麵又食咁多餅。」我起身執拾枱面。

「我地而家有咩做呀。」在我洗完碗後啊童問。

「有咩做呀...打機？過去你到玩Board Game？」

「好叻呀...唔想用腦...一係你有無Netflix呀？」

「好建議喎！」點解我之前一直都無諗過可以咁做㗎呢？

「咁快啲過去揀戲睇啦。」啊童興奮地說。

然後，我們就坐在電視前，

用了大約半個多小時選擇電影。

花了如此多時間選擇的原因是因為我們各執己見互不相讓。

啊童想看恐怖片，而我，則想看愛情片。

「我要睇鬼片呀！」她把遙控搶了過來。

「唔得呀，我今晚會馴唔著㗎！睇格雷的五十道陰影咪算囉。」我嘗試奪回主權，但啊童卻把遙控拿起不讓我碰到。

「你食屎啦，一陣睇完之後點知你會對我做咩㗎！」她大力把我推開。

「你咁大力...我想做都做唔到啲咩啦。」倒在沙發上的我說。

「Yeah！睇鬼片！熄燈落窗簾唔該！」她指示著我。

「唔好啦...好恐怖㗎...」看鬼片還要我熄燈落窗簾！？

「妖唔好咁細膽啦，我都唔驚你驚咩啫。」啊童反了反白眼，然後親自起身去做我不敢做的事。

「Oh Shit...」這晚鐵定睡不著覺了。

雖說關了窗簾，但由於是大白天，所以自然光仍然能從窗邊滲進來。

稍為緩和了一下這個恐怖的氣氛。

隨著啊童按下了開始鍵，

我的惡夢開始了...

我原本是這樣認為的... 但當我看了一眼在我身旁的啊童，

那可愛的臉蛋上夾雜著害怕驚恐之色，看來這不止是我的惡夢...

「呀！！！」電影開始了沒多久，純粹是主角床上的被動了一動，

就把啊童嚇個半死，我倒是氣定神閒的看著。

「手...擺隻手嚟！」啊童不停拍打著我，示意我借隻手給她。

「咁小姐講返啦，租借手臂嘅話呢就係每分鐘十蚊嘅，如果ok嘅話就錫返一啖當應承。」我以Sales的語氣對啊童說。

「妖！擺嚟啦！」我的手臂比她強行搶走了，

嘻...好彩隻手仲未甩，仍然連著我個身體，比佢咁樣扯一扯幾驚會斷呀。

知唔知點解佢要我隻手臂？

因為每當佢見到一啲驚或者恐怖嘅畫面時，佢就會用盡自己全身嘅力去鏈住我隻手。

我都唔知點解要咁做，我剩係覺得好痛啫。

有時我都好懷疑我地會唔會俾鄰居投訴，

我同啊童短短兩個鐘入面大聲尖叫咗唔知幾多次。

「呼，終於睇完。」我由心而發地說出這一句。

「點算好呀...我問房會唔會都有...嚟...」她指了指電視，沒有把那隻字說出來。

「傻妹嚟嘅，你擔心我今晚瞓唔著好過啦。」我敲了敲她的頭。

「我都驚自己今晚瞓唔著...不如我地夜晚傾陣先瞓啦。」啊童提議。

「又好過。」反正我不論如何也沒有可能可以順利睡著的，即使能也要在夢裏跟惡鬼搏鬥一整晚。

時間一跳來到了晚上，待全屋所有人都睡了後(即係老母)，

我便關掉電腦，拿起電話上床。

喔...我好像一直都沒有提過究竟那套電影是有多恐怖，

反正就是會令到我跟啊童不敢關燈獨自睡覺。

有人會問，你驚乜柒啫，

都明知唔會有嘢發生㗎啦。

我會同你講，即使你明知唔會，

但係你見過主角嘅遭遇之後你點都會驚，

而且我係個好細膽嘅人。

所以我便打了電話給啊童。

「喂。」

「你咁遲先打嚟㗎？」電話的另一頭傳來啊童的抱怨聲。

「Sorry囉，咁我要等老母訓咗先打俾你㗎嘛，一陣佢又屌我掛住傾電話唔訓覺。」我壓低聲音說，不然待會吵醒老媽麻煩就大了。

「你有無熄到燈呀？」她問。

「無呀，驚呀！」我笑說。

「我地嚟玩樣嘢㗎，一齊熄燈！反正有你陪住應該唔驚嘅。」

「嘩大佬，你唔驚啫，唔代表我唔驚㗎嘛，唔好啦。」

「嘖，唔驚啦，就係咁先刺激㗎嘛，快啲啦。」啊童催促我。

「唉怕咗你，熄喇熄喇。」我為了要捍衛男性的那一樽海鹽，決定要下床去把燈關掉。

我鼓起勇氣，把那個燈按向另一邊，

然後立即跳回床上，生怕有任何妖魔鬼怪趁黑暗降臨之時來襲。

「呼。」終於回到床上被窩中的我鬆了一口氣。

「熄咗喇。」重新拿起電話的我對啊童說。

「我都熄咗喇，咁樣先夠恐怖㗎嘛。」

「大佬我原本打俾你係諗住令自己無咁驚㗎嘛，點知打完俾你之後好似搞到自己仲驚咗咁。」

「唔驚啦，吹下水就唔驚㗎啦，講驚我咪仲驚，熄咗燈真係乜都睇唔到，你起碼會睇到啲嘢㗎。」

「點同呢？套嘢係你想睇㗎㗎，我被迫陪你睇㗎咋㗎。」

「緊係唔係啦，邊個話我唔驚㗎！」

「驚你又睇？」

「驚就唔睇呀？」

「點解要辛苦自己？」

「因為夠緊張同刺激囉！」

「屌。」說不過她的我主動投降。

之後我們談天說地，總之就是要消耗一下這漫漫長夜的時間。

「呵，好叻呀，你繼續講啦，我聽你講。」啊童打了個呵欠。

糟了，這是啊童睡著的前奏，我可不想獨力面對剩下的四小時。

「喂...啊童呀？」

「唔？」微乎其微的聲音...

「我好驚呀，點算好呀，你唔好扔低我一個呀。」我以哭腔說。

「...」太遲了。

有時我都很想親口問一問啊童究竟她的身體是甚麼構造，可以秒速睡著。

我默默地掛掉電話，看一看通話時間，

原來已經說了兩個多小時。

老實說，我還能繼續堅持下去，

奈何，啊童不敵睡魔。

我合上雙眼，嘗試進入夢鄉。

但...我一閉上眼睛，電影中的種種情節就在我腦中一幕幕重演，根本就睡不著。

跪求大家Follow我既IG: MaanYin05

## 225.

到了第二天，啊童沒有再一大清早就吵醒我，相信她還在熟睡當中。

而我，則在晨曦之後才終於睡著。

「叮」直到了中午，我的門鐘才響起。

一打開門，就看見啊童龍精虎猛的站在外面，

可憐我現在還是處於一個昏昏欲睡的狀態。

「食咩！」啊童興奮地說。

「吓...唔知呀，你諗啦，好叻呀我。」替她開完門後，我便走到沙發上躺下。

「你琴晚無瞓咩？」真不知她是真傻仰還假傻。

「無呀！係今朝先瞓到咋！」

「唔好瞓住先啦！食咗晏晝先啦！」她把我拉起身。

「唉好啦好啦。」

基本上之後的每天都是這樣度過，晨跑食早餐睇套戲食晏晝打機玩下Board Game。

平平凡凡咁過，都唔差吖。

「我買咗機票喇，應該九月二號就會走㗎喇。」

踏入八月，有一天我們在吃著午飯時，啊童突然說。

雖說這也不算甚麼好消息，但至少我跟啊童還有一個多月的相處時間。

「即係我地都仲有大約一個月時間...不如我地搵啲嘢做吖，日日都係咁過好悶啫。」我提議。

「呢層，就交俾你諗下喇。」啊童輕輕一推，把想活動這個責任推給我。

「呼~食完！」啊童說。

「都唔明點解你可以食得咁快㗎...」我看著面前的半碗飯。

「快啲食完佢啦，跟住我地去食雪糕！」

「食雪糕？去邊度食呀？」對於一向都吃心太軟的啊童來說，會轉吃雪糕實在是令我感到奇怪。

「嘖，仲洗問嘅，上次同你去邊度食咪邊度食囉。」啊童反了反白眼。

「幾時呀？」點解你就唔可以簡簡單單咁講個答案出嚟啫。

「上年暑假呀。」

「哦，個次呀。」我努力地在腦海中回想著當天的片段。

「嘻，個次見你怕怕醜醜又幫啊媽買水果，以為你好乖啦，點知原來你係咁變態，又唔溫書又曳又懶又...」

「得，唔洗再講落去！」我及時叫住了啊童。

「總之就快啲食完碗飯然後陪我去買雪糕。」

「得喇得喇。」

話雖如此，但我仍然慢條斯理的吃，反正要急的又不是我。

「我仲記得個日同你出街嘅時候你已經成日被我打，咁就打咗你一年luuu。」啊童繼續回想當天的事。

「吖你仲好講，個次問你讀邊間中學你走去扮晒嘢唔答我。」

「嘩，答咗你開學個日你咪無驚喜囉。」

「嘩你都打橫嚟講嘅...」

「係咪又想被我打呀？」

「唔係唔係，食雪糕食雪糕。」不想再受皮肉之苦的我速速吃完剩下的飯。

「哼，今次就放過你。」她狠狠地瞪了我一下。

「行啦，去食雪糕喇。」我拖著她的手，廢了她一半戰鬥力。

跪求大家Follow我既IG: MaanYin05

印象中，這一條路我自上次之後就已經沒有再跟啊童一起行過。

如今身份上的轉變，再次回到這條算是我們第一次出街一起走過的路，百味交集。

一切都是過得如此之快，上年發生的事情就如昨天般。

「嘩，好似無乜點同你行過去百佳，隨咗上次去食雪糕之外。」果然啊童跟我有著同樣的想法。

「你記唔記得個次我點解要去百佳吖？」我問。

「買水果吖嘛，點會唔記得啫。」

「錯！我係為咗見你所以先特登出多啲街睇下有無機會撞到你，估唔到又真係比我撞到嗱。」

「比你撞到又點吖，你都唔識溝女，如果唔係我主動問你呀，你第二日會同到我出街咩？你會擺到我電話咩？全部都係我主動問你㗎！」

「噫...咁我...唔夠膽吖嘛...咪住先！你咁主動問我係咪好想同我呢個風趣幽默玉樹臨風嘅男神出街先~唔通你個時已經愛上咗我深深不能自拔？」

「我鬧住！無呀！無啲咁嘅事呀！」

「唔鍾意又會咁主動嘅。」

「哼，我想搵人陪我食...食雪糕之嘛。」她急道。

「哦！原來你一早就鍾意我喇，早響吖嘛你。」

「食雪糕luuuu！」她一奔一跳地走進去百佳，活像一個小孩。

「喂！唔好諗住逃避個問題。」我在後面喊住她。

「你食咩味呀？」

「照舊啦。」她於是拿起兩杯朱古力味雪糕，然後走去付錢。

作為一個男人，我決定把付錢這個責任交給啊童。

就如上次一樣，我們走到了百佳外吃雪糕。

「你又好嘢嗱，呢年嚟係咁食甜嘢，平時食飯又咁大食，但係好似無乜肥過咁嘅？」我上下打量著她。

「哼，駛乜講？我呢啲天生麗質食唔肥。」

「嘩，你咁樣日日做運動法，想肥都幾難。」

「有無諗過就算本小姐唔做都唔會肥呢？」

「會唔會肥我唔知，但係你成個細路女咁就應該一世都改唔到。」我伸手為她抹走嘴角的朱古力。

「做咩呀你！」她突然大聲怒罵我。

「你...你嘴角污濁咗我幫你抹...囉。」我嚇了一嚇。

「你同我講咩嘛，我可以食返佢啲嘛，你而家抹走咗我就無得食喇！！！嗷晒啲嘢！」她向我怒吼。

完全沒有想過她會是這個反應的我呆了一呆，一時之間不懂得如何回答。

「點知啫...明明上次我咁樣幫你抹你都唔係咁嘅反應，你上次塊面係即刻紅晒，怕怕醜醜咁啲嘛。」

「上次你係咪我男朋友呀？我個時連你咁變態我都唔知啦！同你都唔熟，咁緊係怕醜啲啦！同埋女仔要有儀態啲嘛，唔通啱啱識咗個男仔就咁樣鬧佢咩？」

「騙局...根本就係一個騙局...今鋪真係騙徒手法層出不窮...以前你唔係咁啲！」

「係呀！你吹~咩？」

「咁我又真係吹你唔漲...早知個時我都扮下嘢啦。」

「吓你咪扮咗囉，扮到成個正人君子咁。」

「我根本就係囉好無？」

「收皮啦你！」她用口咬著匙羹，把其中一隻手空出來，然後對我舉中指。

「係喇係喇我認我係喇，快啲食埋佢啦，呢度好熱呀。」

「邊個叫你食咁快啫，熱你咪走囉！如果你夠膽嘅話。」

「唔敢唔敢，慢慢食慢慢食。」

跪求大家Follow我既IG: MaanYin05

「不如我地真係搵啲嘢做，臨走前係咪應該留返啲回憶先，屬於我地兩個人嘅回憶。」我說。

「咁你想做咩吖？」

「喺咁香港就無咩做㗎啫，咁啱呢就有一個地方好適合我地再去多次嘅。」

「長州呀？」她一猜便猜到中我心中所想。

我點了點頭「好唔好先？」

「上次咪去過囉，今次又去？唔會悶咩？」

「你上次係咪行過晒啲橫街小巷吖？上次我地剩係沿著海旁踩咗陣單車去咗張保仔洞咋嘛，我地今次嚟去啲無去過嘅地方，包開心，最重要係咩呀，得我地兩個吖嘛今次。」

「係咪㗎...」

「係㗎喇係㗎喇，就算無嘢做係酒店房到Hea下都好吖。」

「咁同而家有咩分別啫...我地而家咪又係日日係度Hea。」

「有㗎啦有㗎啦，長州好似有好多好味嘅甜品㗎，上次你都無乜食過。」

「咁...好啦，一陣返去就Book啦下。」啊童終於成功比我說服了。

「好吖，返到去就book。」

回到去後，我便跟啊童雙雙坐在電腦面前把各酒店及B&B比較一番，

最終還是決定再住一次上次住過的那間。

時間一跳就到了出發的那天，這次啊童吸收了上回的教訓，

沒有再拖嚟，只帶備了一個背囊，內有一套衫褲加梳洗用品。

「今日咁精神嘅。」我問啊童。

「哼，駛乜講，我不嬲都咁精神，都話上次係顧住煲劇所以先遲咗訓咯，行啦，咁多嘢講。」

就如上次一樣，我們坐船進去，不出一小時，就已經順利抵達了長洲。

「好熱呀...好叻呀啲嘢好重呀。」啊童對我說。

「咁你要加油喇，最多陪你行慢啲。」我當然能聽得出啊童言外之意，但為了減輕自己的負擔，所

以我裝傻的說。

「幫我攞呀。」她大力打了我一下。

「唉幫喇幫喇。」我接過她的背囊。

無物一身輕的她彈彈跳跳的向前走，  
可憐我要拖著沉重的腳步跟在她身後。

「我要食！」她指著一家賣炸雪糕的鋪頭說。

「想食咪自己俾錢囉。」我不為所動。

「個銀包係個背囊好入好入嘅而家攞唔到呀，你幫我俾住先啦，最多一陣我請返你食嘢嘞。」

「唉...」我拿出放在褲袋中的銀包並遞給她。

「多謝！」她興奮地接過錢包並走過去付錢。

而無聊又沒有手拿電話的我，唯有四處張望打發一下時間。

我的眼球秒速比一位應該大我少許的女子吸引著。

CLS而家夏天熱L到仆街，係啊童著緊短衫熱褲嘅時候，

條女走去著住件乾濕褸，你話痴線唔痴線？

仲要包到實一實啲...你話為著衫好睇為多Layer都好吖，

佢就係一件乾濕褸由頭包到落腳。

望落佢個樣又唔似傻吖，都幾靚女，熱到塊面紅晒，

真係陰公。

睇清楚啲條頸仲有啲紅印...可能係有少少自虐傾向？

「望望望！望咩呀望！趁我唔係度你走去其他女仔！？」我的耳朵突然比人大力向後扭。

跪求大家Follow我既IG: MaanYin05

「冤枉呀包大人！我女朋友又索又靚駛乜其他女啫。但係你望下佢先啦...痴線㗎啎佢。」我指著那位女生說。

「有咩痴線呀？」充滿好奇心的啊童問。

「你望下佢裝束...乾濕褸啎佢著緊...而家幾熱呀大佬，邊有人會走去著乾濕褸㗎...」

「又好似係啎，諗起都覺得熱。」

「小姐，擺得喇。」我們的對話就這樣比職員打斷了。

於是啊童便去把那盒炸雪糕拿了過來。

「整啖嚟吖。」

「唔得！一陣你又食晒我就無得食，我係唔會再信你㗎喇！」啊童保護著那盒炸雪糕，不讓我有機會碰到。

「真係一啖...多過一啖我買多盒比你食...買完之後再投河自盡。」

「一啖呀，我數住㗎，咬咗落去唔準擘返大個口㗎。」

「得啦得啦，擺嚟啦。」我從她手上拿走叉子及炸雪糕。

我用叉子「吉」起其中一球，然後直接把整球雪糕放入口中。

「喂呀！」又是一記重擊。

滿口都是雪糕的我無力辯駁，只有躲避她的攻擊。

「你又呃我！你食晒啲雪糕喇！」每說完一句我的手臂就被打了一下。

「你話一啖吖嘛，咁咪一啖囉，一啖食晒都係一啖嚟㗎。」好不容易吞了整球雪糕，我終於有機會說話。

「食屎啦你！我無諗過你會食咁大啖㗎嘛！」

「欸，你仲有得食。」我把餘下的一球「吉」起，放在啊童嘴巴面前。

「唔食呀我！黐呀！」她抱著手別過頭去。

「好好味㗎啎~你唔食就我食埋佢㗎啦。」

「哼，我自己食得喇。」她從我手中把它搶過來。

不久後，我們去到了Check in，明顯地，啊童還未消氣，  
因為她全程都沒有再跟我說話，至少在Check in時她連走也不走近我。

「喂，唔好嬲啦，都係食咗少少啫，又係你話一啖嘅。」

「點樣唔嬲呀！下！你係食咗一半呀...係一半呀仆街！」

「得喇得喇，一陣請返你食喇。」

「既然你咁有誠意又能及時改過，我就勉為其難咁原諒你啦。」

世界上，沒有美食解決不了的事情，如果有，額外加點錢就可以了----言語錄。

「噍喂，點解得一張床嘅。」一打開B&B的房門，啊童第一句便問。

「你有要求過要兩張床咩？」

「你唔好同我講今晚我要同你咁樣咁親密咁同床喇呀...你咁變態...仲要我條睡褲係短褲嚟...」

「痴線，你可唔可以唔好開口埋口都話我變態啫，我又無對你做過啲咩。同埋呢張雙人床嚟嘍大佬，張床咁大，你驚嘅喇開啲咪得囉，我都未見過有女仔會驚同男朋友一齊喇嘍。」

「點點點...點同啫！人地男朋友會唔會突登流口水落個女朋友大髀都吖？唔會吖嘛。」

「你...又好似啫啫...」一時語塞的我想不到如何辯駁。

跪求大家Follow我既IG: MaanYin05

「唉今晚再算，而家去咗玩先啦我地！」啊童從袋中拿起了貴重物品，便一副準備好出發的樣子。

而剛玩完負重競步的我，則還在氣喘當中。

但公主叫到，小小奴才又豈敢不從？

唯有奉命起身，陪她步出門口。

與上次不同，這次我們沒有租單車，

只是簡簡單單的遊走在長洲各大街小巷之中，

在熙來攘往的人群之中還要避開橫衝直撞的單車，實在是有夠費神。

偶爾見到有趣的小店，我們便會進去閒逛個兩三圈，通常都是無功而返，

但有時啊童看上了某些東西，我們還是會付錢把它買下來，

當然，付錢的是我。

基本上我們把沿路能吃的都吃盡了，

由芒果糯米糍，到大魚蛋，以及肥到仆街的Pancake，

統統都吃過一遍。有時啊童吃了一兩口覺得味道不合口味就會輕輕一拋，把食物交由我處理。

想當然，這樣掃街的結果就是吃不下晚餐。

「返去啦，啲嘢都開始閃喇，聽日再行啦。」啊童伸了伸懶腰說。

「不如我地入去百佳買啲零食返去？」害怕晚一點會肚餓的我問。

「我要食薯片！」一聽到零食這兩隻字啊童頓時變得精神起來。

「得啦得啦，入去再講啦。」我拉著啊童進去百佳。

我們在百佳各大貨架之中來回穿梭，為著自己今晚的肚子而奮鬥。

最終，我們購買了幾包薯片，杯麵，以及幾罐可樂。

然後我們便提著一大袋東西就回B&B，

幸好這些東西全都很輕，B&B又離我們不遠，

所以我回到去後沒有累得倒在床上。

「沖涼Luuu。」啊童拿著睡衣走進浴室。

「喂~我有個慳時間好建議。」我趁啊童還未關上門時對她說。

「慳你老味慢慢等啦你。」她毫不留情的關上了大門，還上了鎖。

「駛唔駛呀...」我自言自語。

「緊係要啦！一陣你衝入嚟點算呀！」怎料啊童卻聽到，並大聲作出反擊。

既然比人下了禁令，那我唯有乖乖坐著等待啊童洗完澡。

經過了漫長的等待，啊童終於...終於從浴室中出來了。

「嘩感動，到我沖喇。」只想盡快把自己整天累積下來的汗水以及臭味沖走的我立即跑進去。

「呼~」

此刻，水源流過我的身體，

那種舒服的感覺，不是筆墨所能形容。

輪到我浪費水源浪費了半個多小時，我這時完全明白為何啊童要過這麼久才出來，

因為這樣沖涼實在是太痛快了。

「得未呀你！」啊童從門外喊進來。

「得喇得喇。」我立即把花灑關掉，隨使用毛巾擦兩擦身體就穿著睡衣慢慢從浴室中步出來。

跪求大家Follow我既IG: MaanYin05

## 230.

「點解地下有灘水嘅？」我指著她剛才坐著的位置問。

「因為呀...因為我頭先懶得吹頭跟住啲水就沿住我啲頭髮滴咗落去。」啊童難為情笑了笑地說。

「咁樣好易頭痛㗎，坐低啦，就等得展示一下我吹頭嘅功力。」我把她重新拉到椅子坐下，然後自己走進去找風筒。

「嚟，就等我表演一下，我同你講我吹頭好叻㗎，包舒服。」我拿起風筒開始為她吹頭。

「你係至好呀，甩咗一條頭髮我都打死你！」她握緊拳頭裝作要打我。

「幫你吹頭都仲要打我！？ 」話雖如此，但我卻沒有停止手上的動作，繼續為她吹頭。

吹了大約十多分鐘，終於終於，把面頭的頭髮都吹乾了。

「差唔多啦，剩低個啲由佢啦，好叻呀隻手。」

「呢個咪就係點解我唔吹頭嘅原因囉。」她像是早已料到我不能堅持下去。

「唉點知啫，我平時吹分幾鐘就得㗎啦嘛。」我說。

「咁而家有咩做呀？」

「我呢，就咁啱帶咗部Ipad過嚟，可以睇下Netflix。」

「快啲開嚟睇啦，難得我地買好晒零食。」她未待我回應，便已經跑去把整袋零食拿過來。

那很明顯我就沒有選擇，必須要開Netflix來看。

「睇咩戲呀？」我一邊開Netflix一邊問。

「仲駛問嘅，緊係鬼片啦。」啊童一臉期待地說。

「痴線唔好啦，係呢啲地方已經難瞓著㗎喇，你仲要走去睇鬼片...而且聽聞呢度啲B&B...好猛鬼㗎~」我刻意把最後的四隻字拖慢來說。

「你可唔可以唔好生人唔生膽啫，快啦。」她一臉厭棄。

「真係好驚㗎嘛...最多我作出讓步，我地睇喪屍片，得喇掛？」

「吓...喪屍片都唔夠鬼片刺激...」

「好陰公㗎我，咁樣睇一睇一定全晚都瞓唔著，嚟啦，最多返到去我就陪你睇。」

「嘖好啦好啦，揀套恐怖啲嘅唔該。」啊童最終還是作出妥協。

「呼。」我簡直是鬆了一口氣，因為我真的是很害怕看鬼片，尤其是在這個地方之中。

聽到啊童批准看較不可怕的喪屍片後，

我立即在Google搜尋「Netflix 唔恐怖 好笑 喪屍片」這幾隻字，

嘗試找一部好笑又不可怕的電影。

「得喇得喇，搵到啦，過嚟啦。」我對啊童說。

於是我們便趴在床上，吃著薯片看完了這套電影。

嗯，的確是挺好笑又不恐怖，

有幾次還令到啊童笑了出來。

「好肚餓呀。」看完那部電影後啊童說。

「哈，我一早就估到你會嗌肚餓，所以幫你買定咗杯麵，我真聰明。」

「快啲去煮啦咁你，仲咁多嘢講。」

跪求大家Follow我既IG: MaanYin05

## 231.

煮好杯麵，我就同啊童一齊坐係張枱前面食，

睇住電視再加多罐汽水外加頭先食剩嘅薯片，真舒服。

「你執埋啲嘢去啦。」她吃完後就跳上床躲在被窩裏看電話，遺下枱面上的一大堆垃圾。

「你真係輕鬆，食完就拍拍籬袖走人，我就要幫你執埋啲嘢去。」我向她抱怨。

「咁你係咪唔執咩！」她狠狠地瞪了我一下。

「唔係唔係。」看到這個眼神我立即動手清理枱面。

猶如戰亂現場的桌子，足足花了我十分鐘才清理好，

又要倒掉杯麵的湯，又要把剛才掉得滿枱是的薯片碎屑掃走。

「呼，終於搞掂。」我伸了伸懶腰。

「瞓未呀，好叻呀我。」

「吓你啫啫先食完杯麵未消化完啎。」

「咁過多十分鐘瞓啦下。」說罷她又重新把注意力放回自己電話上。

「真舒服。」這次輪到我跳到床上。

啊童斜眼看了看我，然後大力向我一踢，把我從床上踢走。

「哈廢柴，咁就俾我踢走咗luuuu~」她向我做個鬼臉。

「你...你咁做有咩意義...無端端做咩要踢走我...」我不解地問她。

「無啱，悶咩嘛，咁又睇你唔順眼，咁咪踢你落床囉。」她奸笑著說。

「咁都得！？」無辜被推倒的我不忿地起身，

然後伸手一捉，捉住了啊童其中一隻腳，往後一拉。

「嘩！」伴隨著啊童的一聲驚呼，她半個身子就已經被我拉出了床的範圍之外。

「哼，踢我咩嗰~」我重新回到床上，回到自己的領地上。

怎料不甘心的啊童竟抽起我靠著的枕頭，然後開始大力向我的頭部打下來，

我立馬舉手格擋，然後趁她未準備好發動第二次攻勢的空隙時，

拿起她的枕頭向她反擊。

「我個枕頭呀仆你個街！」眼見自己的枕頭被我拿走了的啊童更是大力的揮向我。

幸好我及時反應得過來，一個閃身就化解了她的攻勢，

看準她沒有防備的腰間打下去，但始終要守著不打女人這條原則，

因此我在快要打到她時收了收力，只是輕輕碰了碰她，

豈料就是這一點婦人之仁，就被毫不留情的啊童擊中了我的頭頂。

「哈！想同我鬥？」啊童再補多刀，打了我身體一下。

「哎呀！我咁好人留力唔打你你竟然咁樣對我。」不願還擊的我護著頭倒在床上。

「又無人叫你留力，你會唔會打打下仗留力唔殺個敵人吖？唔會吖嘛，咁就抵你死啦。」

「咁我地又唔係敵人...」

「唔好意思啫，我當咗你係添。」她笑著又再打多我一下。

雖則枕頭沒有太大殺傷力，但被自己最愛的人親手一下一下打下來，心痛如刀割。

ok好似我講得誇張啲少少，唔好意思。

跪求大家Follow我既IG: MaanYin05

「死咗喇我。」我乾脆拿了她的枕頭來用，在床上躺平，

閉上雙眼裝作死去，實則是想睡覺。

「喂呀，玩多陣先死啦你。」啊童活像小孩子般，在床上跳來跳去。

點解我女朋友可以咁大反差...一時就冷靜到粒聲唔出我走埋去就推開我，

一時就興奮到好似打咗興奮劑咁。

「死咗嘅人係返生唔到㗎唔好意思，瞓覺仲好啦，好L叻呀。」說罷我又重新合上雙眼。

「咁快瞓...難得可以一齊過一晚夜...」

「閣下言下之意，難道係想做下運動？」我立即撐開眼皮問。

「你可唔可以唔好成日諗埋晒啲衰嘢呀！我意思係...至少都傾多陣計先啦。」

「聽日先傾唔得㗎咩，而家瞓咗覺先啦。」

「傾一陣先啦...」

「傾一陣唔係問題，你瞓落嚟先啦，我而家咁樣又望唔到你，我又唔想起身。」

「唔係話唔得，但係你唔準抽我水㗎噃...如果唔係我即刻踢你落床㗎。」她先是去把燈關掉，之後再把枕頭放好，然後跟我一起躺平。

「得喇得喇，邊個話要掂你啫，你自己諗多咗。」眼皮早已無力再打開，全身放軟享受著床褥質感的我說，說完這句我便再也支撐不住，沉沉睡...

「喂，又話傾計，唔好扮嘢瞓覺㗎你，以後都唔知仲有無機會可以咁同你傾計...」啊童把差點睡著的我重新叫醒。

「有...一定有㗎，終有一日我地會返到對方身邊㗎嘛，到時我地再一齊過次夜咪有囉。」我連眼也懶得睜開。

「但係...我驚我地...無咁嘅機會...我上網睇啲人話Long D被想像中困難好多好多，可能會感情淡咗分開，可能是但一個愛上咗第二個，可能因為睇唔到未來而各行各路...啫係我唔係話唔信任你，但係對對情侶係Long D之前都好有信心可以行到落去㗎啦...結果好多都散咗...」

「有啲嘢驚都無用㗎啦，我地只可以盡我地嘅所能去保持住呢段關係，如果我地兩個人，個目標係一樣嘅話，肯堅持落去，我覺得唔係無可能㗎㗎呢件事，可能你話我太樂觀啦，但係我真係對我自己同對你好有信心。講真，我都唔想你離開我，唔想返學見你唔到，唔想無你陪我一齊溫書，總之我就

係唔想無咗你！識咗你幾耐，我就鍾意咗你幾耐，但係現實永遠都係咁殘酷㗎啦，死都要將我地分開，咁可以點喎。」

「我都唔想無咗你...我都唔想九月二號要同你講Bye Bye...」她把身體轉向我說。

「咁所以我地就要趁住仲有時間，好好玩埋佢，就而家呢一刻嚟講，瞓覺先，Good night。」我牽著她的右手說。

「唉瞓啦瞓啦。」啊童沒有把我的手甩開，而是任由我握著。

但其實，剛討論完如此沉重的話題後，我又怎能輕易睡著。

我不敢想像沒有了啊童的生活，不願想應該如何跟啊童相處。

總之就東想想西想想，想了很久很久，才終於睡著。

唔好意思顧住買親愛的珍演唱會飛遲咗po  
跪求大家Follow我既IG: MaanYin05

## 233.

到了第二朝，我被房外的陽光照醒，剛睜開眼，就看見我跟啊童的手仍然連著。

原本打算起身的我一見此情此景，不敢輕舉妄動，

生怕動一動指頭都會把啊童弄醒。

不能下床但又睡不著的我唯有看著天花板發呆。

等了十多分鐘，眼見再等下去也不是辦法，

於是我便嘗試慢慢移鬆開她的手。

怎料我實在是沒有做忍者的天份，即使我已經很輕力，

但依然令到啊童驚醒過來，張開了眼睛，直直地看著我。

「起身喇，落去食早餐喇。」我立時反應過來，假裝是要叫她起身，隱瞞自己失手的事實。

「呵～幾點呀而家。」她伸一伸懶腰再打個呵欠。

「八點到啦。」我看了一看電話。

「唔...好叻呀，瞓多陣先，你落去求其買啲嘢返嚟食啦下。」她揉了揉眼睛，然後再次合上雙眼。

「好吖，你瞓陣先啦。」幸好啊童沒有發現到事情的真相...

接了聖旨的我立即梳洗好，然後便出去為啊童買早餐。

我求其在一間茶餐廳買了兩碗沙牛麵就回到了B&B，

而理所當然地，啊童仍然在熟睡當中。

「喂啊童，起身食早餐喇。」不知是不是心虛，我採用著與剛才一樣的方法叫醒她，我搖了搖她的手臂。

「咁快嘅...俾多五分鐘我。」她說完便又再次重返夢中。

聰明如我早已料到啊童會想繼續睡，

所以其中一碗沙牛我叫了分湯，而我當然就不會慢慢等啊童起床才跟她一起吃，

所以我便毫不猶豫自己先開始吃了。

「起身喇啊童，再唔起啲嘢就凍晒唔好食㗎喇。」吃到一半的我走過去把啊童叫醒。

「起喇起喇。」她再伸一伸懶腰。

「你而家明平時我瞓瞓下比你叫醒嘅個種感覺啦，快啲去刷牙然後過嚟食啦，買咗沙嗲牛肉麵比你食呀。」說罷我便回到自己的座位繼續進食剩下的麵。

過了一會後，啊童才終於坐了過來跟我一起吃早餐。

「嘩無晒湯嘅？」啊童問。

「你碗湯係度呀，幫你叫咗分湯吖嘛。」我替她把湯倒進去。

「好貼心呀~男朋友，抵錫！」啊童笑著說。

「駛乜講，我呢啲夠細心。」啊童冷笑了一聲後便開始吃她的早餐。

吃完後我們便輕裝出去四處散步，想不到我們年紀輕輕，

生活便已開始與老人家同步。

「咔嚓。」我刻意放慢速度，跟在啊童的後面，隨便拍下了她的背影。

「你睇下我影得幾靚。」我上前向她展示剛才拍的照。

「你偷影我！」怎料她第一句竟然是罵我。

「唔係呀屌，呢個都唔係重點，你睇下張相先啦，係咪影得唔錯先。」

「又好似真係唔錯嘅，幾好幾好，遲啲Send返比我。」她滿意地說。

咁大家都估到張相有咩下場㗎啦，我就唔再多講。

跪求大家Follow我既IG: MaanYin05

## 234.

享受及體驗完一輪退休生活後，我們便去了間在海邊的咖啡店坐下，繼續我們的慢活之旅。

啊童作為一個乖寶寶，竟然隨身帶了一本書，

而我身上則只有電話，看著她看書看得津津有味的樣子，

實在是令我自愧不如。

「其實，你有無諗過大個想做咩。」我打斷正專心閱讀的啊童。

「吓...之後想做咩呀？無啱...真係諗唔到。」她說完後便又埋首於書中。

「無諗過就啱喇，不如我地畢咗業之後打陣工儲啲錢，跟住嚟長州呢度開間甜品鋪㗎。」我向她講解我的大計。

「唔係話唔好...但係好似好難咁啱...啫係首先要儲一大筆錢先，跟住就要去學點整甜品，仲有好多好多嘢要搞，總之就好煩啦。」

「夢想或者目標呢啲嘢，可能真係好困難，但正正係咁人先至有個推動力去堅持落去㗎嘛，而且頭先你講個啲嘢都唔係真係咁難啫，有心就唔怕難㗎啦，我當你應承㗎啦。」我伸出尾指。

她笑著伸出尾指與我勾了勾，之後便繼續看書。

關於這個目標，其實我由很久之前便已經開始構思，只是一直沒有機會告訴啊童。

如今，雖則她好像不太相信我們能成功做到這件事，但至少她答應了我。

「返去Check out然後去食嘢喇。」我看一看手錶後說。

「好呀好呀...食咩好呢！」此女子一聽到食物就雙眼發光。

「你慢慢諗下啦，返咗去執嘢先。」

「好似好多嘢都好食咁啱，食咩好呢...」

「講開食嘢呢個話題，英國有咩好食㗎呢？」我疑惑地問。

「我都唔知啱無去研究，但應該唔多選擇？好似嚟嚟去去都係得炸魚薯條個啲咁。」

「咁你咪好慘囉，過到去無啖好食。」

「所以而家咪要趁仲有機會食多啲囉！同埋我臨走之前呀，要食多次滑蛋豬排飯呀！」

「哦周街都係啦，你而家食都得㗎。」我裝傻地說。

「你煮個啲呀。」她打了我一下，彷彿在懲罰我刻意要她親口說出想吃我煮的食物。

「哦，早講咩嘛，得啦，同你買隻最L正嘅黑毛豬加日本蛋加珍珠米，不過要俾錢先，如果唔係無錢買。」

「唔要呀，你買返平時個啲唔得㗎咩？」

「得，但係都係要俾錢，如果唔係我都係無錢買。」

「妖，唔同你講嘢喇。」說罷她便自己抱住雙手把頭轉向另一面。

「得喇得喇，講下笑咋嘛，唔好咁認真啦，與女朋友的最後一餐，點都要食好啲嘅，免費煮比你食啦，但係你下次返嚟想要食就要俾錢㗎喇。」

「喂，咩叫最後一餐呀，講到我好似就快死咁，食屎啦你。」

「Ok我更正返，係你走之前最後一餐，講真，就算你叫我煮滿漢全席我都煮比你食啦。」

「咁就煮滿漢全席啦，唔食滑蛋豬排飯喇。」仆你個街我又衰多口。

跪求大家Follow我既IG: MaanYin05

## 235.

吃過午飯後，我們便從長州回家了。

這次我們學乖了，計好船期才出發去碼頭。

上到船後，啊童急不及待選了窗邊位置坐下，

而我則坐在她身旁。看著窗外的風景，

真不知何時才有機會再跟啊童來長州這樣玩。

可能下次再回來，就已經是兩三年後的事了。

唉，有點後悔之前沒有跟啊童出多點街，去多點地方玩。

不過要不是啊童在不久之後就要離去，

老實說，我也不會有這個閒情逸緻跟她大老遠再次走來長州。

應該還是在家中玩著Overcooked。

回到家後，當然要好好沖一個熱水涼吧，不然可對不住自己。

時光飛逝，日子就如我的暑假一般，

乜柒都無做過就嚟到咗八月十四，

(呢個係我打呢章嘅日子，到出得都應該要返學升F5。屌佢老母，原本仲諗住要乖乖地溫下書，結果機都無時間打，真陰公。)

無論點樣唔想點樣驚點樣唔開心都好，

時間都係過得好L柒快，上堂又唔見係咁。

有鑒於啊童九月二號就會離開香港，

所以我們(即係連埋兄弟同Suki)決定要在暑假快完結前的八月廿八日，

約出來見多一次面，拍幾張照片留個紀念。

自暑假開始以來，我都在想著要在啊童走之前，送她一份禮物。

但一直我都想不到有甚麼禮物有意義又有紀念價值，直到八月廿六日，

我終於想到了！

我決定要送她一個相冊。但由於本人視藝長期拿F，  
而且沒有甚麼天份，所以我還是決定買一本相冊，  
再自行到相鋪把這年來拍過的照全都印出來。  
這件事，當然不可以讓啊童發現，不然就沒有驚喜了。  
所以我當天以「有嘢做」為由向啊童請了一天事假，  
她聽到後也沒多問，去了找Suki。  
於是我便自己帶著手指(帶咗十隻)，  
以及USB前去相鋪把過去一年拍過的眾多張相都印出來。  
反正也去到了相鋪，所以我也為自己印了一份，也就是箱內的那堆。  
之後我便隨便買一本相簿，再把那數十張相逐張逐張放進去，  
看著那些照片，我頓時回想起了與她經歷過的一切一切，  
心中百感交集，因有著那些美好的回憶而感到喜，  
但卻又因為想起我的生活很快便會失去她而感到傷感，  
活了十多歲才終於感受到甚麼叫笑著流淚。  
是因為知道以後不能問一句就一起去吃心太軟，  
因為知道以後Lunch Time只會剩兄弟。  
好不容易終於弄好了，把屬於她的數十張照片統統放好，  
而屬於我的就找了個箱子放好。  
(為免破財所以我沒有為自己買相簿。)

跪求大家Follow我既IG: MaanYin05

我把相簿收好，藏在了一個不會比啊童發現的地方。

時間到了八月廿八日，我把相簿拿出來作最後的檢查，翻閱了一遍。

看著看著，突然覺得好像缺少了甚麼似的，

於是我又把數十張照片都拿出來，

在其背後寫上攝下的日期，當時正在做甚麼等細節，

好讓啊童能回憶起。

寫完後，我便將它們按時序放回去。

我滿意地點了點頭，然後便把它放進一個小袋子中。

「叮」電話震動了一下。

我描了一描電話，是啊童傳來的訊息。

童：出得門口未呀？

我沒有回覆她，而是拿起背囊穿上鞋子走出門外，

打算直接按下她家的門鐘。

怎料她原來已在我家門外伸手打算按門鐘，

卻被突然打開門的我嚇得止住了動作。

我倆雙視一笑，然後便出發去回會合他們。

我們先是在學校會合，因為我們回到家後才發現原來我們忘記了在校門外拍照，

於是我們便回到校門，在寫著學校名的牆壁處打算拍張照片以作紀錄自己曾在這裏讀過書。

之後我們就去了那間港式快餐店吃午餐，

作為我跟啊童失去初吻的地方，這間餐廳可是十分有紀念價值。

最L衰都係班仆街，好地地玩乜柒真心話大冒險啫。

「一陣去邊呀咁？」我問。

無L錯，班仆街約出嚟係唔諗有咩活動嘅。

「不如我地去影相，買部平平地一次性百幾蚊嘅菲林相機嚟影下相？」Suki提議。

「去邊度影先得㗎，地點先係重點ok？」我問。

「就去海旁啦！又靚又方便我地影相。」啊童興奮地說。

「仲玩唔玩Truth or dare呀？」魚蛋突然插嘴問。

「妖又玩，記唔記得上次係度玩完發生咗啲咩事呀on9？」我盡量止住內心的憤怒問。

「嘢又唔可以咁講，如果唔係我地，你等到幾時先錫到你個『啊童』~吖，上次都叫做幫咗你啦。」他回應。

「駛鬼你幫咩，上次你幫完之後你知唔知我搞咗幾耐先氹返佢呀，真係麻L煩。」

「你話邊個麻L煩呀！」她不滿地在我耳邊嚷道。

「話佢囉。」我保持鎮定向著魚蛋一指，完美化解了一場危機。

怎料她在得知答案後仍然大力打了我一下。

「咁都打！？」我愕然地看著她。

「諗住呢我你話抵唔抵打吖？」她把手微微舉高，只要我的回答稍不如她意，她就會打下來。

「抵抵抵，抵打抵打，放返低隻手先。」我一邊說一邊伸手把她的手按下來。

「好Sweet呀~真係甜死人喇。」目睹我們互動的Suki裝作羨慕說。

「收皮啦你！」我對她說。

跪求大家Follow我既IG: MaanYin05

## 237.

我們在吃完午飯後，便去了附近一間相鋪買了一部一次性的菲林相機。

然後又在商場逛了一會，說來慚愧，在這間學校讀了這麼多年書，

卻從沒認認真真行完過位於學校旁邊的商場，

每次進來都只是為了買午餐，真失敗。

這次終於有機會好好行一遍，還讓我們發現了一間可以夾糖的零食店。

「嘩！我要夾我要夾！」啊童二話不說立即拿了個袋然後開始把各式各樣的糖果夾進袋中。

「駛唔駛夾咁多呀...一陣食唔晒你又帶唔到過去。」我嘗試制止她，原因是因為我不想付太多錢，要知道它是按重量來付錢的。

「你收聲！」啊童留下了這三隻字後便繼續夾她的糖，完全沒把我的話聽進去。

終於，她關上了玻璃櫃，

放下了夾，手上提著幾乎滿瀉的糖果袋，

然後臉帶微笑地遞給我。

識趣的我當然同樣保持禮貌地接過來，並拿去付款。

付過錢後，我伸手進去把其中一粒可樂糖拿出來扔進口中，

作為付錢的那個人，吃當中的一顆糖應該也不是很過份而已。

至少我是這樣想的。

「喂呀！你隻手喺完錢咁污濁，仲伸手隻入去攞啲糖嚟食，簡直係污染晒成袋糖呀！」她一臉厭棄地罵道。

「Sorry Lor，我又無掂到其他，嗱比返你。」我毫不在乎地把糖塞到她的手上，反正她又沒有打我，我又不介意比她罵幾句。

「行得啦。」啊童對著正在門外等我們的其他人說。

我們之後便行去了數十分鐘去海旁拍照，

由於現在是夏天，所以當我們去到時早已渾身濕透。

「好彩今日無太陽啫，如果唔係應該仲熱。」Suki抬頭看了一眼天空後說。

「係囉係囉，最重要係唔可以曬黑你吖嘛。」Marcus揶揄她。

「唉你地唔好吵啦，影相啦。」啊童擔當起和事佬的角色，及時制止了一場罵戰的發生。

Suki聽到後便急不及待地拿出那部相機，然後便隨便試拍了一張。

「幾好幾好。」她扭動滑輪，調整好底片，然後就把相機塞進我手中。

「好！我要做第一個同啊童影相！」Suki把啊童拉到海邊。

「吓...我唔識用㗎喎，點影㗎？」我問。

「你撇制就影到㗎啦，隻手唔好擋住個鏡頭就ok。」啊童指點了我一下。

「好...三...二...一。」有著海景以及滿是白雲的天空作背景，啊童選擇來海旁拍照確實是個好建議。

如是者，我們每人都跟啊童單獨影了幾張相。

「我地應該仲有...五張Quota！」Suki屈指一算後說。

跪求大家Follow我既IG: MaanYin05

## 238.

「咁我地搵個人幫手，影張合照？」我提議。

「既然你提出咗呢個咁好嘅建議，就由你去搵啦！」啊正說。

「我搵咪我搵囉，搵人幫手影相都驚，你班友有無咁廢呀。」我一邊罵他們一邊物適人選。

「小姐唔好意思呀，請問你可唔可以幫我地影幾張相呀？」我好不容易終於找到了一個二十出頭的女生，應該不會那麼冷酷無情拒絕我把。

「可以呀！」她想也沒想便笑著答應了我，那甜美的笑容...

欸我要澄清一點，我搵佢唔係因為佢靚同佢係女仔，

純粹係咁啱成個海旁得佢一個人選。

「唔該晒你呀。」我立即把相機交給她。

「嘖，睇下我幾勁？輕鬆搞掂！快啲過去企好啦。」我自滿地拍了拍自己的心口，然後示意他們排好。

「嘩啊童，你條仔溝女咁勁嘅，容乜易趁你唔係度偷食㗎。」Suki完全無視我直接對啊童說。

「喂你講咩呀！唔好亂講嘢呀欸，我無呀。」

「睇佢都唔敢㗎啦，快啲過嚟啦。」啊童用手搭著Suki的膊頭，另一隻手則搭著...唔好意思佢另一隻手無搭住我，就咁垂低咗。

既然比啊童拋棄了，那我當然是要轉頭兄弟們的懷抱呀，

於是我便左擁右抱著魚蛋及啊正，肥強則因為太肥所以抱不到，Marcus就...嗯...把他留給肥強吧。

「好，三...二...一。」那位女生數著說。

「咔嚓」Well，其實Suppose係唔會有聲，不過為咗寫故無辦法。

「影多張咩唔該。」啊童禮貌地說。

「Ok呀無問題，你地駛唔駛轉下pose？」哈我眼光真好，找了一個如此熱心的人來幫助我們。

「又好啱，轉咩Pose呀咁？」啊童問。

「你話事啦，要走個個又唔係我地。」懶得思考的Suki回應。

「咁不如我地做啲膠啲嘅動作，例如係花花？」說罷她用兩手擺出花花手勢。

「唉見係你，是但啦。」Suki不情不願地跟著做。

既然連Suki也跟著做，那我們也沒有拒絕的餘地了吧？

如是者，我們就多拍了五張相，

向那位女生道謝後便收回相機，

然後順道一起走去相鋪找人幫忙曬相。

「呼，終於影完喇，而家仲有咩做呀。」啊童伸了伸懶腰後說。

「無喇，散未吖？」Suki問。

「咪住先！我準備咗份禮物送俾啊童。」我說。

「禮物？你地...九月二號會唔會嚟送我機吖，如果會嘅話我其實就諗住寫幾封信比你地嘅，會嘅話就到時先交換禮物呀信呀呢啲，唔會就我寫好叫啊言比你地，至於你個份禮物就...返去先俾我啦，我唔想拎。」

「緊係會啦，見多你幾次吖嘛。」Suki挽著她的手臂說。

「咁得啦，到時先俾你地。」

「吓咁我做咩要特登擺住份禮物四圍走呀？」

「點知你啫傻仔，緊係最後一日先送禮物㗎啦，收返埋啦，我臨走先俾我。」啊童冷冷地說。

「屌你準備咗咩禮物？」Suki走過來悄悄地問。

「我Print晒呢年影過嘅相，放咗入個相簿到，就係咁咋。」

「又諗得幾好啲，你件on9又傻唔晒。咁你咪等埋啱啱影個啲相，應該好快有得擺啦，擺到咪放埋入去囉。」

「又好啲。」

我欣然接受了她的提議，反正啊童現在不肯收，

那正好可以把剛才拍的相都放進去。

跪求大家Follow我既IG: MaanYin05

跟他們道別後，我便跟啊童回家了。

「你執好晒啲嘢未呀？」

「未。」她吐了吐舌說「仲有幾日，唔怕啦。」

「你叫我點放心你一個咁你話，到而家都未執好啲嘢。」我模仿著她平時的語氣說。

「妖。」她又打了我一下。

「講下啫，咁都打...」

「遲啲無得打你喎，緊係要而家打返夠本啦，啱啱先？」她理直氣壯地說。

「唉，話咁快就得返五日。」我嘆了口氣說。

「唔知點解呢個暑假好似過得特別快咁，結業禮就好像係早幾日發生咁樣，一眨眼就已經嚟到尾聲。」我繼續說。

「個個暑假都過得快啱啦，過得慢個啲就唔叫暑假啦，係咪？」她開玩笑說。

「你又好似有啲道理喎，一年入面每次一到七八月我地就好似入咗時間過得特別快嘅異空間入面，一個唔覺意兩個月就過咗。」她笑了笑後便沒有再回應。

時間來到了八月最後一天，有鑑於她仍然未執拾好行李的關係，

於是我便自薦要過去協助她一起執拾，她自然就欣然接受了我的建議。

一進到她家，就看見四處都是行李噏，都算是比它們濟得水洩不通。

「唉有啲亂不過是但啦，你小心啲行就無問題。」啊童踢開沿路的雜物開出條路來，帶著我走進了她的閨房。

「你執咗啲咩呀？」我看著她那整齊的房間問。

「執咗？執咗廳啲嘢囉。」

「啫係你無執過你間房啲嘢㗎？唔怪得之咁整齊啦。」

「專登等你嚟幫我執嘢㗎，反正都無乜嘢要執。」她一回到房間便跳上了自己的床趴下來滑電話。

「咁你真係當正我係你啊四咁㗎喎，小姐我點知你邊啲要邊啲唔要呀。」我沒好氣地說。

「個啲衫褲呀全部塞晒入去就係啦，留返一兩件比我呢幾日著就ok啦，跟住就啲書就全部都好有回

憶...照帶過去啦，枱上面啲文具都幫我包起佢啦最最最緊要係呢隻豬公仔，不過九月二號先執啦呢隻就，呢幾晚仲要攞住佢喇。」

說來慚愧，我的那一隻已成為了角落生物，

她不說我都差點忘記了它的存在。

「仲以為你好多嘢執添，咪又係得少少。」

「咁好多嘢都唔會帶過去㗎嘛，剩係帶啲有用嘅嘢。」

「喺一係咁啦，我幫你執啲書，你就執啲衫，應該好快執完㗎啫。」

「你幫我執晒所有嘢啦，張床好舒服唔想郁呀。」她在床上轉了轉身，面對著我。

「我都未啱辛苦你仲好意思唔幫手，難為我暑假最後一日仲要過嚟幫你呀。」我奪走她的手機。

「幾好吖，暑假最後一日做呢個活動，都幾特別吖。」她苦笑著說。

「係呀係呀，成世都記得添呀，個女朋友死都唔肯落床一齊執嘢。」我開始動手把她的書從書櫃上搬下來。

跪求大家Follow我既IG: MaanYin05

## 240.

「而家咪落囉！」她伸了伸懶腰，然後從床上下來。

「快快趣執埋啲嘢去，跟住就出去行下啦，最後幾日係香港，聽日後日又未必再有時間出去行。」

「係喇係喇，執喇執喇。」她慢條斯理地走過去衣櫃。

幸好啊童的房間沒有太多雜物，而且很整齊，基本上只要把東西全塞進去就是了，

所以我們也沒有用了太多時間，便已經執拾好了大部份的物品，

剩下來的統統是啊童這幾天要用的，要等到最後一天才可以放進行李嚟。

看著她那空空如也的房間，不知為何我總有種唏噓的感覺，

曾經放滿書本的書櫃，如今變得空無一物。

「去食飯luuu！食完飯我要食心太軟！跟住再要去行下海旁，最後返嚟打多陣Overcooked！」啊童剛執拾完便已經想好了整天的行程，看來她的心情沒有受到影響。

嗯，作為暑假的最後一天，行程還是與平時沒兩樣。

「唉，聽日又要返學喇，仲要無咗你，真係唔知我要點過。」我向她抱怨。

「你呀，要專心的聽老師教書呀知唔知，唔好再成日發白日夢喇，升上高中要大個仔，靠自己考返好個成績呀，唔好再我係英國都擔心你得唔得？」她認真地說。

「得喇得喇，又講呢啲，成個啊媽咁。」

「講完你又唔聽，咁緊係要講多幾次啦。」

「我發覺你啲語氣真係好似我啊媽，你從實招來！究竟你係咪我老母假扮嘅！」我模仿著柯南，伸出手指指著啊童問。

「似你老母！」啊童踢了我一腳。

「真係似我老母。」我笑嘻嘻地回應。

「妖，唔同你講嘢喇。」啊童撇過頭去。

「咁又唔好，講笑啫講笑啫，唔好嬲。」我立即笑著說。

「請我食心太軟就考慮下原諒你啦。」她奸笑了一下。

「得啦，咁都要食咗午餐先啱嘛，係唔係？再唔行就無位啱啦。」

「咁我都要換衫㗎。」她又著腰說。

「你咪換囉。」我聳了聳肩。

她聽罷沒再說話，改為怒瞪著我，臉上的微笑更添其殺氣。

「出去囉，唔睇囉。」我沒趣的走出她的房間，還很有禮貌地找替她關上門。

不出數十秒，房門再次被打開，只見啊童已經換好衣服，

服裝仍是一貫的t shirt搭熱褲。

「咪望啦咸濕佬。」她推了推我的頭。

「咩喎，你都識講啦，望埋呢幾日我都無得再望啦，緊係要望返夠本啦。其實諗諗下應該影返張相，等你走咗之後都有嘢望下。」

「痴L線你真係病入膏肓，一日到黑就係。」

「都剩係你一個啫，我其他人你就驚喇。」

「你敢！？」這次她的眼神更是凌厲，我當然不會做傻事。

「緊係唔敢，點敢啫。」

跪求大家Follow我既IG: MaanYin05

## 241.

最後三天，嚴格來說是兩天半，因為今天已經過了大半。

看著眼著這個(穿著熱褲)的女孩，心中的不捨，

比整個暑假的有過之而無不及，

看到她臉上的笑容，她那種樂觀，

那抹因為美食當前而發出的微笑，

心裏面倍感可惜，

不能與她一起努力為DSE奮鬥，簡直是我人生的一大遺憾。

她有能力的把一件不開心的事變為令我享受其中，

如今溫書再次成為我的惡夢。

屌。

「唉。」想到這裏，我不禁嘆了口氣。

「做咩呀你，唉聲嘆氣咁？」

「咁都要問！？咪...」

「咪住先，你揀咗食咩先再慢慢解釋，你都知啦，時間好寶貴，我仲有好多嘢都想做㗎。」啊童把餐牌往我面前一遞。

「咪又係食返呢個豬骨湯拉麵。」

「最後一次食，唔挑戰多次激辣拉麵呀？」

「唉是但啦食啦食啦。」

啊童聞言立即大喜，仿佛奸計得逞似的，

臉上的奸笑已經出賣了她內心的想法。

「好喇，你講得喇。」

「無呀，咪又係諗起你仲有兩日就要走有啲唔捨得咋嘛，所以先嘆咗一口氣。」

「吓！你剩係有啲唔捨得我咋！？我真係對你好失望。」

「唔係唔係唔係，我係好唔捨得你，同你一齊硬係特別開心，總之...唉我都唔識形容，呢種感覺係我係遇到你之前都無經歷過嘅，係得你先俾到我，而家你走咗，你叫我點算好啱，都有嘅，聽日返去搵肥強攞下囉，佢夠肥好攞呀，又有得揸下佢對肥仔波。」我苦笑著說。

「我都係呀...」她哭著說，

「得你先咁on9明明唔食得辣都肯同我一齊食辣拉麵。」她旋即轉了另一個樣子，笑著對我說。

看見她表情轉變如此大，實在是不知好嬲定好笑。

「嚟喇嚟喇，今鋪你仲唔仆街？」她看著眼前的兩碗拉麵興奮地說。

常言道，睇人仆街最開心，

如今我就係我女朋友身上深深咁感受到呢個道理。

「我屌...」我聞了一聞，濃濃的辣味從湯中傳出。

「我地嚟玩樣嘢吖，一陣我地唔準飲水同講個辣字，頂唔順就咗去飲水或者講咗個辣字個個就要請食心太軟。」

究竟這女子能想到多少鬼點子...又試圖用這些方法去合理化自己不付錢這個行為。

我深深吸了口氣，正當我鼓起勇氣想反對時，

她卻像猜透了我想說的話一樣，

「你唔會驚唔參加㗎可~」她微笑著說。

「緊係唔會啦，嚟咪嚟囉，驚你呀？」

「咁就最好啦，仲以為我臨走你都唔肯陪我玩下呢個遊戲添。」

「點會呢？唔俾飲水同講個辣字咩係咪呀？」我確認多次。

「係呀，輸咗請食甜品啱。」

「得啦。」我說。

跪求大家Follow我既IG: MaanYin05

係度想先交待下近況先，點解會變咗唔係日間又或者無準時出到文呢？

我知自己曾經應承過大家，但係呢排真係有啲忙

估唔到我都有咁嘅一日，呢排開咗學，上咗中五，無咗朝早打文嘅時間。

呢個都算。

另外就係呢排又鍾意返彈琴(由暑假開始左右？多謝周國賢令我彈返琴btw，新歌塵世美好好聽，聽第一次不能作準，第二次你先會欣賞到佢嘅好聽。

咁日日係度彈琴，每首歌都彈下自然又無咗啲時間。

最開心同好彩係，由開學個日開始，就有個好靚女嘅人日日都唔怕辛苦鑊上我屋企打GTA睇netflix，仲肯留到六點先走。

咁好明顯我就係唔會有時間打文啦，除咗夜晚呢段時間，無計我要溫書做功課，所以呢輪我係平均兩日先打到一千字，真失敗。

嚟緊我當然希望可以keep到一日一更啦，但係好大可能都係唔得，所以希望大家見諒啦。

個故就都差唔多完，十月前會完咗佢，所以唔會棄！放心！

## 242.

「唔該，一支可樂吖。」我向她確認過規則後便立即舉手叫一支可樂。

哈，好彩我都唔蠢，剩係話唔準飲水，又無唔準飲其他飲品，

反正我原本都打算要叫支可樂飲，

水又唔解辣又唔夠可樂凍，我真聰明。

「喂呀！」她聽到後立即大力踢了我一腳。

「做咩呀？」我裝傻地問。

「你奸茅嘅！」她扁著嘴說。

「邊有啫，頭先又係你自己話咩剩係唔準飲水咋嘛，咁可樂唔係水咪即係飲得囉，有咩問題呀？」

「你食屎啦！汽水唔係水呀而家？汽水都有水嘅成份㗎㗎。」她靈機一動想到如何反駁我。

「你都打橫嚟講嘅，你不如話啲湯都有水嘅成份吖，邊個掂到啲湯先就邊個輸？」

「算！本小姐當讓吓你，就俾你飲汽~水。」她刻意用力說出那個水字。

「咩讓下啫，本身就飲得㗎囉好唔好。」我拿起那支可樂喝了一口。

「哼。」她說完便沒有再理會我，自顧自的吃起麵來。

我於是便也跟著她開始吃那碗辣得要死的拉麵，

幸好有汽水相助，不然我應該早已倒斃在店中。

玩這個遊戲另一個秘訣是不要出聲不要說話，

不然一不小心說了個辣字就會前功盡廢了。

一時之間我們二人互不出聲，只餘下不絕的吃麵聲，

我抬頭看了看啊童，只見她面不改容地吃著拉麵，

絲毫沒有要放下餐具稍作休息又或是喝水的意思，

相反我每吃一兩口就要吸一大口氣抹一下鼻涕及眼淚，失敗！

可樂帶來的冰涼感以及其甜味，

有效的舒緩著舌頭帶給我的痛楚，

可每當我再次起動吃麵時，刺痛感就又会向我襲來，

累得我未能好好咀嚼便要吞下去，

不然麵條及湯汁在我口中停留得越久，

我就會感受到以幾何速度增長的辣度。

「呼...呼...呼。」我停下手上的動作，大力呼吸幾口氣。

「做咩呀？覺得辣呀？覺得辣就唔好...」啊童話未說完便已自知不妙。

「哈！有人講咗個『啦』字喎，睇嚟一陣間心太軟有人請喇。」我鬆了一口氣，伸了伸懶腰，決定直接放棄不再吃眼前這碗可怕的麵。

「唔得呀！唔算數呀咁樣！我係諗住好心提下你咋！」啊童哭鬧著不肯接受現實。

「小姐真係唔好意思呀，有時好心係無好報㗎，一係咁，作為補償，我俾個機會你一陣請我食心太軟咩，反正食咗成年都無一次係你請。」

「食屎啦你！一陣邊個話食心太軟呀，我而家辣到胃痛唔舒服唔可以再食嘢喇，唉呀。」

「唔緊要，聽日食都一樣㗎啫，反正你都要用埋啲港紙去㗎啦，帶去英國都無用，無謂放返入銀行咁麻煩啦係咪。」

跪求大家Follow我既IG: MaanYin05

我是唔會棄故的，最多耐啲一更，一定唔棄。

心情唔好，打出嚟嘅嘢都唔會好，我保證，我整理好情緒之後就會出返密啲。

手頭上仲有六篇到，會分開啲出。

希望大家體諒一下。

## 244.

「妖。」她又是一記旋風腿，大力踢在我的小腿上。

「唉呀，好痛呀！個懲罰就你自己諗嘅，自己on9怪得邊個啫。」

「唉算啦不如，嗱我都就快走啦，做咩仲要咁樣鬥嚟鬥去啫係咪，大家又唔開心，我地就唔好再做呢啲無謂嘅鬥爭啦好無？」她一臉誠懇地說。

「唔好。」我模仿著她的表情及語氣回應她。

「是但啦唉，食埋去就過去食啦下，當係臨走前請下你食嘢。」她最終還是作出妥協。

「咁唔食luuu，你食完就過去啦。」既然已經贏了比賽，那就再沒有堅持下去的理由了。

啊童聽罷便繼續吃，反正她又不覺得辣，

而我則打算之後肚餓才再找東西吃吧。

吃完後我們便去了甜品鋪，本人表示十分感動因為啊童終於肯付錢，

不知道是不是出於這個原因，

好像今天的心太軟特別好吃，哈。

「咦今日你俾錢呀？」啊童付錢時文姨略帶驚訝地問。

「係囉，點解今日我俾錢㗎呢可？」她看著我問。

「哦，佢話咩見同我食咗咁多次都無試過請我食，於是今次咪話臨走前點都要請返我食一次囉。」她聞言舉起左手作勢要打我，早已被訓練到反應變得極快的我立即跑開幾米。

她看到後開心地笑了笑，像是惡作劇成功了般，

大概是自豪著自己有這個特殊技能。

「之後去邊呀？」她出來後問。

「你鍾意啦，走個個係你，你今日想去邊我都陪你去。」

「咁呀，我想上一次太平山，你係咪陪我去呀？」她的語氣就像是挑戰著我剛才那番話。

「去咪去囉，驚咩啫。」於是一場即興的太平山之旅便開始了。

我們好不容易從家中去到了中環站，怎料當我們抵達時，

電車站前面竟大打蛇餅，

在這又熱又焗的天氣下，我可不想與如此多人一同困在此等地方，

正當我打算向啊童提出打道回府的建議時，啊童卻提出了另一個方案。

「一係我地行上去？」她問。

「你...你知唔知而家幾熱呀？」我愕然地問。

「唔係好熱之嘛，唔緊要啦，定係你怕劫唔想行咋。」

「唔係話怕劫，我邊有話自己怕劫啫，只係而家天氣咁熱，我驚中暑啫。」

「邊有咁易中暑吖，你有帶水㗎嘛，行啦行啦。」

「唉是但啦，陪你行喇唉。」

「哈你話㗎嗱，一陣唔好嗌劫同辛苦呀。」

「得啦，唔會呀，話晒都係羽毛球校隊，體能點會差同怕個少少熱。」

「咁行啦。」啊童說。

就這樣，我們臨時改變行程，

變成了行山活動。

先不說現在溫度高達三十多度，

而且還是正午，我在陽光的暴曬下，

足足走了一個多小時。看著眼前無窮無盡的路，

還有永遠轉不遠的彎，我唯一的慰藉，

就是偶然看到欄杆外的維港景色，以及啊童(的長腿)。

跪求大家Follow我既IG: MaanYin05

## 245.

「有無水呀你？我個支飲晒。」啊童問。

「噏。」我把所剩不多的水遞給啊童。

「唔該。」她接過後直接一乾而盡，完全沒有想過我的感受。

「喂...」我叫也叫不住，她便已經把珍貴的生命之泉全喝下去。

「做咩呀？」

「我啲水無晒喇...」

「唔緊要啦，都就快到咯。」她毫不客氣地把水瓶還給我，完全沒有一絲悔改。

那一刻，我竟然真的天真地相信了她就快到的謊言。

這個故事教訓我們，不可這麼輕易相信他人的話。

「又話就快到嘅？好口渴呀我。」又過了數十分鐘，我忍不住開口問。

「係呀就快到㗎喇，你望下個度，凌霄閣呀。」她指向遠處的一棟建築物。

「我屌...」運用數學堂學過的Estimation，

粗略估算一下我跟它的距離後，腦中一片空白，

只有兩隻字在腦海中浮現。

後悔。

「喂，坐下先啦，真係頂唔順，好斜呀仆街。」我叫住啊童。

「頭先唔知邊個話自己體能唔差㗎？」

「坐下先啦，休息是為走更長遠的路ok？難得呢個位睇到下面個景。」

「就當本小姐陪下你喇，坐一陣啦下。」她伸了伸個懶腰，然後竟然從袋中拿出一包紙巾遞給我。

我呆了一呆，怔怔地看著那包紙巾。

「抹下啲汗啦，唔係要我幫你呀嘛咁大個人。」

「哎呀，行到隻手好劫添，郁唔到呀，你幫下我啦。」我立即反應過來，然後再上演了一段足以讓我獲得奧斯卡的戲碼。

「嘖，真係麻煩。」話雖如此，但她仍然有把紙巾拿出，然後幫我擦走臉上的汗。

「噃，唔該晒，隻手突然又郁得返喇。」

「擘大口吖，呀~」她突然說。

「呀~」雖然不知道為甚麼要我這樣做，

不過我還是照做了。

盲目跟從別人指示的後果就是，

比人大力把滿是汗的紙巾塞進口中。

「哈，行得。」她把垃圾塞進我的口中後便開始繼續行了。

「你下次可唔可以有禮貌少少放入我隻手到呀，邊有人會將垃圾塞入人地口到㗎？」我立即拿起背囊，起身從後追上啊童。

「你又話口渴？咪比啲水你飲下囉，唔好浪費呀。」

「汗水嚟㗎大佬，邊有人會飲汗水呀？」

「邊有人會唔識自己抹汗㗎？」

「我都話隻手劫咯。」

「咁咪抵你死囉，行啦咁多嘢，留返啲力好過啦。」又行了數十分鐘，多棟建築物開始浮於眼前，越來越近。

我倆二話不說立即衝上去，然後找地方各買了一支水喝。

「你話係咪on9，行山無水。」我一邊喝著水一邊抱怨。

「唔係無，只係飲晒。」啊童更正我。

「上嚟之前又唔買多支，搞到而家就快死先有水，唉。」

跪求大家Follow我既IG: MaanYin05

## 246.

「入去涼下冷氣先啦。」我把啊童拉進凌霄閣。

一打開門，就已感受到陣陣涼風吹過來，

我肆意地享受著這快感。

「好舒服呀。」我臉上露出陶醉的笑容。

於是在我的要求下，我們便在凌霄閣中四處閒逛，

主要目的還是因為想涼冷氣。

「出返去未呀？呢度好悶呀，都無嘢睇。」走了大約二十多分鐘，啊童忍不住這間垃圾商場開口問。

「出囉，去邊吖？」

「後面好似有個位睇到日落，要唔要行過去睇下？」啊童提議。

「是但囉，反正而家我地都無嘢做。」我聳了聳肩說。

「咁快啲行啦，再唔行太陽落山就睇唔到㗎喇。」啊童聽到後立即拉著我的手往出口走。

「慢慢行啦，驚咩啫，而家先五點九，你知唔知夏天係成六點幾先日落㗎，咁急做咩啫。」

「妖，個邊都有啲嘢行㗎嘛，行快幾步啦懶鬼，成日咁懶，話唔定我遲啲返嚟你會變咗一個肥仔。」她從後輕輕踢了我一腳，強迫我加快自己的腳步。

「變肥仔有咩唔好啫，你都肥啦。」

我伸手嘗試搥她肚上的肉，怎料她卻極是苗條，

連一點多餘的肥肉也找不到。

「肥你個死人頭呀肥肥肥！同埋你唔好乘機抽水呀我警告你。」她把我的手拍開。

我們沿著柯士甸山道行，終於上到山頂。

一見到涼亭，我原本乏力的雙腿頓時加快速度，

為的就是能趕快在涼亭中坐下好好休息，

不然我應該會暴斃身亡。

而啊童則與我相反，她是加快腳步朝小食亭走去，

想必又是被甚麼美食吸引住了。

不久後她便拿著支甜筒，外加一支吹泡泡用的泡泡棒走過來。

「我呢？」我看著她手上的甜筒問。

「妖，想食就自己去買啦。」啊童理直氣壯地說。

「咁呢支又咩嚟呢？咁大個人仲玩吹泡泡。」我指著那支泡泡棒問。

「咩呀？唔俾呀？邊個話中學生唔玩得㗎？你都on9㗎，不知幾好玩。」她一副懶得理我的樣子，把它放在一旁，然後拆了甜筒的包裝。

我看著她吃得津津有味的樣子，再加上在這炎炎夏日中甜筒散發出來的冰冷感，

實在是令我食指大動，無奈小食亭離我實在是太遠，

一來一回已經是百多米的距離。

「嘩個太陽好靚㗎，你望下個度，成個天都係金黃色咁。」我指向遠處。

「又真係幾靚㗎，食完就出去影下相啦。」啊童比耀眼的陽光照射得不能張大眼，

但她依然抬頭看著這一片天空。就趁著她分神時，

我悄悄把頭靠過去，然後一下捉著她的手，

低頭咬了一大口甜筒。

整個過程只是數秒之間，待啊童反應過來時，

我已成功把雪糕吞進口中。

跪求大家Follow我既IG: MaanYin05

## 247.

「屌！」所以何時都會說廣東話博大精深，一隻字就已經完美地形容了她的心情。

「都幾好味吖，不過熔熔地，建議你快啲食埋佢。」我認真給出評語。

「呢支你食埋去！攞你銀包嚟。」她把甜筒塞進我手裏，然後一把搶走我的銀包。

「喂！」我叫住她，可是啊童拿到我的銀包後頭也不回便走了。

隨便她吧，反正我目的已經達到，

成功獲得了一支雪糕。

在這熱得要死的天氣下，吃著冰涼的雪糕簡直是一流享受。

不久後，她便又拿著另外一支雪糕回來。

看著這片天空吃著甜筒，又是另一種的享受，愜意得很。

「呼，食完，出去影相！」啊童伸了伸懶腰後便站了起來。

於是我便為她扔掉垃圾後，拿起手機為她拍照，

一連拍了數十張照片，自以為她一定很滿意，

豈料她左揀右揀，最後只得三張照片入圍，

實在是太侮辱我的攝影技術，真不知這條女咩事。

這刻，正發出金黃色活像火球的太陽清晰可見，

耀眼得讓人不能直視，卻又有著魔力似的，

把人的眼睛吸引住，即使再刺眼，

我也不禁想要看多幾眼，

生怕錯過每一刻，不能把每一秒的美景都收於簾下。

太陽就如一把雙刃光劍一樣，把左右兩邊的天空都照成淺黃色，

沿著海平線一路延伸，連帶本為雪白的浮雲也失卻了原本的顏色，

與背後的天空融為一體。

隨著太陽的下沉，它開始變得暗淡起來，  
但卻不影響它的風采，依然令人目不暇給，  
單是一個夕陽就令我雙眼如此忙亂，  
所以有時常說，最簡單最平常的事物，  
往往是最美的，就好像啊童一樣。

雖則話你要計嘅話日落都唔係一件簡單嘅事，  
你以為我會講佢點樣複雜！？

Sor9ry唔L識天文物理，文科人剩係識吹水。

夕陽無限好，只是近黃昏。  
正是因為到了黃昏，我們才能欣賞到如此壯麗的景色。

最後，太陽受到唔知乜柒因素嘅影響，  
最終結局都是要西沉下去，  
但看不見它的真身，卻又不代表它沒有影響力。

西邊的天空，現起一片橙紅晚霞，  
成為了漆黑天空中的最後餘暉。

OK描寫得太多我知大家唔想睇唔好意思，寫得又差睇到都覺得慙自己都無勇氣睇多次。

「走啦，夜喇。」一直靜靜欣賞著天空的啊童開口說。  
我自然知道她的憂慮，所以我也沒有意見，  
反正之後獨自欣賞的機會多的是。

「走囉。」我牽著她的手帶她走回去。

「坐巴士好唔好呀？」

「吓，唔好啦，行返落去咪得囉。」

「第一，小姐你都睇唔到路行條毛咩，第二，呢度行返落去要好耐，我有啲肚餓。」  
第三，我唔想行，好L劫，不過呢句唔講得。

跪求大家Follow我既IG: MaanYin05

## 248.

「唔...咁好啦。」啊童扁了扁嘴妥協。

於是我們便回到了凌霄閣，再乘搭巴士下去。

回到去家附近後，由於已經有點晚了

所以我們便決定買外賣吃。

「嗚...哭L咗，聽日就要返學。」

「聽日返幾點呀你？送你返學喇。」啊童說。

「咁又唔同講法...好似係返...九點？」我看一看通告後說。

「得啦，你起身打俾我。」

「嗯，咁你快啲食埋啲嘢去跟住返去瞓覺啦，一陣你聽朝唔肯醒呀。」

「傻嘅，幾時有發生過啲咁嘅事啫。」

「無，緊係無啦，次次我都要玩奪命追魂call打俾你，你緊係起到身㗎。」

「得啦得啦，食埋咪返過去囉。」啊童完全不打算理會我的話。

到了第二天，雖然根據學校通告，

我應該是九點才要回到學校，

但我依然一早就起了身。

第一天上學，當然要早點起身好好執拾整理一番物品，

再慢慢梳洗好才上學吧。

講笑咋扁你。

「喂啊童，起身啦，落去食返個茶記早餐先返學啦。」

「唔...幾點呀而家？」

「七點半。」

「咁早叫我起身做咩呀，你八點先出門口都得啦。」啊童說。

「唔係呀，我想落去食個茶記早餐先吖嘛，嚟啦嚟啦，陪我落去食下啦，都最後一日啦。」

「比多...五分鐘我啦，我要瞓多陣先，再見。」她說完後便cut了我線。

這樣說的話，應該就是代表著她答應了我。

也算是個好消息吧，至少開學第一天仍能跟心愛之人吃個早餐，

要知道開個好頭是很重要的。

(今日老師同我講嘅，寫呢篇嘅時候九月一號。)

換好校服，拾好書包，

我便打給啊童，然後過了幾分鐘後，門鐘便響起了。

我拿起書包走出去，然後跟她下了去茶餐廳吃了個早餐。

「好似無試過咁早同你咁樣食早餐。」吃著吃著我突然想起這件事，

好像從來沒有跟啊童這樣在上學前先吃個早餐。

「係呀係呀咁L早，嗱嗱臨食埋佢返埋學我要返去瞓教呀。」啊童伸了伸懶腰後說。

速速吃完後，我便跟啊童步行上學。

走在她身旁，總覺得特別自豪，

有著一位如此漂亮又愛我的女朋友，實在是太開心了！

由於她已不會再在這間垃圾學校讀書，

所以我們也不在裝了，直接光明正大的在上學的路上牽起手來。

校規又沒有寫明不準與校外人拍拖，

況且我也說了很多次，我根本不害怕比記缺點。

哈，終於有機會係校門拖手，

跟住再當住班仆街教畜面前攬一下先入去。

「喂呀多人呀，你係唔係想死呀係度攬我？」她嗔怒的樣子實在是太可愛，讓我禁不住多抱片刻。

「是但啦都最後一日咯。」我毫不介意地說，然後便進了去學校。

上個水先我未死  
係呢個星期真係好L忙  
好似成個中學生涯都無試過一日做六樣功課  
每日都好想打文·但係真係無乜時間  
唉  
打咗一個星期就打好一篇真失敗

跪求大家Follow我既IG: MaanYin05

## 249.

開學日，如常的沉悶，沒有與別不同的演講，

沒有值得莘莘學子們興奮的事，

全數陣亡在禮堂中，

校長冗長的致辭於大部份學生來說只是一部催眠曲，

音調毫沒變化，長期停留在同一個音域之中，

口裏說著廢話浪費我的時間。

屌你老母。

直到介紹老師之時，大家才稍為清醒，

不是因為想了解新老師，

純粹是知道完了這個介紹環節後便能回到班房，

不用再留在這個令人產生濃濃睡意的空間中。

回到去後還是要循例處理一下班務，數十多雙眼睛便趁這個機會，

四周打量著未來三年的同窗。

我掃視著班房的每個角落，最終目光停留在兩個熟悉身影上。

講下笑咋屌你，一早就坐埋咗一齊啦，

仲慢慢上到班房先搵咩。

「好彩仲有你兩個咋。」我對著啊正跟Suki說。

「我想要啊童呀。」Suki苦著臉說。

「我都想要啊童呀。」我模仿著她的表情說。

「最L衰都係你，搞到啊童日日都唔得閒同我出街，正仆街嚟。」一如以往，她仍是毫不留情的罵我個狗血淋頭。

「on9㗎你都，你不如諗下點解你係啊童心入面個位置低過我啦。低9能。」

「屌你啦，廢時同你吵。」Suki就這樣結束了我們的對話。

派通告，再自我介紹一番，

開學日就完了。

沒有上年的驚喜，沒有幾位兄弟，

沒有最好的老師。

上年的心情不復再，至少上年仍有四位兄弟，

如今卻只剩四份一，外加一個Suki。

「鈴」準時走人，出去搵啊童。

我懷著興奮又期待的心情拿起書包步出校門，

四周張望啊童的身影，

但她卻久未現身。我於是稍移玉步，

步離校門幾米，然後把電話拿出來打給她。

「喂啊童？」電話剛接通了，但電話的另一方卻只聽到絲絲的風聲。

「喂？」我再說多次。

突然，有隻手拍了一拍我的右膊，

我下意識把頭轉過去，右邊面卻受到了一隻手指的阻攔。

我看著在我身後的啊童，

以及她的右手，嘴角不自禁地上揚了起來。

「做咩篤我塊面呀！」我伸出手還擊，試圖搥她的臉頰。

「無呀，頭先係屋企睇完不能說的秘密咪學下個女主角咁做囉。」她為著自己奸計得逞而笑著說。

「你這樣對你的男朋友是不對的，所以現在我要還擊。」我一本正經地說。

「還咪還囉，驚你呀。」果真，我伸手搥她臉頰時她連躲也沒躲，就乖乖地站著。

「你塊面都唔好搥嘅...一啲肉都無。」我認真給出玩後感。

「呀男朋友，唔好搥就唔該你擺返低你隻手啦。」

「得喇唔玩喇，去食嘢啦。」

跪求大家Follow我既IG: MaanYin05

## 250.

吃午餐，就如過去的三百多天一樣，沒有任何特別的事情發生。

「呀男朋友，你好似有啲承諾未兌現喎。」聽到這句的我腦袋立即快速運轉，嘗試搜尋她口中所說的承諾究竟為何事。

「睇你個樣都唔記得㗎喇唉，唔玩你喇開估喇，你好似講過話你自己係我臨走之前會煮啲嘢比我食㗎喎，今日都已經臨走前最尾一日啦，仲唔煮幾時煮呀？」她鼓起泡腮叉著腰問。

「我記得！我緊係記得啦！所以我咪諗住而家去買囉！滑蛋豬扒飯吖嘛！」我連忙為自己辯護。

「係～咩？」她瞪大眼睛看著我，把心底裏對我的不信任全數刻在臉上。

「緊係啦緊係啦，去買嘢啦。」我連忙拉著啊童的手往超市方向走。

剛進到去，啊童就已經被零食架吸引住了，

硬生生把我拉過去那一邊，

口中唸唸有詞的自問自答要買甚麼零食吃，

時而想買薯片，時而想買糖果。

最終她表示小朋友才做選擇，她全都要。

讓她買完零食後，我們才認認真真去購買材料。

我們推著手推車，把整間超市由頭走一遍，

打算發掘一下新事物，看看有沒有東西適合我們，

又或者，我們純粹只是享受這種一起行超市的感覺而已。

付過錢後，我們便分別提著兩大袋物品回家，

作為一個支持兩性平等的人，我當然要讓啊童也拿一袋呀，

不然便算是大男人主義及歧視了。

回到家後，我立即開始準備是晚的晚餐，

臨離開前的最後晚餐總要吃好些，

吃完才能好好上路嘛。

她如以往般，乖乖地在廚房找了個不會打擾到我煮食的位置陪著我，

也算是件好事，至少她不會搗亂。

「等~寂寞到夜深~」萬事俱備，食先再煮。

「點呀？煮完喇？」啊童問。

「係呀，搞掂喇，食先再煮，而家做下其他嘢先啦。」我對她說。

「咁呀，最後一日，緊係要打多次overcooked再睇多套戲啦！」她興奮地說，然後徑自走了進我的房間然後開了我的電腦。

對於啊童這樣做早已見怪不怪的我隨便拿了張凳便坐了在了啊童的旁邊

，她純熟地開game插手制，很快便開始了遊戲。

這個遊戲最考驗的，其實是分工合作，

然而，我每次跟啊童玩都是搶著同一樣事情來做。

最後，當然是很低分，偏偏啊童是一個很執著的人，

每一關都一定要拿到三粒星才肯去下關。

所以玩了這麼久，我們仍未爆機。

「好廢呀你！又係你喇！搞到擺唔到三粒星，搞到火觸添喇！」

每次不過關，我就會被打一下。

真可憐，打個機都要受皮肉之苦。

跪求大家Follow我既IG: MaanYin05

## 251.

由此可見，選擇女朋友，一定要選擇一個溫柔的女生，

不然未來將會白受許多皮肉之苦。

「打過啦！」她敲一敲我的頭，然後便按下重新遊玩的按鈕。

「唉，咁搞法，聽日都未爆到機喎。」要不是啊童非每關爆三星不可，我們一早已經爆機了。

「是旦啦，之後返嚟再打咪得囉，係咪先？」

「係喇係喇，你返嚟之前我都唔會再郁個game㗎喇，等你遲啲返嚟再爆埋佢。」

「今次唔該你乖乖地做你要做嘅嘢，唔好走過嚟搶我嘅嘢做呀。」

「得啦得啦，今次一定三星。」

幸好今天是開學日，沒有任何功課，

不然我可沒有時間跟她做這麼多事情。

的確我個人是不會做功課的，

但啊童要是知道我為了跟她玩而不做功課的話，

她必定會幫我拿功課及筆袋出來要我在她面前乖乖做完才肯繼續玩。

「呼，夠鐘煮埋啲嘢食去。」我伸一伸懶腰，然後走去廚房。

「我又要去。」啊童聽到後也彈起身。

「唔好啦，一陣你又搞亂檔，係出面等下咪算囉。」我停下腳步轉身看著她。

「你咩意思呀！？我要入去呀！」她狠狠地瞪著我。

「入去做咩啫，又熱又迫。」我口中一邊說著，一邊繼續走往廚房，決定不再阻止她。

事實上，我為了這晚，可是早有準備的。

由於大部份步驟剛才便已經完成了，

所以現在要做的事不多，很快便已差不多煮好。

「好！我地出返去先！」我推著啊童出去大廳。

「做咩呀？煮好做咩唔擺出嚟呀？」啊童不解地問。

「哎呀，今晚係你最後一晚啦係咪？所以我地要食得正式啲。」我走到櫃前左找右找，終於找到我需要的東西了。

「登登登凳！」我把早前購備的蠟燭拿出來。

「做咩啫你，懶浪漫咁。」啊童甜笑著推了我一下。

「喂大佬，咩做咩呀？燭光晚餐囉，邊個話滑蛋豬排飯唔可以配蠟燭㗎？你係唔係睇唔起入面個幾碟嘢先？」我放好蠟燭，然後拿出火柴。

「真係唔係好夾，你信我，蠟燭同滑蛋豬排飯係真心唔夾。」

「唔夾都無辦法，熄燈！」我強迫著啊童接受我的計劃。

原本以為啊童會聽從我的指令替我關燈，

怎料她卻站在原地一動不動，

害我威嚴霸氣盡失，要親自過去關燈。

「去湊飯啦。」我又再次把啊童推進廚房。

「妖，都唔知乜鬼燭光晚餐嚟，要自己湊飯咁麻煩㗎。」她一臉厭棄地說。

「得，你出返去坐返低，我幫你湊埋。」

「多啲飯同多啲蛋㗎。」她嘴角上揚著說。

「得啦得啦，煮咗咁多次仲唔知你要求咩。」

跪求大家Follow我既IG: MaanYin05

## 252.

不久後，一碗熱騰騰的滑蛋豬排飯做比我端出來，放在啊童面前。

我把自己的那碗也拿出來後，便劃火柴然後燃點起蠟燭來。

「呼。」確保兩根蠟燭都燃亮後我便吹掉火柴上的火。

「今餐係我地嘅最後晚餐，所以應該要影幅相先。」我走過去啊童坐的那一邊，舉起手機與她自拍了一張。

「咩最後晚餐啫，講到好似我就快死咁，明明我幾個月之後就會返下嚟。」

「是但啦，最後晚餐個名好似勁啲咁吖嘛，食飯食飯。」

你問我心情係唔係好差好唔開心，食龍肉都無味個種呢？

我又唔係啫。同平時好似無乜分別咁，

氣氛都係咁輕鬆，啊童都係好似無乜咁。

老實講係同我想像中有啲出入，

原本我以為嚟到呢一日我會好唔開心好唔捨得甚至會喊，

但係又無啫，反而食食下我仲識搞gag同啊童一齊笑下。

今餐飯，比起想像中，歡樂得多。

啊童一如以往，很快便吃完了整碗飯，

而我則還在慢慢享受著自己煮的佳餚。

「好L飽呀屌。」我吃完後摸了摸肚子說。

「邊個叫你煮咁多啫，你慢慢坐啦，我去洗碗先。」說罷啊童便站起來，走去廚房。

「唔好唔好，我洗得喇，坐返低抖下吹下水好過啦。」我拉住啊童的手不讓她走進去。

「妖，你入嚟坐側邊咪有得吹水囉，懶。」啊童甩開我的手，然後徑自穿上了圍裙開始洗碗。

「燭光晚餐啫，點可以要客人洗碗㗎呢係咪？同埋一陣洗到隻手榎跔跔就唔好啦，我會好心痛㗎嘛，一隻咁滑嘅手變到榎跔跔，你出返嚟啦。」我一邊說一邊摸著她的手說。

「走開啦你，而家連手都要摸，好變態呀你。」她用身體推開我，然後繼續洗碗。

嘖，呢條女真係麻L煩，關心下都唔得。

既然事已至此，我別無它法，暴力解決問題。

我從後硬生生把啊童抱起。

「喂呀！」啊童雙腳亂踢反抗，試圖透過這個方法令我把她放下來，可惜我卻毫髮未損，繼續把她抱回大廳。

「痴線㗎你？洗碗都唔俾洗？」啊童嗔怒地問。

「嘻，真係唔好意思，我要你係廳到陪我，碗呢啲死物唔值得浪費我地時間。」

「咁而家有咩做吖？」啊童不滿地問。

「有咩做呀...呃...咁我又諗唔到㗎。」

「妖，咁你唔好阻住我洗碗啦。」啊童反了反白眼又重新走進去。

「點解你咁熱衷於洗碗啫...我知喇，一係落去食心太軟？」

「你請㗎。」

「得啦。」

「洗埋碗就去，而家太飽要抖陣先。」

「唉你洗啦，我幫你抹乾啲碗。」我最終還是選擇妥協。

跪求大家Follow我既IG: MaanYin05

## 253.

兩個人合作，很快便把廚房給還原好了。

之後我們便下了去甜品鋪吃了個心太軟，為這個燭光晚餐劃上句號，同時亦標誌著啊童在香港的時間只剩下一天。

「最後一晚喎，行下海旁？」回去時我問。

「睇唔到嘢喎我，唔喇。」

「唔驚啦，有一邊係好L多燈㗎嘛，應該睇到掛？」

「咁呀...是但啦。」啊童最終還是妥協，大概是她心底裏也想去海旁吧。

「咁行啦。」行去一個充滿回憶的地方。

甜品鋪走過去海旁的路程說遠不遠，恰好是適合飽飯後步行的距離。

沿途燈火通明，所以對啊童來說要步行到海旁並沒有任何困難，

在市區時，夜晚對她來說根本不成問題。

「記唔記得上年嘅今日我激鬪你，跟住就係係呢張凳到氹返你呀。」我指住那張啊童曾坐過的長椅。

當天的事，至今仍歷歷在目，

那份緊張與不安的心情，實在是永世難忘。

我拉著她，坐到那張長椅上。

「好彩你最後做咗我男朋友，如果個初吻真係就咁比咗個朋友，我真係會喊出嚟。」

「其實我一早就知我地會拍拖。」

「吓...點解呀？」

「因為我見到你第一眼就鍾意咗你喇，我由個時開始就下定決心一定要追到你。」

「妖，又講呢啲。」啊童反了反白眼。

「有時我覺得我地嘅生活都幾似啲退休人士，有幾多個後生仔會食飽飯特登落嚟海旁坐。」

「嗱你咋，唔包我㗎，我仲後生，想過嚟海旁個個係你咋。」啊童秒速割席，與我劃清界線。

「收皮啦你，明明平時你啲生活習慣就仲似佢地，朝朝都拉埋我落去晨跑。」我把她在時暑假時對我所做的惡行說出來。

「咁你係咪有咩唔滿意吖~」她瞪大眼睛看著我。

我當然不會胡亂說話，要好好珍惜生命嘛。

「無無無。」我連忙說。

「多謝你喇。」

「多謝我啲咩？」

「肯隔日就陪我落去跑步囉。」

「駛乜多謝啫，男朋友陪女朋友，天經地義。」

「成日都口花花。」她笑著說。

「我真心！」

「算吧啦你。」既然比她拆穿了，那我也不再裝下去，沒再繼續辯駁。

我們靜靜地看著那個漆黑的海，

以及對岸那由萬家燈火所形成獨特的景色。

大概是各自都在思考著，所以誰也沒出聲。

眼睛雖是看著那美景，但卻沒有在欣賞，

心神早已比另外一件事所佔據著。

目中無神，即使我看不見自己現在的樣子，

但我相信這個形容詞應該是挺貼切此刻的我。

她靠在我的肩膀上，我感受著她的體溫，

聽著她的呼吸聲。眼前的景色再美，

也美不過我身邊的這位女孩。

跪求大家Follow我既IG: MaanYin05

## 254.

不知過了多久，坐也坐夠了，所以我便跟啊童回去了。

路上我們二人沒有出聲，享受著當下的安寧，

只默默地牽著對方的手。

回到家後，我把她輕擁入懷與她分別，

便各自進門了。

洗好澡後，我坐在書桌前，

隨手拿起紙跟筆，臨時決定要在這晚寫一封信給啊童，

明天連相簿一起給她。

有些話，言語是表達不了，

又或是不會當面說，所以文字就是最好的渠道了。

直到夜深，我才把那封信寫好，

再將它放進相簿中，

方便明天一併交給啊童。

到了第二天，正式開始上課。

起床時有過一絲不願離開床鋪，

但想到待會是啊童最後一次跟我上學後，

我又龍精虎猛般跳了下床。

由於時間關係，所以今天沒辦法跟她吃早餐，

只能一起上學。

路沒變，

但總覺路程比以往要短很多，

以前從沒察覺原來家到學校只是一剎那之事。

好像剛走沒多遠，便已來到了校門前。

這天的紅綠燈，全都突然變得很聽話，

每每一走近就已變成綠燈，仿佛不願我們有等待的時間，

催迫著我們要趕快上學，不許留戀此刻。

一瞬間，又已來到校門前，

我跟他揮了揮手便走了進去，

卻又不捨得，差不多到樓梯時忍不住轉了身看了看校門，

只見啊童仍然在遠處看著我。

她擺了擺手，示意我快點上班房，

我對她笑了笑後便繼續自己的步伐上樓梯。

校鐘響起，

第一堂正式開始，

基本上都是老師自我介紹一下，

處理一下班務，換言之，基本上這天是沒有教過書，

自然不會有任何功課，所以這天全天，

我都能把時間留給啊童。

嗯，這也算是件好事。

反正我的心思早已不在課室內，

要是來到此時此刻我仍能專心上課才奇怪吧，

自己女朋友都快要走了，還能乖乖聽老師講廢話。

第二件好事是，由於這天是第二天上課，

所以只是上半日，亦即我們十二點半就能離校。

「鈴」說時遲那時快，在班房中冥想了四個半小時與自己來個深度對談好好面對自己後，終於能離開這個鬼地方。

我跟魚蛋Suki出去走廊會合其餘三人，

然後便去找啊童吃午餐了。

甫踏出校門，

便已遇見早已在外等待的啊童，

Suki衝上前大力擁抱了她一下。

「我地去食野先？」我強行打斷她們二人正在進行的動作問。

「咁你有咩高見吖？」Suki問。

「錦鯉唔知有咩高見，因為錦鯉只係一條魚。」我回應。

「妖，好好笑呀？」換來的是啊童一記重擊。

「咁都打！？講下笑都唔俾...」

「茶記啦，落下面間茶記食啦。」啊童沒再理會我，自己給出了建議。

跪求大家Follow我既IG: MaanYin05

## 255.

於是我們一行人浩浩蕩蕩的來到了茶記，

侍應看了我們一眼後便留下了句「自己搵位。」

然後便離去了。

聽罷我們便走進去自己找位子，

反正本來吃茶餐廳就沒有預期過有服務可言。

怎料我們走遍了整間餐廳，

也找不到一個七人位置，

結果是唯有分開坐。

「係咩驅使你嚟食茶記呢？」在等待食物時我隨口問啊童。

「係驚去到英國搵唔返港式茶餐廳嘅味道，所以臨走前點都要嚟食返次。」話音剛落，食物便已上枱了。

「你指呢種咁快煮好嘅特色呀？」我打趣問。

「食嘢啦。」她強行把一塊多士塞進我的口中。

我舉起我的中指以表達自己的不滿。

在眾多侍應以及廚師監視著的壓力底下，

我們草草別完午餐後便離開了那間茶餐廳。

「呼~而家做咩好呀？」Suki問。

「一係可以上嚟我屋企坐下先？反正我屋企無人，同埋我仲有少少嘢未執完。」啊童提議。

「可以呀，我好似都無上過你屋企。」Suki挽著啊童的手臂說。

到達了啊童家後，一打開門，她家仍然沒有變過，

依然是亂七八糟，不過這次連一點空隙也沒有，

基本上可以說是不能行走的。

「嘩...你確定我地可以入到去？」啊正看著肥強問。

「唉一係你地過嚟我屋企坐低打住機先喇，我屋企真係有位。」我帶他們過隔壁，再為他們打開大門。

「得！我地識做嘅，唔阻住你陪女朋友，你比個位我地坐低就可以功成身退喇，你地搞掂叫我地啦。」他們一窩蜂走進去，然後便轉身關上大門，留下我在出面。

於是我又再次回到啊童的家中，小心翼翼地在雜物堆中開出一條路走進啊童的房間。

其實事到如今，要執拾的東西不多，

所以我們三人很快便執好。

據啊童說，她會先過去英國，

而周叔叔則是後她幾天過去。

拾好後我們在空無一物的房間內坐下聊天，

一聊就是數個小時，把這年來的經歷統統細說一遍，

轉眼之間天色已經暗了下來，亦代表差不多是時候離去了。

「走啦，都差唔多夠鐘去食飯。」啊童從床上下來，然後把噏推出去。

「我幫你攞吖。」我從她手上搶過那個噏。

我們先是過去找兄弟，然後再去吃晚...

唔巧意思因為我地傾耐咗所以食唔切晚餐。

「一係去食個甜品囉，我臨走前想食多次。」啊童提議。

「好呀。」我聳了聳肩說。

結果我們的晚餐竟然變成了吃甜品，

一進甜品鋪文姨也給我們嚇倒了。

但隨即兩眼發光彷彿見到無盡商機，為她空無一人的店舖帶來生氣，以及生意。

最主要原因我相信是因為時間尚早，所以才沒人。

sor9今朝返到學校先記起未出文  
跪求大家Follow我既IG: MaanYin05

## 256.

「唉，你地慢慢，唔阻你地，我地過隔離食。」Suki跟兄弟合共五人坐到遠處的另一張枱，成功為我們製造二人空間。

認真，今天我之所以能坐在啊童對面與她一起吃心太軟，Suki真的是功不可沒，

乃是造就我倆的功臣。

「今日帶埋啲朋友仔嚟食呀？」文姨下單後依舊以她招標笑臉走過來問。

「係呀，今日係臨去英國之前最後一日吖嘛，佢地嚟送我機，咁啱有時間咪嚟食多次甜品先囉。」啊童說。

「吓！？你去英國呀？之前無聽你講過嘅？」文姨滿臉錯愕之情。

「無咩...好似真係無嘢，我自己都唔記得無講添。」啊童伸了伸舌頭說。

「又唔早啲同文姨講，去到呢一刻先嚟講。」

「Sorry呀，真係一時唔記得咗，太多嘢煩。」

「唔緊要啦，呢個心太軟文姨請你食啦，食得開心啲，唔阻你同啊言二人世界嚟。」她放下心太軟便離去了。

「今次食完，下次唔知幾時先有得食喇...所以我要好好珍惜每一啖。」啊童如獲至寶般，逐少逐少地吃。

「唉比埋你食喇，你咁鍾意食。」我把自己的那碟也推給啊童。

「多謝。」她抬起頭笑了笑說，然後便繼續吃她的心太軟，

完全沒有想過要說些客套說話假裝推搪一下，就這樣欣然接受了我的好意。

也罷，看著她吃心太軟也是一種樂趣。

Well如果佢而家唔係我女朋友而我有呢種興趣嘅話，我就係痴漢。

但係當佢係我女朋友嘅話，一齊就會變得十分之Sweet啦啦啦~

啊童很快便吃完了兩個心太軟，而Suki那邊則因為他們是叫糖水所以一早就吃完了。

埋單時，文姨免去了我們這一張枱的單，

之後更與啊童合照了一張相，作為最後的道別。

「呼，得返唔知幾多個鐘喇，都差唔多夠鐘坐車入機場喇。」啊童剛出甜品鋪便伸了個懶腰。

於是我們便由甜品鋪走了一大段路去坐巴士，

可憐我還要在凹凸不平的路上推那重得要死的噏。

不久後，巴士便來到，

找了個位置放好行李後，我們便一窩蜂的上了上層。

幸好這班車沒有太多人乘坐，所以上層還有很多空位，

他們一上到去就打著「為我跟啊童製造二人空間」的名義，自動坐到老遠，

多得他們，我跟啊童有著渡過了最後的時光。

講到我地好似去緊刑場咁笑死。

她將她內心的憂愁一一向我細訴，而我則短暫的心理學家上身開解她。

相信有人會奇怪為何周叔叔沒來，原因是因為啊童知道我們會來送她機，

而且過多幾天後她們就會見面，

所以特意叫他不用來送機。

言談間，我們便已來到了機場。

跪求大家Follow我既IG: MaanYin05

## 257.

「我地應該要Check in咗先？Check in完先再搞其他嘢？」我問。

「都仲有十幾分鐘嘅，不過都好，Check in咗先。」啊童答完便去了櫃檯辦理手續。

哈，就係呢啲咁嘅moment，

又係我展示自己男性力量嘅時候。

我大喝一聲，氣運丹田，手部肌肉使勁，

單手提起行李唸放到運輸帶上。

看著那地勤人員驚訝的表情，想必心裏是羨慕著啊童有幸身邊有個如此好的男朋友，

同時驚嘆著天下間竟有此般男人，懊惱著自己生不逢時遇不上我，

不然看在他英俊的臉孔份上，我也是可以改變自己性取向的。

「先生唔好意思呀，個行李唸有扶手個邊要向上。」正當我還陶醉於自己剛才的行為之中時，那地勤人員一句on9就把我美滿的幻想給打破了。

我抬頭看一看運輸帶上的行李，呀扁頭先懶型單手擺真係擺錯邊。

「哦係嗰，唔好意思一時無為意。」我唯有將那個行李唸反轉。

事已至此，留在櫃台前亦無補於挽救我的形象，

我斜眼看了看身後的兄弟們，鬆了口氣，

好L彩佢地見唔L到呢件柒嘢。

而在我的旁邊的啊童，看到這一幕後也忍俊不禁，笑了出來。

「唔準笑呀。」我伸手按住她的嘴不讓她笑。

「妖，邊個叫你衝出嚟柒啫。」她撥開我的手。

「你慢慢喇，我逃離一下呢度先。」於是我便默默地退回去，不再在那空間逗留。

不出一分鐘，啊童便已處理好所有事情，離開櫃檯走向我們。

「搞掂晒喇，而家距離入去仲有幾個字...」

「喺喇，就到咗交換禮物嘅時段喇。」Suki未待啊童說完便直接打斷了啊童。

「吓咁快...」

「係㗎喇，而家交換差唔多㗎喇，就我先啦。」Suki說罷便從袋中拿出一個盒子。

「噏，俾你嘅，唔準拆開住㗎，入面有封信同禮物，你過到去先好打開呀。」Suki再三叮囑啊童不要拆開那份禮物。

「好喇到下個，就啊言你啦。」Suki隨手一指，指著我說。

「咁心急做乜嘢，我都未俾嘢你。」啊童在袋中拿出一封信來。

「一樣啦，我走咗你先好拆呀。」

究竟點解要走咗先拆得啫，又唔係啲咩唔見得光嘅嘢，真係奇怪。

「好喇今次真係到下個喇。」她看向我。

「呢份嘢就勁喇，我用咗幾日去整㗎。」我自豪地把那個放有精美相簿及手寫信的袋子拿出來交到啊童手中。

「噏，你封信，唔！準！睇！住！㗎！」她刻意加重語氣。

「得啦得啦唔睇唔睇。」我隨便回應著她。

跪求大家Follow我既IG: MaanYin05

## 258.

兄弟同啊童交換呢啲就唔詳細交代啦，反正你只要知道啊童同每一個人都講過同一句說話，就係而家唔準睇住。

都唔明有咩咁神秘，唔俾得人而家睇，

送得就預咗會睇㗎啦。

「搞掂。」啊童把那裝有信的袋子給收好。

「啊童，我想去廁所，陪我去吖。」Suki未待啊童回應便已挽著啊童的手臂行向廁所。

「唉咁我地都去個邊等佢地啦。」我說。

「係呢個咁好嘅時機，仲唔係拆信嘅好機會！？」在廁所門外寂寞到夜深的我突然想起剛交到自己手中的信。

「你唔驚又被阿嫂打咩？臨走都仲要激佢一次。」魚蛋看不過眼說。

「屌你收皮啦，睇下咋嘛。」我無視他的勸阻，直接把信拆開。

To男朋友：

終於寫到你喇！呢封係我今晚最後一封要寫嘅信，

寫埋就可以瞓覺...而家已經四點喇好叻呀...

「喂！」哈，大家都估到發生咩事啦。

「咪講咗唔準睇住囉！」她直接從我手上搶走那封信。

「嘩，唔關我地事㗎呀嫂，我地有勸過佢㗎。」魚蛋立即割席。

「嘩我屌你地啦，咁L仆街嘅。」

「我屌你呀，偷睇封信！」她大力扭著我的耳朵說。

「唔係唔係我乜都睇唔到㗎，啱啱擺出嚟就俾你搶走咗喇。」我立馬澄清。

「係咩？」她一副不相信我的樣子。

「係㗎喇係㗎喇。」我試圖拿走她的手。

「哼，我走先俾返封信你。」她沒收了我的心。

「喂呀唔好啦...」

「唔準再睇㗎。」

「得啦，我想睇都無機會睇啦，你係度，係咪先？」她聽罷想了一想後便把信遞回給我。

「好喇，都差唔多係時候要入去喇我。」啊童看了一看手錶後說。

「吓咁快...」Suki一臉失望地說。

「係呀差唔多㗎喇，行過去啦。」啊童無奈地說。

「過到去記得要寫下信比我呀。」Suki說。

「喂，我又要我又要。」我當然不可以輸給Suki。

「得啦你地唔好爭啦，你兩個都會寫喇。」啊童沒好氣地說。

走過去的路程，眨眼間便結束了，

還未能說多幾句話，我們就已經到了入閘處。

「好喇真係要走喇。」啊童說。

怎料啊童剛說完這一句，便已被Suki一把抱著。

她一語不發的把頭栽在啊童的膊頭上抽泣著，

雙手緊緊地攬著啊童。

啊童見狀只好也抱著她，右手輕輕地拍著她的背部安慰她。

怎料過了一會連原本正在安慰人的啊童也開始紅了眼框，

原本正在安撫的右手此刻已轉用來擦乾淚水。

但眼淚一滴一滴的流出來，任她如何抹，

也徒勞無功，還累得眼睛更加紅腫。

跪求大家Follow我既IG: MaanYin05

## 259.

她們二人哭成淚人失去說話能力，而這邊廂的我們卻尷尬地看著她們相擁而泣，  
分開她們又不是，但讓她們繼續哭也不是辦法。

Well好似我呢啲咁嘅人，嚟到呢個時候，  
竟然難得咁見到Suki同啊童呢兩個成日蝦9我嘅人喊，  
當然係要擺部電話出嚟好好咁紀錄低咁L感人嘅一幕啦。

「哈，Some one cry。」我以幸災樂禍的語氣一邊錄影一邊說。

「扁你一陣又比人打唔關我地事，你真係唔怕死㗎，去到呢個時候都仲有心情錄影加咁講嘢。」  
啊正嘗試請救我脫離兇惡。

「喂，幾難得先見到呢個畫面呀，第時send返比佢地恥笑下佢地都好吖，況且佢地到而家都唔得閒  
嚟我拍唔拍片啦係咪？」我轉頭著啊正說，

手上卻不忘把鏡頭繼續對準兩位少女。

「哈，呢個畫面真係不得了，嗚...好感人呀。」我裝哭說。

就在這時，一直相擁的二人終於分開，  
但眼淚卻未有因分開而停止落下。

啊童低頭雙手用力地掩面，嘗試平復自己情緒，  
過了一會後撥開擋著視線的頭髮，  
然後用手背再次擦走淚水。

那邊廂的Suki終於止住了眼淚，撇嘴看著啊童。

「唉真係好鬼感人，十足一個淒美嘅愛情故事。」我笑著說出這句話。

我看著這個情境，竟比她們的行為所感染了，  
想起啊童要就此離去，原本仍嘻皮笑臉在笑她們二人在哭的我，  
霎時間鼻子一酸... 那情緒轉變之快，乃是我來之前未有所料到過的。

「仆街！眼濕濕添。」我臉上依然在笑著，但眼框已經感受到有點甚麼的在裏面打轉。

此刻我無暇顧及她們二人，也不知是出於甚麼原因，

我當時不想讓其他人看到我哭的那一面。

於是我趁自己還能控制自己面部表情仍能強顏歡笑時，

把臉別過去，再步離他們。

而我的兄弟看到這樣的我也沒多加制止，

只由得我步遠。

我抬頭仰望天空，試著不讓淚水流下來。

「言！」我的手腕突然被人拉著。

「做咩呀？」我轉頭看著她。

「講好咗有咩都好，都要一齊分擔㗎嘛，想喊就喊啦。」聽到這裏，我再也控制不住，在她面前淚崩，用手掩眼低頭抽泣著。

她輕輕拍著我的背部，但此舉卻觸動了我的淚線，

我乾脆在她面前大哭一場。所幸過了數十秒，

我就已經止住眼淚。

所謂大哭，

就是一次過把要哭的在短時間內都哭個夠，然後便停住了。

「估唔到咁都會喊到...枉我頭先仲諗住搞到個氣氛輕輕鬆鬆然後瀟瀟灑灑咁送走你...點知去到最後都係喊咗...」我苦笑著說。

跪求大家Follow我既IG: MaanYin05

「傻仔嚟㗎，想喊就喊啦，駛乜死頂啫。」她舉高手強行摸了摸我的頭。

「我都知...但係我就係無諗過會喊咩。」

說到底其實我哭的直接原因並不是因為啊童要離去，  
乃是因為看見她們二人如此相擁而哭導致我過於感動，  
再加上想起與啊童這一別，不知何時才能再相見，  
所以才會一時忍不住，鼻子一酸，  
而且啊童還要走過來向我說了些安慰說話，  
卻反而令到我更想哭，結果便哭了出來。

「好喇，我真係要走喇。」啊童看著那個閘口說。

「臨走前一齊影返幅相先啦，我見啲人好鍾意係呢啲位一齊影相。」Suki說。

於是我們便隨便找了個路人替我們拍了張照片。

「Bye Bye喇Suki...」啊童再次抱著她說。

這回Suki合上雙眼緊緊地攬了她一下便鬆開了手。

「Bye Bye...」啊童轉過來張開雙臂對著我說。

「Bye Bye」我用力抱了她一下。

那一刻，世界為我們而停頓，萬物就像靜止了般，  
在我眼中...就只剩下啊童，身上淡淡的花香味傳進我的鼻中...

on9呢幾句嘢好L MK。

直至觸碰到她身體的那一刻，

我才驚覺到，原來啊童真的要離開了。

她要離開這件事，從沒有來得如此近過。

如今，這一刻真的來臨了。

那瞬間，唏噓與不捨之情湧上心頭，

想不到就此就要別過。

想到這裏，我更是用力地抱了她一下，

才慢慢放手。

「入去啦，再唔入去就趕唔切㗎喇。」我說。

「嗯...」啊童怔怔地看著我，不願離去。

「唔好再望啦，再望我又喊㗎喇，攞多下啦，攞多下就入去喇。」說罷我又抱了她一下。

「Bye bye...」她扁著嘴說。

「快啲返嚟呀知唔知。」

她笑著點了點頭，然後便轉身入閘了。

我們幾人看著她的背影，直到她步到離境大堂的入口前，

她不捨的回頭看了看我們，揮了揮手，

然後便走進去了。

「真係...走咗喇。」Suki緩緩地說。

心入面，總覺得好像少了甚麼似的。

「好似好唔真實咁呀可，明明...好似上一分鐘佢仲係我地隔離...」我看著離境大堂的入口，心中盼望著能夠從中再次看到啊童的身影。

「走啦，你兩個係到都唔會睇到啲咩㗎喇，咪盞自己唔開心，行啦。」魚蛋說。

我看向Suki，她點了點頭，於是我們便離開了。

我們由機場坐車回到學校附近，大概是因為我跟Suki不想那麼快就回家，

所以才把他們也拉進來去吃宵夜。

車程很長，但卻沒人說話。

平時最多說話的我跟Suki二人此刻皆只想靜靜地坐完這一程車。

跪求大家Follow我既IG: MaanYin05

## 261.

轉眼間便已回到去，由於剛才我們礙於時間關係，

沒有進食晚餐，所以現在肚已餓。

「搵啲嘢食咗先返去啦。」肥強說。

「食咩呀咁。」Marcus看向我們問。

「我無所謂呀。」我苦笑著說，反正來到這刻我做甚麼事也提不起勁來。

「而家咁夜，都無乜邊個餐廳仲有開嚟啦，簡簡單單M記咪算囉。」啊正說。

於是我們便坐進了M記，兄弟們主動說要為我們叫食物，

既然他們有如此好意，那自然是要接受的呀。

「喂，見悶悶地，不如我地嚟拆下信吖。」他們走後我跟Suki說。

「哦，你死喇你，又唔聽啊童講，比佢知道實鬧死你。」

「驚乜啫，佢又唔係度。」

「我而家就同佢講！」

「點講呀？佢頭先咪講咗自己上咗機囉。」我說。

「係啲...一時唔記得添...屌。」Suki失落地說。

看到她這樣的表情，我也不好意思再與她對話，

於是便自行把那封未讀完的信拿出來。

信嘅內容？

Sor9ry呢個係私隱唔講得，

總之就係講上佢對我嘅感受呀，

類似嘅嘢咁。

看完那足足有四頁的信後，我心中不知如何反應，一時之間淚水又再次想流出來。

心中百感交集，感動傷心不捨後悔開心種種心情在閱畢後同時間在我心裏浮現出來。

我合上眼深吸一口氣，無奈我一閉上眼便彷彿看到啊童的笑容似的。

「野食到。」恰好在這時，兄弟們便已捧著餐盤回到我面前。

「唔該。」我呆了一呆後才懂吐出二字。

我緩緩地拿起漢堡包，拆開它的包裝紙，然後咬了一口。

口中雖然在咀嚼，但心神卻不在其中。

我怔怔地看著餐盤發呆，越想越不開心。

「喂，我都知你無咗個女朋友好唔開心，但都要食嘢㗎，咪L望啦，食啦，夜啦仆街，嚟嚟臨食完返去休息下好過啦。」想不到竟是由Suki口中說出這番話。

「嗯...好。」老實說，如果不是因為看了那封信，我根本就不會這樣。

信中講述的種種，皆是我們二人之間的回憶，

偶爾加插些啊童的心底話，有笑有淚。

唉，看著那封信，簡直是把我的回憶強行拉上來。

我一語不發的，兩三口吃完那個包。

「肥強，你幫我食埋佢咩，我飽喇。」我把薯條遞給肥強，反正我現在根本沒有心情吃東西。

那餐飯，大概是我人生中吃過最差的一頓飯。

感受不到任何味道...不，應該說是充滿苦味。

吃完也不知自己吃了甚麼。

與同桌的交流為零，因為他們見我這樣，

也不敢打擾我。偶爾交頭接耳一兩句便結束話題。

Suki比我好一些，至少她不像我一樣，

有與其餘人說話。相信只要她回到家看完那封信就不會是這樣的了。



# 最終章

「星期一見。」到達車站後，他們便跟我道別，而我亦再次踏上歸家之路。

我向他們揮了揮手，便轉身離去。

本來我其實是可以跟他們一起坐車的...只是，我想有些獨處的空間。

大概，在夜深時靜步回家，才能令我好好與自己對談，面對自己的內心。

我戴上耳機，播放出Rubberband的歌，Ciao。

沿路上一直重覆又重覆的播放，細聽著每一句歌詞，彷彿是叫人學懂離別，學懂接受。

這一條路，我早已走上了千百遍。

有好一段時間，這條路上多了位女生，陪伴著我同行。

如今，我又剩下自己一人。

是那天註定的緣份，讓我在茫茫人海中遇見妳。

但為何又要如此殘忍，把我們給分開。

每一條橫街小巷，都有著我們的腳印，每走一步，也都會令我想起她。

想起那些回憶，明明是那麼美好那麼愉快，但內心卻只有苦的份兒。

曾經過得有多歡喜，如今就是加倍的傷心。

昨天的眼前人，眨眼間就已消失，身旁的位置變得空蕩蕩，手亦無處安放。

心就像缺了一塊似的，有種莫名的空虛感。

**願你去到新天地  
在那邊休息 閒來看齣戲  
大概你再走遍萬里  
信每站 風光旖旎**

**別要記掛家中丹桂  
代你去澆水 再翻泥  
任季節再更迭換替  
迎著未來刷洗**

**尚未回家一天 不枯萎  
再見偏說到紅眼**

被時代拆散 才道別那樣難  
這刻我們在一起 笑喊悲喜

巨浪翻起 亦是在一起  
聽朝散聚誰先飛 未及嘆氣  
這晚的 懇請放入行李  
可過渡這別離  
待那 聚首終到期

直到你我不給分隔  
在剎那相擁 髮早白  
上次那未完堂課  
餘下半段副歌  
後續年輕的詩 可不可

再見不要計時間  
活著去抵抗 世界荒誕

這刻我們在一起 笑喊悲喜  
巨浪翻起 亦是在一起  
聽朝散聚誰先飛 未及嘆氣  
細緻收起 曾同行一起的美  
懇請每天 好好地過安定還是冒險

好好掛牽 來日後見

說了再見 約定再見  
說了再見 約定再見

說了再見 約定再見

「就會再見。」我收起耳機，推門進屋。

回憶至此，我笑了一笑，心中帶著股期待與興奮感。

我把那個箱子放進行李箱中，然後合上它。

「媽，行得喇。」我拖著行李箱走出客廳對她說。

轉眼間，便已來到機場。

「你條友，咁樣拋棄你班兄弟過去英國！？」前來送行的啊正說。

「抵打！Con9佢！」魚蛋說。

「屌你地咪癲啦，機場嚟㗎大佬。」一想起中學經歷，我仍然心有餘悸。

「你呀，過到去同我好好咁睇住啊童呀，唔準蝦佢㗎！」長大了不少的Suki說。

「得啦得啦，唔講咁多喇，夠鐘入去喇我，得閒飲茶，bye bye。」我對著他們揮手說再見。

「呀仔，過度去記得同我講呀，同埋要覆我Message呀，小心啲呀知唔知。」老媽說。

「得啦得啦，Bye bye。」我輕輕攬了她一下便放手，然後轉身進去離境大堂。

哈！！！！啊童我嚟啦啦！！！！

出境呀上機呀落機呀入境呀呢啲就收收皮先，唔關事嘅嘢唔講。

真係諗起都興奮，我可以見到啊童喇！！！！

雖則話中間佢有返過嚟，呢啲都係遲啲先講。

終於出到了接機大堂，我一邊向前行一邊四處張望，

很快便看見了那少女的身影。

我們四目相投，幾乎在同一時間看到了對方。

此時我已經差不多來到了欄杆的盡頭，她向我跑過來，然後一躍而起跳上來抱著我。

「喂小姐...講過幾多次唔好咁突然跳上嚟，好彩我反應快啫...」扁那星我都估唔到見到面嘅第一句係呢句。

「嘻...咁我掛住你吖嘛。」她看著我甜笑著說。

「我都掛住你...咁都唔洗咁突然跳上嚟㗎嘛。」我沒好氣地說。「妖，人地個啲不知幾浪漫，你一嚟就鬧我！」她扁著嘴說。

「你想要浪漫呀？」

「係呀！」她狠狠地說出二字。

「咁好啦，同你講啲嘢，包浪漫，留心啲聽啲。」

我說完後，便把頭伸前靠近她，看著她的眼睛說。

「周樂童，我愛你。」

全故完。

無人想睇嘅後記考完UT就會出  
多謝大家一直以嚟對我個故不離不棄嘅支持  
跪求大家Follow我既IG: MaanYin05

# 好L長的後記

話說我今日終於考完試，好耐無打過嘢，今晚終於可以打下。

預咗呢篇嘢唔會有鋪排，因為我從來都唔鍾意計劃，鍾意寫咩就寫咩，內容結構WFC。

終於完故，估唔到我都有今日。

唔知點解，個人好似好空虛咁，明明之前好期待呢一日嘅到臨，但嚟到呢一日之後，又好似有啲失落，一個奮鬥咗大半年嘅目標，終於完成咗，係感動嘅！

由第一日寫故開始，我就期待緊自己可以有機會可以咁樣寫後記，而家總算係願望成真。

寫到個後記出嚟，啫係代表我竟然可以抵受住External and internal pressure(啱啱考完History唔好意思)，成功寫到一個完整嘅故仔。

係呢到，我想係螢幕前嘅大家比啲掌聲自己，I mean我自己ok？

無我無呢個故，所以榮譽歸自己，好耶！

好喇9up完喇，點都要講下啲正經嘢嘅。

寫故係我嘅夢想，當初寫故嘅原因係因為生活太苦悶，想逃避下現實，同埋紙言好睇嘅故太少，所以想寫個啱自己口味嘅故。

嗱我係無講過自己個故好睇㗎，唔好誤會，只係話個故啱我口味咋。

結果，當初個個on99係google drive開咗個google doc嘅傻仔，本住唔試過點知得唔得嘅心態，同埋多次衝破想放棄嘅心理關口，如今竟然夢想成真，又真係比我完到故。

個成績就不過不失啦，我個人嚟講覺得自己一開始無人識，可以出嘅第二日就已經上到頭十，仲要個時仍然係紙言鼎盛時期，都算係唔差啦。如果我無記錯嘅話我好似寫咗大半年，無試過跌出過頭十。

哈用嚟打下飛機都幾好。

無錯呢段係我自high下自豪下自己有幾勁。

有時真係好掛住個段時期，好掛住個時仲有好多對手嘅時候，好掛住仲係好多人用紙言嘅個段時間。

我唔知大家有無發現到紙言少咗好多人，我以一個作者嘅身份嚟同大家講，其實真係少咗好多好多，以前過二千Click rate，講緊排名可能都只係第六第五，而家每日六日到，仆你個街上到第三係咩玩法。無競爭唔會有進步，以前成日好想過葉開巴個大姐姐故，可惜比人ban9埋，自個日開始我就好似無乜再點理過個排名了。

反正成個頭十大部份都係用bot刷，仲有咩好玩，乜柒挑戰性都無撚晒啦屌你老母。

講完咗添...屌。

講返個故啦，呢個故寫得唔好就眾所9知㗎啦，出晒名㗎啦。

如果唔想睇呢段你可以skip，不過唔建議，始終成個後記都係廢話，你唔睇呢段下一段都係廢話嚟，咁你不如唔好睇。

拖！係呢個故，同埋我個人嘅最大嘅特點，我示範咗點樣分別用萬四字去寫男女主九月一開學日所發生嘅事同兩日一夜嘅長州之旅，你話犀利唔犀利？

而好明顯，成個故都係維持住係一個咁慢嘅節奏到。

第二個問題係，啊童個性格前後不一。

我唔知你地有無留意到，啊童個性格，係個故嘅初期同係後期其實都有幾大分別下，或者呢個就係無計劃無諗過就寫嘅後果。

第三，就係其實四個兄弟入面，佢地嘅性格並唔突出，我唔寫句嘢係邊個講，你地都未必分得出，所以我唔明自己寫咁多個兄弟係Jm9。

唯一Suki同啊言係我覺得寫得最好嘅角色。

Suki唔駛多講，要知嘅自然會知，係我一個好好好好好好好好好好好好好好好好好好嘅女仔朋友。

啊言就由頭到尾都係一個長唔大有啲咸濕嘅on9仔。

Well我想澄清返，萬浩言不代表我，識我個啲同唔識我個啲都成日問我我係咪當自己係萬浩言，我想同你地講，收皮啦屌你，故嚟㗎咋，睇下唔好當真呀知唔知。

去到最後一個問題，鋪排。

正如之前所講，因為我係一個唔鍾意計劃嘅人，同埋我唔係寫定先，所以其實成個故無乜啲咩伏筆。

有鑑於上面種種嘅問題，所以嚟緊我係會大改個故，不過會另開新一個位置放改完個version，呢個垃圾ver都仲會繼續留係度。

講完個故，講下得著。

我地嚟由淺入深。

我開始寫嘅時候係一個中四學生，而家轉眼間已經嚟到中五，一齊都係十分之快。

咁即係代表住啲咩呢，就係我好撚快就要考DSE喇屌那星。

而呢個故除咗霸撻晒我啲休息時間之外，其中一個最大嘅得著係，文筆同寫嘢能力提升咗。

前者我都明，後者真係唔明，好似收到份題目就自動波知要點寫。

由四月開始，好似份份作文都係擺佳作。

寫故之前，作文廢到仆街，次次都徘徊係不合格邊緣，而家就keep住進步準備上七成啦哈哈哈。

所以，想作文好嘅你，仲等啲咩，即刻寫返一年半載，包你作文進步。

第二呢，就係你打字會快到仆街，由完全唔識打字去到最癲做到一分鐘打八十五隻字。

痴線唔痴線先？

好喇，咁除咗呢啲咁正經嘅之外呢，呢個故帶咗好多讀者俾我，突然之間好多人會走嚟搵我吹水，IG搵我又好，Line個個將隻貓殺兩次嘅作者又好，連登每日都勸我捉緊機會莫後悔嘅都好，甚至有啲會走嚟搵我打機，或者去睇DJ concert之前係紅磡站教我做數(雖然去到最後都係計唔掂)，再離譜啲係DM問我點樣溝女，師兄你問錯人了，你估識寫就識溝咩，自己都未搞得掂，你竟然走嚟問我！？係有勇氣嘅，不過跟我個方法就應該兇多吉少咁解。

仲有好多好多數之不盡嘅讀者，好多謝你地。

係你地令到我有動力繼續寫故，講真以前有諗過如果出咗無人睇嘅話會直接棄故。

我認我係個無道德操守嘅作者。

笑死。

總之就好多謝你地啦，同你地傾計我好開心，聽到你地每一句加油，一句好鍾意睇你個故就足以令我開心成日，(以前係，而家需求大咗，而家得一句嘅話剩係可以開心半日，所以想同我講加油唔該講兩次thank you very much I love you.)

呢個故帶咗好多嘢比我，同時間好似又係我身邊擺走咗啲嘢咁，都唔知開呢個故孰好孰壞。

再講落去就變心事台，所以唔再講落去喇。

係度同大家講一句，有啲嘢想做就去做，唔好因為驚而唔做，唔好因為覺得麻煩而唔做，寫故如是，做人亦如是，過咗就係過咗，想試下寫故個啲好試喇，到你大咗就無本錢搞啲咁嘅嘢喇。

青春一去不返，珍惜身邊人事物。

讀緊書個啲，好好珍惜你嘅校園時光，有咩可以參加多啲參加，有咩玩就玩盡佢，返學唔係得上堂，唔好自己摺埋一二邊做毒撻，最好每個小息都搵個人返班房con下佢。

好喇去到最後，我想講樣嘢。

話說我就有少少想出書，我想知如果我出書大約有幾多人會買，做個統計，睇下會蝕幾多。

呢個故會繼續出番外，嚟緊我改好呢個故之後就會開新故。

題外話如果你對個故有咩意見歡迎走嚟同我講，錯字又好內容結構鋪排乜柒都好，都可以DM我同我講。多謝睇到呢到嘅你！

有緣再聚得閒飲茶(你想嘅話我真係ok，不過要出返嚟港島/九龍區，我好鍾意飲茶。)

多謝！

是咁的，我同女神做咗鄰居。

後記完！

短期內最後一次跪求大家Follow我既IG: MaanYin05

## 情人節前夕之番外篇

情人節前夕心血來潮寫個番外篇。

「仆...街...了！」我看著日歷，心中不知如何是好，原因無他，距離二月十四只剩下個半小時，而我還未有空去買禮物，喔我說錯了，我是連買甚麼禮物也未想好，最近實在是太忙。

「點算好點算好點算好，聽日送唔到禮物比啊童佢打死我都似，呀呀呀點算好呀。」我在房間中不斷來回，腦海中努力思考著。

「Hey men, how can I help you?」這時我的大學同房Sean看見我如此煩惱，便主動提出要幫助我。

「I Diu nei lo mo la, you don' t have girlfriend ar, you don' t understand how 辛苦 when you are 拍緊拖。」Oh sorry我唔記得講，佢係個單身狗。

「I just dated a girl yesterday！」他向我表達自己的不滿。

「唉yes yes yes you are a soldier ar, good good.」我隨便回應他。

說了那麼多廢話，問題終究仍未解決，這幾年來，我能送的已經全送了，唉，這年頭，談個戀愛也這麼困難。

難道我可以扭轉宿命唔送嘢一次？(我唔返教會的謝謝關心)

大概，不送禮物的話我真的會比人殺死，所以我別無選擇。

Hea到仆街嘅番外篇，主要係我想瞓覺！寫住咁多先，聽日再打埋落去，多謝！

跪求大家Follow我既IG: MaanYin05

## 我迷失在. \* 這場...x°情人節送禮遊戲

這時，我腦海中想起一句說話，解決了我的煩惱。

所以不要為明天憂慮，因為明天自有明天的憂慮，一天的難處一天當就夠了-----馬太福音 6:34

於是我便去了睡覺。感謝神在此時此景解我煩惱。

到了第二朝，我便知道自己距離受死又近了一大步，但現在還有時間，只要我在中午十二時前及時找到禮物，那我便能在這場殺戮遊戲中生存下來。

可惜的是，直到我踏出門口那一刻，我仍然想不到可以送甚麼作為情人節禮物。

「靚仔靚仔，請問你係咪諗唔到送咩俾女朋友呢。」才剛出門，我便在路上被一位妙齡少女攔截住。

「errrr係主觀上嚟睇你唔可以話無。」

「咁客觀上呢？」

「無。」

「咁就啱喇先生，你俾五十蚊我，我俾樣包你女朋友鍾意嘅禮物你。」

「嘩你食水咁深嘅，好啦好啦五十蚊就五十蚊啦。」無辦法，錢太多就是這樣，你明知道會被人欺騙但仍甘心給她錢。

「登登登竟！玫瑰花一支，多謝先生選用我嘅服務，歡迎下次再幫襯。」她說完後便轉身跑走。

唉，現在騙徒的手法真是層出不窮。

「屌呀，得支花有撚用咩。」於是我便拿著那一支花，緩緩步向火車站，亦即是我與啊童約好見面的地方。

踏入火車站，我在熙來攘往的人群之中試圖尋找啊童的身影，不消片刻，我便在云云人海之中看見了她。只見她穿上了一件卡其色大衣，內裏配上一條長裙，對比起當天首次見她時，多添了幾分女人味。

「呢位小姐，唔知點解我覺得你同呢朵花好似。」我在她面前揚起了剛才所買的玫瑰。

「請問呢位先生你何以見得呢？」她假裝正經配合著我問。

「唔...」於是我又把花放在她臉旁，認真打量著兩者。

「你同朵花，一樣咁靚。」在將兩者比對一番後，我說出了這個結論。

「算你啦~」她甜笑著一把抱著我。

「同埋...充滿尖刺。」我在她耳邊輕聲說道。

「死啦你。」她聞言立即狠狠打了我背部一下，就說嘛，她除了漂亮外還帶有尖刺。

「行啦，去拍拖拖luuuuu。」為防我被繼續攻擊，我強行抓住她的手拉她前行。

情人節，怎可以沒行程，所以我特意安排了絕佳的節目----行街食飯睇戲！幸好幸好，她對是日行程十分滿意，皆因有一名帥男相伴，正是在下。

「咦，你係咪有啲嘢未擺出嚟俾我呀？」要來的始終要來，而我在此希望廣大男性記住一個不爭的事實，啲女人呢好撻古惑㗎，佢地會係女廁到傾點殺男人，所以大家切勿掉以輕心，仲有就係佢地會扮到若無其事咁俾個陷阱你踩，啫係好似而家咁。

「咩呀？」而裝傻就是其中一種很好用的保命手段。

「你話呢？」不知大家有沒有見過一個號稱死亡微笑的emoji呢？現在我正前方就有一個活生生的死亡微笑emoji了。

「哦，知啦，點會唔知啫，頭先諗住搞下氣氛啫，咁呀，唔知你有無聽過薛丁格的貓呢？係無觀察者嘅情況下，佢既係生又係死，但係一有觀察者出現，頭先所講嘅狀態就唔存在喇。咁啱今次我送俾你份禮物都一樣㗎，一有觀察者嘅出現，佢就會塌縮，咁就唔再係我原本想送俾你個份禮物喇，所以其實係有禮物嘅，只不過我地唔可以睇咁解。」

「啫係無啦。」她殺意頓起，一個閃身來到我背面使出一招箍頸。

「乜我對你嘅愛可以用禮物去衡量㗎咩？唔得咁㗎嘛。」來到此刻，我忍不住對她真情流露，不然，我就要死了。

「其實我都好同意你嘅講法，所以，我都無準備到禮物俾你！」她笑著放開手。

「豈有此理咁過份嘅事你都做得出，唔準走呀你。」說罷我便張開手打算抱住她。

「嘩呀，咸濕佬白卡仔呀，走呀！」她咯咯笑著跑開，而我則活像一個痴漢般從後追著她。

但其實，內心的我，舒了大大的一口氣，嚇撻死me了。

番外篇完。

好耐無寫咁多字了，所以請原諒如此垃圾嘅故事內容。

很久不見，我都唔知我發生過咩事，不過人生嚟講，就小別勝新婚，隔咗一年先出下集是咪估我唔到呢。

不過，故事同正義一樣，可能會遲到，但永遠唔會缺席，希望仲有人記得我，yeah！

關於新故就，官方答案，寫緊寫緊，不過我已經寫咗年半咁解，有緣就會見到我出，well其實我同時  
間寫緊三定四定五個故事，所以就，慢慢等下。

DSE來了，希望2023

DSEr們唔好考咁高分，如果唔係會顯得我好廢，大家祝我直入A1就好，多謝大家！

IG你地都知㗎啦唔打出嚟了。